



6

8-8

24



M

111 E 77

Handwritten signature

17-8 g 34





ARS DICENDI.



ARS DICENDI

PRISCORUM POTISSIMUM PRAECEPTIS

ET EXEMPLIS

ILLUSTRATA

▲

JOSEPHO KLEUTGEN,

SOC. JESU.



EDITIO ALTERA, EMENDATA ET AUCTA

~~~~~  
IN USUM SCHOLARUM  
~~~~~



SYLVAE-DUCIS,

APUD VERHOEVEN FRATRES.

1855.

D. PROSPER POMERAI

IMPRIMATUR.

Fr. Dom. Battaoni, Ord. Praed. S. P. Ap. Mag.

IMPRIMATUR.

J. Canali, Patriarcha Constantinop.
Vicesg.

PRAEFATIO.



Quae nostra aetate de doctrina dicendi opera in lucem prodierunt, tribus maxime rebus ab iis, quae proxime elapsis saeculis communi in usu erant, differre existimo. Primum enim quae olim de elementis rhetoricae, de ipsa rhetorica et de poëtica arte separatim et a diversis fere auctoribus tradi consueverant; ea hodie cuncta uno de arte dicendi opere complectuntur. Hujus autem operis cum partem primam omni dicendi facultati communem, alteram solutae, tertiam poëticae orationi propriam fecissent; eo quoque a veterum consuetudine deflexerunt, quod in parte altera non de paucis et obviis scriptiōibus, ut epistola, ut narratione, sed de historia quoque multisque aliis gravissimis operibus exponerent; inter haec autem oratoriae facultati non plus operae et studii, quam reliquis tribuerent. Tertium discrimen in rerum, quae docentur, tractatione notatur. Veteres enim, quae in ratione dicendi animadversa erant, accommodata ad usum plano et simplici sermone explicabant; hodierni scriptores haec praecepta ex philosophica doctrina, quam aestheticam appellamus, repetenda putaverunt. Itaque in parte illa, quam communem dixi, principia ponunt, ex quibus in sequentibus praeceptiones singulas docte et subtiliter derivare student, de divisione quoque et definitione haud raro enucleate et erudite disputantes.

Ac mihi quidem ad usum, quem edendis hisce libris spectamus, animum advertenti, ut aliqua, quae

nostri aevi scriptoribus placuere, utiliter assumi, ita nonnulla ab hoc instituto aliena esse videbantur. Quod enim ex re ipsa natum esse intelligo, ut scilicet omnia dicendi praecepta opere uno comprehenderentur; id etiam ad breviorē planioremque tractationem conferre aliquantum posse fateor. Enimvero ut de ea, quae proprie eloquentia dicitur, nec accuratius nec fusius quam de reliquis solutae orationis operibus praeciperetur, id neque mori alicujus aetatis, nec illi, quam in deliciis habent, logicae divisionis aequabilitati concedendum putavi. Praeterquam enim, quod eloquentiae sacrae et profanae usus et per se ipse gravissimus et discentium plerisque frequens futurus est; ea est hujus facultatis vis atque ratio, ut qualibet alia magis adolescentium ingenia ad omnem humanitatem informet. Neque igitur eam in parte aliqua communi inclusi; sed posteaquam de nonnullis solutae orationis generibus in parte secunda disserueram, tertiam adjunxi, in qua rhetoricae praecepta more consueto executus sum. In illa autem secunda parte, etsi praeter epistolam, narrationem et descriptionem, vitas quoque, historiam et dialogos brevissime tractavi; multitudinem tamen operum, de quibus plerique nostra aetate praecipunt, persequendam esse non sum ratus. Sic enim mihi cum Tullio (1), cui consentit Fabius, recte statuere videor: cum tradita sunt cujusque artis difficillima, reliqua, quia aut facilia aut similia sint, tradi non necesse esse; ut in pictura, qui hominis speciem pingere perdidicerit, posse eum cujusvis vel formae vel aetatis, etiamsi non didicerit, pingere; neque esse periculum, qui leonem aut taurum pingat egregie, ne idem in multis aliis quadrupedibus facere non possit. Neque enim est omnino ars ulla, in qua omnia, quae illa arte effici possunt, a doctore tradantur: sed qui primarum et certarum rerum genera ipsa

(1) De or. 2, 10.

didicerint, reliqua non incommode persequuntur. Et certe cum cujusque artis opera paene infinita sint, qui singulas species exequi conati sunt, duo subierunt incommoda, ut et nimium dicerent, nec tamen totum (1).

Ab illa denique docendi ratione, quae artis praecepta ad philosophiam revocat, plane mihi refugendum esse censui: quippe quae et adolescentium ingenia, tenera adhuc et nulla altiori disciplina imbuta, nedum excolendo perficiat, sed etiam depravel atque obtundat, eamque ipsam animi culturam, quam hac institutione quaerimus, sincerum pulchritudinis iudicium et politioris humanitatis sensum, mirum quantum impediatur. Itaque hujus operis parte prima non philosophiae principia, ex quibus deducantur regulae artis, sed praecepta cuiusvis dicendi generi communia complexus sum. Neque omnino quidquam diligentius quaerendum mihi esse statui, quam ut omnia, quae traderem, ad tironum usum et intelligentiam accommodarem. Qua tamen cura prohiberi me nolui, quominus aliqua captu facilia nec scitu inutilia ex laudata aestheticae doctriua paucis intexerem, aut de nonnulla, quae hodie agitur, subtiliori quaestione, quid sentirem, in notis vel scholiis breviter explicarem.

Illud vero haud scio an multis immerito fecisse videar, ut parte generali vix alia, quam elocutionis praecepta comprehenderem. Loci saltem illi, qui inventionem spectant, ad communem doctrinam referendi fuisse videantur. Quamquam nec illud me fugit, esse, qui totam hanc locorum doctrinam abjiciendam aut certe ex integro mutandam censeant. Quoniam enim homo, quaecunque sciat, ea vel vitae usu vel historiae monumentis vel cogitandi vi cognoverit necesse est; ad haec vel similia genera invenienti praecepta revocari volunt. Verumtamen non id

(1) Quint. 5, 10.

huic disciplinae propositum est, ut in naturam et originem omnis cognitionis subtilius inquirat; sed ut indicet et explanet ea rerum capita, quorum consideratione argumenta, ad id, quod volumus, probandum idonea facilius reperiamus. Ut igitur ad hunc usum loci, quos plerique omnes cum Cicerone ex Aristotele depromserunt, mea quidem opinione sunt aptissimi; sic tamen eum ipsum usum in ulla alia nisi in oratoria arte habere vix possunt. Etsi enim, quae historici et ipsi poëtae dicunt, ad hosce locos aliquo modo referri sine dubio queant; nemo tamen vel historiam vel epistolam vel carmen scripturus, ex locis illis ea, quae dicturus est, quaerenda sibi putaverit. Qua de causa ut appellantur, ita et vere sunt loci oratorii.

Nec vero inveniendi tantum doctrinam, sed reliquas etiam partes paene omnes operam dedi, ut ex veterum scriptorum sententia et, quoad ejus fieri posset, verbis quoque exponerem. Neque enim non possum consentire iis, qui priscos haud minus rectissimis praeceptis, quam pulcherrimis exemplis optimos dicendi magistros extitisse censeant. Et cum alia nec pauca nec levia argumenta in promptu sint, quibus has institutiones latine tradendas defendamus; qui eum, quem dixi, veterum usum probaverint, ii certe aliam a me rationem non requirent, cur hac quoque in re majorum nostrorum exempla, quam aetatis hujus consuetudinem sequi maluerim. Neque enim fore quemquam existimo, qui consentiat, adolescentibus ea, quae veterum ipsorum verbis enuntiata intelligant, vernacula lingua interpretata proponi.

Ut denique et magistris explicatio et discipulis intelligentia facilior redderetur, omnia, quae dicenda putabam, ita distinxi, ut gravioris momenti praecepta majusculis litteris excudenda curarem; in subjectis autem notis vel praecepti rationem redderem vel singulas ejus partes breviter explicarem, vel denique aliquid ad accuratorem doctrinam non

inutile adjicerem. Non defuere praeterea, qui has institutiones, ut multi alii et ipse Tullius filio praecipiens fecere, per quaestiones et responsa absolvendas putarent: propterea quod hac ratione docendi et quid in quovis praecepto maxime quaeratur, facillime monstretur, et discipuli in recolendis iis, quae didicerint, non parum adjuventur. Verum cum aliis et diffusior haec tractatio et ipse mos paene puerilis et obsoletus videretur; utrisque satisfacere conatus sum, paucissimis verbis ad marginem ponendis, ex quibus nedum magistri, sed ipsi quoque discipuli aptas sibi quaestiunculas facere possent.

Quibus ita servatis fore sperabam, ut institutiones hae neque a praesentis temporis more et instituto abhorrerent, et Societatis nostrae rationi studiorum plane conformes essent. Haec enim imprimis doctrinam omnem cujusque scholae usui et gradui accommodari jubet, praecepta vero dicendi ut latine, atque e. c. veterum potissimum scriptis tradantur, magnopere commendat; totius denique disciplinae partes eodem fere ordine, quo hic digestae sunt, in scholis explanari praescribit. Prima enim et altera parte continentur, quae humanitatis scholae adsignata sunt, tertia, quae rhetorices; quarta autem utrique scholae communis est: priori enim anno de poëmatibus brevioribus (l. II. c. 1–8.), posteriori de poësi universe (l. I.) necnon de epopoeia, tragoedia et comoedia (l. II. c. 9–11.) agendum erit.

Superest, ut notas compendiarías, quibus usus sum, explicem:

Ad Her. — Auctor ad Herennium.

Ar. — Aristotelis — Rhetorica, si in parte I, II III. Poëtica, si in parte IV. citatur.

A. p. — Ars poëtica Horatii.

Bl. — Blair praelectiones de eloquentia.

Juv. — Juventii Candidatus Rhetoricae.

Liv. — T. Livii Historiae.

Ob. — Ovidius.

Qt. — Quintiliani Institutiones oratoriae.

Sen. — Seneca.

Ciceronis et *Virgilii* opera sine nomine auctorum citantur, ut
De or. — Ciceronis libri de oratore, *Br.* — Brutus, *Or.* — Orator,
Part. — Partitiones oratoriae, *Top.* — Topica, *De inv.* — De inven-
 tione etc.; *Ecl.* — Virgilii Eclogae, *Georg.* — Georgica, *Aen.* Aeneis.

Si ex aliquo Ciceronis vel Quintiliani loco eadem in quaestione
 multa depromta sunt, locus ille initio tantum quaestionis indica-
 tur, ad singula vero, quae ex eo assumta sunt, nomen auctoris
Cic. Qt. apponitur.

Horatii odae eo numero notatae sunt, qui in editionibus ab
 obscoenitate purgatis legitur; quippe non aliae in manibus dis-
 cipulorum versari debent.



ARTIS DICENDI ELEMENTA.



I.

Definitio et divisio.

1. **A**rs est facultas faciendi aliquid ex regulis certis Quid sit
ars.
atque perspectis.

Dicitur 1. *facultas faciendi* — quia non sola cognitione continetur, sed quandam agendi potestatem requirit: 2. *ex regulis certis* — nempe ex rationibus, quas multa observatio ad id, quod quaeritur, certe consequendum aptas notavit; 3. *atque perspectis* — quia facultatem illam non caeco quodam naturae ductu vel acquirimus vel exercemus; quare non ambulandi est ars, sed saltandi.

Schol. Artes dividi solent in mechanicas et liberales. *Mechanicae* vocantur, quae communis vitae comoda spectant, ut ars fabrilis; *liberales* a priscis dicebantur, quae ad humanitatem pertinere, et ingenuis hominibus dignae esse videbantur; quapropter, tametsi earum permultae sint, illae prae ceteris hoc signatae sunt nomine, quibus apud veteres liberalis institutio continebatur, scilicet: Grammatica, Arithmetica, Musica, Geometria, Dialectica, Astronomia et Rhetorica. Recentiores discrimen inter illa duo genera in eo positum esse docent, quod ars mechanica vitae utilitates, ars vero liberalis pulchritudinem spectet. Porro utilitas rei est qualitas, qua ad finem quempiam apta efficitur, ut robur equi et velocitas; pulchritudo, qua res per se h. e. eo ipso, quod consideratur, animum demulcet, ut eximia equi forma. Itaque artes liberales vernaculo sermone etiam *pulchrae* dicuntur, earumque vulgo item septem recensentur: Architectura, Statuaria, Pictura, Musica, Mimica, Poësis, Eloquentia.

Quid ars
dicendi.

2. Ars dicendi, etsi, exposita notione artis, ipsum nomen sufficiat, vulgo tamen definitur: facultas bene dicendi.

Verbum *dicendi* hic non ad solam oratoris dictionem, sed ad omnem sive dictionem sive scriptionem tam adstrictam metro, quam solutam refertur. *Bene* autem dicere est: ad finem apposite dicere. Porro

Finis et
genera.

3. Finis dicendi omnino triplex est: docere, delectare, persuadere: quapropter artis dicendi opera in tria item genera dispertiuntur: quorum primo ut finis proprius utilis doctrina, alteri delectatio, tertio est persuasio proposita.

1. Ad genus *primum* pleraque *solutae orationis* genera referuntur, ut: epistola, narratio, historia, dialogus et quaecumque alia ad *stylum*, ut ajunt, *didacticum* pertinent. In his igitur maxime quaeritur utilis doctrina per rerum perspicuam accuratamque demonstrationem; etsi nonnulla gratia et venustas laudabiliter aspergatur.

2. *Alterum* genus *poësis* constituit, quae admirabilitate rerum et venustate sermonis suaviter animos commovet.

3. In *tertio* genere nec docere sufficit nec delectare, sed motus sunt animis admovendi, quibus flectatur voluntas. Id *eloquentia* facit, regina artium a priscis appellata.

Schol. Poësis quoque praeter rei expositionem motus animorum habet, sed non tam ut persuadeat, sive ut ad capienda certa et definita consilia impellat, quam ut honeste delectet. Etsi igitur per se utilitatem non spectat, cave tamen ne inutilem putet: ut enim eloquentia utile consecretans, pulcherrima facit opera, ita poësis pulchritudinem quaerens, hujus ipsius effictione fructum habet uberrimum.

De hac tam mirabili utilitatis cum pulchritudine cognatione Tullius: Ut in plerisque, ait, rebus incredibiliter hoc natura est ipsa fabricata, sic in oratione: ut ea, quae maximam utilitatem in se continerent, eadem haberent plurimum vel dignitatis vel etiam venustatis; — et sententiam illustrat exemplis coeli stellati, corporis humani, navigii bene instructi.

De or. 3, 40.
et. QL 6, 3.

II.

*Quibus rebus dicendi facultas
comparetur.*

4. Ad parandam dicendi facultatem requiruntur haec tria: natura, ars, exercitatio.

I. *Natura* hoc loco appellantur dotes naturae ad facultatem dicendi necessariae; ut memoria firma, phantasia felix, ingenium celer, uber, acutum, animus magnus et nobilis. Quid natura.

5. II. *Ars* hic accipitur pro disciplina praeceptorum dicendi, quare *μάθησις* cam Graeci dixerunt. Quid ars.

Ea scilicet, quae observata sunt in usu ac ratione dicendi, haec ab hominibus callidis ac peritis animadversa ac notata, verbis designata, generibus illustrata, partibus distributa sunt. Atque sic est non eloquentia ex artificio, sed artificium ex eloquentia natum. De or. 1, 22.
Ibid. c. 22.

Magnas tamen haec disciplina utilitates affert. Nam et nientem ad cognoscendam exprimendamque pulchritudinem excitat, et iudicium acuit; scriptorum pleniorē intelligentiam aperit, atque in omni dicendi scribendique exercitatione quasi facem praefert. Quapropter si ratio quaeritur, quae inter artem et naturam intercedit, ars naturam perficit, moderatur et a vitiis custodit. Quid pro-
sit.

1. Naturae dona inseri quidem et donari ab arte non possunt, sed limari tamen et perfici. Nam et quae bona sunt, fieri meliora possunt doctrina, et quae non sunt optima, aliquo modo acui tamen et corrigi. De or. 1, 33.

2. Habet ars quaedam quasi ad commonendum oratorem, quo quidque referat, et quo intuens ab eo, quodcunque sibi proposuerit, minus aberrat, atque ita fit, ut ea, quae natura, studio, quae exercitatione consequimur, aut recta esse confidamus, aut prava esse intelligamus. Ibid. c. 32.
2, 57.

3. Et cum quaedam sit virtutum vitiorumque vicinia, ut tu-

midus pro magnifico, temerarius pro forti, effusus pro copioso accipiat, illi, qui sine doctrina naturae impetum in dicendo sequuntur, passim in vitia virtutibus, quas sectantur, proxima deferuntur.

Quae exercitatio.

6. III. *Exercitatio*, quae in omni arte valet plurimum, triplex est: legendi, scribendi, declamandi.

De singulis postea nobis sermo uberior recurret. — Sed ex his tribus, natura, arte et exercitatione, efflorescit facultas, cujus in omni artificio fructus est maximus: *gustum* nostri dixerunt.

III.

De gustu.

Quid gustus.

7. Gustus est sensus et iudicium pulchri.

Sensum dico mentis affectum, quo fit, ut quis pulchritudinis specie facile moveatur, iudicium vero, per quod de pulchritudine recte aestimat.

Quae ejus dotes.

Dotes gustus praecipuae duae sunt; nam sincerus esse debet et subtilis.

Sincerus (purus) est, si veram pulchritudinem a falsa optime discernit; subtilis, si ad latentes etiam, et eas, quae parvae videantur, rationes penetrat.

Quae origo.

Si originem quacris, in omni hoc genere magna quaedam est vis incredibilisque naturae: sed ea tamen per se sola non sufficit.

De or. 3, 50.

Omnes enim tacito quodam sensu, sine ulla arte aut ratione, quae sint in artibus et rationibus recta ac prava, dijudicant. — Attamen tacitus hic sensus, quem natura tribuit, tum proprie appellatur gustus, cum ex rationibus optime perspectis certum etiam habet iudicium.

Qui excolitur.

8. Excolitur autem gustus attenta operum considera-

tione, doctrina praeceptorum et omni liberali disciplina, usu et exercitatione, virtutis denique cultu et amore.

Quid bona vita et omnis virtus valeat in artibus, fusius disputat Blair; Fabius vero: Hoc, inquit, prorsus eximatur animo, rerum pulcherrimam eloquentiam cum vitiis mentis posse misceri; — idemque illud suum: Nemo orator nisi vir bonus, — per totius operis decursum identidem repetit; Seneca denique idem exemplis et rationibus demonstrat. Certe in omni populo et in iis praecipue, qui artibus maxime floruerunt, cum moribus sincerum quoque illud pulchri et decori iudicium corruptum est.

Prael. 2.

Qt. 12, 1.
cf. hlc n. 194.

Ep. 114, v.
inf. n. 161.

Sed dubitarunt nonnulli, an certum esset ullum de pulchritudine iudicium. Animadvertentes enim, quam diverse homines saepe de artium operibus pronuntiarent, opinati sunt, omne in hoc genere iudicium consuetudine iisque rebus, quibus inter sese singuli homines et populi ipsi discrepare solent, formari. Verumtamen

9. Tenendum est, insitam ab ipsa natura mentibus hominum normam quandam esse, ex qua venusta et turpia, fere ut bona malaque, dijudicent.

Quae pulchri norma.

Quantacunque enim sit differentia in rebus nonnullis aestimandis, populi omnes, cum primum ad aliquam essent humanitatem formati, quamvis inter se coelo, aetate, vitae publicae et privatae institutis, indole denique ipsa discreparent, mirifico tamen semper consenserunt in plurimis artificiis singulisque eorum virtutibus iudicandis. Atqui omni in re omnium gentium consensus lex naturae putanda est.

Tusc. 1, 13.

Ille autem nationi aut aevo cuiusquam aut singulis hominibus proprius gustus ex hoc consensu universo moderandus est: si enim pugnat cum iis, quae sensu probata sunt communi, vitiosus putandus, sin convenire potest, reprehendendus non est.

Hic enim proprius gustus ex duplici causa nascitur. Nam et major aliorum in aliud pulchritudinis genus propensio est, proin-

deque major etiam a contrario vitio horror, et in vitae consuetudine, quae plurimum in artibus valet, non eadem ab omnibus probantur. Labuntur igitur, qui in pulchri speciem aliquam ita propendeant, ut vitium ei vicinum pro virtute, aut vicissim virtutem oppositam, non tamen contrariam pro vitio accipiant: quemadmodum si acumina et elegantias sic amaveris, ut Senecam mireris, fastidias Ciceronem, aut Homeri simplicitate captus vilipendas Virgilii ornatum. — Similiter de moribus judicandum. Simples mores, quos gentium principibus Homerus tribuit, abhorrent a nostris, probantur tamen; agrestes alii inveniuntur, humiles, sordidi, damnantur.

Doctrinam dicendi in quatuor partes dividimus; quarum *prima* generalis est: *de stylo in universum*, — in ea enim virtutes et exercitationes dicendi, nondum in certa hujus artis genera inquirentes, tractamus; in *altera* sigillatim de variis *solutae dictionis generibus*, excepta oratione, praecipiemus; in *tertia* de *eloquentia*; in *quarta* de *poësi*. (Cf. n. 3.)

Prima igitur et altera pars *Humanitatis* praecepta continent. Etsi enim humanitas per se institutionem liberalem significet, vulgo tamen hodie, praesertim in scholis, ad eam nonnisi illa studia referunt, quae faciliora sunt, viamque ad eloquentiam complanant. Institutio autem eloquentiae, quae parte *tertia* comprehenditur, proprie *Rhetorica* dicitur, ut doctrina poësis *Poetica*.



ARTIS DICENDI



PARS PRIMA.

DE STYLO IN UNIVERSUM.



10. Stylus hic dicitur modus scribendi vel dicendi.

Quid stylus.

1. Stylus proprie instrumentum significat, quo in tabulis scribebant veteres, sed translatum nomen est ad ipsam actionem scribendi, ut jam apud priscos esset id, quod scriptio.

2. Hodie vero plerumque stylus vocatur modus, quo scribitur vel dicitur; hinc illa : stylus oratorius, poëticus, floridus, gravis etc.

3. Transfertur etiam ad alias artes, unde non solum de stylo Ciceroniano, Attico, sed etiam de Corintbio, Gotbico etc. loquimur.

4. Saepe etiam significat genus dicendi proprium; hinc quosdam styllum habere omnino negamus, eos scilicet, in quorum oratione nulla est virtus propria et quasi *χαρμηρύρ*.

11. Virtutes autem dicendi tres sunt primariae : perspicuitas, ornatus et aptum dicendi genus.

Quae ejus
virtutes.

1. Vulgo quatuor ponunt secundum illud, quod apud Cicero-
nem legitur : Quisnam dicendi est modus melior, quam ut latine, ut plane, ut ornate, ut ad id, quodcunque agetur, apte congruenterque dicamus? Sed de pura et emendata oratione praecipunt grammatici.

De or. 3, 10.

2. *Perspicuitas* efficit, quod in omni genere dicendi est prorsus necessarium, quippe ut intelligamur.

3. *Ornatus* addit ea, quibus oratio vel suavis fit ad delectandum, vel gravis ad commovendum. Latius igitur in hac doctrina, quam in vulgari sermone accipitur. (Cf. Cic. l. I. et Qt. 8, 3.)

4. *Aptum dicendi genus* rebus et personis sermonem accomodat, quo non solum nulla ex parte offendant, sed vim quoque acquirat maiorem, gratiam dignitatemque conciliet.

Schol. In omni opere artis dicendi haec tria praecipue consideranda sunt: *Inventio*, quae res dicendas suppeditat; *Dispositio*, quae inventas colloeat, ut omnes ad unum efficiendum apte iungantur; *Elocutio* denique, quae digestas sermone quasi vestit et ornat. Itaque styli doctrina ad tres istas velut partes a nonnullis revocatur. Sed quoniam inveniendi dispensandique ratio admodum diversa est in diversis artis operibus, pauca sunt, quae de ea in universum praecipi possunt. Quare praestat, in hac generali parte ordinem a virtutibus styli petere, et quid ad unamquamque earum tum res tum verba valeant, monstrare.

CAPUT I.

DE PERSPICUITATE DICENDI.

Ar. 2, 2. 12. Perspicuitatem primam dixi maximeque necessariam virtutem, quoniam scilicet, oratio, quae rem non demonstrat, plane decedit officio suo. Perspicuus autem sermo est, qui ab iis, ad quos loquimur, plene, accurate et facile intelligitur.

Quis sermo
perspicuus.

Quapropter non idem sermo apud omnes eadem in re planus aut obscurus est.

ART. I.

DE PERSPICUITATE RERUM.

Rerum perspicuitas nascitur ex perspicua earum cogitatione, apta copia et dispositione.

I.

De perspicua cogitatione.

Quae po- 13. Cogitatio perspicua postulat duo: facultatem mentis
staleat. res dilucide intuendi, et rei, quae proposita est, rectam meditationem.

I. Ut generatim sit in mente facultas, res dilucide contemplandi, requiruntur doctrina, exercitatio, animi quaedam tranquillitas.

Facultas dilucide cogitandi.

1. *Doctrina* necessaria est primum quidem ejus generis, ad quod res, quae tractanda est, pertinet, sed alias etiam disciplinas nosse, perutile erit. Etenim omnes artes, quae ad humanitatem pertinent, habent quoddam commune vinculum et quasi cognatione quadam inter se continentur.

Pro Arch. 1.

2. *Exercitatio*, quae hic requiritur, maxime quidem dialectica continetur; sed sunt, quae jam a te utiliter suscipi possunt. Primum est, illos prae ceteris scriptores legere, qui perspicuitatis laude maxime florent; alterum, horum operum summa capita et totam dispositionem notare (analysim facere); tertium, reminisci saepe obscuriora et difficiliora, eaque tamdiu mente versare, donec dilucida fiant; id quod etiam scripto fieri utiliter potest.

3. *Animi tranquillitas* curanda est. Nam etsi fervor quidam et ipsa etiam, quae dicitur, phantasia cogitandi perspicuitatem juverit saepe, tamen mens vigil necesse est animi quasi gubernacula teneat. Fingendi autem vis effrenata, ardor praeproperus, affectio inordinata, et horum omnium causae, vitia, magis quam dici potest, mentem impediunt, quominus rem vel attente consideres vel recte et penitus intelligas.

14. II. De recta rei meditatione docentur quatuor : quorum primum ex Horatio depromo :

Recta rei meditatio.

Sumite materiam vestris, qui scribitis, aequam
Viribus, et versate diu, quid ferre recusent,
Quid valeant humeri. Cui lecta potenter erit res,
Nec facundia deserit hunc, nec lucidus ordo.

A. p. 38

Alterum est, ut rem probe lectam animo tamdiu volvas, dum eam penitus pernoveris.

Facile adolescentes, praesertim cum fervet animus, ut primum rem statuerint tractandam, ad scribendum se conferunt; sed oratio, si res non subest ab oratore percepta et cognita, aut nulla

De or. 1, 12

sit necesse est, aut omnium irrisione ludatur. Quid est enim tam furiosum, quam verborum vel optimorum atque ornatissimorum sonitus inanis, nulla subjecta sententia nec scientia?

Tertium, ne vicissim cum cogitationes non affluunt, animum despondeas.

Tentandae sunt ingenii vires, et quasi ex sopore quodam exciendae. Sunt, qui potius, hoc si accidit, ex tempore scribere suadeant, non ut quae sic scribuntur, servemus, sed ut, quod fieri solet, inter scribendum animus caleascit.

Quartum denique, ne inter meditandum a re proposita animus aberret longius et vagetur.

Ne igitur quasvis cogitationes vel rerum imagines, quamquam accendunt animum, usque persequaris, sed ad orationis propositum mentem identidem reflectas.

II.

De apta rerum copia et dispositione.

*Apta copia
quid faret.*

13. Ut rerum multitudo animum cognoscentis turbat et obruit, ita vicissim cum pauca nimis afferuntur, res per se sola saepe non satis illustratur.

Itaque bona quidem est inventio, quae abundat, sed eorum, quae inventa sunt, selectus adhibendus. De qua justa brevitate cum copia socianda postea plura, nunc de lucido ordine videamus.

Quid ordo.

16. Ordo est plurium ad unum efficiendum dispositio. Id autem maxime necessarium est in quovis artificio, ut unum sit.

A. p. 23.

Quare Horatii praeceptum : *Sit quodvis simplex dumtaxat et unum* — non solum ad poemata, sed ad omne opus hujus dicendi facultatis pertinet. Hoc enim lucem affert, quia simplicem rei intuitum, hoc suavitatem, quae magna ex parte in harmonia posita est, hoc denique vim, quia dissipata infirma, collecta valida sunt.

Una tamen non ita sane oratio esse debet, ut de una tantum re singulari sermo esse queat, sed ut omnia, quae dicuntur, communi aliquo vinculo contineantur. Quae oratio una.

Ita plurima membra unum hominis corpus, ita multiplices partes unum efficiunt navigium.

Vinculum autem illud cum ex materia, de qua dicis, tum maxime ex fine, qui in dicendo propositus est, petendum erit. Quapropter ex orationis argumento et proposito expendenda sunt omnia, quae invenerit meditatio. Unde vinculum petendum.

Quamvis saepe res per se illustres esse videantur, si tamen vel ad materiam non pertinent, vel ad finem non faciunt, plane sunt rejiciendae: membra enim humana, etsi per se pulchra, in corpore animalis posita monstrum efficiunt; et vicissim. Huc spectant Horatii versus: *Humano capilli cervicem pictor equinae etc. etc.* A. p. 1.

17. Verum ut ordo sit lucidus, duo insuper praestanda. *Primum* partes et inter se distinguendae et nihilominus optime colligandae sunt. Quid praeterea praestandum.

1. Distinctae erunt, cum ipsae rursum partes unum aliquod faciunt. Ita caput, manus, pedes partes sunt corporis, et nihilominus singula ex aliis partibus in unum quoddam coagmentata.

2. Connectuntur maxime quidem ipsa illa ratione, quae iis cum materia est et fine, sed inter se quoque jungendae sunt, ita ut nullus in oratione quasi saltus, sed lenis facilisque sit transitus.

Tum partes ita disponendae sunt, ut a se invicem lumen accipiant.

Itaque 1. quae sunt generis ejusdem aut persimilis, plerumque simul collocanda.

2. A notis et perspectis ad incognita et obscura transeundum, ita ut sequentia ab iis, quae ante dicta sunt, illustrentur, nihil vero initio tractetur, quod intelligi non possit, nisi cognitis iis, quae sequuntur.

ART. II.

DE PERSPICUITATE VERBORUM SIMPLICIUM.

18. Elocutionis perspicuitas nascitur ex bono verborum
De or. 2, 12. selectu, conjunctione et collocatione. — Itaque inprimis
 verbis usitatis et proprie demonstrantibus ea, quae signi-
 ficare volumus, utendum erit.

I.

De verbis usitatis.

Quae verba
 uisitata.

19. Usitata verba sunt illa, quae eadem, quam tu iis
 tribuis, significatione adhibentur ab optimis scriptoribus,
 aureae aetatis, si priscorum lingua utaris, praesentis, si
 vernacula. Nam

A. p. 60.

Ut sylvae foliis pronos mutantur in annos,
 Prima cadunt: ita verborum vetus interit aetas,
 Et juvenum ritu florent modo nata vigentque....
 Multa renascentur, quae jam cecidere, cadentque,
 Quae nunc sunt in honore, vocabula, si volet usus,
 Quem penes arbitrium est et jus et norma loquendi.

Ab usu autem recedere solent nonnulli quidem ignoratione
 linguarum, sed multo certe plures appetitione novae dictionis et
 singularis. Verum sententia vilis vel infirma male tegitur verbo-
 rum insolentia.

20. Hoc autem modo potissimum male abutuntur verbis
 vetustis, novatis et peregrinis.

Quid de ve-
 tustis.

De or. 2, 38.

q. 1, 2.

I. Verba *vetusta* et ab usu quotidiani sermonis jamdiu
 intermissa saepe et sanetiozem et magis admirabilem ora-
 tionem faciunt; neque tamen aut crebrius aut liberius usur-
 panda sunt praesertim in oratione soluta, et abjecta quae-
 vis et obsoleta plane fugienda.

1. Eo, ait Fabius, ornamento acerrimi iudicii P. Virgilius unice
 est usus. *Olli* enim, *quianam* et *mis* et *pone* pellucunt ad spar-
 gendam illam, quae etiam in picturis est gratissima, vetustatis
 inimitabilem arti auctoritatem.

2. Quae etsi, ut Tullius monet, sunt poetarum licentiae libera, quam oratorum, raro tamen habet etiam in oratione per-
vetustum aliquod verbum dignitatem. Neque enim illud fugerim
dicere: *Qua tempestate Poenus in Italiam venit, nec protem aut*
sebolem aut affari aut nuncupari aut non rebar aut opinabar,
et alia multa, quibus loco positis grandior atque antiquior ora-
tio saepe videri solet.

3. Sed opus est modo, ut neque crebra sint, neque manifesta, Qt. 1, 6.
quia nihil est odiosius affectatione, nec utique ab ultimis et obli-
teratis repetita temporibus, ut: *Hilum non ego deterior — Volupe*
mihi audire est. — Vale, mi oculissime, et mutuiter me ama —
Non magis proprium expresseris. Hinc scilicet aliqui famam eru- Id. 8, 2.
ditionis affectant, ut quaedam soli scire videantur.

21. II. Novantur vocabula *compositione* ut *versutiloquus*; Quid de
derivatione, ut ille *senius*; *translatione* ut primus inter la- novatis.
tinos Cicero partes periodi *membra* et *incisa* vocavit. Recte Or. 26.
autem tum novantur, cum vel necessitas postulat, vel
suadet singularis utilitas.

1. *Necessitas.* Neque enim, ait Cicero, esse possunt, rebus Ibid.
ignotis, nota nomina, sed cum verba aut suavitatis aut inopiae
causa transferre soleamus, in omnibus hoc fit artibus, ut cum
id appellandum sit, quod propter rerum ignorantiam ipsarum
nullum habuerit ante nomen, necessitas cogat aut novum fa-
cere verbum aut a simili mutuari. Ciceronem ergo saltem au-
diant illi, qui nimis Ciceroniani esse cupientes, non audent
dicere, *sacramentum, Missa, rosarium, confirmatio*, et sexcenta
alia, quae obscura solent et saepe ridicula circuitione efferre.

2. Singularis *utilitas* nunc est in ornatu, nunc etiam in ho-
nesto aliquo joco.

Perperam igitur novata illa sunt, quae neque necessa-
rio facta sunt, neque utiliter: tum illa quoque, quae,
cum fieri debeant, insolentius fiunt.

Nam in his etiam auribus est consuetudinique parcendum,
ne quaedam quasi monstra verborum prodeant. Ceterum ista

omnia, quae male novantur, si quando sermonem non reddunt obscurum, at certe putidum et impeditum.

Quid de
peregrinis.

22. III. Ex *peregrinis* vocabulis usurpare licet primum ea, quae communi usu recepta, et quasi civitate donata sunt, ut *philosophia*, ut *trophaeum*; et ejusmodi quidem in omni sermone adhiberi possunt; deinde illa, quae artium sunt propria, ut horum ipsorum nomen, *termini technici*, ut *periodus*, *tropus*, *dialectica*. Quibus uti licet, cum ad eos loquimur, qui artibus studuerunt.

Ceterum quaeramus sane, quoad possumus, pro peregrinis propria usurpare, sed tamen in hoc quoque est modus servandus. Nam saepe etiam magis erratur, cum quis peregrinis, quae recepta et nota sunt, propria substituit insolentia. Quare hic rursum notandi, qui puritatem latini sermonis putidius sectantes, recepta vocabula, ut *Ecclesia*, ut *martyr*, ut *Eucharistia* repudiant.

II.

De verbis propriis.

Quae pro-
pria.

24. Propria dicuntur verba, quae optime demonstrant, id quod volumus iis declarari.

Qt. 2. 2.

Proprietas verborum, non simpliciter accipitur. *Præmus* enim intellectus est sua cujusque rei appellatio, et sic opponitur translationi et circumlocutioni, praesertim ei, qui euphemismus dicitur. *Secundo* modo dicitur proprium inter plura, quae sunt ejusdem nominis, id, unde cetera ducta sunt: ut *vertex* proprie dicitur *contorta in se aqua*. *Tertius* est huic diversus modus, cum res communis pluribus, in uno aliquo habet nomen eximium, ut *carmen funebre* proprie *Naeniae*. — Sed in his omnibus nec proprietas virtus, nec improprietas vitium est. Proprie dictum, quod nunc quaerimus, illud est, quo nihil inveniri possit significantius, ut Cato dixit *C. Caesarem ad evertendam rempublicam sobrium accessisse*, ut Virgilius *deductum carmen* et Horatius *acrem tibiam*, *Hannibalemque dirum*.

23. Hanc autem significandi vim illa verba obtinent, quae rem definite et accurate demonstrant. Unde sint talia.

I. Definite demonstrant ea, in quibus nihil est ambiguum, nihilque incertum seu vagum.

1. Ambigua sunt vocabula, quae, cum per se plura significant, etiam in ipso contextu orationis diverse accipi possunt, ut: *Cajus consilium meum non praeavit.* — Saepe tamen ambiguo ex industria quaesito aculeata sit oratio, ut qui interrogatus, cur foro abiret: *Streptantem, inquit, concionem fugio.*

2. Vagum et quasi fluctuantem sensum faciunt verba nimis generalia, et quae rem innuunt tantum, non proprio nomine appellant, ut: *Aspice res, quae in hac parte reipublicae adversus bonum graviter operantur.*

26. II. Accurate rem declarant ea, quae nec nimium dicunt, nec parum, neque simile aliquid, sed id ipsum, quod cogitas.

1. Nimium dicit, qui *inflammatus ira pro succensus*, parum, qui *apinari pro persuasum habere.*

2. Alterum late patet. Primum enim cum ex similibus aliud pro alio ponitur, saepe plane praeposterus est sermo, ut *mala species pro tristi specie*, ut *ambitio pro ambitu.* — Deinde ex synonymis verbis in eodem genere alia laudant, alia vituperant, alia ad tristia, alia ad laeta significanda usurpantur; hinc reprehendit Fabius: *tantum sperare dolorem*, pro *timere*; nec recte quidam: *Totum*, inquit, *illud bellum circiter annum viguit*, nam *vigere* ad res hostiles non pertinet.

Qt. 8, 2.

Tum etiam videndum, ut verba, quae junguntur, optime inter se conveniant, non solum, ne plane vitiose loquaris, ut si confundas *legem ferre et legem jubere, facile pati et libenter pati*, sed etiam ut callide jungas, quae optime conspirant, ut: *Itaque non sum praedicaturus, Quirites, quantas ille res domi militiaeque, terra marique, quantaeque facilitate gesserit, ut ejus semper voluntatibus non modo cives assenserint, socii obtemperarint, hostes obedierint, sed etiam venti tempestatesque obsecundarint; hoc brevissime dicam, neminem unquam tam impudentem fuisse, qui a diis immortalibus tot et tantas res tacitus auderet optare, quot et quantas dii immortales ad Pompejum detulerunt.*

Pro lege
Man. 16.

ART. III.

DE PERSPICUITATE IN VERBIS CONJUNCTIS.

27. Verba conjuncta dicimus ea, quae ad unam sententiam declarandam connexa sunt.

Hinc seriores grammatici verba conjuncta sententiam dixere (1), quam dividunt in *simplicem* et *compositam*, *primariam* et *secundariam*; *secundaria* vero pro loco, quem occupat, *antecedens*, *interjecta* (intermedia) vel *adjuncta* dicitur.

Quid primum servandum.

De part. 5.

I. In conjungendis verbis primum consecutio servanda est, ne generibus numero, temporibus, personis perturbetur oratio.

Nam ut in simplicibus verbis, quod non est latinum, sic in conjunctis, quod non est consequens, vituperandum est.

Quid defin-
de.

II. Sequitur, ut in conjungendis quoque verbis morem servemus.

Itaque conjunctio verborum ne sit obsoleta, nec insolenter novata, nec peregrina, nec ejusmodi, quae nonnisi rarissime occurrit. Hujus postremi generis aliqui, praesertim cum latine scribunt, sectantur; eruditionis famam hic quoque obscuritate ementes.

Quid maxime.

28. III. Tum curandum est maxime, ut pateat ratio, quae inter omnes orationis partes, sive verba, sive sententias intercedit.

Sed hoc praeceptum latissime patet, quare in variis sententiis generibus exponendum est enucleatius:

In *sententiis simplicibus* verba ita jungenda et collo-

(1) Cicero quam nos *sententiam* dicimus, constanter *verba juncta*, *conjuncta*, *continua*, *continuationem*, *complexionem* verborum etc. nominat.

canda sunt, ut non solum certum, sed etiam planum sit, quo singula referantur.

1. Si *incertum* est, ambiguitas oritur, ut : *Ajo te, Aeacida, Romanos vincere posse. Testamento quidam jussit, ponti statuom auream hastam tenentem. Quinquaginta ubi erant centum inde occidit Achilles.* Ct. Qt. 7, 4.
et R. 2.

2. Si *planum* non est, quo singula revocanda sint, difficilis est intellectus; quod saepissime accidit in participiis, genitivis, infinitivis, praecipue si geminantur, ut : *Eorum dierum consuetudine itineris nostri exercitus perspecta* : et in collocatione, si verba audacius trajiciuntur, aut quae vocabulo, ad quod referri debent, proxime jungi solent, ab eodem separantur :

At non intonsum simplex Damasieklona vulnus Afficit.

Ov. Met. 6.

In *sententiis compositis* curandum est, ut ratio et nexus inter primariam et secundarias sententias ex ipsa informatione sermonis facile cognoscatur.

Peccatur igitur : 1. si *secundaria* sensum continet *primarium*, ut : *Peccatum, quod maximo insectari odio, cujus vel umbram debemus exhorrescere, innumeras in hac villa parit aerumnas, et post mortem cruciatus affert sempiternos.*

2. Si *secundariae*, quae eadem ratione a *primaria* pendent, diverso modo enuntiantur, ut : *Equidem miror, tantum a te facinus potuisse concipi, et quod perpetrare illud ausus sis.*

3. Si *vicissim*, quibus diversa est ratio, forma exprimuntur eadem. Tullius quidem scripsit : *Vetus illud Catonis admodum scitum est, qui mirari se ajebat, quod non rideret haruspez, haruspieem cum videret* : — melius hoc, quam : *Vetus illud Catonis admodum scitum est, se mirari, non ridere haruspieem, haruspicem cum videret.*

Interjecta praecipue multis modis obscuritatem facit :

1. Si post unum alterumve verbum sensum violento quodam modo interrumpit. Reprehendit Aristoteles :

Ἐγὼ δὲ, ἐπεὶ μοι εἶπεν* ἦλθε γὰρ Κλέων δεόμενός τε καὶ ἀξιῶν*
ἱπορευόμενῃ παραλαβὼν αὐτούς (1).

De fin. 5,
32.

2. Si longior est, et contextus non restituitur. Restituit Cicero :
*Laelor quidem philosophiam, cujus antea suppellectilem pluris
aestimabam, quam possessiones reliquorum; ita mihi diuus vide-
batur, ut ab ea petere possem, quidquid in studiis nostris con-
cupissem; hanc igitur laelor etiam acutiorem reperitam, quam
ccleras.*

3. Multo magis si ita interponitur, ut interruptae sententiae
exigua particula ad finem rejiciatur : *Fieri non potest, quin, si ex
hujus montis cacumine immensam planitiem, quae ante te lectis,
pagis, oppidis consita, late in omnem partem extenditur, con-
spexeris, moveris animo.*

4. Cum id, quod medium est, utrinque possit trahi, ut : *Librum,
quem nuper ad me misisti, cum aegrotus essem, nondum potui
evolvere, quamquam a te venisset, gratus lamen erat.*

5. Si multae sunt interjectae, eaeque rursum aliis et aliis in-
termediis seissae.

Caes. de
bell. Gall. 2,
25.

*Caesar ab decimae legionis cohortatione ad dextrum cornu
profectus, ubi suos urgeri, signisque in unum locum collatis duo-
decimae legionis milites confertos sibi ipsos ad pugnam impedi-
mento esse, quartae cohortis omnibus centurionibus occisis signi-
feroque interfecto, signo amisso, reliquarum cohortium omnibus
fere centurionibus aut vulneratis aut occisis, in his primopilo
P. Sertio Baculo, fortissimo viro, multis gravibusque vulncribus
confecto, ut se jam sustinere non posset, reliquos esse tardiores,
et nonnullos ab novissimis desertos praelio excedere ac tela vi-
tare, hostes neque a fronte ex inferiore loco subeuntes intermil-
lere, et ab utroque latere instare, et rem esse in angusto vidit,
neque ullum esse subsidium, quod submitti posset : scuto ab no-
vissimis uni militi detracto, quod ipse eo sine scuto venerat, in
primam aciem processit, centurionibusque nominatim appellatis,*

(1) Ego vero, postquam nuntiatum est mihi, (venerat enim Cleo obstata-
bundus et supplex,) assumtis illis, profectus sum.

reliquos cohortatus milites signa inferre et manipulos lazare iussit, quo facilius gladiis uti possent.

29. *Emendari* implicatae hujusmodi verborum comprehensiones variis modis possunt. Ut emendanda.

1. Interdum sufficit sententias alia ratione informare et jungere.

Ita pleraque, quae attuli, exempla corrigi possunt.

2. Saepe obscuritas participiorum usu vitatur, sed cavendum, ne vicissim ipsa participia, inobscurant sermonem.

Participia ad perspicuitatem conferre, facile videbis, si in Livianis periodis participia, ut ajunt, resolveris. Contra participia, nisi quam feliciter struantur, obscuritatem afferre, et Caesaris oratio, quam audisti, et haec Liviana satis ostendit.

Equites fere propter equos nantes navium agmen ad excipendum adversi impetum fluminis parte superiore transmittens tranquillitatem infra trajicientibus sintribus faciebat. L. 21, 10.

3. Saepe cogitationes, quae rei declarandae causa additae sunt, quia inutiles, abjici debent, de quo plura, cum de brevitate agemus.

4. Non raro etiam hujusmodi nimis longa continuatio verborum in plures dividenda est.

Sic emendandum erit illud Caesaris exemplum. (n. 28.)

30. IV. Postremo videndum est, ne sermo sit fluctuans et dissolutus: id quod tribus maxime modis fieri solet: Quid adhuc videndum.

1. Cum oratio velut minutatim concisa per breviusculas sententias sine ullis articulis et nexibus procurrit, ut, si diceris:

C. Canius, eques Romanus, nec infacetus et satis literatus erat. Hic se Syracusas oliandi, ut ipse dicere solebat, non negotiandi causa contulit. Dictitabat, se hortulos aliquos velle emere..... Id

percrebuit. Pythius quidam argentariam faciebat Syracusis. Ille Canio dixit, venales se hortos non habere, licere autem uti Canio, si vellet, ut suis.

De off. 3.
14. Quae ita Cicero :

C. Canius, eques Romanus, nec infacetus et satis literatus, cum se Syracusas ostendi, ut ipse dicere solebat, non negotiandi causa contulisset, dicebat se hortulos aliquos velle emere, quo invitare amicos, et ubi se oblectare sine interpellatoribus posset. Quod cum percrebuisse, Pythius ei quidam, qui argentariam faciebat Syracusis, venales se quidem hortos non habere, sed licere uti Canio, si vellet, ut suis.

Hoc genus plus etiam obscuritatis habet in ratiocinatione.

Eloquentia est admirabilis illa facultas ducendi oratione multitudinem, et omnes animorum motus inflammandi. Conjuncta solet esse cum ceteris donis magni ingenii. Sapientia ei moderari debet. Saepe civitatibus salutem attulit, saepe etiam magna incommoda. Multitudo cupiditatibus agitur. Has quavis cognoscit. Est autem pessimum iis abuti.

2. Cum sententiae junguntur quidem, sed non apte, ita ut sermo male sibi cohaerens huc illuc fluctuet :

Ad Her. 4.
11. *Socii nostri cum belligrare nobiscum vellet, profecto ratiocinanti essent etiam atque etiam, quid possent facere, si quidem sua sponte facerent, et non haberent hic adiutores multos, et multos homines et audaces; solent enim diu cogitare omnes, qui magna negotia volunt agere.*

3. Cum ipsae etiam longiores complexiones verborum nullis commissuris inter se junguntur.

Neque enim satis est, singulas verborum compositiones in se conclusas et cohaerentes esse; necesse est insuper inter se apte conjungantur. Ac latini quidem hanc concinnitatem ita amavere, ut vix non omnem sententiam cum ea, quae procederet, conducerent. Hinc plurimae illae particulae, hinc relativa in principio sententiae pro demonstrativis posita, hinc illa : *Neque vero, neque enim etc. etc.* Quanta sit in hac junctura vis illustrandi

orationem, comperies, si obvium quempiam Tullii aut Livii locum, demtis iis, quae juncturam efficiunt, descriperis.

Ideo autem dissolutus sermo affert obscuritatem, quod ^{Quare dissolutus sermo obscurus.} apta illa conjunctio monstrat rationem, quae inter omnia orationis membra intercedit.

In dirupto enim sermone, cum sententiae quasi dispersae jaceant, non statim cognoscitur, quis sit sensus primarius, nec quomodo ad eum reliqua referantur, num rationem contineant, an adversarii argumentum, causam an effectum, an conditionem, an simile, an contrarium. Haec enim omnia particulis illis et ipso etiam modo jungendi indicantur.

Neque tamen semper sic jungi sententias oportet. Nam ^{Nam semper jungendus.} cum per se intelligitur, quae inter eas ratio intercedat, junctura ista etiam cum virtute omitti potest.

Hoc contingit maxime, cum enumerantur, quae ad idem genus pertinent; praecipue in narratione et descriptione, quoties oratio fertur incitatus, ut in eodem loco Tullii:

Ad coenam tempore venit Canius; opipare a Pythio apparatus convivium, cimbarum ante oculos multitudo, pro se quisque, quod ceperat, afferebat, ante pedes Pythii pisces abjiciebantur. — Et paullo post: Invitat Canius postridie familiares suos. Venit ipse mature; scalmum nullum videt; quaerit ex proximo vicino, num feriae quaedam piscatorum essent, quod eos nullos videret. — Cf. n. 110.

CAPUT II.

DE ORNATU DICENDI IN UNIVERSUM.

31. Ad ornatum referuntur omnia, quibus in dicendo ^{Quae huc pertinent.} vel suavitas ad delectandum vel gravitas ad permovendum efficitur.

I. Ornatus nomen late patet; praecipue tamen cultum quandam et apparatus significat, quo res non modo placet, sed ad omnem etiam usum egregie instructa est. — Hinc de dicendi



De or. 3, ornatu Tullius : Faciles partes eae fuerunt duae, quas modo per-
 4. Cf. Qt. 5, cucurri, latine loquendi planeque dicendi; reliquae sunt magnae,
 3. implicatae, variae, graves, quibus omnis admiratio ingenii, omnis laus eloquentiae continetur. Nemo enim unquam est oratorem, quod latine loqueretur, admittatus; si est aliter, irridet. Nemo extulit eum verbis, qui ita dixisset, ut qui adessent, intelligerent, quid diceret, sed contempsit eum, qui minus id facere potuisset. In quo igitur homines exhorrescant? quem stupefacti dicentem intuentur? in quo exclamant? quem Deum, ut ita dicam, inter homines putant? Qui distincte, qui implicate, qui abundanter, qui illuminate et rebus et verbis dicunt, et in ipsa oratione quasi quendam numerum versumque conficiunt: id est, quod dico ornate.

2. Haec autem ratio inter gravitatem suavitatemque dicendi intercedit, ut oratio, quae rerum et verborum pondere commovet, pernuocere etiam animos soleat, non tamen vicissim suavis omnis oratio gravis quoque putanda sit. — Cf. n. 3.

Quid in ar-
 gumento vi-
 dendum.

32. Quoniam igitur haec tanta virtus ex rebus atque verbis efflorescere debet, curae nobis erit, ut argumentum sciligamus minime *insuave*; aut si id non possumus, ut tractatione, arcessitis jucundis, reddatur amoenius.

1. Suaves in oratione esse solent amoenitates in rerum natura et vita hominum; exempla liberalitatis, elementariae, aliarumque virtutum; nova denique, illustria et admirabilia quaeque. Nec igitur res eo, quod per se ipsa tristis est, orationis quoque argumentum arbitranda est insuave. Quae enim sunt experientibus ingrata, ea non una de causa cognitu saepe sunt jucunda.

2. Sed non raro vel utilitas suadet vel necessitas cogit argumentum assumere, quod nec suapte natura amoenum est, nec novitate aut mirabilitate commendatur.

Quid de
 gravitate re-
 rum.

Gravia cum illa sint, quibus hominum mentes acrius concitantur, liquet, variam esse rerum gravitatem pro conditione personarum et temporum.

Quapropter ad banc dicendi virtutem non solum ingenii ani-

mique vis magna requiritur, sed prudentia quoque et rerum humanarum peritia.

33. Verborum autem ornatus, in quo maxime artificium dicentis cernitur, non id modo efficit, ut vis et jucunditas, quae in rebus est, oratione cluceat, verum etiam ut illa, quae suoapte ingenio parum delectant, velut sapore quodam condita dulcescant.

Quid praestet ornatus verborum.

1. Sunt, qui eloquendi ornatum despicientes ex rerum gravitate omnia repetenda esse putent. Sed non suffieit, esse in rebus gravitatem, appareat necesse est. Nihil autem est aliud gravis oratio, quam rei gravitas apte verbis declarata. En tibi breve exemplum.

Verres innocentes socios morte plexerat, ne quando criminum suorum testes existerent. Dixeis in hanc rem:

Verres, valde errasti, cum putabas, tua delicta morte innocentium hominum deleri, aut crimina avaritiae criminibus crudelitatis posse extinguere.

At haec ita Cicero:

Errabas, Verres, et vehementer errabas, cum te maculas furtorum et flagitiorum tuorum Sociorum innocentium sanguine eluere arbitrabare: praeceps amentia ferebare, qui te existimares avaritiae vulnera crudelitatis remediis posse sanare.

De suppl. c. 46.

2. Hoc est, quod summi viri in ejusdem Ciceronis non modo orationibus, sed epistolis quoque et dialogis sunt semper admirati, nullum esse genus rerum tam exile et obvium, quin illius dicendi ratione suavitate quadam aspergeretur. Quo etiam pertinet subtilis quaedam ratio imitandi. Quoniam enim artis opera non rebus modo ipsis, sed artificio etiam, quo res perhibentur, delectant; hinc fit, ut saepenumero, non foeda quidem, sed obvia tamen et humilia, oratione ad vivum expressa, placeant.

Efficitur igitur in elocutione ornatus primum ex ipso genere et junctura verborum; deinde ex nonnullis singularibus ornamentis, ut tropis, figuris, periodis; postremo ex quibusdam styli proprietatibus, ut varietate et copia: quae singula deinceps propriis praeceptis illustranda sunt.

Unde orator.

CAPUT III.

DE ORNATU EX IPSO GENERE ET CONIUNCTIONE
VERBORUM.

ART. I.

DE SELECTU VERBORUM.

Quid de
verbis sim-
plicibus. 34. Natura ipsa sunt alia verba consonantiora, graviora,
laeviora et quodammodo nitidiora, alia contra.

De part. 5.

De or. 3, 57.

Delectus igitur habendus, atque is aurium quodam iudicio ponderandus, in quo consuetudo etiam bene loquendi valet plurimum. Neque tamen in hoc magna laus est, vitare vitium, (quamquam id est magnum,) verum hoc quasi solum quoddam atque fundamentum est, verborum usus et copia bonorum.

Quae gra-
viora.

Ac graviora quidem inprimis sunt illa, quae in eodem genere plus significant.

1. Cat. 1, 10. *Nactus es ex perditis atque ab omni non modo fortuna, rerum etiam spe derelictis constatam improborum manum. Plus enim est perditis, quam pravis, et improborum, quam matorum.*

Qt. 5, 4.

Hoc genus crescit, et fit manifestius, si ampliora verba cum ipsis nominibus, pro quibus ea posituri sumus, conferantur.

Verr. Act.
1, 3.

Non enim furem, sed ereptorem; non adulterum, sed expugnatorem pudicillae; non sacrilegum, sed hostem sacrorum religionumque; non sicarium, sed crudelissimum carnificem cictum sociorumque in vestrum iudicium adduximus.

Unde prae-
terea gravi-
tas verb.

Multa vocabula inde quoque graviora sunt, quod praeter rei communem naturam singulare aliquid exprimunt, seu ut nos loquimur, primariae ideae secundariam addunt, ut:

1. *Sanguine foedare pro sanguine madefacere, libido pro voluptate*, et illud Ciceronis de Verre: *Dies continuos complures in convitiis jaculisti*. Hoc enim *jaculisti* contentum habet, qui non exprimitur consueto vocabulo *accubulisti*.

2. Hoc idem etiam consequimur iunctis duobus vocabulis, quorum unum satis esse poterat, ut:

*At, credo, mea numina tandem
Fessa jacent, odium aut exsaturata quiescit.*

Aen. 7.
297.

Nam *fessa sunt, exsaturata sum* rem primariam satis declarassent.

Huic generi affinis est *pleonasmus*: vocemque *his auribus hausi*. — De quo plura grammatici.

ART. II.

DE ORNATU EX CONIUNCTIONE VERBORUM.

35. Ex optima verborum iunctura et collocatione nascitur magnam partem illa dicendi *facilitas*, qua haud scio an nihil in oratione suavius inveniatur.

Quae sunt
vires in ver-
bis bene iun-
ctis.

1. Facilis dicitur oratio, si non vi dura protrudi, sed velut ipsa agente natura, fundi leniter videatur; in qua igitur non solum nihil est perturbatum, quod inobscurare sensum possit, sed nec quidquam distortum aut violentum, asperum nihil, nihil, ut ita dicam, salebrosum.

2. Ut hanc virtutem exemplis cognoscas, confer in Epist. ad Div. I. 15. ep. 5. et 6. Catonis asperitatem cum laevitate Ciceronis.

36. Gravior autem saepe efficitur oratio, si ea, quae vim habent majorem, immutata nonnihil coniunctione verborum, quasi in luce posita notantur.

Unde in
hisdem gra-
vitas.

Hinc 1. quae secundariis sententiis exprimi solent, ut *causae, conditio, tempus*, primariis enuntiantur: *Rogavi te, abnuisti; obsecravi, contempsisti; supplex manus tetendi, rejecisti; pro*

Cum rogarem etc. Pacem vult Antonius: arma ponat. — Vis arma deposuerant, cum offertur nuntius, hostem appropinquare.

2. Si major illa vis in uno latet vocabulo, hoc saepe extra orationis contextum collocatur, hunc in modum:

De suppl.
35. *Una eademque nox erat, qua praetor amoris turpissimi flamma ac classis populi Romani praedonum incendio conflagrabit.*

Quid de
collocandis
verbis.

37. Sed vim sermonis incredibiliter auget collocatio verborum. Triplex enim in collocandis verbis ordo distinguitur: grammaticus, vulgaris, et inversus seu oratorius.

1. *Grammaticus* tantum in scholis adhibetur, ut ratio explicetur, quae inter vocabula ejusdem sententiae intercedit: *Catilina, oportebat te duci ad mortem jam pridem jussu consulis.*

2. *Vulgaris* est, quem communiter servamus, cum scilicet nullam orationis partem singulari modo notari volumus: *Catilina, jam pridem te jussu consulis ad mortem duci oportebat.*

3. *Inversus* ordo sive *inversio* dicitur, cum a vulgari ordine 1. Cat. 1. gravitatis causa deflectimus: *Ad mortem te, Catilina, duci jussu consulis jam pridem oportebat.*

Schol. Iluc etiam pertinet illa, quae *trajecta* dicitur, compositio, in qua est permagna latini sermonis elegantia: *Quos amissimus civis, eos Martia eis perculit, non ita victoriae. — Mca lenitas, si cui solutior visa est, hoc exspectabat, ut id, quod latebat, erumperet. — Frater tuus quanti me faciat, semperque fecerit, esse hominem, qui ignoret, arbitror neminem.*

Quae lex
inversionis.

38. *Inversio* igitur vocabula, in quibus major est vis, eo loco, ubi maxime notantur, collocat; quoad tamen natura linguae permiserit. Porro hic locus plerumque initium, saepe enim finis est sententiae.

Ovid.

1. *Me duce carpe viam*, ubi per ipsum metrum licebit dicere: *Carpe viam duce me*; sed quantum id infirmius.

Qt. 9. 4.

2. Saepe verbum, in quo est vehemens aliquis sensus, in clausula positum quasi assignatur auditori, et infigitur, quale est illud Ciceronis in Antonium: *Ut tibi necesse esset in conspectu populi romani vomere postridie.* — Aliquando hoc modo etiam

quaedam quasi sustentatio efficitur: *O spectaculum miserum atque acerbum! ludibrio esse Urbis gloriam et populi romani nomen, hominum conventu atque multitudine, piratico myoparone in portu Syracusano de classe populi romani triumphum agere piratam!* De suppl. 38.

3. Si in duobis verbis vis major inest, saepe alterum in principio, alterum in exitu orationis ponitur.

Mene incoeptis desistere victam?

Aen. 1, 41.

Vixit Christianus, ut aliquando moriturus, moritur ut semper victurus. — *Caedebatur virgis in fora Messanae civis romanus.* De suppl. 62.

Aut in duabus junctis sententiis: *Evolarat jam e conspectu fere fugiens quadriremis, cum etiam tunc ceterae naves suo in loca moliebantur.* Ibid. 34.

4. Quae in media parte sententiae latent, transiri intentione et obscurari circumjacentibus solent; tamen non raro efficit numerus, ut haec quoque gravius cadant. Qt. 9, 4.

Quid me coelum sperare jubebas?

En, etiam hunc ipsum vitae mortalis honorem.....

. Te matre relinquo.

God. 2, 1, 325.

Nota etiam in exemplo supra posito *fere fugiens quadriremis*, et illa: *Quid ego hospitii jura in hac tam immani bellua commemoro?* et: *Non est jam lenitati locus, severitatem res ipsa flagitat.* De suppl. 42.

2. Cat. 4.

39. Sed haec sunt in inversione vitia, si ordo invertitur sine causa, si perperam, si durius, si assidue. Vitia inversionis.

1. *Sine causa* invertitur, cum nihilo inde crescit oratio. Puerile vitium hoc est, ut: *Infixit fratris mors tui grave mihi vulnus.*

2. *Perperam*; cum alia verba extollis, quam instituta oratio poscit: — *Jussu consulis, Catilina, jampridem te ad mortem duci oportebat.*

3. *Liberius.* Non enim omni modo vocabula misceri debent, sed, ut dixi, quoad linguae ingenium permiserit. Omnino hic quoque parcendum auribus et consuetudini. Itaque licet major

sit in hoc genere potius, quam oratoribus libertas, tamen sequentes versus a viris doctis reprehenduntur.

Ov. Met.
1, 222.

*Mox, ait, experiar, Deus hic, discrimine aperto,
An sit mortalis.*

Aen. 1, 113.

Saxa vocant Itali mediis quae in fluctibus aras.

Hinc etiam obscuritas in Liv. periodo, v. n. 29. — Notandum praeterea, quo major sit in invertendo libertas, eo majorem quoque causam requiri, ut inversio probetur. Itaque adjectiva, adverbia et his similia sententiam incipere vel claudere, nisi gravior adsit ratio, non debent.

4. Nimis frequentes, praesertim si audaciores sunt, orationem reddunt putidam.

CAPUT IV.

DE TROPIS.

(Qt. 8, 6.)

Quid sit
tropus.
Qt.

40. *Tropus* est verbi vel sermonis a propria significatione in aliam cum virtute mutatio (1).

Ad tropum igitur duo requiruntur:

1. ut dictio e loco suo proprio translata sit in eum, qui proprius non est. Sic vocis *florere* locus proprius est in *plantis*, cum vero *homa* dicitur *actate*, *laude*, *virtute florere*, transfertur in alienum. Id vero fieri non potest, nisi inter res, quarum nomina permutantur, nexus vel relatio existat, qua fit, ut altera alterius vocabulo facile intelligatur.

2. ut haec mutatio fiat *cum virtute* i. e. ut ex illa aliquid vel gratiae vel luminis vel ponderis orationi accedat. Id autem per tropos contingit pluribus de causis. Nam et delectatur animus rerum plurium et saepe dissimilium comparatione excitatus, et sermo hoc ipso jucundior, quod variatus et a vulgari et trita ratione remotus est. Adde quod rei naturam vel quali-

(1) Hinc a Cicerone saepe dicitur *oratio immutata*, *immutatio verborum*. Br. 17. Or. 27.

tatem vel praesentem conditionem mutuata ab aliis rebus nomina saepe illustrius declarant.

Dicitur autem verbi vel sermonis mutatio, quia duo sunt ^{Quae ejus genera.} genera troporum, alterum in singulis verbis, alterum in conjunctis.

Illi a nonnullis *simplices*, hi *complexi* vocantur. Tropus igitur complexus, ut eodem utar exemplo, erit; *Flos aetatis libidine marcescit.*

Ceterum de tropo inexplicabilis et grammaticis inter ipsos, ^{Qt.} et philosophis pugna est: quae sint genera, quae species, qui numerus, quis cui subjiatur. Nos omissis, quae nihil ad oratorem instituendum pertinent, cavillationibus, necessariis maxime atque in usum receptos exsequemur.

ART. 1.

DE METAPHORA ET ALLEGORIA.

(De or. 3, 38-42.)

41. I. Metaphora est tropus simplex, quo vocabula re- ^{Quid meta-} rum similitum permutantur. ^{taphora.}

Dicitur 1. *tropus*, adest ergo mutatio modo exposita; 2. *simplex*, quia uno verbo perficitur; 3. *quo vocabula* etc. Nempe quandocumque fit tropus, ratio aliqua subesse debet, propter quam vox a propria significatione in aliam traduci cum virtute possit; porro haec ratio in metaphora similitudo est inter rem, quam vox proprie significat, et eam, ad quam translata est. Ita terram *aridam* dicimus per metaphoram *sitientem*, quia inter eam et hominem sitientem reperitur similitudo. Hac de ^{Cle.} causa metaphora *similitudinis* dicitur *ad verbum unum contracta brevitatis*. Similitudo est, cum de Achille Homerus dicit: *tanquam leo prostruit*, metaphora: *leo prostruit*.

42. Si jam quacris, unde petantur metaphorae, nihil ^{Unde san-} est in rerum natura, cujus non nos in aliis rebus pos- ^{manter.} ^{Cle.}

simus uti vocabulo. Unde enim simile duci potest, potest autem ex omnibus, indidem metaphora.

Qi. Vulgo tamen *quatuor* tanquam *sedes* communes traduntur:
Prima est, cum verba transferuntur a rebus animatis
 ad alias animatas; —

Sic Livius *Scipionem a Catone allatrari* solitum refert; sic
astutum hominem vulpem dicimus, *plorantium clamores ululatus*.

Secunda cum ab inanimis ad inanima; —

Trist. 2, 2. *Me miserum, quanti montes volvuntur aquarum!*
 Aen. 2, 621. *Dixerat et spissis noctis se condidit umbris.*

Tertia cum ab inanimis ad animata; —

De suppl. 62. *Ipse inflammatus scelere et furore in forum venit.* — Huc per-
 tinent *viridis juvenus, ardens animus* etc.

Quarta cum ab animatis ad inanima; —

Ita *crudelia funera, rugitus tonitruum*, ita *agros siltre, ar-
 bores sudare, ventos furere* dicimus.

De hoc quarto genere Fabius: Praecipue ex his oritur mira
 sublimitas, quae audaciae proxima, periculo translationis attol-
 litur, cum rebus sensu carentibus actum quendam et animos da-
 Aen. 8, 728. mus, qualis est: *Pontem indignatus Araxes*, et illa Ciceronis:
 P. Lig. 3. *Quid enim, Tubero, tuus ille districtus in acie Pharsalica gla-
 dius agebat? cujus latus ille mucro petebat? quis sensus erat
 armorum tuorum?*

Pulcherrime Virgilius in similitudine Trojae eversae:

Aen. 2, 625. *Ac veluti summis antiquam in montibus ornum,
 Quum ferro accisam crebrisque bipennibus instant
 Eruere agricolae certatim: illa usque minatur,
 Et tremefacta comam, concusso vertice, nutat,
 Vulneribus donec paulatim evicta, supremum
 Congemuit, traxitque jugis avulsa ruinam.*

Quid alle-
 goria.

43. II. Allegoria tropus est, qui jam non simplicia verba,
 sed totam orationem a re simili mutuatur.

1. Innocentem puerum si agnum appello, metaphora est; cum dico: *Agnum lupo tradidisti* — allegoria.

2. Recte Cicero allegoriam dixit continuatam esse metaphoram, non est tamen ideo quaevis continuata metaphora allegoria, nisi forte mixta (v. n. seq.), ut: *Hic adolescens vitiorum flamma consumitur*.

3. Nomen inde habet, quod aliud verbis, aliud sensu ostendit. Qt.

Alia pura est, quae tota verbis translatis constat, alia mixta, in qua nonnulla verba propria. Quae genera. Id.

1. Pura est:

*O navis referent in mare te novi
Fluctus! o quid agis? fortiter occupa
Portum —*

Od. 1, 12.

totusque ille Horatii locus, quo navim pro republica, fluctuum tempestates pro bellis civilibus, portum pro pace et concordia dicit. Sed haec, nisi brevior sit, rara apud oratores; frequentior

2. Mixta: *Neque tam fui timidus, ut qui in maximis turbulentibus ac fluctibus reipublicae navem gubernassem salvamque in portu collocassem, frontis tuae nubeculam, tum collegae tui contaminatum spiritum pertimescerem. Alios ego vidi ventos: alias prospexi animo procellas: aliis impendentibus tempestatibus non cessi, sed his unum me pro omnium salute obtuli.*

In Pis. 2.

Hanc recentiores quidam negant veram allegoriam esse; certe imperfecta est.

3. Illud vero longe speciosissimum genus, in quo trium permixta est gratia, similitudinis, allegoriae et metaphorae. Qt.

Quod enim fretum, quem Euripum tot motus, tantas, tam varias habere putatis agitationes fluctuum, quantas perturbationes et quantos aestus habet ratio comitiorum? Dies intermissus unus aut nox interposita saepe perturbat omnia, et totam opinionem parva nonnunquam commutat aura rumoris. Pro Mur. 17.

44. III. Hic igitur tropus, translationem dico, cum frequentissimus, tum longe est pulcherrimus. Nam et copiam sermonis auget, et decori consulit, nitorem denique affert et vim. Quis translationis usus. Qt.

Id.
Cle.

1. *Copiam* auget primum praestando, ut nulli rei nomen deesse videatur; nam saepe translato verbo declaramus id, quod proprio non possumus; sic *gemmam* dicimus in *vitiis*, sic *durum hominem* aut *asperum*. Deinde transferendo plurima saepe unius rei reperimus vocabula, ut quod quovis loco videatur optimum, seligendi sit copia.

2. *Decori* consulit, quia quod proprio nomine appellatum turpitudinem habet, decentius saepe translato dicitur.

3. *De nitore* Quintilianus: Translatio quidem cum ita est ab ipsa nobis concessa natura, ut indocti quoque ac non sentientes ea frequenter utantur, tum ita jucunda atque nitida, ut in oratione, quamlibet clara, proprio tamen lumine eluceat. Neque enim vulgaris esse, nec humilis, nec insuavis, recte modo adscita sit, potest.

4. *Vim* etiam habet saepe mirabilem, eo quod rem totam quasi pandit et sensibus admovent.

S. Greg.
Hom. 28.

Ecco mundus, qui diligitur, fugit. Sancti isti, ad quorum tumbam consistimus, florentem mundum mentis despectu calcaverunt. Erat tunc vita longa, salus continua, opulentia in rebus, foecunditas in propagine, tranquillitas in diuturna pace: et tamen cum in seipso floreret, jam in eorum cordibus mundus aruerat. Ecce jam mundus in seipso aruit, et adhuc in cordibus nostris floret. Ubique mors, ubique luctus, ubique desolatio; undique percutimur, undique amaritudinibus replemur: et tamen caeca mente carnalis concupiscentiae ipsas ejus amaritudines amamus, fugientem sequimur, labenti inhaeremus.

Exstant in Scriptura sacra exempla plurima praesertim in Psalmis et Prophetis.

Quae vitia.
Cle.

43. IV. Vitia in hoc genere vitanda sunt tria :

1. Primum fugienda est dissimilitudo.

Vituperat Cicero *ingentes coeli fornices*, sed plerisque hic videtur severior. Aliis non probatur, quod Plautus dixit: *Lippiunt fauces fame*. Pessime sane: *Virtus arundo est, quam inclinat turbo, non frangit*.

qt.

2. Id quoque inprimis est custodiendum, ut, quo ex genere coeperis translationis, hoc desinas.

Multi cum initium a tempestate sumserunt, incendio aut ruina finiunt, quae est inconsequentia rerum foedissima; ut : *Effrenatae cupiditates, quarum fluctibus jactaris, pridem domesticos exagitabant; jam in scelorum tuorum socios transfusae, universam rempublicam inflammaverunt. — Absterge sordes vitiorum, quae te irretitum tenent — potius : Disrumpe laqueos, quibus te vitia irretitum tenent.*

3. Neque longius est proseguenda translatio eadem.

Bl. l. 15.

Id maxime in allegoria providendum. Sunt enim, qui singulas pene particulas illius rei, a qua ducitur simile, studiosius perquirant; in verbis etiam argutiores, ne forte qua ex parte similitudo lateat; quod totum est puerile.

Schol. Alia in transferendo vitia, quae sunt omnibus tropis communia, infra tractabimus.

ART. II.

DE SYNECDOCHE ET METONYMIA.

46. I. Synecdoche est tropus simplex, quo permutantur nomina earum rerum, quarum una ad alteram aliqua ratione ut pars ad totum refertur. Quatuor hujus tropi sunt genera : Quid synecdoche : quae ejus genera.

Primum dicunt, quum pars pro toto et vicissim totum ponitur pro parte.

Intelligunt scilicet id quod vulgari sermone simpliciter totum dicimus. Hujus generis sunt : *Tectum* vel *limen* pro *domo* vel *templo*, *caput* pro *homine*, aut contra *arbor* pro *ramo*, *elephantus* pro *ebore*, *fontis*, *flumen* pro *aqua ex illo hausta*, ut :

Nec vitres heroum infusaeque flumina prosunt.

Aen. 8, 684.

Alterum genus est, in quo numeri permutantur, ut :

Romanus proelio victor, et : *Uterumque armato milite complent.* Aen. 2, 20.

Id tamen, ut liquet, fieri non potest, nisi unus ille et plures

ad eundem vel populum vel coetum vel genus vel ordinem pertinent, et sic unum aliquod totum constituent.

Tertium est, cum genus, species et individuum permutantur.

Nam et genus species, et species individua continet. Itaque pro *avi philomela*, pro *arbore pinus*, pro *viro forti Hercules*, pro *poëta Homerus* dicitur, atque vicissim pro *stellis ignes*, pro *boibus armenta* legimus. Quo item in genere et virtutes et vitia pro ipsis, in quibus insunt, appellantur : *Luxuries*, *quam in domum irrupit* — et *Quo avaritia penetravit* : aut *Fides valuit*, *Iustitia confecit*.

Quantum genus illud est, in quo pro re ipsa materia ponitur, ex qua facta est.

Ut *pinus* pro *navi*, *aurum* pro *poculo*, *ferrum* pro *gladio*. Solet vero vox aliqua propria addi, ut :

Ecl. 4, 88.

*Cedet et ipse mari vector, nec nautica pinus
Mutabit merces; omnis feret omnia tellus.*

nisi sensus pateat :

Aen. 4, 742.

*Ille impiger hausit
Spumantem pateram et pleno se proluit auro.*

Quid Metonymia,
quae ejus
genera.

47. II. Metonymia tropus est, quo permutantur vocabula rerum, inter quas item conjunctio est, non ea tamen intima, quae ratio est synecdoches. — Tria ejus sunt genera praecipua :

Primum, cum causae pro effectis, vel effecta pro causis dicuntur.

Exempla sunt obvia, ut : *legere Platonem*; *tempestas bonum labores diluit*; *ager gravidus autumnus*, et contra : *Pellon non habet umbras*, et :

Aen. 10,
139.

*Te quoque magnanimae viderunt, Ismare, gentes.
Vulnera dirigere.*

Hujusmodi metonymiae etiam, ut apposita, substantivis adduntur cum epitheto causae proprio, ut :

*Sirenas, hilarum navigantium poenam,
Blandasque mortes gaudiumque crudele,
Quas nemo unquam deserebat auditas,
Fallax Ulysses dicitur reliquisse.*

Mari. 2, 64.

Id quoque notandum, causam hoc loco latiori sensu accipi, ut etiam instrumentum vel praecipuus rei fautor intelligatur. Hinc illa : *Vitemus oculos hominum, si linguas minus facile possumus;* et *Ceres pro pane vel frumento, Bacchus pro vino, Musae pro artibus et literarum studiis.*

Ad fam.
9, 11.

.... *Misenum Aeolidem, quo non praestantior alter,
Aere ciere cives Martemque accendere cantu.*

Aen. 6, 122.

Alterum est, cum continens pro contento ponitur.

Ita Cicero *Athenas* dixit *inventricem omnium doctrinarum*; et Virgilius paulo ante *spumantem pateram*.

Tertium, cum signum pro signato usurpatur.

Sic *laurea* pro *victoria*, *sceptrum* pro *poteestate regia*, *oliva* pro *pace* dicimus. Quare huc pertinent illa : *Cedant arma togae*, et :

*Non illum populi fascēs, non purpura regum
Flexit.*

Georg. 2,
494.

ART. III.

DE IRONIA ET HYPERBOLA.

48. I. Ironia tropus est, quo verbum vel sermo a propria in contrariam significationem traducitur.

Quid ironia.

Intelligitur autem haec ita immutata oratio vel sola pronuntiatione vel persona vel rei natura vel denique adjecto aliquo vocabulo.

Qui intelligatur.
Q.

1. *Persona*, cum scilicet dicta cum hujus natura vel moribus

aperte pugnant, ut si Cicero *Verrem hominem sanctum et diligentem* appellat, aut ex eo sciscitatur : *Quid ais, bone custos defensorque provinciae?*

2. *Res natura* item verbis dissentiente, ut : *O praeclarum pastorem ovium lupum!*

3. Additur saepe vox : *quippe, scilicet, credo, si superis placet* etc. ut : *Hannibal, credo, erat ante portas. — Scilicet is superum labor.*

Quae genera.

49. Ironiae genera sunt duo: vel enim singulis verbis perficitur, vel totius orationis sensus diversus est.

1. Cat. 8. 1. *A quo repudiatus ad sodalem tuum, optimum virum, Metellum demigrasti.*

Pro Mil. 8. 2. *Sed stulti sumus, qui Drusum, qui Africanum, Pompejum, nosmetipsos cum P. Clodio conferre audeamus; tolerabilia fuerunt illa; P. Clodii mortem aequo animo nemo ferre potest. Luget Senatus, moeret equester ordo, tota civitas confecta senio est: squalent municipia, affliguntur coloniae, agri denique ipsi tam beneficium, tam salutarem, tam mansuetum civem desiderant.*

Quae evidenda.

In hujus tropi usu fugienda est amaritudo et arrogantia.

Arrogantia est, ironia uti, cum res satis probata et prospecta non fuerit; est enim ironia loquendi modus quasi triumphantis et illudentis adversario.

Quid hyperbole.

50. II. Hyperbole est decens veri superlatio.

Qt.

Ad tropos refertur, quia pro verbis propriis ea ponit, quae vel plus vel minus significant. Virtus enim ejus ex diverso par augendi atque minuendi, unde etiam duo ejus genera.

Quando est utendum.

Hyperbole recte utimur, si in re non vulgari cum animorum motu versatur oratio.

Qt.

Duo requiruntur 1. *Res non vulgaris*; tum enim est hyperbole virtus, quum res ipsa, de qua loquendum est, naturalem modum excessit. Conceditur enim amplius dicere, quia dici, quan-

tum est, non potest, meliusque ultra, quam citra stat oratio.

2. *Animorum motus*; alias haec veritatis superlatio naturalis non est. Quodsi dubitaveris, an omnino naturalis esse possit, considera, quae vel ipse usus habet quotidiani sermonis : *metu examinari, diffuere lacrymis*, et sexcenta alia. Bl. 16.

Effertur autem hyperbole non uno modo; aut enim plus facto dicimus: *Vomens frustis esculentis gremium suum et totum tribunal implevit*: aut per comparisonem, ut: *Fulminis ocior alis*; — aut res per similitudinem attollimus: *Credas, innare reculas Cycladas*, aut signis quasi quibusdam: Qui enanti-
tietor.
Qt. Phil.
2, 25.
Aen. 5, 315.
• 8, 601.

*Illa vel intactae segetis per summa volaret
Gramina, nec teneras cursu laesisset aristas.* • 7, 808.

vel translatione, ut ipsum illud volaret.

Crescit interdum hyperbole, alia insuper addita, ut Cicero in Antonium dicit: *Quae Charybdis tam vorax? Charybdis dico, quae si fuit, fuit animal unum. Oceanus, medius fidius, vix videtur tot res, tam dissipatas, tam distantibus in locis positas, tam cito absorbere potuisse.* Phil. 2, 27.

Ceterum videndum est, non solum, ut quod dixi modo, loco adhibeatur, sed ut hujus quoque rei servetur mensura quaedam. Quid ser-
van dum.
Qt.

Quamvis enim sit omnis hyperbole ultra fidem, non tamen debet esse ultra modum; nec alia via magis in *καταχρησμός* fitur — (n. 143.)

Schol. Sunt praeterea tropi alii, sed tam vel rari vel cogniti faciles, ut doctrinam nullam requirere videantur. Tales sunt v. g. *Antonomasia*, quae pro nomine proprio ponit aliquid, quo res vel persona insignis et clara est, ut pro *Annibale*, *Terror Italiae*, pro *Scipione*, *Evictor Carthaginis*, pro *Jove*, *Divum pater atque hominum rex*. — *Catachresis* sive abusio, qua nomine alicujus rei utimur ad aliam significandam, quae illi quasi proxima est et vicina, sic *matris* quoque aut *fratris intersector parricida* dicitur.

ART. IV.

DE USU TROPORUM.

Qui tropi
vitandi.

§1. De troporum usu praecipitur, ut ne sint otiosi, ne longius arcessiti, ne frequentiores, postremo ne dedeant.

I. *Otiosi* sunt, qui ad propositum dicentis nihil aut non plus conferunt, quam propria.

Q.

Translatio enim aut vacantem occupare locum debet, aut si in alienum venit, plus valere eo, quod expellit.

II. *Longius arcessiti* nunc obscuri sunt, nunc propter duri-
tiem et audaciam insuaves.

De or. 3, 41.

Etenim verecunda debet esse translatio, ut deducta esse in alienum locum, non irruisse, atque ut precario, non vi venisse videatur. — *Syrtim patrimonii*, *scopulum* libentius dixerim, *Charybdin bonorum*, *voraginem* potius. Et Aristoteles reprehendit : *propugnaculum legum pro philosophia*.

Qui mol-
liantur.

Hor. ep.
1, 1.

Molliri autem saepe potest translatio, quae durior videatur, 1. addito verbo proprio, ut *nautica pinus*, et *mersor civilibus undis*; 2. comparatione facta.

Quamquam id non tam est mollire tropum, quam in aliud genus orationis mutare. Fit tamen perbene, sic *charybdin bonorum* reprehendit Cicero, qui optime de Philippo : *Quae Charybdis tam vorax*.

3. Interposito verbo, ut si olim M. Catone mortuo *pupillum Senatum* quis relictum diceret, paullo durius, sin
ut ita dicam pupillum aliquanto mitius

Cave tamen, ne saepius id facias; friget enim oratio, neque omne hoc modo vitium aufertur. Audaciae in tropis tunc est locus, cum scriptor in re non vulgari animum legentis excitaverit, et ad res dissitas et tamen similes cognoscendas aliquo modo paraverit. Ita felicissime audax est inprimis Horatius.

III. *Frequentiores*, saltem si audaces, si arguti fuerint, et satietatem afferunt, et solutam quidem orationem maxime dedecent.

Cum primum, Aurora surgente, univcrsa, quae videre poteram, armis coruscantibus stellabant et ferreus equitatus opplebat campos et colles, saeviens per urbem aeternam urebat cunctos Bellona, ex primordiis minimis ad clades ducta luctuosas.

52. IV. *Dedecet tropus*, qui vel rei dissentiat vel ipsi generi orationis. Quomodo aptandi rei.

Ad rem quod pertinet, recte quidem, cum ornanda est, a meliori nomen mutuaris, a viliori cum vituperanda, ut :

Latrat et in toto verba canina foro ; — Or.

sed propterea non licet 1, quaevis alta et humilia miscere,

Ut si quis stabula atra Lares appellat equinos, Vid.
Aut crines magnae Genitricis gramina dicat ; —

2. aut nomen traducere a re, quae tam sit foeda, ut nauseam faciat.

Quoniam enim haec vel summa laus est in verbis transferendis, ut sensum feriat id, quod translatum est, fugienda est omnis turpitudine earum rerum, ad quas eorum animos, qui audiunt, trahit similitudo. Nolo *stercus curiae* dici *Glauciam*. Quamvis sit simile, tamen est deformis cogitatio similitudinis. Utroque hoc vitio laborat notus ille versus Furii :

Jupiter hybernas cana nive conspuat Alpes.

Hor. Sat.
2, 5.
Et generi
dicendi.

Generi autem dicendi ut tropi consentiant, haec duo observanda sunt : 1. Nonnulli tropi solis poetis permittuntur.

Prosa, ait Quintilianus, ut *mucronem* pro *gladio* et *lectum* pro *dono* recipiet, ita non *puppin* pro *nave*, nec *abictem* pro *labellis*. Et rursus ut pro *gladio* *ferrum*, ita non pro *equo* *quadru-*

pedem. Et paullo post : ut *Vulcanum* pro *igne* vulgo audimus , et vario *Marte pugnatum est*, eruditus est sermo...., ita *Liberum* et *Cererem* pro *vino et pane* licentius , quam ut fori severitas ferat.

Generatim major in tropis audacia et frequentia poëmati , quam orationi convenit , orationi , quam historiae , historiae quam dialogo vel epistolae.

De Sen. 15 Cicero : *Vitis quidem , quae natura caduca est , et nisi fulta sit , ad terram fertur ; eadem ut se erigat , claviculis suis , quasi manibus , quidquid est nacta , complectitur : quam serpentem multipliei lapsu et erratico , ferro amputans coërcet ars agricolarum , ne sylvescat et in omnes partes nimia fundatur.*

Georg. 2.
362.

Virgilius :

*Ac dum prima novis adolescit frondibus aetas ,
Parcendum teneris ; et dum se laetus ad auras
Palmes agit , laxis per purum immissus habenis ,
Ipsa acie nondum faleis tentanda , sed uncis
Carpendae manibus frondes interque legendae.
Inde ubi jam validis amplexae stirpibus ulmos
Exierint , tum stringe comas , tum braehia tonde :
Ante reformidant ferrum ; tum denique dura
Exerce imperia , et ramos compesce fluentes.*

Hoc ergo de convenientia troporum praeceptum latissime sane patet. Sed cuiusque operis indolem et naturam stude cognoscere , et apud optimos scriptores tropos diligenter examina ; sic fiet , ut quod quovis loco deceat , tua sponte sentias. Persuasum autem habeto , nostrae aetatis scriptores troporum abusu plurimum peccare.

CAPUT V.

DE FIGURIS.

(Qt 9, 1.)

53. Figura (graece *σχῆμα*) est conformatio quaedam orationis, a communi loquendi modo cum virtute remota. Quid sit.

1. Figura per se dici potest forma sententiae qualiscunque fuerit, sicut in corporibus, quibus, quoquomodo sunt composita, utique habitus est aliquis : sed si pro ornamento styli accipitur, est forma orationis a vulgari et simplici cum ratione mutata. Cf. Qt.

2. Simplex est sic rogare :

Sed vos qui tandem? quibus aut venistis ab oris?

Ibid. c. 2.

Aen. 1, 373.

figuratum autem, quoties non sciscitandi gratia assumitur, sed instandi : *Quousque tandem abutere, Catilina, patientia nostra?* et : *Patere tua consilia non sentis?* et totus denique locus. Quanto enim magis ardet, quam si diceretur : *Dis abuteris patientia nostra, et : Patent tua consilia.* 1. Cat. 1.

Schol. Recentiores nonnulli definitionem impugnant, eo quod popularis sermo figuris minime careat; sed per illam communem sive vulgarem rationem non intelligitur sermo vulgi, sed modus loquendi, quo utimur, si rem simpliciter indicamus; ab hoc igitur, rudes sane aequae ac docti homines recedunt, cum mente commoti sunt, et per eam formam, quam figuram dicimus, sermoni vim quandam vel gratiam addunt : quare etiam figurae aptissime *sermo affectuum* sunt appellatae.

Figura et tropus in hoc conveniunt, quod uterque a simplici ratione loquendi recedit; sed tropus id facit immutando sensu verborum, figura immutanda forma et quasi habitu sermonis, manente propria significatione verborum. Qui differat tropo.

1. Antiqua est de differentia troporum et figurarum disceptatio : Cf. Qt.

aliis omnes figuras tropos, aliis tropos figuras esse dicentibus. Nostrates plerique tropos ad figuras, tanquam speciem ad genus referunt. Qui si omne ornamentum i. e. omnem orationem, quae a vulgari modo loquendi ornatus causa mutata est, figuram dicere voluerint, recte tropos figuris subjicient; sed tum quidem lis erit de nomine.

Qt. 2. Adeo tamen similitudo manifesta, ut eam discernere non sit in promptu. Nam quomodo quaedam in his species plane distant: ita quaedam perquam tenui limite dividuntur, ut eum ironia tam inter figuras sententiarum, quam inter tropos reperiat. Optimum in his sequi maxime recepta et rem ipsam, quocumque modo appelletur, intelligere.

Quomodo
dividuntur.
De or. 3, 52.

Dividuntur figurae in figuras verborum, et sententiarum: inter quas hoc interest, quod verborum tollitur, si verba mutaris, sententiarum permanet, quibuscunque verbis uti velis.

De divisione figurarum rursum est multa inter viros doctos disputatio; sed hic quoque praestiterit, ommissa altercatione, maxime receptam sequi, praesertim eum haec et per se plana sit, et licet non optime, melius tamen, quam nostra aetate invecitae, dividat (1). Quam tamen ita sequimur, ut si qua sententiae figura verborum figurae persimilis reperiat, de utraque eodem loco quaeramus.

ART. I.

DE FIGURIS VERBORUM.

(Qt. 9, 3.)

Quae ejus
species.

54. I. *Repetitionis*, de qua primum quaeri solet, vulgo quatuor species ponunt: prima simpliciter repetitio dicitur, altera conversio, tertia complexio, quarta conduplicatio: sed his addi potest quinta traductio.

(1) En harum aliquot: 1. Figurae phantasiae et affectuum. 2. Figurae acuminis, intellectus et affectuum. 3. Figurae objectivae et subjectivae. 4. Figurae inhaerentiae, identitatis, modalitatis et insolentiae.

1. *Repetitio* est, cum continenter ab uno atque eodem verbo principia sumuntur, hoc modo :

Nihilne te nocturnum praesidium Palatii, nihil urbis vigiliae, nihil timor populi, nihil consensus bonorum omnium, nihil hic munitissimus habendi senatus locus, nihil horum ora vultusque moverunt? 1. Cat. 1.

2. *Conversio* idem vocabulum in fine repetit :

Ex quo tempore concordia de civitate sublata est, libertas sublata est, fides sublata est, amicitia sublata est, respublica sublata est. Heren. 4.12.

3. *Complexio* tum primum tum postremum verbum iterat :

Quem senatus damnarit, quem populus romanus damnarit, quem omnium existimatio damnarit, cum vos sententiis vestris absolvetis? Ibid. c. 14.

4. *Conduplicatio* verba geminat.

Fit variis modis; initio; *Vos, vos appello, fortissimi viri*; in decursu orationis : *Errabas, Verres, et vehementer errabas*; in principio et exitu : *Multi et graves dolores inventi sunt parentibus, et propinquis multi*; interdum etiam prioris sententiae verbum ultimum fit sequentis primum : *Hic iam en vixit : vixit ? imo etiam in senatum venit.* Pro Mil. c. 3. De suppl. 46. Ibid. 43. 1. Cat. 1.

5. *Traductio* est ejusdem vocabuli repetitio casibus, generibus etc. etc. paullo immutatis :

Dititias sine divitum esse, tu vero virtulem praefer divitiis. — Si vis amari, ama. — Quid miserius misero non miserie se ipsum ? S. Aug.

53. *Conversio*, *complexio* et *traductio* raro adhibendae sunt; *repetitio*, *conduplicatio* frequentius : saepe etiam diversae hae species miscentur, ut in illa, quae *πλεκῆ* et

dicitur, in qua et primo verbo longo post intervallo redditum est ultimum, et media primis, et mediis ultima congruunt.

Cic.

Vestrum jam hic factum deprehenditur, P. C., non meum, ac pulcherrimum quidem factum; verum, ut dixi, non meum, sed vestrum.

Sententiarum repetitio.

Postremo sententiarum quoque est aliqua repetitio, quam inprimis oratores usurpant.

Hem. 2. Mitas est.

Sacri quidem oratores saepe gravem Scripturae sententiam (n. 424.), vel verba aliqua exhortationis cum virtute repetunt. En suavissimus locus S. Bern. de B. V. Maria.

Ipsa est praeclara et eximia stella super hoc mare magnum et spatiosum necessario sublevata, micans meritis, illustrans exemplis. O quisquis te intelligis in hujus saeculi profluvio magis inter procellas et tempestates fluctuare, quam per terram ambulare; ne avertas oculos a fulgore hujus sideris, si non vis obrui procellis. Si insurgant venti tentationum, si incurras scopulos tribulationum, respice stellam, voca Mariam! Si jactaris superbiae undis, si detractionis, si aemulationis, respice stellam, voca Mariam! Si criminum immanitate turbatus, conscientiae foeditate confusus, judicii horrore perterritus, barathro incipias absorberi tristitiae, desperationis abyssu, cogita Mariam. In periculis, in angustis, in rebus dubiis Mariam cogita, Mariam invoca. Non recedat ab ore, non recedat a corde, et ut impetres ejus orationis suffragium, non deseras conversationis exemplum. Ipsam sequens non decias, ipsam rogans non desperas, ipsam cogitans non erras, ipsa tenente non corruis, ipsa protegente non metuis, ipsa duce non fatigaris, ipsa propitia pervenis; et sic in temetipso experiris, quam merito dictum sit: Et nomen virginis Maria.

Quidem synonymia.

56. II. Synonymia est plurium vocabulorum ferme idem significantium coacervatio.

Phil. I.

Sic Demosthenes ad quaestionem, cur in Panathenaeis omnia

bene, male omnia in belli expeditionibus gerantur, respondet :

ἔτι..... οὐδὲν ἀνεξέταστον, οὐδ' αἰρίστον ἐν τούτοις ἡμέλλεται, ἐν δὲ τοῖς περὶ τοῦ πολέμου καὶ τῇ τούτου παρασκευῇ ἔτακτα, ἀδελφώτα, ἀδέρωτα ἅπαντα.

Tandem aliquando, Quirites, L. Catilinam furem audacia, scelus anhelantem, pestem patriae nefarie molientem, vobis atque huic urbi ferrum flammamque minitantem, ex urbe vel eiecimus vel emisimus vel ipsum egredientem urbe persecuti sumus. Abiit, excessit, evasit, erupit. 2. Cat. 1.

57. III. *Expolitio* id facit sententiis, quod synonymia verbis. Quid expolitio.

Haec figura a Cicerone una in re commoratio dicitur : nempe rem eandem aliis et aliis sententiis explicat, ut ita in omnes quasi facies versata, prorsus pateat et altius in mentem descendat. — Pergit Cic. l. c.

Nulla jam perniciēs a monstro illo atque prodigio moenibus ipsis intra moenia comparabitur. Atque hunc quidem unum belli domestici ducem sine controversia vicimus. Non jam inter latera nostra sica illa versabitur; non in campo, non in foro, non in curia, non denique intra domesticos parietes pertimescemus. Loco ille motus est, cum est ex urbe expulsus : palam jam cum hoste, nullo impediēte, bellum justum geremus. Sine dubio perdidimus hominem magnificeque vicimus, cum illum ex occultis insidiis in apertum latrocinium conjecimus. Vide etiam l. Cat. c. l. 5. 9.

58. Sed his figuris vicina sunt duo vitia, verboritas et tautologia. Vitia vicina.

Verboritas verba cumulat inutiliter; tautologia saepius idem dicit sine ratione et virtute.

Quae ut fugiamus videndum est: 1. ut orationi subsit sententia gravis; 2. ut neque in tali commoremur, nisi proposita oratio exigat; 3. ut verba et sententiae illae simi- Quomodo vitanda.

les non tamen plane idem eodem modo dicant, sed rem magis ac magis illustrent.

Quid polysyndeton.

59. IV. Polysyndeton est oratio conjunctionibus abundans; aut iisdem, ut:

Aen. 2, 646.

*Ascaniumque patremque meum juxtaque Creusam
Alterum in alterius mactatos sanguine cernam?*

aut diversis, ut in primis versibus Aeneidis.

Quid dissolutio.

60. V. Dissolutio contra demit conjunctiones, ut:

Terent.

Faciat, quod libet, sumat, consumat, perdat : decretum est pati.

Utrumque horum etiam *coacervatio* dicitur : varia scilicet nomina, fons quidem unus, quia acriora facit et instantiora, quae dicimus, et vim quandam prae se ferentia velut saepius erumpentis affectus. — Polysyndeton tamen non acrem solum animi motum, sed contra etiam languorem et tarditatem imitatur. Pergit Demost. I. c. (n. 56.)

Τοιγαροῦν ἅμα ἀκρόαμέν τι, καὶ τριηράρχους καθίσταμεν, καὶ τοῖς ἀντιδόσεϊς ποιοῦμεθα, καὶ περὶ χρημάτων πέρου σκοποῦμεν, καὶ μετὰ ταῦτα ἐμβαίνειν τοὺς μετοίκους ἔδεξε, καὶ τοὺς χωρὶς οἰκοῦντας, εἴτ' αὐτοὺς πάλιν ἀνεμβιβάζειν· εἴτ' ἐν ὅσῳ ταῦτα μέλλεται, προαπώλωλεν, ἐφ' ᾧ ἂν ἐκπλέωμεν.

Quid anthitheton.

61. VI. Anthitheton seu contrapositum figura est, qua verba verbis, vel sententiae sententiis opponuntur.

Itaque nunc ad figuras verborum nunc ad sententiarum pertinet. Utriusque exemplum clarus Tullii locus exhibet, in quo Verres opponitur Marcello :

Conferte hanc pacem cum illo bello, hujus praetoris adventum cum illius imperatoris victoria, hujus cohortem impuram cum illius exercitu incicto, hujus libidines cum illius continentia; ab illo, qui cepit, conditas, ab hoc, qui constitulas accepit, caplas dicetis Syracusas. Ac jam illa omitto, quae disperse a me multis locis dicentur ac dicta sunt : forum Syracusanorum, quod in-

troitu Marcelli purum a cacde servatum est, id adventu Verris Siculorum innocentium sanguine redundasse; portum Syracusanorum, qui tum et nostris classibus et Carthaginiensium clausus fuisset, eum isto praetore myoparoni praedonibusque patuisse.

Schol. Antitheton et antithesis plerumque pro re eadem accipiuntur; nonnulli tamen tum solum antithesis dicunt, cum res, quae pugnare videntur in unum sensum conjunguntur: *Innocentiae saepe cloquens silentium est. Nihil hujus voluptatis dulcedine amarius.*

Haec figura modo suavem modo fortem et acrem reddit orationem, si tamen et parce adhibeatur, et impleta sit sententiarum pondere, et rebus quasi innata, non accessita videatur.

Quid de usu.
Qt.

1. Incredibilis saepe vis in brevi oratione hac figura efficitur: *Excitate eum, si potestis, ab inferis: frangetis impetum vivi,* Pro Mil. 32. *cujus viz sustinetis furias inscputti.*

2. Certe ut antithesis optimus quisque scriptor delectatus est, ita per eadem, cum primum in dicendi vitia inclinatio coepta est, plurimum peccari solet. (Cf. n. 147.)

62. VII. *Paronomasia* sive agnominatio vocabula sono similia, sensu dissimilia jungit. Quid paronomasia.

Consul ipse parvo animo et pravo. Facie magis quam facetiis ridiculus. Huic simile: *Cur ego non dicam, Furio, te furiam?* — Cic. *Res per se leviuscula interdum tamen etiam extra jocum non inepta: Quantum possis, in eo semper experire, ut prosis.* Ovid.

63. VIII. *Gradationem* hodie quidem vocant omnem orationem, quae per majora ad maximum ascendit, aut ad minimum per minora descendit. Quid gradatio.

In verbis: *Nihil agis, nihil moliris, nihil cogitas; quod ego non modo audiam, sed non vidcam planeque sentiam.* l. Cnt. 3.

In sententiis: *Tenuerunt P. Popilio, P. Rupilio Coss., illum locum servi, fugitivi, barbari, hostes: sed neque tam servi illi dominorum, quam tu libidinum; neque tam fugitivi illi a domi-* Ne sign. c. 50.

nis, quam tu a jure et legibus; neque tam barbari lingua et natione illi, quam tu natura et moribus; neque illi tam hostes hominibus, quam tu diis immortalibus.

Quid apud veteres. Veteres illam tantum gradationem, in qua praecedens vocabulum repetentes progredimur, figuram, quam *κλίμαξ* dicebant, esse voluerunt; ut:

Pro R. Amer. 27. *In urbe luxuries creatur, ex luxurie existat avaritia necesse est, ex avaritia erumpat audacia, inde omnia scelera ac maleficia gignuntur.* Vide etiam pro Mil. c. 23. — Notum est illud: *Οὐκ εἶπον μὲν ταῦτα, οὐκ ἔγραψα δέ· οὐδὲ ἔγραψα μὲν, οὐκ ἐπέσβεσα δέ· οὐδὲ ἐπέσβεσα μὲν, οὐκ ἔπεισα δὲ Θηβαίους.* (1)

Simplex illa gradatio frequens est, sed hic *κλίμαξ* propter apertiores artes raras.

64. IX. *Correctio* fit, cum verbum aut sententiam retractamus, aliquid aliud magis idoneum subjicientes.

Fam. 1, 9. Verbum corrigit Cicero: *Clodium, inimicum meum, meum autem? immo vero legum, judiciorum, otii, patriae, bonorum omnium, sic amplexabantur etc.*

1. Cat. 9. Sententiam: *Quamquam quid loquor? te ut ulla res frangat? tu ut unquam te corrigas? tu ut ullam fugam meditare? tu ut ullum exilium cogites? Utinam tibi istam mentem dii immortales duint!*

Quid adjunctio. 65. X. *Adjunctio* est, cum ad unum verbum sententiae plures referuntur.

Pro Cluent. 6. 1. Cat. 9. Nunc quidem praecedat verbum: *Vicit pudorum libido, timorem audacia, rationem amentia; nunc subsequitur: Nec enim is es, Catilina, ut te aut pudor unquam a turpitudine aut metus a periculo, aut ratio a furore avocaret.*

(1) Sensus: Non modo dixi, sed etiam etc.

66. XI. Huic contraria *disjunctio* incisa plura pluribus Quid disjunctio.
verbis claudit, cum sufficiat unum.

Tot annos ita vivo, ut ab nullius me unquam tempore aut commodum aut otium meum abstraxerit, aut voluptas avocarit, aut denique somnus retardarit. Pro Arch. 6.

Hanc figuram nonnulli cum dissolutione confundunt, cui scilicet saepe conjuncta est. — Ceterum quia in disjunctione synonymis utendum est, servari debent, quae n. 26. praecepta sunt. Praeclare Demost. *Ἡμεῖς οὔτε χρήματα εἰσφέρειν βουλούμεθα, οὔτε αὐτοὶ στρατεύεσθαι τολμῶμεν, οὔτε τῶν κοινῶν ἀπέρχεσθαι δυνάμεθα.* De Chers.

67. XII. *Similiter cadens* oratio dicitur, in qua plura iisdem casibus, temporibus etc. *afferuntur.* Quid similiter cadent.

Est idem Verres, qui fuit semper, ut ad audendum projectus, sic paratus ad audiendum. — Quid est tam commune, quam spiritus vivis, terra mortuis, mare fluctuantibus, litus ejectis? Cic. Id.

68. XIII. *Similiter desinens* illa vocatur, cujus membra similes exitus habent. Quid similiter desinens.

Ejusdem non est, et facere fortiter et vivere turpiter.

Illud autem inter haec duo interest, quod similiter cadens non requirit similes sonos vel numeros, nec tantum in fineprehenditur, sed respondent vel prima inter se vel mediis vel extremis, vel etiam permutatis his, ut media primis et summa mediis accommodentur, et quocunque modo accommodari poterunt. Ql.

69. XIV. *Compar* oratio est cujus membra pari fere numero syllabarum constant. Quid compar.

Plerumque praecedentibus jungitur : *Tantum bellum, tam diuturnum, tam longe lotoque dispersum..... Cn. Pompejus extrema hieme apparavit, incunte vere suscepit, media aestate confecit.* Pro lege M. 12.

Horum trium usus esse debet parcissimus : nam et artificium apertum est, et virtutes ipsae taedium pariunt, nisi gratia varietatis adjutae.

ART. II.

DE FIGURIS SENTENTIARUM.

(Qt. 2, 2.)

Quid interrogantis
usus.

70. I. *Interrogatio*, ut jam dictum est (n. 53.), tum rationem figurae habet, cum forma interrogandi utimur, quamquam nihil sciscitatur. — Usurpatur autem in argumentatione, suasionem vel dissuasionem, in omni denique animorum motu.

- Qt. 1. In *argumentatione* variat orationem et excitat; inprimis autem urget et pungit adversarium, ut cum quaerimus, ad quae difficile est respondere : *Stipulatus es? ubi? quo die? quo tempore? quo praesente? quis me spopondisse dicit? nemo* — vel interrogamus, quae cum in aperto sint, negari non possint : *Quid est, Verres, quid ad haec cogitas respondere? num mentiri me? num fingere aliquid? num augere crimen? num quid horum dicere istis defensoribus tuis audeas?* — vel reprehendimus adversarium, vel argumenta ejus deridemus vel etiam quasi victo insultamus : ut : *Quid sedes Verres? quid expectas? etc.*

Demost.
Phil. 1.

2. In *suasione*, dissuasionem, laudationem, reprehensionem interrogando instamus, et urgemus ardentius :

Εἴτα τοῦτ' ἀγαμενῶμεν, καὶ τρήρεις κενὰς καὶ τὰς παρὰ τοῦ θεῖ-
νος ἐλπίδας ἐὰν ἀποστείλῃτε, πάντ' ἔχειν ὀέσθε καλῶς ; οὐκ ἐμβυσό-
μεθ' ; οὐκ ἔξιμεν αὐτοὶ μέρει γὰρ τινὶ στρατιωτῶν οὐκείων νῦν, εἰ
καὶ μὴ πρότερον ; οὐκ ἐπὶ τὴν ἐκάστου πλευσούμεθα ;

Pro Mil. 37.

3. Plurimum valet in *motibus animorum* exprimendis.

Ο με miserum, ο infelicem! revocare tu me in patriam, Milo, potuisti per hos; ego te in patria per eosdem retinere non poterō? Quid respondebo liberis meis, qui te parentem alterum putant? Quid tibi, Q. frater, qui nunc abes, consorti mecum temporum illorum? me non potuisse Milonis salutem tueri per eosdem, per quos nostram ille servasset?

Quae in
respondendo
figura.
Qt.

71. II. In *respondendo* figura est, cum aliud interroganti ad aliud, quia sic utilius sit, occurritur.

Hoc fit et augendi criminis gratia, ut testis in reum rogatum, *An a reo fustibus vapulosset — Et innocens, inquit; — et declinandi, quod est frequentissimum : quaero, an occideris hominem, respondetur latronem; an fundum occupaveris, respondetur meum.*

72. III. *Subjectio* est, cum orator vel interrogat seipsum et respondet sibi, vel cum alium interrogavit, non expectat responsum, sed statim ipse subjicit. Quid subjectio.

Ita Cicero l. c. pergit : *At in qua causa non potuisse? quae est grata gentibus. A quibus non potuisse? ab iis, qui maxime P. Clodii morte acqulerunt. Quo deprecante? me. —* *Εἰ δ' ἄπαξ* (ἡ ὑπὸ τοῦ Διοπίδου δυνάμει) διαφασχέσεται καὶ διαλυθήσεται, τί ποιήσομεν, ἂν (Φίλιππος) ἐπὶ χειρὶ ῥήσῃσιν ἡ; κρινοῦμεν Διοπίδην; νῆ δια. Καὶ τί τὰ πράγματα ἔσται βελτίω; ἀλλ' ἐνθάδε βοηθήσομεν αὐτοῖς; ἂν δ' ὑπὸ τῶν πνευμάτων μὴ δυνώμεθα; ἀλλὰ μὰ δ' οὐχ ἔξει. καὶ τίς ἐγγυητής ἐστι τούτου;

De Chers

Ceterum ad hanc figuram etiam revocatur modus quidam elegans solvendi argumenta, singulis brevi solutione subjecta, quamvis extra formam rogandi et respondendi. Vide de suppl. c. 42. ubi utraque forma permixta est.

73. IV. *Praeteritio* est, dum dicere nolle fingimus, quae tamen vel maxime dicimus. Quid praeteritio.

1. Si reapse quidpiam vel praeterimus vel leviter attingimus, non est sane figura. — Vera praeteritione Tullius utitur :

At illud tenebrosissimum tempus ineuntis aetatis tuae patior latere : licet impune per me parietes in adolescentia perfoderis, vicinos compilaris, matrem verberaris : habeat hoc praemium tua indignitas, ut adolescentiae turpitudine obscuritate et sordibus tuis obtegatur. — Vide etiam n. 26.

In Vat. 5.

2. Quoniam autem, quae a nobis omitti dicimus, certe quam brevissime enuntianda sunt, qui fieri potest, ut ea nihilominus vel maxime dicamus? Nempe et ipsa figurae ratio animos reddit in pauca illa, quae dicimus, attentissimos, et verbis utimur lectissimis gravibusque sententiis. — Ceterum necessaria illa brevis

facit, ut in re, quae accuratius et diffusius exponi debet, huic figurae locus non sit.

Quid concessio.

74. V. Ut in praeteritione profutura omittere, sic in concessione nocitura ultro videmur vel admittere vel pati.

Vim habet inde, quod magnam causae fiduciam ostendit. —

Qt. Fit multis modis; nam et confitemur, quae nihil nocent :

Pro Lig. 1. *Habes igitur, Tubero, confitentem reum; sed tamen ita confitentem, se in ea parte fuisse, qua te, Tubero, qua virum omni laude dignissimum, patrem tuum. Itaque prius de delicto vestro falcemini necesse est, quam Ligarii ullam culpam reprehendatis.* Et augemus, quae nobis obijciuntur, quia facile possunt dilui. Ita augeat Cicero vehementer parricidium, ut ipsius criminis atrocitate Roscium defendat. c. 13. (v. n. 350.) Interdum etiam decedimus jure nostro, non exigentes, quae adversarius praestare non posset:

Pro R. Amer. 27.

Esto, parricidii causam proferre non potes, tamen statim vicisse debeo, tamen de meo jure decedam, et tibi, quod in alia causa non concederem, in hac concedam, fletus hujus innocentia, non quaero abs te, quare patrem Sex. Roscius occiderit, quaero, quomodo occiderit. — Aut concedimus, minus gravia esse, quae ipsi arguimus, ut scilicet eo majora videantur, quae sequuntur :

De suppl. 44.

Lecia sunt haec in hoc reo crimina. Metum virgarum nearchus nobilissimae civitatis pretio redemit, humanum; alius ne condemnaretur, pecuniam dedit; usitatum est. Non vult P. R. obsoletis criminibus accusari Verrem; nova postulat, inaudita desiderat; non de praetore Siciliae, sed de crudelissimo tyranno fieri judicium arbitratur. — Fatemur denique esse in persona aut re, quae nobis contraria sint : vide totum exordium pro Ligario.

Qt.

His affine est genus, cum imperantibus vel permittentibus similes sumus.

Sic pastor Aristaeus cum matre Cyrene graviter conquestus; quod apes ipsius interire passa sit, haec subjungit :

*Quin age, et ipsa manu felices erue silvas :
 Fer stabulis inimicum ignem, atque interfice messes ;
 Ure sata, et validam in vites molire bipennem ;
 Tanta meae si te ceperunt taedia laudis.*

Georg. 4.
 329.

Schol. Sunt, qui has et similes figuras *ironiae* subjiciant : propterea quod quaedam in iis fictio est, ut aliud velle aut agere videamur, quam res nostra ferat. cf. n. 53.

75. VI. *Communicatio* dicitur, cum eos, ad quos dirigitur sermo, aut ipsos etiam adversarios consulimus, et cum iis quasi deliberamus. Quid communicatio.

1. *Nunc ego, judices, jam vos consulo, quid mihi faciendum putetis. Id enim consilii mihi profecto taciti dabitis, quod cōmet mihi necessario capiendum intelligo.* In Verr. act. I, 11.

2. *Tu denique, Labiene, quid faceres tali in re ac tempore? Cum ignaviae ratio te in fugam atque in latebras impelleret, improbitas et furor L. Saturnini in Capitolium arcesseret; consules ad patriae salutem ac libertatem vocarent: quam tandem auctoritatem, quam vocem, cujus sectam sequi, cujus imperio parere potissimum velles?* Pro Rab. 8.

76. VII. *Huic vicina est dubitatio*, qua simulamus quaerere nos, quid potissimum aut quomodo dicendum, unde incipiendum, ubi desinendum sit. Quid dubitatio.

Quid nunc agam? cum jam tot horas de uno genere ac de istius nefaria crudelitate dicam, cum prope omnem vim verborum ejusmodi, quae scelere istius digna sunt, aliis in rebus consumserim; neque hoc providerim, ut varietate criminum vos attentos tenerem: quemadmodum de tanta re dicam? Optior, unus modus atque una ratio est. Rem in medio ponam, quae tantum habet ipsa gravitatis, ut neque mea, quae nulla est, neque cujusquam ad inflammandos vestros animos eloquentia requiratur. Desuppl. 61.

Hoc schema inprimis aptum est, ad excitandam atten- Quis usus.

tionem; sed saepe etiam graves motus habet, jungiturque aliis acerrimis figuris, praesertim subjectioni.

De or. 3, 56. Exemplum ex Gracchi oratione affert Cicero :

Quo me, miser, conferam? quo vertam? in capitoliumne? at fratris sanguine redundat. An domum? matremne ut miseram lamentantemque videam et abjectam?

Vide etiam celeberrimam Scipionis ad seditiosos milites orationem apud Livium 28, 27.

Quid sustentatio. 77. VIII. *Sustentatio*, dubitationi saepe conjuncta, suspendit animos, ut mox aliquid inopinatum subjungat.

De suppl. 3. *Jussu ejus homines, qui nominati erant, comprehensi sunt adductique Lilybaeum: domino denuntiatum est; causa dicta damnati sunt. Quid deinde? quid censeatis? furtum fortasse aut praedam exspectatis aliquam. Nolite usquequaque eadem quaerere. In metu belli, furandi qui locus potest esse?... (tum multis interjectis.) Etiam nunc mihi exspectare videmini, iudices, quid deinde factum sit: quod iste nihil unquam fecit sine aliquo quaestu atque praeda. Quid in ejusmodi re fieri potuit? quod commodum est? exspectate facinus, quantumvis improbum; vincam tamen exspectationem omnium. Nomine sceleris conjurationisque damnati, ad supplicium traditi; ad palum alligati, repente, multis millibus hominum inspectantibus, soluti sunt et Leonidae illi domino reddit. — (quippe qui interea Verri pretium obtulisset.)*

Quid paradoxum. 78. IX. *Paradoxum* est, quod non modo praeter expectationem, sed etiam praeter veritatem dici videtur.

Phil. 1. Πρώτον μὲν οὖν οὐκ ἀθυμητέον, ὃ ἄνδρες Ἀθηναῖοι, τοῖς παροῦσι πράγμασιν, οὐδ' εἰ πάνυ φαύλως ἔρχην δοκεῖ. ὁ γὰρ ἐστὶ χεῖριστον αὐτῶν ἐκ τοῦ παρεληλύθτος χρόνου, τοῦτο πρὸς τὰ μέλλοντα βέλτιστον ὑπάρχει. Τί οὖν ἐστὶ τοῦτο; ὅτι οὐδὲν, ὃ ἄνδρες Ἀθηναῖοι, τῶν θλοντῶν ποιοῦντων ὑμῶν, κακῶς τὰ πράγματα ἔχει· ἐπεὶ τοί γε, εἰ πάνθ' ἃ προσήκει, πραττόντων οὕτως ἔρχην, οὐδ' ἂν ἐλπίς ἦν, αὐτὰ βελτίκω γενέσθαι. — cf. Olynth. 1. paulo post initium: Οὐ μὲν

ἄλλ' ἐπεικῶς. — Ita etiam apud S. Chrys. Flavius ad Theodosium: Ἀλλ' εἰ δὲ τί καὶ θαυμαστὸν εἰπεῖν, μελλόντα ἡμῖν ἐπιδείξει τὴν εὐνοίαν ὧν κ. τ. α.

Destat. 21.

79. X. *Licentia* est ficta dicendi libertas. Dicimus scilicet ea, quae sua natura offendere possint, sed ita dicimus, ut, nedum offendant, benevolentiam potius concilient.

Quid licentia.

Vide, quam non reformidem, vide, quanta lux liberalitatis et sapientiae tuae mihi apud te dicenti oboriatur: quantum potero voce contendam, ut hoc Populus Romanus exaudiat. Suscepto bello, Caesar, gesto etiam magna ex parte, nulla vi coactus, iudicio meo ac voluntate ad ea arma profectus sum, quae erant summa contra te.

Pro Lig. 3.

Dixi *ficta* dicendi libertas. Quid enim, ait Fabius, minus figuratum, quam vera libertas? Sed frequenter sub hac facie latet adulatio. Nam Cicero, cum dicit pro Ligario: *Suscepto bello* etc. — non solum ad utilitatem Ligarii respicit, sed magis laudare victoris clementiam non potest. In illa vero sententia: *Quid autem aliud egimus, Tubero, nisi ut quod hic potest, nos possemus?* — admirabiliter utriusque partis facit bonam causam: sed hoc eum (Caesarem) demeretur, cujus mala fuerat. —

80. XI. *Occupatio* figura est, per quam, quod objici possit, praeventimus, ultroque rationem facti cujuspiam dictive reddimus.

Quid occupatio. Q.

Sed quid ego tam vehementer invehor? verbo jam uno repellar. Emi, inquit. O dii immortales, praeclaram defensionem! Mercatorem cum imperio ac securibus in provinciam misimus, qui omnia signa, tabulas pictas, omne argentum, aurum, ebur, gemmas coemeret, nihil cuiquam relinqueret.

De sign. 4.

Responsio ad objecta per se certe figura non est; sed frequentissime hac forma utimur, cum nihil objectum sit, ut excitetur scilicet oratio. Quare saepe etiam occurrit in exordiis, tanquam praemunitio quaedam vel praeparatio, ut de divinali, pro Rosc. Amer., et maxime de suppl., ubi ironiae et dubitationi perbene juncta est.

81. XII. *Distributio* vocatur, cum partes rei percurrimus; unicuique rationem subjicientes:

Quid distributio.

In Pis. 37. *Senatus odit te, quod eum tu facere jure concedis, afflictorem et proditorem non modo dignitatis et auctoritatis, sed omnino ordinis ac nominis sui; videre equites Romani non possunt, quo ex ordine vir praestantissimus L. Aelius est te consule relegatus; plebs Romana perditum cupit, in cujus tu infamiam ea, quae per latrones et per servos de me egeras, contulisti; Italia euncta execratur, cujus idem tu superbissime decreta et preces repudiasti.*

Huc etiam referunt, cum oratores initio summa capita proponunt, subjecta singulis brevi ratione, ut pro lege Man. c. 2. *Genus est enim ejusmodi* — Sunt etiam, qui omnem enumerationem distributionem dicant.

Quid reticentia.

82. XIII. *Reticentia* est repentina sermonis interruptio, qua aliquid, quod orationis series postulat, tacetur et audienti cogitandum relinquitur.

1. Valet maxime ad animi motus exprimendos :

Aen. 5, 193. *Non jam prima peto, Mnestheus, neque vincere certo, Quamquam o! — sed superent, quibus hoc, Neptune, dedisti. Extremos pudeat rediisse: hoc vincite, cives, Et prohibete nefas.*

Ad Att. 7, 22. *O incredibilem celeritatem! (Caesaris) Hujus aulem nostri (Pompeji).... sed non possum accusare eum, de quo angor et crucior.*

Aen. 1, 139. *Quos ego — sed motos praestat componere fluctus.*

Qt. 2. Est alia non quidem reticentia, quae sit imperfectio sermonis, sed tamen praecisa velut ante finem oratio, ut illud :

Pro Lig. 3. *Nimis urgeo, commoveri videtur adolescens.*

Quid emphasis.
Qt.

83. XIV. *Emphasis*, reticentiae affinis, altiore praebet intellectum, quam quem verba per se ipsa declarant.

Ejus species duae sunt : altera plus significat, quam dicit, altera etiam id, quod non dicit.

1. Prior est apud Virgilium *Demissum iopsi per funem* — ;

nam sic altitudo (equi Trojani) demonstrata est. Idem *Cyclopem* cum *jacuisse* dicit *per antrum*, prodigiosum illud corpus spatio loci mensus est.

2. Sequens posita est in voce aut omnino suppressa aut etiam abscissa :

Si in hac tanta tua fortuna lenitas tanta non esset, quantum tu per te, per te, inquam, obtines; intelligo quid loquar; acerbissimo luctu redundaret ista victoria. Pro' Lig 3.

84. XV. *Hypotyposis* est illustris explicatio, rerumque quasi gerantur, sub aspectum paene subjectio. Quid hypotyposis. De or. 3, 53.

Haec figura vix differt ab eximia illa narrandi vel describendi perspicuitate, quam *evidentiam* (ἐvidύειαν) vocant, de qua Quintilianus : Magna virtus est, res, de quibus loquimur clare, atque ut cerni videantur, enunciare. Non enim satis efficit, neque, ut debet, plane dominatur oratio, si usque ad aures valet, atque ea sibi iudex, de quibus cognoscit, narrari credit, non exprimi et oculis mentis ostendi.

Ipsae inflammatus scelere et furore in forum venit. Ardebant oculi, toto ex ore crudelitas eminebat; expectabant omnes quomodo tandem progressurus, aut quidnam acturus esset; cum repente hominem proripi atque in foro medio nudari ac deligari et virgas expediri jubet. Clamabat ille miser, se civem esse Romanum etc. De suppl. 62.

Hypotyposis visio dicitur, cum res praeteritas vel futuras vel quoque modo dissitas, tanquam si coram gerantur, et inspectentur, perhibet — et fortasse haec sola hypotyposis recte inter figuras ponitur. Quid visio.

1. *Haec posteaquam acta et constituta sunt, procedit iste repente e praetoria, inflammatus scelere, furore, crudelitate; in forum venit; navarchos vocari jubet. Qui nihil metucrent, nihil suspicarentur, statim accurrunt. Iste hominibus miseris innocentibusque injici catenas imperat. Implorare illi fidem populi Romani et quare id faceret, rogare. Fit clamor et admiratio populi etc.* De suppl. 41.

4 Cat. 6. 2. *Videor mihi hanc urbem videre, lucem orbis terrarum atque arcem omnium gentium, subito uno incendio concidentem; cerno animo sepultam patriam, miseros atque insepultos acervos civium; versatur mihi ante oculos adspectus Cethegi et furor in vestra caede bacchantis.*

2 Cat. 1. 3. *Jacet ille nunc prostratus, Quirites, et se percutsum atque abjectum esse sentit, et retorquet oculos profecto saepe ad hanc urbem, quam ex suis faucibus ereptam esse luget; quae quidem laetari mihi videtur, quod tantam pestem evomuerit forasque projecerit.*

Quoniam haec figura praestantissima est rei factive expressio, et proinde in narratione vel descriptione ut pars maxime illustris luget, in eam conveniunt praecepta de narratione et descriptione, alibi a nobis exponenda. Id tamen in universum hic

5, 2. ex Quintiliano adjiciam: Hujus summae, iudicio quidem meo, virtutis facillima est via. Naturam intueamur, hanc sequamur. Omnis eloquentia circa opera vitae est; ad se refert quisque, quod audit; et id facillime accipiunt animi, quod agnoscunt.

Quid ethopoeia. 85. XVI. *Ethopoeia*, quae etiam *μίμησις* dicitur, est vitae ac morum alicujus ad vivum expressio.

Ethopoeia a justa morum notatione differt, ut hypotyposis a descriptione. Nam nec semper mores totos exsequitur, et saepe eos non tam describit, quam paucis factis vel sermonibus imitando exprimit.

Quemadmodum composito et delibuto capillo passim per forum vollet cum magna caterva togatorum, videtis, iudices; ut omnes despiciat, ut hominem prae se neminem putet; ut se solum beatum, solum potentem putet. — cf. aliud praeclarum sed longius exemplum pro Sext. c. 8. Demosthenes etiam adversarios suos paucis ad vivum dipingit.

Ἐπειδὴν τι τῶν πρὸς Φίλιππον ἐμπέσῃ, εὐθὺς ἀναστὰς τις λέγει· τὸ τὴν εἰρήνην ἄγειν ὡς ἀγαθόν· καὶ τὸ τρέφειν δύναμιν ὡς χαλεπόν.

Quid apostrophe. 86. XVII. *Apostrophe* est, cum eos alloquimur, ad quos instituta oratio non dirigitur.

Fit variis modis : 1. Accusatorem vel reum, vel unum aliquem ex audientibus alloquitur orator : cujus generis exempla passim occurrunt.

2. Deum, superos, tum poëtae tum oratores compellant; sed nec hujusmodi exempla deesse poterunt.

3. Illud audacius, cum ad mortuos sermo convertitur. Exemplum depromo ex Fabio, cujus utinam non praecepta tantum, sed opera etiam eloquentiae ad nos pervenissent! In proemio ad lib. VI Inst. de filii morte in haec verba loquitur : *Ille majora, constantia, gravitas, contra dolores etiam ac metus robur. Nam quo ille animo, qua medicorum admiratione, mensum octo valetudinem tulit ! ut me in supremis consolatus est ! quam etiam deficiens jamque non noster, ipsum illum alienatae mentis errorem circa solas litteras habuit ! Tuosne ego, o meae spes inanes, labentes oculos, tuum fugientem spiritum vidi ? Tuum corpus frigidum exsanguis complexus, animam recipere auramque communem haurire amplius potui ? dignus his cruciatibus, quos fero ; dignus his cogitationibus. Tene consulari nuper adoptione ad omnium spes honorum patris admotum, te avunculo praetori generum destinatum, te omnium spe Atticae eloquentiae candidatum, superstes parens tantum ad poenas, amisi ?*

4. Maxima audacia, cum urbes, patriam, res denique inanimas alloquimur.

Vos enim jam, Albani tumuli atque luctus, vos, inquam, imploro atque testor, vosque, Albanorum obrutae arae, sacrorum populi Romani sociae et aequales, quas ille, praecipuus amentia, caecis prostratisque sanctissimis lucis, substructionum insanis motibus oppresserat : vestrae tum (cum Clodius occideretur) arae, vestrae religionis vigerunt, vestra vis valuit, quam ille omni scelere polluerat.

Pro MIL. 31

87. XIX. *Prosopopoeia* est, cum personas vel res, quasi sint personae, loquentes fingimus.

Quid prosopopoeia.

Hujus species eadem sunt quae apostrophae.

1. Et adversariorum cogitationes velut secum loquentium pro-

Qt. 9, 2.

trahimus; quae tamen ita demum ab fide non abhorrent, si ea locutos finxerimus, quae eos cogitasse non sit absurdum; et nostros cum aliis sermones et aliorum inter se credibiliter introducimus.

De suppl.
40. *Fuit consilium non improbi praetoris... sed importuni atque amentis tyranni : statuit... navarchos omnes, testes sui scele- ris, vita esse privandos. Occurrebat illa ratio; quid Cleomeni flet? Poterone animadvertere in eos, quos dicto audientes esse jussi? missum facere cum, cui imperium potestatemque per- mitsi?... Pereat Cleomenes una. Ubi fides? ubi execrationes? ubi dextrae complexusque? ubi illud contubernium muliebris mi- litiae in illo delectatissimo litore? Fieri nullo modo poterat, quin Cleomenem parceretur. Cleomenem vocat; dicit ei, se statuisse animadvertere in omnes navarchos... Tibi uni paream.... Agit gratias Cleomenes : approbat consilium : dicit, ita fieri oportere...*

Et susdendo, adjurando, querendo; laudando, miserando per- sonas idoneas damus. (1)

Pro Mii. 36. *Me quidem, iudices, exanimant et interimunt hac voces Mi- tonis, quas audio assidue et quibus intersum quotidie. Valeant inquit, valeant cives mei, sint incolumes, sint florentes, sint beati, et totus ille pulcherrimus locus.*

2. Quin deducere Deos in hoc genere dicendi, et inferos excitare, concessum est. Vide Eleg. Propert. *Cornelia Paulo.*

3. Urbes quoque populiue vocem accipiunt :

1. Cat. 7. *Patria tecum, Catilina, sic agit et quodammodo laeta loquitur : Nullum jam tot annis facinus extitit, nisi per te, nullum flagitium sine te; tibi uni multorum civium nece, tibi vexatio direptioque sociorum impunita fuit ac libera; tu non solum ad*

(1) Quintilianus fuisse refert, qui sermones hominum assimilatos dialogos et eas tantum prosopopoeias dicere, in quibus rebus inanimis sermo tribuitur. Blair et alii recentiores similiter in rebus tantum inanimatis veram prosopopoeiam fieri volunt, ejus autem tres species ponunt: primam, cum rebus proprietates hominum, alteram, cum actiones, tertiam cum locutionem damus. At duae illae priores species ad metaphoram revocantur. (n. 42.)

negligendas leges et quaestiones, verum etiam ad exortendas perfringendasque valuisse. Superlora illa, quamquam ferenda non fuerunt, tamen, ut potui, tuli : nunc vero, me totam esse in metu propter te unum ; quidquid increpuerit, Catilinam timeri, nullum videri contra me consilium iniri posse, quod a tuo scelere abhorreat, non est ferendum. Quamobrem discede, atque hunc mihi timorem eripe : si verus, ne opprimar ; si falsus, ut tandem aliquando timere desinam.

88. De usu apostrophae et prosopopoeiae praecipuntur Quae de usu.
quatuor :

1. Breviares apostrophae etiam ad res inanimas apud poetas frequentes esse solent :

2. Sed in audacioribus illis magna quaedam vis eloquentiae desideratur. Qt. et Bl. 1, 16.

Haec enim nisi inflamment et abripiant animos pro vanis accipi et rideri contingit. Quapropter in soluta maxime oratione raro sunt usurpandae.

3. Animi eorum quoque, qui audiunt, permoti et quasi parati esse debebunt.

Vide quam caute Cicero per multos velut gradus ad sublimem illum locum, quem modo attuli, ascenderit.

4. Temperari tamen possunt, ut in leniori etiam motu locum habeant.

Ὁ μὲν οὖν παρὼν καιρὸς, ὃ ἄνδρες Ἀθηναῖοι μένον οὐχὶ λέγει Dem. Ol. 1.
φωνὴν ἀφικεῖς ὅτι τῶν πραγμάτων ὑμῶν ἐκείνης αὐτοῖς ἀντιληπτέον
ἔστιν, εἴπερ σωτηρίας αὐτῶν φροντίζετε.

89. XX. *Exclamatio* animi motus exprimit, omnes quidem, sed praecipue vehementiores. Quid exclamatio.

1. Quare usurpari solet post rem insignem congrue amplificatam, ut : *O nomen dulce libertatis ! o jus eximium nostrae civitatis ! o lex Porcia legesque Semproniae ! o graviter deside-* Ad quid inserviat.
De suppl. 43.

rata ei aliquando reddita plebi Romanae tribunicia potestas! Hucce tandem omnia reciderunt, ut civis Romanus in provincia P. R., in oppido foederatorum ab eo, qui beneficio P. R. fasces et secures haberet, deligatus in foro virgis caederetur?

2. Sed nonnunquam etiam, praesertim post sustentationem,
 1. Cat. 4. subita exclamatione motus erumpit, ut : *Dii immortales! ubi-
 nam gentium sumus?*

Schol. Negat Quintilianus figuram esse, nisi simulata sit.

*Quis ejus
 usus.* Usus moderatus sit. Tantum enim movet exclamatio,
 quantum eum, qui dicit, vere et pro rei natura motum
 esse ostendit.

- B1. 1. 16. Qui saepius et sine ratione exclamant, eorum sunt similes,
 qui scripta solent exclamandi notis replere, quasi his signis
 orationi communi et frigidae aliud accedat, nisi quo risum
 moveat legentibus vel taedium. — Notanda etiam est putida
 quaedam mollities, qua nonnulli in dicendo identidem quasi
 ingemiscunt.

*Quid opta-
 tio.* XXI. *Optatio* est oratio, qua desiderium aliquod ex-
 primimus.

Tum maxime figurae rationem habet, cum pro aperta sen-
 tentiae declaratione ponitur, ut :

*Pro lege
 Man. 40.* *Utinam, Quirites, virorum fortium atque innocentium copiam
 tantiam haberetis, ut haec vobis deliberatio difficilis esset, quem-
 nam potissimum tantis rebus ac tanto bello praeficiendum pu-
 letis.*

*Quid exse-
 cratio.* XXII. *Exsecratio* est, cum malum imprecamur.

6. Phil. 5. *Populi Romani igitur est patronus L. Antonius? Malam qui-
 dem illi pesiem! Clamori enim vestro assentior.*

*Quid obse-
 cratio.* XXIII. *Obsecratio* est, cum misericordiam opemve ali-
 cujus imploramus.

*Pro rage
 Daj. 3.* *Quamobrem hoc nos primum metu; C. Caesar, per fidem ei
 constantiam et clementiam tuam libera; ne residere in te ullam*

partem tracundiae suspicemur. Per dexteram istam te oro, quam regi Dejotaro hospes hospiti porrexisti; istam, inquam, dexteram non in bellis et proeliis, quam in promissis et fide firmiorem.

Haec figura saepe vehemens est et maximis motibus aptissima; quare in perorando frequenter usurpatur.

ART. III.

DE USU FIGURARUM.

90. Figurarum demonstratio est et ipsa doctrina vulgaris, usus autem gravissimus et in hoc toto dicendi studio difficillimus. De or. 3, 55

I. Gravissimus est usus, quoniam et vim rebus adjiciunt et gratiam praestant. Quid valeant.
Qt. 9, 1.

1. Vim ideo conferunt, quod orationem quasi actuosam reddunt. Nam ut ait Quintilianus, motus est in bis orationis et actus, quibus demtis jacet et velut agitante corpus spiritu caret. — Quare etiam affectus nihil magis ducit: nam si frons, oculi, nianus multum ad motum animorum valent, quanto plus orationis ipsius vultus ad id, quod intendimus efficere, compositus? 9, 2.
9, 1.

2. Gratiam praestant, quoniam eadem illa re et excitant mentem et varietate levant fastidium: quod idem Fabius statuæ similitudine bellissime ostendit: Recti quidem, inquit, corporis vel minima gratia est. Neque enim adversa sit facies, et demissa brachia, et juncti pedes, et a summis ad ima rigens opus. Flexus ille et, ut sic dixerim, motus dat actum quendam efficitis. Ideo nec ad unum modum formatae manus et in vultu mille species. Cursum habent quaedam et impetum, sedent alia vel incumbunt: nuda haec, illa velata sunt, quaedam mixta ex utroque. Quam quidem gratiam et delectationem afferunt figurae, quaeque in sensibus, quaeque in verbis sunt. 2, 13.

91. II. Sed hanc utilitatem ut consequamur, nonnulla sunt diligenter observanda. Quae servanda.

1. Sententia subsit idonea et verus animi motus.

Qt. 9, 2. Sunt, qui neglecto rerum pondere et viribus sententiarum, si vel inania verba in hos modos depravarint, summos se iudicent artifices, ideoque non desinunt eas nectere : quas sine sententia sectari tam est ridiculum, quam quaerere habitum gestumque sine corpore.

Ibid. 2. Ne hae quidem, quae recte fiunt, densandae sunt nimis.

Nam et vultus mutatio oculorumque coniectus multum in actu valet; sed si quis ducere os exquisitis modis, et frontis ac luminum inconstantia trepidare non desinat, rideatur. — Ubi illud etiam opportune monent, non ita esse sive figuras, sive tropos necessarios putandos, ut sine illis virtus dicendi esse nusquam possit. Non sine virtute magna, quamvis sine ornamentis dixit Virgilius :

Aen. 10,
781.

*Sternitur infelix alieno vulnere, coelumque
Adspicit, et dulces moriens reminiscitur Argos.*

3. Quo minus tamen artificiosae et a simplice ratione deflexae fuerint, eo crebrius usurpari poterunt.

Qt. 9, 3. Sunt enim quaedam figurae ita receptae, ut paene jam hoc ipsum nomen effugerint : quae etiamsi fuerint crebriores, consuetas aures minus feriant. Nam secretae et extra vulgarem usum positae ideoque magis nobiles, ut novitate aurem excitant, ita copia satiant.

4. Naturales sint, ita ut non solum in rem et locum convenient, sed etiam obviae fuisse dicenti, non conquisitae aut multa arte formatae esse videantur.

Br. 37. Demosthenes certe, ut Cicero ac Quintilianus testantur, ideoque ab hominibus doctis oratorum est princeps iudicatus, quod hoc genere praestat omnibus. Ita tamen apud eum figurae sententiis rebusque consentiunt, ut fere ne appareant quidem, nisi studiosius inquirenti.

5. Saepe denique plures figurae uno in loco magna virtute miscentur.

Πίστ' ὅν, ὦ ἄνδρες Ἀθηναῖοι, πότε ἂν χρὲ, πράξετε; ἐπειδὴν τί γένηται; ἐπειδὴν, πῇ δία, ἀνάγκη τις ᾖ· νῦν δὲ τί χρὲ τὰ γιγνόμενα ἡγεῖσθαι; ἐγὼ μὲν γὰρ οἶομαι, τοῖς ἐλευθέροις μεγίστην ἀνάγκην τὴν ὑπὲρ τῶν πραγμάτων αἰσχύνην εἶναι. ἢ βούλεσθε, εἰπέ μοι, περιμέντες αὐτοῦ πυροβόλῃ κατὰ τὴν ἀγορᾶν; λέγεται τι καινόν; γένοιτο γὰρ ἂν τι καινότερον, ἢ Μακεδόνων ἀνὴρ Ἀθηναίου; καταπολεμῶν, καὶ τὰ τῶν Ἑλλήνων διοικῶν; τέθνηκε Φίλιππος; οὐ μὰ δέ, ἀλλ' ἄσθενεῖ. τί δ' ὅμῳ διαφέρει; καὶ γὰρ ἂν εὐτὸς τι πάθῃ, ταχέως ὑμεῖς ἕτερον Φίλιππον πείθεσθε, ἅνπερ οὕτω προσέχητε τοῖς πράγμασι τὸν νῦν.

92. III. Optimus figurarum usus discitur inprimis assidua exercitatione legendi, interpretandi, imitandi.

1. Observa legendo, quam apud optimos quosque scriptores vim figurae singulae habeant, et quo pacto in locum orationis conveniant. Quapropter etiam exempla, hic allata, ut bene intelligantur, fere in orationis contextu sunt considerata.

2. Graeca et Latina frequenter in vernaculum sermonem convertit.

3. Imitare denique optima quaeque tam in simili, quam in dissimili argumento; nec sine utilitate eandem sententiam per plerasque figuras duces.

CAPUT VI.

DE NONNULLIS ALIIS ORNAMENTIS.

Quinque hoc loco nobis tractanda restant: Similitudo, sententia, periphrasis, epitheton et transitio.

Sunt, qui haec vel ad tropos vel ad figuras referant: nos hic quoque rem videamus, de nomine ac specie minus solliciti.

ART. 1.

DE SIMILITUDINE.

93. Similitudo est oratio, quae traducit ad rem quampiam aliquid ex re dispari simile.

Quid sit.
Ad Her. 4

Phil. 2, 45. 1. *Ut quidam morbo aliquo et sensus stupore suavitatem cibi non sentiunt, sic libidinosi, avari, facinorosi verae laudis gustum non habent.*

Cl. Qt. 8, 2. 2. *Usus duplex est : aliae enim ad res difficiles explicandas assumuntur, aliae ad ornatum; et hae quidem orationem non solum jucundam, sed nonnunquam etiam mirabilem et sublimem faciunt.*

Quibus modis fiat. Fit autem similitudo multis modis :

1. Nunc paucis verbis perficitur, nunc exponitur latius :

Qt. 8, 2. Breves illae non solum aperte ponunt rem ante oculos, sed acute, circumcise atque velociter, ut illud Ciceronis in Clodium : *Quo ex judicio velut ex incendio nudus profugii.*

14. 2. Aut praecedit similitudo et res sequitur, aut contra rei subjicitur simile.

Il. 13, 298. Οἷος δὲ βροτολογεῖς Ἄρης πόλεμόνδε μέτεισι
Τῷ δὲ φόβος, φίλος υἱός, ἄμα κρατερὸς καὶ ἀταρβής,
Ἔσπετο, ὅσ' ἐφάβησε ταλάφρονά περ πολέμοιόν....
Τότῃ Μυρτιάς τε καὶ Ἰδομενεὺς ἀγχι ἀνδρῶν
Ἦσαν ἐς πόλεμον, κεκορυμμένοι ἄθροσι χαλκῶ.

Georg. I, 549. *Hinc movet Euphates, illinc Germania bellum;
Vicinae ruptis inter se legibus urbes
Arma ferunt, saevit toto Mars impius orbe:
Ut cum carceribus sese effudere quadrigae:
Addunt se in spatia, et frustra retinacula tendens,
Fertur equis auriga, neque audit currus habenas.*

Qt. ibid. 3. Nunc similitudo libera est et separata, ut in loco Virgilii modo allato, nunc cum re, cujus est imago, connectitur, collatione invicem respondente; ut :

Pro Mur. 17. *Nam ut tempestates saepe cerio aliquo coeli signo commoveniuntur, saepe improvisa nulla ex certa ratione, obscura aliqua ex causa concitantur; sic in hac comitiorum tempestate populari*

saepe intelligas, quo signo commota sit; saepe illa obscura est, ut casu excitata esse videatur.

94. Dotes similitudinis quatuor sunt: vera, decora, intellectu facilis, illustris. Dotes.

I. Veritas postulat, ut inter res, quae conferuntur, reapse illa sit similitudo, quam instituta oratio requirit.

Res, quae comparantur, quamvis in aliis discrepent, in eo tamen, in quo comparantur, convenire debent: et hoc vocatur *tertium comparationis*. Porro in rebus considerari possunt non natura tantum et proprietates, sed effectus etiam, causae, adjuncta etc. etc.; si in quopiam ex his convenientia reperiatur.

II. De decore in hunc locum conveniunt, quae dicta sunt n. 52.

III. Ut perspicua sit, duo faciunt; si et res, a qua ducitur simile, nota sit, et ejus similitudo cum re, cui confertur, pateat.

1. Debet enim, quod illustrandae alterius rei gratia assumitur, ipsum esse clarius eo, quod illuminatur. — Praestat etiam, rem esse usu cognitam, quam sola descriptione; quare, ut exemplo utar, minus feliciter apud nos a belluis vel plantis Africanis similia petuntur. Qt. 6, 3.
Cl. Bl. 17.

2. Neque tamen similitudo rerum, quae comparantur, suapte sponte, sed brevi nostro sermone adhibito patere debet. — Saepe obscuritas oritur, cum omissa re, quam illustrare simili volunt, allegorias faciunt: hinc tanquam obscura et falsa reprehendit Quintilianus: *Magnorum fluminum navigabiles fontes sunt; — et: Generosioris arboris statim planta cum fructu est.*

95. IV. Illustris dicitur, quae minime vulgaris rem praeclare illuminat et auget.

1. Vulgaria videri possunt et utilia tantum ad conciliandam fidem: *ut terram cultu, sic animum disciplinis meliorem uberio-remque fieri; — et; ut medici abattenata morbis membra prae-
cidunt; ita turpes ac perniciosos cices etc. etc.* — Sed multa Qt.

Bl. 1, 17. sunt apud primos auctores praeclara, quae postes frequentatione viluerunt. Ea tamen mediocres poëtae larga manu profundere, et velut jure haereditario sibi transmittere solent. Egregie Sophocles de Antigone lugente :

Ant. 429. Ἡ παῖς ἑρᾷται κἀνακακύνει πατρῶς
 Ὀρνίθες δὲ δὴν φθόγγον· ὥς ἵππῳ κενῇ·
 Εὐνῇς νεοστῶν ὄρσανδ' ἄλγος,
 Οὕτω δὲ γ' αὖτ' ἡ ψυλὴν ὥς ἑρᾷ νέκυν,
 Γένεσιν ἐξώμαξεν.

Idem simile praeclare usurpat Virgilius :

Georg. 4, 511. *Qualis populea moerens Philomela sub umbra
 Amissos queritur foetus; quos durus arator
 Observans nido implumes detraxit: at illa
 Flet noctem ramoque sedens miserabile carmen
 Integrat, et moestis late loca questibus implet.*

Sed quid hodie hac similitudine magis vulgare?

2. Vis illustrandi crescit, quo res et in ea parte, in qua comparantur, magis conveniunt, et longius distant in reliquis.

3. Habet similitudo plerumque hyperbolem, habeat certe amplificationem. Rursus vero id a tertio comparationis, non a rerum genere et natura petendum est. Optime enim Virgilius Poenos aedificantes urbem composuit cum apibus.

Elocutio. Elocutio denique, ut in ornatu exquisito, diligentissime curanda est.

Vitanda maxime verbositas; non ea tantum, quae inutiliter verba cumulat, sed illa etiam, quae rei partes omnes enucleate exsequitur. Sufficit paucis, sed lectis verbis ea perstringere, in quibus praecipua est similitudinis ratio. Cf. n. 45.

ART. II.

DE SENTENTIA.

(Ql. 8, 5.)

Quid sit. 96. Sententia hic dicitur grave, sed simplex de hominum vita in universum efflatum, ut:

Dulce et decorum est, pro patria mori.

1. Non unus est sententiae significatus. Nam et omne id significat, quod animo sentimus; deinde consilium vel decretum; denique orationem ad hujus similitudinem prolatam, et sic nunc accipimus. Quapropter effatum dicitur *grave sed simplex*, ut cui nec probatio nec illustratio addatur. Optime tamen ratio dicti ipsa brevissima sententiae enuntiatione includitur: ut: *Immortalem iracundiam fovere, mortalis, noli.* qz

Ar. 2. 22.

2. *De hominum vita*; quia ostendit, quid sit aut quid esse oporteat in vita.

3. In *unicersum*: quia sententia non de certis rebus aut personis effertur. — Sunt tamen qui definitione minus restricta, duo genera ponant, alterum quod in universum pronuntiat, quam sententiam *apertam* vocant; alterum, quod de certa persona, quam *occultam* appellant, qualis est:

Nihil habet (Caesar) nec fortuna tua majus, quam ut possis, nec natura melius, quam ut velis servare quam plurimos. Pro Lig. 12.

Schol. Dividitur etiam in simplicem et duplicem, in acutam et non acutam. Simplex est: *Nihil est tam populare, quam bonitas*: — duplex: *Obsequium amicos, veritas odium parit.* — Acuta: *Tam decet avaro, quod habet, quam quod non habet.*

97. Proprius autem sententiarum locus in clausulis est; quamquam etiam initium ab iis non raro ducitur. Ubi usurpatur.

1. In clausulis ponitur, ut oratio in hac gravitate veluti consistat; ubi inprimis illud genus notandum, quod *epiphonema* dicitur, sive: rei narratae vel probatae summa acclamatio, ut: qz

Tantae molis erat, Romanam condere gentem! — et: *Facere enim probus adoleseens periculose, quam perpeli turpiter maluit.* Aen. 1. 37.
Pro MII. 4.

2. Inchoat a sententia orationem Caesar apud Sallustium: *Omnes homines, Patres conscripti, qui de rebus dubiis consultant, ab odio, amicitia, ira atque misericordia vacuos esse decet*: — Carmen Sophocles Cat. 51.

Πολλὰ τὰ δεινὰ καὶ οὐδὲν ἀνθρώπου δεινότερον πέλει. Aut. 338.

Quae elo-
cutio.

98.

Elocutio, quamvis plerumque recta et simplex sit, nonnunquam majorem vim accipit commutatione figurae; ut:

Usque adeone mori miserum est? — Acrius enim hoc quam per se: Mors misera non est. — Saepe etiam per allegoriam profertur:

Ἀξιοπιστότερα τραύματα φίλων ὑπὲρ ἐκούσια φιλήματα ἐχθρῶν: — quam Scripturae sententiam praeclare traetant S. Chrys. in Eutrop.

Quis usus.

99. Si postremo de usu quaeritur: sententiae graves et incorruptae orationi dignitatem conferunt et gratiam, sed cavendum, ne crebriores sint, praesertim acutae.

1. Oratori sententiae imprimis ad conciliandos animos prosunt. Nam et delectantur audientes, si, quae ipsi usu norunt, per sententias enuntiantur, (ut: *Nihil vicinia molestius* — libenter audiunt, qui malos vicinos habent:) et oratoris mores commendant. Qui enim sententias dicit, proficitur, quas in vita rationes sequendas putet; quo fit, ut si bonae sunt sententiae, ipse quoque orator vir bonus esse videatur.

2. Ego vero, ait Fabius, haec lumina orationis velut oculos quosdam esse eloquentiae eredo. Sed neque oculos esse toto corpore velim, ne cetera membra suum officium perdant. Facit res eadem concisam quoque orationem. Subsistit enim omnis sententia, ideoque post eam utique aliud est initium. Unde soluta fere oratio et e singulis non membris, sed frustis collecta.

Ar. ibid.

3. Prudenter etiam monent, sententias vix decere nisi aetate provectos, et in iis dumtaxat rebus, quarum quisque peritus sit. Juvenes igitur vel illas communi usu receptas sententias, quae proverbialia dicuntur, vel gravis viri testimonia, vel denique occultas sententias usurpent.

ART. III.

DE PERIPHRASE.

Quid sit.

100. Periphrasis est oratio, quae rem omissis propriis nominibus, per adjuncta vel signa paullo longiori sermone significat, ut pro *vesperascit* Virgilius:

*Et jam summa procul villarum culmina fumant,
Majoresque cadunt altis de montibus umbrae.*

Ecl. 1, 83.

Duo plerique genera ponunt, verborum alterum, alte- Quae ge-
nera.
rum sententiarum.

1. Verborum periphrasis aliquot vocabulis, quae velut aliud rei nomen usurpantur, perficitur. Sic Virgilius pro aquila et avibus :

*Namque volans rubra fulvus Jovis ales in aethra
Litoreas agitabat aves, turbamque sonantem
Agminis aligeri.*

Aen. 12, 247.

Hoc genus vides esse antonomasiae simillimum. (n. 50. Sch.)

2. Sententiae periphrasis per totos sensus fit, ut pro : *Non-
dum homines bella norant* :

*Necdum etiam audierant inflari classica, necdum
Impositos duris crepitare incudibus enses.*

Georg. 2, 539.

101. Nonnunquam periphrasis necessitatem habet, quo- Quis usus.
Qt. 8, 6.
ties dictu deformia operit: saepe ornatum petit solum, qui est apud poëtas frequentissimus, et apud oratores non rarus. — Cavendum autem, ne sit obscura, ne otiosa aut inepta.

1. Obscura plerumque fit per locutiones incertas. n. 22. 25.

2. Otiosa est, quae nihil affert vel gratiae vel ponderis. Ibid.
Obstat autem quidquid non adjuvat.

3. Ut apta sit loco, ubi adhibetur, beno seligenda sunt ea vel signa, vel adjuncta, ex quibus fit periphrasis. Considera, quae apud Virgilium allatam (n. 100.) periphrasin praecedunt quae sequuntur; idem observa in hac :

*Tempus erat, quo prima quies mortalibus aegris
Incipit, et dono divum gratissima serpit.*

Aen. 3, 264.

ART. IV.

DE EPITHETIS.

102. Per epitheta hic non adjectiva tantum, sed participia quoque et substantiva, cum nominibus per modum adjectivi apposita sunt, intelligimus, ut:

Aen. 6.847.

*Duo fulmina belli — Scipiadas.*Quomodo
dividuntur.

Dividuntur epitheta I. ex usu, quem habent; nam vel necessitati serviunt vel ornatui, et haec rursus vel delectationem afferunt vel vimi; ut: *malum facinus, improbus homo; flos purpureus, lactae segetes; detestabile factum, execrabilis homo.*

II. Ex sede, a qua petuntur; aut enim a rei natura et necessariis vel consuetis proprietatibus, aut ab illis, quae cum re conjuncta sunt, et maxime a praesente ejus fortuna et conditione sumuntur.

I. Prioris generis vis praecipue est in collustranda rei imagine, quare in poetica descriptione locum proprium habet:

Ecl. 4, 28.

*Molli paullatim flavesceat campus arista,
Incultisque rubens pendebit sentibus uva,
Et durae quercus sudabunt roscida mella.*

Sed quamquam ex hoc fere genere ea sunt, quae delectandi gratia adsciscuntur, eadem tamen hoc quidem ipso, quod rem acrius demonstrant, vim quoque ad movendos animos acquirunt:

Georg. I, 493.

*Scilicet et tempus veniet, cum finibus illis
Agricola, incurvo terram motus aratro,
Exesa inveiet scabra rubiginis pila,
Aut gravibus rastris galeas pulsabit inanes,
Grandiaque effossis mirabitur ossa sepulcris.*

2. Alterum genus paene totum accommodatum est ad animorum motus:

*Arma diu senior desueta trementibus aëvo
Circumdat nequidquam humeris, et inutile ferrum
Cingitur, ac densos fertur moriturus in hostes.*

Aen. 2, 309.

Utriusque generis vis mirum in modum creseit tropo- Ut crescant-
rum usu et feliei quadam junctura.

1. Tropi : *Cupiditates effraenatae, insanae substructiones*, et alia passim apud oratores et poëtas.

2. Junguntur saepe, quae inter se pugnare videntur : *silentium eloquens, duleis labor, inimica amicitia, viridis senectus*.

103. Usus autem epithetorum apud poëtas et liberior et Quia de usu.
frequentior, quam apud oratores est.

1. Nonnulla dedecent solutam orationem, ut : *roseis il Lucifer alis*; — *Conscia purpureus venit in ora pudor*; *mare insanum*; — *comans galea*; — *fumus undans*, et paene totum illud genus, quod a rei natura et proprietatibus petitur. Etenim extra poësis fere redundant epitheta, nisi rem vel declarant accuratius vel augent aut minuunt.

2. Etiam eetera, si frequentiora sunt, poëticum morem ostendunt. — Quamobrem, ait Aristoteles, Alcidas scripta fastidiuntur ut frigida, qui non *isthmios ludos* dixit, sed : *conventum isthmiae celebritatis*; non *leges*, sed *civitatum principes leges*, non *sollicitudinem*, sed *tristem animi sollicitudinem* etc. etc. Generatim talis est ratio hujusce virtutis, ut sine apposis nuda sit et velut incompta oratio : ne oneretur tamen multis, nam fit longa et impedita.

3, 3.

Qt. 8, 8.

Plerumque nemini uni unum tantum epitheton additur, nisi singularis ratio multa conglobare suadeat;

Monstrum horrendum, informe, ingens, cui lumen ademptum.

Aen. 3, 618.

104. Quod postremo ad collocationem attinet, Latini quoque poëtae epitheta plerumque ante substantiva collocant, sed ab iis separant, aliis interpositis; quodsi interdum postponunt, ad finem tamen non rejiciunt, nisi admodum gravia. Amant etiam duo diversorum nominum epitheta jungere.

Qui collo-
canda-

- Ecl. 5, 56. *Candidus insuetum miratur limen Olympi,
Sub pedibusque videt nubes et sidera Daphnis.*
- Georg. I, 467. *Ille etiam extincto miseratus Caesare Romam,
Cum caput obscura nitidum ferrugine texit,
Impiaeque aeternam timuerunt saecula noctem.*
- Ibid. 476. *Vox quoque per lucos vulgo exaudita silentes
Ingens, et simulacra modis pallentia miris
Visa sub obscurum noctis.*

ART. V.

DE TRANSITIONE.

Quid efficiere debeat. 103. *Transitionis* est, efficere, ut apte inter se juncta orationis membra cohaereant, et nihilominus a se invicem distinguantur.

1. Itaque omnium illustriores quidem vulgo censentur, quae orationis partes ita delicate committunt, ut ipsae commissurae vix appareant. Haec tamen concinnitas minime impedit, quominus novum argumentum proponi intelligatur. Et certe

2. Distingui argumenta, cum probamus, fere necesse est. Nec omnino hujus rei artificium in eo cernitur, ut in alium nos locum transire lateat, sed ut in hunc institutae orationis cursu sponte delati esse videamur.

Ceterum de transitione hoc loco agimus, non quod ipsa per se ornamentum sit, sed quod ornate eam fieri, plerumque prodest.

Quae genera. Duo sunt genera: perfecta et imperfecta.

Pro Mur. 28. 1. Imperfecta, quae dicturi sumus, breviter proponit, ut: *Venio nunc ad M. Catonem, quod est firmamentum ac robur totius accusationis.*

Pro lege Man. 8. 2. Perfecta etiam, quae dicta jam sunt, breviter repetit; *Quoniam de genere belli dixi, nunc de magnitudine pauca dicam.*

106. Videndum autem maxime; ut transitus sint faciles et naturales, nec omnes coloris unius. Quales esse debeant.

1. Faciles et naturales esse solent, qui fiunt per *conclusionem*, cum ex praecedentibus ad consequentia via paratur : *Nihil igitur in vitam Murenæ dici potest? nihil, inquam, omnino, ... quo constituto facilius est mihi aditus ad contentionem dignitatis, quæ pars altera fuit accusationis : — per aliquam priorum et sequentium comparisonem : Neque vero illa pax cum Antonio turpior, quam periculosior censi debet. — Magna sunt ab eloquentia ad honorem praesidia, majora ad virtutem.* Pro Mur. 6.

2. Variantur maxime figuris : *correctione : Quis consideratior illo? quis tectior? quis prudentior? Quamquam hoc loco Dejotarum non tam ingenio et prudentia, quam fide et religione vitae defendendum puto : — communicatione : Sed jam satis multa de causa : extra causam etiam nimis fortasse multa. Quid restat, nisi ut orem obtesterque vos, Iudices, ut misericordiam tribuatis fortissimo viro? — subjectione : Multi et graves doctores inventi parentibus, propinquis multi : verumtamen mors sit extrema. Non erit. Estne aliquid ultra, quo progredi crudelitas possit? Reperietur. Nam illorum liberi, cum crunt securi percussi ac necati, corpora feris obiciuntur. — Præteritione v. n. 26. Concessione n. 74. Paradoxo 78. (exemp. S. Chryst.) Occupatione n. 80.* Pro Dej. 6.
Pro Mil. 34.
De suppl. 45.

107. Quoniam vero tirones haud facile solent aptas transitiones reperire, en tibi nonnullae e variis Ciceronis libris collectae.

1. *Satis mihi multa verba fecisse videor, quare hoc bellum esset genere ipso necessarium, magnitudine periculosum; restat, ut de imperatore ad id bellum deligendo, ac tantis rebus praeficiendo dicendum esse videatur. — 2. Satis multa de turpitudine : dicam deinceps, quod proposui, de periculo. — 3. Uni epistolae respondi : vento ad alteram. — 4. Sed nimis multa de nugis : ad majora veniamus. — 5. Sed haec vetera : illud recens, Caesarem meo consilio interfectum. — 6. Atque ut inde oratio mea proficiscatur, unde haec omnis causa ducitur. — 7. Sed*

haec privatim : nunc quae publice gesta sunt, videamus. — 8. Jam quantum illud est, quod in occupationibus summis nunquam intermittis studia doctrinae. — 9. De multitudine quondam, quod satis est, admonui, de obscuritate pauca dicam. — 10. Quod ad definitiones haecenus, reliqua videamus. — 11. Illud tamen, quamquam ad exitum festinet oratio, praetermittere nullo modo possum. — 12. Magna sunt haec, vel potius maxima. Jam vero quanto majus videbitur. — 13 Sed quid ego his argumentis utor, quasi res dubia, aut obscura sit? — 14. Atque haec oblectationis, illa necessitatis. — 15. Age vero, ne semper forum, subscellum, rostra curiamque meditemur.

Adjicio vulgares aliquot et breviores formas:

His adde. Accedit his. Iluc accedit, quod. Iluc perlinet. Eodem perlinet. Jam vero, quid dicam. Age vero, explicemus nunc. His simillimum est. Restat, ut dicam. Nunc vero superest. Nam illud quid attinet commemorare. Hoc enim vere mihi dicturus videor. Quid? quod etiam. Jam vero videamus.

CAPUT VII.

DE NUMERO.

Quid ait. 108. Numerus (sive numeri) proprie dicitur dimensio quaedam orationis illi suppar, qua versus efficitur. Sed vulgo hoc nomen latius patet, et id omne comprehendit, quo fit oratio auditu jucunda. Porro haec suavitas quatuor potissimum rebus obtinetur: sono ipso verborum, varietate, vocum dimensione, qui proprie numerus appellatur, et illa, quam dicunt, harmonia imitativa.

Quid generatim,
Or. 49.

109. I. Legenda sunt verba sonantia et laevia, asperitas autem fugienda tum in singulis, tum in verbis continuatis.

Qt. 8. 2.

Ut syllabae e litteris melius sonantibus clariores sunt, ita verba e syllabis magis vocalia, et quo plus quodque spiritus habet, auditu pulchrius. Et quod facit syllabarum, idem verborum quoque inter se computatio, ut aliud alii junctum melius sonet.

Aliquando in simplice verbo asperitas est, ut : *habeo istam ego perterricrepam*; sed inprimis videndum, ne conjunctio asperos habeat concursus (consonantium) ut: *rex Xerxes*; *ars studiorum*, aut disjunctos atque hiantes (vocalium), ut : *baccae aeneae amoenissime impendebant*.

Unde asperitas.
Or. 49.
De part. 6.

Pessime vocales longae, quae easdem inter se litteras committunt, sonabunt : praecipuus tamen erit hiatus earum, quae cava aut patulo maxime ore efferuntur; *viro optimo obtempera*; *sine sensu ullo humanitalis*.

Qt. 9. 4.

Neque tamen id ut crimen ingens expavescendum, ac nescio, negligentia in hoc, an sollicitudo sit pejor.

Ibid.

Certe Demosthenes et Cicero modice respexerunt ad hanc partem. Quin etiam Cicero : Habet, inquit, ille tanquam hiatus et concursus vocalium molle quiddam et quod indicet non ingratam negligentiam hominis de re magis, quam de verbis laborantis. Itaque vastiores quidem hiatus fere fugiamus, in reliquis vitandis mediocris sit cura.

Or. 23.

Postremo diversus est modus : nam et rebus atrocibus verba etiam ipso auditu aspera magis conveniunt, ut : *Arrectaeque horrore comae, et vox faucibus haesit*; et oratori legenda sunt verba, non ut poetae, exquisita ad sonum, sed sumta de medio.

Uusus diversus.
Qt 8, 3.
Aen. 4, 280.
Or. 49.

110. II. Ad suavitatem numerorum variandae sunt litterae consonantes et vocales, ipsa vocabula et horum compositio.

1. Vitabimus igitur ejusdem vel persimilium litterarum nimiam assiduitatem.

Quid de litteris.
Cf. ad Her. 4, 12.

Consonantes eadem maxime in exitu et in principio insuaves : *Doceas, quaeso, hos pueros omnes leges sanctiores servare*.

O Tite, tute Tati tibi tanta tyranni tulisti?

Enn.

Vocales et in singulis verbis, ut : *verisimilludinis*; et quibusdam interpositis; *Numquam, acare, quam dare sit dulce, cognos-*

scis. Ex his pessima, quae in exitu consonant : Urnam manibus tenebat, et funus crudele flebat. Hic etiam illa notanda : Res mihi inuisae visae.

Quid de
vocalibus.
Qt. 9. 4.

2. Monosyllaba plura male continuabuntur, ut : *Quae res quid et in te et in me sint illaturae damni, tu jam nunc scis.* Sed etiam brevium verborum ac nominum vitanda continuatio, et ex diverso quoque longorum; afferunt enim quandam dicendi tarditatem.

Quid de
conjunctione.

3. Jungendi verba quoniam tot sunt modi diversi, videndum omnino, ne per idem genus oratio procuret diutius : quae est *μειστρονία* ingratissima.

Attamen quoties res multas vel sententias, quae ad idem referuntur, conglobamus; eadem jungendi ratio cum virtute servabitur.

1. In enumeratione partium ex expolitione :

De sign. 38.

Repeto abs te, Verrcs, monumentum P. Africani : causam Siculorum, quam suscepi, relinquo : iudicium de pecuniis repetundis, ne sit hoc tempore : Segestanorum injuriae negligantur : basis P. Africani restituitur : nomen incertissimi imperatoris incidatur : signum pulcherrimum Carthagine captum reponatur. Vide alia 1. Cat. 4, 5.

2. In narratione vel descriptione :

De sign. 34.

Praeterea magistratus eorum evocabat, optimum quemque et nobilissimum ad se arcessebat, circum omnia provinciae fora rapiebat, singillatim unicuique calamitati fore se denuntiabat; universam se funditus illam cversuram esse civitatem minabatur. Cf. Aen. 2, 325-335.

3. In repetitione eorum, quae dicta sunt, ut de suppl. c. 52.

4. Cum posita sententia generali plurimae ex ea conclusiones fiunt, vel contra ad aliquid probandum rationes congeruntur. v. pro lege Man. c. 8.

Quomodo
metro simili-
lia.

111. III. Si jam numerus pro dimensione temporum, quae in oratione insunt, accipitur, similis ille quidem est metro poetarum, sed eo longe liberior.

Haec duo musici, qui erant quondam iidem poëtae, machinati ad voluptatem sunt, versum atque cantum, ut et verborum numero et vocum modo delectatione vincerent aurium satietatem. Haec igitur duo, vocis dico moderationem et verborum conclusionem, quoad orationis severitas pati poscit, a poëtica ad eloquentiam traducenda duxerunt. In quo illud est vel maximum, quod versus in oratione si efficitur, vitium est, et tamen eam conjunctionem, sicuti versum, numerose cadere et quadrare et perfici volumus.

Orator igitur, cum vinxit modis et forma, relaxat et liberat immutatione ordinis, ut verba neque alligata sint, quasi certa aliqua lege versus, neque ita soluta, ut vagentur.

Sed hoc ut apertius declaretur, tria illa, quibus constat poëtarum metrum, singillatim inspicienda sunt, pedes, versus et versus ejusdem aut plurium in eodem carmine repetitio. In soluta igitur oratione 1. non sunt certi pedes definiti, sed omnes quasi permixti et confusi; neque tamen satis est, breves longasque syllabas, quocumque fiat modo, permisceri, verum ita iis temperanda est oratio, ut firmus quidam sit jucundusque vocum casus. Talis est, ut exemplo utar, in hac periodo : *Te miror, Antoni, quorum facta imitatis, eorum exitus non perhorrescere.* Qui totus perit, si vel solus ordo verborum immutetur : *Te, Antoni, miror, non perhorrescere eorum exitus, quorum imitatis facta.* 2. Multo quidem minus pedum numerus ordove ad efficiendum versum fixus est, et tamen sunt certa quaedam orationis intervalla et clausulae, non spiritu neque casu aut arbitrio, sed verborum et sententiarum modo interpunctae; rudis enim et indocta putanda est illa sine intervallis loquacitas perennis et profluens. 3. Sed per haec ipsa intervalla illud etiam efficitur, ut orationis membra quandam ad se proportionem habeant; in quo est aliqua repetiti versus similitudo : *Si quantum in agro locisque desertis audacia potest, tantum in foro atque in judicio impudentia valeret; non minus in causa cederet A. Caccina Sex. Aebutii impudentiae, quam tum in vi facienda cessit audacia.* V. etiam n. 96. *Nihil habet.* — At haec tam perfecta dimensio nec ubique in oratione adhibenda, nec usquam continuanda est longius.

De or. 3,44.

Quomodo
liberior.

Or. 37.

De or. 3,45.

Pro Cacc. 1.

Num certa
praecepta.

112. Satis igitur jam liquet, quid sit in oratione numerosum, non tam ex certis disciplinae praeceptis, quam aurium quodam sensu judicari.

Or. 53.

1. Aures enim, vel animus aurium nuntio, naturalem quandam in se continet vocum omnium mentionem. Itaque et longiora et breviora judicat, et perfecta et moderata semper exspectat. Mutila sentit quaedam et quasi decurtata, quibus, tanquam debito fraudetur, offenditur: productiora alia et quasi immoderatus excurrentia, quae magis etiam aspernantur aures.

Or. 14.

2. Quodsi quaeras qui hoc aurium iudicium, quod Tullius superbissimum esse affirmat, comparetur, magna certe hac in re vis naturae, sed ipsa natura iuvanda exercitatione est. Itaque proderit optima quaeque non oculis tantum legendo perecurrere sed elata voce pronuntiare; eadem deinde perturbato verborum ordine describere, ac rursum componendo ordinem quaerere quam numerosissimum; inventum denique cum illo, qui primum fuerat, conferre.

Quid harmonia imitativa.

113. IV. Restat harmonia imitativa, sive numerus, qui rerum indolem imitando exprimit. Nam hoc etiam tum ipso sono verborum tum pedum aut intervallorum varietate consequimur.

1. Saepe in simplice verbo naturam rei sonus imitatur, ut *raucus*, *clangor*, *tagire*, *mugire*, *murmur*, *sibilare*, *fragor*, *pipire*, *tinire*, alias idem fit in verbis pluribus concursu litterarum.

Qt. 9, 4.

2. Quo quique pedes sunt temporibus pleniore longisque syllabis magis stabiles, hoc graviorem faciunt orationem, breves celerem et mobilem. Atque hinc est maxime, cur non externam modo rerum faciem et motum, sed ipsum quoque animi affectum numeri exprimant. Utrumque exempla, quae sequuntur, ostendunt:

Aen. 5, 139.

*Inde ubi clara dedit sonitum tuba, finibus omnes
Haud mora prosiluere suis: ferit aethera clamor.*

Il. 6, 222.

*Οἷσι Τρώεσσι ἴπποι ἐπιστάμενοι πεδίῳ
Κρατερὰ μάλ' ἐνθα καὶ ἐνθα δουκόμεν ἡδὲ φέβεσθαι.*

Quadrupedante putrem sonitu quatit ungula campum. Aen. 8, 506.

Ἄλλ' ὅτε μέλλοι
Ἄκρον ὑπερβαλέειν, τότε ἀποστρέψασκε κραταίς
Ἀΐτις ἔπειτα πέδονδε κολύδοντο λάας ἀναιδής.

Odys. 11,
596.

*Vidimus undantem ruptis fornacibus Aetnam
Flammarumque globos liquefactae volvere saxa.* Georg. 1,
471.

*Umbrae ibant tenues simulacraque luce carentum:
Quam multa in foliis avium se millia condunt.* Georg. 4,
473.

Ergo aegre rastris terram rimantur. Georg. 3,
534.

Illi inter sese magna vi brachia tollunt. Georg. 4,
174.

*Et magnos membrorum artus, magna ossa lacertosque
Exiit.* Aen. 5, 422.

Cunetaeque profundum
Pontum aspectabant flentes. Ibid. 614.

*Hic vasto rex Aeolus antro
Luctantes ventos tempestatesque sonoras
Imperio premit, ac vinclis et carcere frenat.
Illi indignantes magno cum murmure montis
Circum claustra fremunt.* Aen. 1, 56.

Sed soluta etiam oratio hanc gratiam consequitur, ut :

*Aderat janitor carceris, carnifex praetoris, mors terrorque
sociorum et civium, lictor Sestius, cui ex omni gemitu doloreque
certa merces comparabatur. Ut adeas, tantum dabis; ut cibum
tibi intro ferre liceat, tantum. Nemo recusabat.* De suppl.
45.

*Feruntur securi. Laetaris tu in omnium gemitu et triumphas :
testes avaritiae tuae gaudes esse sublatos. Errabas, Verres, et
vehementer errabas, cum te maculas furtorum et flagitiorum
tuorum, sociorum innocentium sanguine eluere arbitrabare.* Ibid. 46.

*Caedebatur virgis in medio foro Messanae civis Romanus, Ju-
dices; cum interea nullus gemitus, nulla vox alia istius miseri
inter dolorem crepitumque plagarum audiebatur, nisi haec : Civi-
tis Romanus sum.* Ibid. 62.

Vide etiam supra n. 38. *Evolarat jam. n. 56. Tandem aliquando et n. 84. Jacet ille nunc.*

Quid de 114. V. Quod jam ad usum pertinet, sunt, qui numeros saltem in soluta oratione propter artem nimiam vel putidos vel certe difficiliorese esse putent; at immerito, quin orationem non suavem modo, sed etiam robustam reddunt, modo ne quaerantur sollicitius.

Qt. 1. c. 1. Illum horridum sermonem, ut forte effluxerit, modo magis naturalem, modo etiam magis virilem esse contendunt. Qui si id naturale esse dicunt, quod natura primum ortum et quale ante cultum fuit, tota haec ars orandi subvertetur: verum id est maxime naturale, quod fieri natura optime patitur. Quare

or. 51 cf. 70. Cicero: Si inanibus verbis levibusque sententiis (numerosae dicimus), jure (vituperant), sine probae res, lecta verba, quid est, cur claudicare aut insistere orationem malint, quam cum sententia pariter excurrere? Hic enim invidiosus numerus nihil affert aliud, nisi ut sit apte verbis comprehensa sententia.

or. 59, cf. 74. 2. Id autem bona disciplina exercitatis, qui et multa scripserint, et quaecumque etiam sine scripto dicerent, similia scriptorum effecerint, non erit difficillimum. Ante enim circumscribitur mente sententia, confestimque verba concurrunt, quae mens eadem, qua nihil est celerius, statim dimittit, ut suo quodque loco respondeat.

3. Gratiam numerorum qui non sentit, is quidem nec dignus est, cui demonstretur. Sed quo est oratio per numeros rebus aptior, eo etiam fortior esse solet; quippe nec ipsius Demosthenis ita fulmina vibrarent, nisi numeris contorta ferrentur.

or. 70, 1. c. Quare Quintilianus: Ceterum quanto vehementior fluminum cursus est prono alveo ac nullas moras obiciente, quam inter obstantia saxa fractis aquis ac reluctantibus; tanto quae connexa est et totis viribus fluit, fragosa atque interrupta, melior oratio.

Qt. 4. Ne tamen nimis quaerantur. Totus enim hic locus non ideo a nobis tractatur, ut oratio, quae ferri debet ac fluere, demetiendis pedibus ac perpendendis syllabis consenescat. Bene exercitatis sufficit modica attentio, nec propter numerorum gra-

tiam res ipsae negligendae. Nam vel dura inter se commissa potiora sunt inutilibus.

CAPUT VIII.

DE PERIODIS.

(Or. 61-69.)

115. Nomine periodi sententiarum quoddam genus significamus, quod ad dignitatem orationi et ornatum conferendum inprimis est accommodatum; quale est:

Quamquam mihi semper frequens conspectus vester multo jucundissimus, hic autem locus ad agendum amplissimus, ad dicendum ornatissimus est visus, Quirites: tamen hoc aditu laudis, qui semper optimo cuique maxime paluit, non mea me voluntas, sed meae vitae rationes ab incunte aetate susceptae prohibuerunt.

Pro lege
Man. 1.

Sed accuratius in periodi naturam, partes et genera inquirendum est.

ART. I.

DE PERIODI NATURA, PARTIBUS ET GENERIBUS.

116. Periodus (1) definitur amplior verborum comprehensio, quae per partes inter se apte cohaerentes numerosae absolvitur.

Definitio.

Tria igitur ad efficiendam periodum concurrunt: 1. quaedam orationis *amplitudo*; 2. partium *copulatio*: omnia scilicet, quibus amplificatur periodus, non solum ad rem unam seu ad sensum primum referri debent, ut oratio sit unum aliquod et simplex; sed etiam conjunctione ipsa verborum partes debent aliae ex aliis pendere, ut tanquam in orbe inclusa currat oratio, quoad insinat in singulis perfectis absolutisque sententiis. 3. *Numerus*; periodus enim κατ' ἐξοχὴν numerosa dicitur oratio.

Cic

(1) Periodo plurima nomina dat Cicero: ambitum, circuitum, comprehensionem, continuationem, circumscriptionem.

Quae partes.

117. Partes autem periodi sunt: membra, incisa, protasis et apodosis.

1. *Membrum*, graece κῶλον, est pars periodi alicujus magnitudinis, sensum et numerum habens, sed imperfectum, et quasi suspensum;

De or. 1, 1.

Nam qui locus quietis et tranquillitatis plenissimus fore videbatur; prius est membrum periodi, quod postulat sequens: in eo maximae moles molestiarum et turbulentissimae tempestates extiterunt.

2. *Incisa* (κῆμματα) vocantur breviusculae periodi partes, quibus ipsa saepe membra composita sunt, ut:

Etenim si veritate amicitia, fide societas, pietate propinquitas colitur; necesse est, iste, qui amicum, socium, affinem fama et fortunis spoliare conatus est, vanum se et perfidiosum et implum esse fateatur.

3. *Protasis* et *apodosis* (antecedens et consequens) periodum dividunt in duas partes, in quarum altera quidam est vocis ascensus, in altera descensus.

In exemplis allatis protasis est: *Nam qui locus videbatur* — et: *Etenim si* — colitur; quae utrobique sequuntur, apodosis.

Quae genera.
Qt. 2, 4.

118. Periodorum genera duo sunt: alterum simplex, cum sensus unus longiore ambitu circumducitur; alterum, quod constat pluribus membris, et hoc rursum dividitur ex numero membrorum.

Phil. 1.

1 Simplex periodus, quae etiam μονοκῶλος dicitur, haec est: Ἐγὼ μὲν γὰρ οἶμαι τοῖς ἐλευθέροις μεγίστην ἀνάγκην τὴν ὑπὲρ πραγμάτων αἰσχύνην εἶναι.

or. 63.

Habet saepe plura incisa, ut: *Te miror* — v. n. 111. interdum nulla, ut: *Patris dictum sapiens temeritas filii comprobavit.*

2. In *bimembri* periodo prius membrum protasin, alterum apodosin complectitur; exemplum jam dedi.

3. In *trimembri* vel protasis unum membrorum habet (v. n. 117.) vel quod magis numerosum est, duo :

Nam cum et nostrae reipublicae detrimenta considero, et maximarum civitatum veteres animo calamitates colligo : non minimam video per disertissimos homines innotam esse partem incommodorum.

De inv. 1. 1

4. In *quadrinembri* membra vel aequabiliter dispersita sunt ; ut :

Etenim si in leviorum artium studio memoriae proditum est, poetas nobiles poetarum aequalium morte doluisse, quo tandem animo ejus (1) interitum ferre debui, cum quo certare erat gloriosius, quam omnino adversarium non habere : —

Br. 1.

vel tria membra protasis, unum apodosis complectitur.

Si quid est in me ingenii, judices, quod sentio, quam sit exiguum; aut si qua exercitatio dicendi, in qua me non inficior mediocriter esse versatum; aut si hujusce rei ratio aliqua ab optimarum artium studiis et disciplina profecta, a qua ego nullum confiteor aetatis meae tempus abhorruisse : earum rerum omnium vel in primis hic A. Licinius fructum a me recipere prope suo jure debet.

Pro Arch. 1.

Vel denique protasis unum, tria membra apodosis habet; hoc tamen admodum rarum.

119. Optima censetur periodus, quae quatuor membris absolvitur, sed non raro etiam in plura recte extenditur; quod orationis genus *periodicon* appellant.

Quid p. riodicon.

1. Membra vel aequabiliter dividuntur, ut :

Nam si unquam de bonis et fortibus viris, si unquam de bene meritis civibus potestas vobis judicandi fuit; si denique unquam locus amplissimorum ordinum detectis viris datus est, ut sua studia erga fortes et bonos cives, quae vultu et verbis saepe significassent, re et sententiis declararent : hoc profecto tempore eam potestatem omnem vos habetis, ut statuat, utrum nos, qui semper vestrae auctoritati dedisti fuimus, semper miseri lugeamus, an diu vexati a perditissimis civibus, aliquando per vos, ac vestram fidem, virtutem sapientiamque recreemur.

Pro Mil. 2.

(1) Hortensii.

2. Vel plura nunc protasis nunc apodosis complectitur, ut :
 Juv. *Si tecum attente reputaveris imminentem singulis momentis, quolibet in loco et negotio mortem; si te ad supremi Judicis horrendum tribunal obita morte statim rapiendum cogitaveris; si parata improbis in infernis supplicia, nullis unquam finienda saeculis, si constituta probis in coelesti regno praemia, saepe ac diligenter inspereris : mihi crede, nunquam fiet, ut vel blandimentis voluptatum peccatiaris ad scelus, vel objecto cujuscumque calamitatis ac periculi metu, a recta via retraharis.*

Schol. Quae nos, veteres saeculi (1), de periodi natura et partibus tradidimus, plerisque hodie incerta et vaga videntur; ut ex quibus judicari saepe non possit, sitne aliqua oratio periodus dicenda, necne, aut in quas ea partes dividatur. Quaesierunt igitur definitiones, quibus tum ipsa periodus ab omni alia verborum continuatione, tum partes ejus inter se ex genere constructionis, ut ajunt, grammaticae discernerentur. Et alii quidem periodum esse dicunt omnem et solam sententiam compositam, in qua secundaria (quae regitur) antecedit primariam, (ex qua pendet,) ut : n. 118. *Nam cum;* — alii autem eam orationem, quae sententias interjectas habeat; itaque : *Scipio exercitum in Africam trajecit, ut Hannibalem ex Italia deduceret,* his vulgaris est sermo, qui in periodum mutatur, si dicas : *Scipio, ut Hannibalem ex Italia deduceret, exercitum in Africam trajecit.* Sunt etiam, qui omnem sensum absolutum, periodum vocent. Jam vero haec et similia primum quidem arbitraria sunt, et ab ipso usu hujus vocabuli, periodum dico, remota : Neque enim illi hoc nobis explicant, quod, cum periodum dicimus, cogitamus, sed potius praescribunt, quodnam orationis genus in posterum periodum appellare debeamus. Quod si definire est, nihil illo facilius. Sed falsa etiam ratione ducuntur, quod existimant, e grammaticis praeceptionibus definitionem esse petendam, quo scilicet accuratius circumscripta esse queat. Pe-

(1) Vide passim pene omnes Rhetores. — Cicero, quamvis ipsam definitionem non ponat, ubi tamen de periodo disputat, eam nunc orationi brevi, nunc non illigatae, nunc non numerosae opponit; tria ergo haec postulat, ut sit circumscriptio paullo amplior, illigata et numerosa.

riodus enim ornamentum est : definitio igitur non grammaticae constructionis genus, sed ornatum monstrare debet, quo sive a vulgari oratione, sive ab aliis ornamentis discernitur. Haec autem sunt fere in omni genere ejusmodi, ut, ubi incipiant et desinant, non semper possit accuratissime definiri. Scio quid sit perspicuitas, scio, quid suavitas, nec tamen in promptu est dicere, quibus sive verbis sive sententiis oratio incipiat jam non perspicua tantum, sed etiam suavis esse.

ART. II.

DE ARTIFICIO CONTEXENDAE PERIODI.

§ I.

De amplificatione periodi.

120. Amplificatio in rhetorica dici solet expositio rei ad movendos animos accommodata. Sed hoc loco generatim pro
Quid am-
plificatio.
 uberiori expositione accipitur.

Nempe omni periodo simplex aliqua sententia seu propositio velut materia subest, v. g. n. 118. (4) *Licinius eloquentiae meae fructum sibi repetere debet*; porro talis propositio amplificatur, cum, adjunctis aliis rebus congruis, plenius eam illustriusque declaramus.

121. Amplificatio autem his potissimum modis fieri solet : Modi am-
plificandi.

I. Explicando pluribus, quod uno verbo propositionis continetur. Explicatio.

Ita sententia haec : *Indocti contemnuntur* — explicatione utriusque vocabuli amplificatur : *Qui naturae aut educationis vitio in turpi bonarum artium ignorance versantur, illi apud omnes ita contenti vulgo jacent, ut aditum ad fumam honoremque invenire nultum possint.* — Huic modo similis ille est, cum rem verbis lectissimis, synonymis, epithetis etc. copiosius efferimus; sic Cicero sententiam : *In rebus gerendis gloriam intuebar* — in hunc modum eloquitur : *Ego vero omnia, quae gerebam, jam tum in gerendo spargere me et disseminare arbitrabar in orbis terrae memoriam sempiternam.* Juv.

ProArch.12.

Enumera-
tio.

122. II. Quae propositio de toto enuntiat, in singulis partibus ostenduntur, aut generatim pro communi ponuntur singularia.

1. Sententiam de Licinio (n. 120.) Cicero ita in periodum fudit : primum fecit duas sententias, quarum altera est protasi, altera apodosi subjecta : *Si in me est eloquentia, hujus fructum sibi Licinius jure repetit* : Deinde pro eloquentia tres ejus velut partes posuit : *naturam, exercitationem, artem*, et ita in tria membra protasin extendit. v. n. 118.

2. Juventius autem illam Sapientis vocem : *Memorare novissima tua, et in aeternum non peccabis*, dilatavit pro generali singularia ponens v. n. 119.

Causae et
effecta.

123. III. Ad sententiam confirmandam rei causas vel effectus exponimus.

1. Explicat Cicero, quibus de causis pericula contemserit :
Pro Arch. 6. *Nam nisi multorum praeceptis, multisque litteris mihi ab adolescentia suasissem, nihil esse in vita magnopere expetendum, nisi laudem atque honestatem; in ea autem persequenda omnes cruciatus corporis, omnia pericula mortis atque exilii parvi esse ducenda : nunquam me pro salute vestra in tot ac tantas dimicationes, in hos profligatorum hominum quotidianos impetus objecissem.*

2. Eloquentiam idem ab effectis commendat :
De inv. 1, 1. *Cum autem res ab nostra memoria propter vetustatem remotam ex litterarum monumentis repetere instituo; multas urbes constitutas, plurima bella restincta, firmissimas societates, sanctissimas amicitias intelligo tum animi ratione tum facilius eloquentia comparatas.*

Adjuncta.

124. IV. Ab adjunctis personarum, locorum, temporum rationes ad sententiam probandam vel explicandam petimus.

Propositionem : *Etsi non deceet, timeo*, amplificat Cicero, adjunctis personae ostendens, *cur non deceat illmere*, et adjunctis judicii *cur tamen timeat*.

Etsi vereor, judices, ne turpe sit, pro fortissimo viro dicere incipientem timere, minimeque deceat, cum T. Annius Milo ipse magis de reipublicae salute, quam de sua perturbetur, me ad ejus causam parem animi magnitudinem afferre non posse; tamen haec novi judicii nova forma terret oculos, qui quocumque inciderunt, veterem consuetudinem fori et pristinum morem judiciorum requirunt.

Pro Mil. 1.

125. Denique propositio similitudine, re contraria vel quavis alia comparatione illustrari potest. Comparatio.

1. Similitudine : *Quemadmodum trepide refugeres, si anguem oculis igne suffectis exerta lingua in te irruentem conspiceres; ita non minori contentione ac celeritate peccati vel umbram fuge.*

Juv.

2. A contrario Cicero amplificavit elegantissimam periodum : *Nam qui locus etc.* n. 117. et Sallustius :

Qui labores, pericula, dubias atque asperas res facile toleraverant; iis otium, divitiarum, optandae alii, oneri miseriaeque fuere.

Cat. 10.

3. Comparatio praeterea multis modis inter res et personas institui potest. Ea unum saltem exemplum :

Et si non minus nobis jucundi atque illustres sunt ii dies, quibus conserramur, quam illi, quibus nascimur; quod salutis certa laetitia est, nascendi incerta conditio, et quod sine sensu nascimur, cum voluptate sercamur; profecto, quoniam illum, qui hanc urbem condidit, ad deos immortales benevolentia fama-que sustulimus, esse apud vos posterosque vestros in honore debet is, qui eandem hanc urbem conditam amplificatamque servavit.

3. Cat. 1.

126. In amplificanda periodo, vide, ut cogitationes arcessas vere congruas et illustres; verba quoque sint lecta et gravia, in quibus nihil redundet.

Quae servanda.

1. Solerter ergo circumspecte, quid in propositione quapiam eo orationis loco, in quo ponitur periodus, sit amplificandum, num subjectum, an praedicatum, an vero alia orationis particula.

2. In verbis maxime cavendum, ne synonyma et epitheta pueriliter cumulentur, ut si in exemplo n. 120 allato, vocem *Indocti* exponas : *Nulla litterarum cognitione praediti, nulla or-nati laude doctrinarum, nullo eruditionis splendore decorati etc.*

§ II.

De compositione periodi.

Qui fiat in
simplicio.

127. In simplice periodo compositio potissimum collo-catione verborum perficitur.

Videndum, ne verba jaceant dissoluta et velut projecta cor-poris membra, ut : *Filius Dei tot et tantos cruciatus subire et ipsam mortem non dubitavit pro nostra salute* — potius : *Tot ac tantos cruciatus mortemque ipsam Dei filius pro salute nostra subire non dubitavit.*

Qui in com-
posita.

In composita periodo partes vel simpliciter altera alteri annexae, vel ita conjunctae, ut altera ex altera pendeat, vel denique interjectione illigatae sunt.

1. Annectuntur per particulas, quas vocant copulativas, *et-et non solum, sed etiam, aut-aut etc.* His plerumque membra vel incisa inter se connexa sunt.

2. Alter conjungendi modus, qui inprimis convenit protasi et apodosi, multo est arctior. Fit per particulas consecutivas : *Postquam — tum. Ut primum — etc.* relativas : *Qui — is; Quantus — tantus;* conditionales : *Si, nisi; Non ideo — sed etc.* concessivas : *Etsi — tamen etc.*

3. Sola incisa, neque ea semper, interjiciuntur.

Schol. Interdum etiam quasi duas periodos una compositio complectitur :

De inv. l. l.

Quare si quis, omissis rectissimis atque honestissimis studiis rationis et officii, consumit omnem operam in exercitatione di-cendi, is inutilis sibi, perniciosus patriae civis atitur; qui vero ita sese armat eloquentia, ut non oppugnare commoda patriae, sed pro his pugnare possit, is mihi vir et suis et publicis ratio-nibus utilissimus atque amicissimus civis fore videtur.

128. Ita autem periodi partes connectendae sunt, ut et aptissime cohaereant et tamen facile internoscantur. Quae providenda.

1. Ad aptam illam junctionem fere conducit, propositionem primariam in apodosi, in protasi vero id collocari, quod ad eam amplificandam excogitatur, maxime si est conditio vel causa; quae vero illustrandi gratia adduntur, potius innectantur, quam subsequantur.

2. In hoc tamen cavendum est plurimum, ne oratio implexa vel confusa fiat: singula potius membra et conjunctione verborum et collocatione sint discreta, maxime protasis et apodosis: quo spectat usus *duplicis* particulae: *Postquam* — *tum*. *Qui* — *is*. *Etsi* — *tamen* etc.

§ III.

De numero periodico.

129. Quaeri solet, totone in ambitu verborum numeri tenendi sint, an in primis partibus atque in extremis. Num tota periodus numerosa.
Or. 59. cf. Ql. 9. 4.

Plerique enim censent, cadere tantum numerose oportere terminarique sententiam. Est autem, ut id maxime deceat, non id solum. Ponendus est enim ille ambitus, non abjiciendus. Quare cum aures extremum semper expectent, in eoque acquiescant, id vacare numero non oportet: sed ad hunc exitum tamen a principio ferre debet verborum illa comprehensio, et tota a capite ita fluere, ut ad extremum veniens ipsa consistat.

Quae vero principia, quive exitus convenient, id praecipue aurium iudicio ponderandum. Quid in principis. et clausulis numerosum.

1. Quae enim hujus rei praecepta tradunt, non satis definita esse solent. Optime, ait Quintilianus, incipitur a longis, recte aliquando a brevibus —; clausulae quoque a longis firmissimae, sed claudunt et breves.

2. Diffusius Cicero in pedes, quibus in clausulis sit utendum, inquit. Commendatur vulgo creticus (—v—), dichoreus (—v—v), Or. 63. et seq.

jambus cum dactylo (v—vv), dochmius (v—v—), carieus (—v—); nonnunquam dispondeus (— — — —). Aristoteles maxime quartum paeonem (vvv—) probat, Cicero non rejicit, sed alios praefert. Finis versus hexametri communiter reprobat, nisi uno verbo continetur, ut : *inveniat*.

Quid de
mediis.
Qt. 9. 4. Mediis non ea modo cura sit, ut inter se cohaereant, sed ne pigra, ne longa, ne brevium contextu resultent; ac sonum reddant paene puerilium crepitaculorum.

Ibid. Id quoque notandum, non modo membra atque incisa bene incipienda et claudenda esse, sed etiam in iis, quae contexta sunt, nec respiratione utuntur, quosdam occultos gradus esse servandos, ut : *Animadverti, judices, omnem accusatoris orationem in duas divisas esse partes.* Nam et duo prima verba et tria proxima et deinceps duo rursus ac tria suos quasi numeros habent spiritum sustinentes.

Quid de pro-
portione. 130. De proportionione partium docentur tria :

I. Laudatur maxime periodus quadrata sive rotunda.

Sic enim appellatur ille ambitus, in quo quatuor membra in protasin et apodosin ex aequo divisa magnitudine et compositione inter se similia sunt, atque inprimis numerose cadunt.

Pro Rab. 1. *Etsi, Quirites, non est meae consuetudinis, initio dicendi rationem reddere, qua de causa quemque defendam; propterea quod cum omnibus civibus in eorum periculis semper satis justam mihi causam necessitudinis esse duxi: tamen in hac defensione capitis, famae, fortunarum omnium C. Rabirii proponenda ratio videtur esse officii mei; propterea quod quae justissima mihi causa ad hunc defendendum esse visa est, eadem vobis ad absolvendum debet videri.* Aliud exemplum habes n. III.

II. In aliis etiam periodis commendatur, ut membra paene aequalia sint.

Maxime requirunt, ut membra apodosin membris protasis respondeant. Sed si consequentia vel graviora sunt vel acrior per ea oratio fertur, perbene longioribus breviora respondent.

III. Si in trimembri vel quadrimembri periodo apodosis unum tantum membrum habet, id fere longius sit, quam singula antecedentis.

Verum hic quoque sententiae vel unius verbi gravitas hanc proportionem egregie supplet.

Si quem animum in alienae sortis exemplo paulo ante habuistis, eundem mox in aestimanda fortuna vestra habueritis; vicimus, milites. Liv. 21, 43.

Schol. Sed haec praecepta non magis scrupulose servanda sunt, quam illa, quae de perfectis numeris generatim traduntur. Et tantum abest, ut oratio ab iis recedens vitiosa putanda sit, ut hic ornatus non modo continuus, sed etiam frequens fastidium pariat. cf. n. 111. et 114.

§ IV.

De usu periodorum.

131. Periodi orationi suavitatem et dignitatem conciliant. Sed moderate et cum circumspectione adhibendae sunt, ut pro vario genere rerum et orationis frequenter etiam incisim et membratim dicamus. Quis usus.

Incisim dicit, qui breviores illas orationis partes in membra vel periodos non colligat; membratim, qui simili modo membra soluta ponit.

Domus tibi deerat? at habebas; pecunia superabat? at egebas. Or. 67. Haec incise dicta sunt quatuor. At membratim, quae sequuntur, duo: *Incurristi amens in columnas; in alienos insanus insanisti.* Deinde omnia, tanquam crepidine quadam comprehensione longiore sustentur: *Depressam, caecam, jacentem domum pluris, quam te, et quam fortunas tuas aestimasti.*

Proprius igitur periodorum locus est in ea oratione, quae dignitatem prae se ferre, et animos non tam perturbare, quam leniter et jucunde commovere debet. Ubi maxime periodis utendum. Ubicumque autem acriter erit, instantur, pugnaciter dicendum, Or. 9, 4.

membratim, caesimque dicemus. — Similiter oratio, quae a quotidiana locutione propius abest, hunc ornatum plerumque respuit.

Itaque, ut de nonnullis generibus nominatim dicam :

- Or. 61. 1. In historia, in eo, quod appellamus *ἐπιδεικτικὴν* (ad hoc genus etiam pertinent, quas nos dicimus academicae orationes, sed imprimis panegyrici,) placet, omnia dici illa circumscriptione ambituque. — Sed curandum, ut in ipsis periodis sit magna varietas, nec ipsum illud „*omnia*” omnino servandum.
2. In epistolis et dialogis periodis grandioribus vix ullus est locus.
- Or. 62. 3. Ad causas vero forenses (et ad omnes similes orationes, quae pugnam habent et graviore motus,) genus hoc orationis neque totum assumendum est, neque omnino repudiandum. In his enim causis maximeque iis locis, cum aut arguas, aut refellas, plurimum valet incisim et membratim tractata oratio. Nec ullum genus est dicendi aut melius aut fortius, quam binis aut ternis ferire verbis, nonnunquam singulis, paulo alias pluribus; inter quae variis clausulis interponit se raro numerosa comprehensio. Crebro autem haec etiam in his orationibus adhibenda
- Or. 62. e. 1. est, si aut laudandum est aliquid ornatus, ut in Verr. II, de Sicilia, aut exponenda oratio, quae plus dignitatis desiderat,
- e. 48. quam doloris, ut in Verr. IV. de Emensi Cerere, de Segestana
- e. 50, e. 53. Diana, de Syracusarum situ. Saepe etiam in amplificanda re concessu omnium funditur numero et volubiliter oratio; praecipue tamen exordia frequentissimam periodum admittunt.

CAPUT IX.

DE PROPRIETATIBUS STYLI, QUAE AD ORNATUM PERTINENT.

Quatuor praecipue styli proprietates hoc loco nobis considerandae sunt : varietas et novitas, quae suavitatem, copia et brevitatem, quae vim gravitatemque conciliant.

ART. I.

DE VARIETATE ET NOVITATE.

I.

132. Varietatem delectare, tritum sermone proverbium monet : scilicet non modo taedium levat et satietatem, sed mentem etiam reficit et quandam cognoscendi aviditatem excitat. Itaque

Quid de
rebus.

I. Seligendae sunt res inter se dissimiles, omnes tamen ad id, quod quaerit oratio, accommodatae, nec eae semper eodem ordine distribuendae.

Vix est res, quae diffusius tractari mereatur, quin possit copiosius : quapropter seligendi copia cogitantem fere non deficit. Sed tamen perutilis saepe ad variandam orationem est digressio.

Quid di-
gressio.

Digressio est tractatio rei, quae cum argumento necessario non conjungitur.

4, 311.

Georgicorum argumentum est res rustica, digressio pastoris Aristaei fabula.

Ejus regulae sunt tres : *Prima* exigit, ut res, ad quas digredimur, sint jucundae aut graves : *altera*, ne longius quaerantur : *tertia*, ut totus ille digressus propositae orationi consentiat.

Quae ejus
regulae.

1. Scilicet ne propter nugas gradum remorari, aut a via deflectentes inepta diverticula quaerere videamur.

2. Digressio non debet esse argumento nostro necessaria, sed ita tamen connexa, ut sponte videatur oblata, nec laborandum sit in reditu.

3. Varietas digrediendo quaeritur, sed non ea, quae discrepantia miscet; atque hoc non de rebus tantum, sed de stylo etiam intelligendum est.

Schol. Hoc loco ii, qui *Romantici* dicuntur, reprehendi solent.

133. II. In verbis autem vitanda est *ἑμμελγία* i. e. oratio, quae est tota coloris unius, qua maxime deprehenditur carens arte oratoria, eaque et in sententiis et figuris

Quid de
verbis.
Qt. 8, 1.

et compositione, longa non animis solum, sed etiam auri-
bus est ingratisissima.

Quomodo autem verba, qua simplicia, qua conjuncta, variari
possint, ex iis, quae hactenus disputavimus, sua sponte quisque
intellexit.

II.

Novitas non
est insolentia.

134. I. Novitatem cum audis, cave ne illam credas insolentiam commendari, qua res quidam inauditas et verba, quibus nemo ante ipsos sit usus, ubique consecretantur. — Hujusmodi enim nova admodum rara esse, neque tam conquiri, quam cum sponte se obtulerint, cum judicio accipi debent.

1. Res sane et cogitationes occurrunt nonnumquam novae, sed perpendendae sunt, num verae quoque et sanae : vix autem sine periculo errandi quaeruntur.

2. Verba, quibus modis novari possint dixi n. 21; quae non secus ac vetusta interdum ornandi causa usurpantur, ut exemplis docet Cicero : compositionis : *Tum pavor sapientiam mihi omnem exanimato* expectorat; derivationis : *baccarum ubertate* incurvescere.

De or. 3, 38.

Quae semper quaerenda novitas.

135. II. Jam vero laudata illa novitas : qua non raro, sed quoad possumus, semper utendum est, in eo consistit, quod non tam sententiae verbaque singula insueta, quam tota quasi facies orationis sit minime communis. Ad hoc consequendum

1. Suadent vulgo, ut relictis iis ornamentis et loquendi formis, quae frequentiori usu contrita vim fere perdiderunt suam, illa quaeras, quae minus sunt usitata. Est in hoc aliquid, sed majus quoddam requiritur :

2. Contentus ne fueris, rem propositam communi quodam modo cognovisse, sed tamdiu verses animo, donec in succum et sanguinem, ut ajunt, versam vere feceris tuam : tum in eloquendo verba quaere, quae maxime sint propria, et proinde cogitata tua optime demonstrent.

Hoc pacto duabus de causis novitatem habebit oratio : primum quod rem ita pernovisse, et ita eloqui, minime est vulgare. Etsi enim utrumque rei natura videatur postulare semper, nihil tamen in scriptorum vulgo rarius quam optima rerum scientia et verborum proprietas. Altera causa est, quod ita qui dicit, modo sibi proprio dicit. Tanta est enim eloquentiae copia, ut de eadem re in eandem sententiam diversissimis modis recte dici possit; tanta autem ingeniorum varietas, ut quotquot rem ita, ut dixi, pertractaverint, etsi opinione consentiant, cogitandi tamen et eloquendi ratione differant.

Schol. Itaque illud quoque jam vides, quo pacto in oratione nascatur is, quem a nonnullis proprie stylum vocari dixi, quo scilicet scriptor velut a vultu cognoscatur (n. 10).

ART. II.

DE COPIA ET BREVITATE.

I.

136. Copia dicendi ubertas est sententiarum et verborum, qua res proposita illustrius et gravius declaratur. Quid sit.

Curiam incendit, quo quid miserius, quid acerbius, quid luctuosius vidimus? Templum sanctitatis, amplitudinis, mentis, consilii publici, caput urbis, aram sociorum, portum omnium gentium, sedem ab universo populo romano concessam uni ordini, inflammari, excindi, funestari. Pro MIL. 33.

Haec igitur rerum et verborum copia ad omnem quidem dicendi virtutem multum valet, praecipuus tamen ejus fructus est, quod rei gravitatem amplo quodam et magnifico dicendi genere demonstrat. Quia ejus fructus.

Sine dubio enim, ait Fabius, qui dicit *expugnatam esse civitatem*, complectitur omnia, quaecumque talis fortuna recipit. Sed in affectus minus penetrat brevis hic velut nuntius. At si aperias haec, quae verbo uno inclusa erant, apparebunt et *fusae per domos ac templa flammæ, et ruentium tectorum fragor*. s. 2.

ex diversis clamoribus unus quidam sonus, aliorum fuga incerta, olîi in extremo complexu suorum cohacrentes, et infantium seminarumque ploratus, et male usque in illum diem salo servati senes; tum illa profanorum et sacrorum direptio, effluentium praedas repentiumque discursus; et acti ante suum quisque praedonem catenati, et conata retinere infantem suum mater, et, sicubi majus lucrum est, pugna inter victores. Licet enim haec omnia, ut dixi, complectatur exercitio, minus est tamen totum dicere, quam omnia.

Unde copia
rerum.

137. Ad hanc dicendi copiam consequendam inprimis necesse est, rem ad disputandum propositam diligentius meditari, naturam, partes, adjuncta, causas et effectus, similia et contraria expendendo.

Itaque iisdem fere modis, quibus brevis enuntiatio in periodum dilatatur (n. 121 et seqq.), gravis quisque locus copiosius tractari poterit.

1. Saepenumero satis est, sententiae alicujus voces vel partes singulas considerare; ut si de morte sermo est, Horatii dictum expendes : *Omnes eodem cogimur. Omnes.* — nulla igitur aetas, nulla eeditio, nulla virtus, nulla fortuna eximit; *eodem* — in sepulcrum, ad inferos, ante aeterni judicis tribunal etc. Ad hanc vero tractationem eae cumprimis sententiae idoneae sunt, quae rei naturam definiunt : quamquam hae etiam per se ipsae amplificanc, ut definitio curiae paulo ante allatae, *et : Historia est testis temporum, lux veritatis, vita memoriae, magistra vitae, nuntia vetustatis.*

De or. 2, D.

2. Enumeratione partium Cicero funestum Pisonis consulatum describit :

In Pis. 40.

Omnes memoriam consulatus tui, facta, mores, faciem denique, ac nomen a republica detestantur. Legati, qui una suere, alienati : tribuni militum inimici; centuriones, et si qui ex longo exercitu reliqui milites existunt, non dimissi abs te, sed dissipati, te oderunt, tibi pestem exoptant, te execrantur. Achaja exhausta, Thessalia vexata, laceratae Athenae, Apollonia exinanito, Ambracia direpta, Bullienses illusi, Epirus excisa, Locri

exusti, Athamanum gens vendita, Macedonia condonata barbaris, Aetolia amissa, Dolopes finitimique montani oppidis atque agris exterminati, ciecs Romani, qui in iis locis negotiantur, te unum solum suum depopulatorem, vexatorem, praedonem, hostem venisse senserunt.

Idem Tullius multiplicem bonarum artium fructum commendat :

Hoc studia adolescentiam alunt, senectutem oblectant, secundas res ornant, adversis perfugium ac solatium praebent, delectant domi, non impediunt foris, pernoctant nobiscum, peregrinantur, rusticantur. Pro Arch. 7.

3. Cum hac autem enumeratione conjuncta saepe est commemoratio eorum, quae cum re connexa sunt, eam comitari, praecedere vel sequi solent. Per haec, quae adjuncta dicuntur, Quintilianus nobis paulo ante, quae uno verbo eversionis inclusa essent, monstravit. Vide etiam apud Virgilium Georg. I. l. v. 466. prodigia et monstra, quae Caesaris necem vel antecessere vel subsecuta sunt.

4. Quam vere sacra volumina, quae de Filii Dei Incarnatione exponunt, evangelia vocentur, S. Chrysostomus mysterii effectibus demonstrat :

Εὐαγγέλιον δὲ αὐτοῦ τὴν πραγματείαν εἰκότως ἐκάλειπε. Καὶ γὰρ Hom. 1. in
Matth.
κολάσεως ἀναίρεσιν, καὶ ἁμαρτημάτων λύσιν, καὶ δικαιοσύνην, καὶ ἁγιασμόν, καὶ ἀπολύτρωσιν, καὶ υἰοθεσίαν, καὶ κληρονομίαν τῶν οὐρανῶν, καὶ συγγένειαν πρὸς τὸν υἱὸν τοῦ Θεοῦ, πᾶσιν ἔλθεν ἀπαγγέλλων, τοῖς ἔθνεσιν, τοῖς ἀνθρώποις, τοῖς ἐν σκίτῳ καθημένοις. Τί ποτ' οὖν ἴσον τῶν εὐαγγελικῶν τούτων γένετ' αὐ; Θεὸς ἐπὶ γῆς, ἄνθρωπος ἐν οὐρανῷ· καὶ πάντα ἀναμλιξ ἐγένετο, ἄγγελοι συνεχάρουν ἀνθρώποις, ἄνθρωποι τοῖς ἀγγέλοις ἐκοινώνουν, καὶ ταῖς ἄλλαις ταῖς ἀνω δυνάμεσι. καὶ ἦν ἰδεῖν τὸν χρόνον λυθέντα πόλεμον, καὶ καταλλαγὰς Θεοῦ πρὸς τὴν ἡμετέραν γεγενημένης φύσιν, διὰ βολὸν αἰσχυρόμενον, δαίμονας δραπετεύοντας, θάνατον δεδομένον, παράδοσιν ἀνσιγόμενον, κατάραν ἡφανισμένην, ἁμαρτίαν ἐκ ποθῶν γεγενημένην, πλάνην ἀπεληλυμένην, ἀλήθειαν ἐπανεληθοῦσαν, τῆς εὐσεβείας τὸν λόγον πανταχοῦ κατασπειρόμενον καὶ κομῶντα, τὴν τῶν ἀνῶ πολιτείαν ἐπὶ τῆς γῆς περφυτευμένην, μετὰ ἀδείας τὰς δυνάμεις ἐκείνας ὁμιλοῦσας ἡμῖν, καὶ τῇ γῇ συνεχῶς ἀγγέλους ἐπιχωριζόντας, καὶ πολλὴν ὑπὲρ

τῶν μελλόντων τὴν ἐλπίδα ὄψαν. Διὰ τοῦτο εὐαγγέλιον τὴν ἰστορίαν ἐκάλειπεν.

5. Magnam dicendi copiam suppeditat rerum similium comparatio et dissimilium oppositio. Hujus exemplum habes supra n. 61. et in Catil. II. c. 11. Similitudine una cum enumeratione praeclare usus est S. Chrysostomus, orationem in Eutropium a Scripturae sententia : *Vanitas vanitatum* etc. exordiens.

Quid de
elocutione.

138. Elocutio copiosa redditur maxime ornamentorum usu idoneo.

1. Huc prae reliquis pertinent, ex tropis metaphora et hyperbola, ex figuris repetitio, synonymia et expolitio, antithesis et gradatio. Vide exempla in cap. IV.

2. Vitia autem copiose dicenti fugienda, sunt : redundantia et inflatum ac corruptum dicendi genus, de quo mox plura.

II.

Quid bre-
vitas.

139. Brevitas virtus est orationis, quae superflua praecidit et paucis multa complectitur.

s. 2.

Merito, ait Quintilianus, laudatur brevitās integra, sed ea minus praestat, quoties nihil dicit, nisi quod necesse est : — est vero pulcherrima, cum plura paucis complectitur.

Exemplum vide n. 96 *Nihil habet*.

Quid in re-
bus servan-
dum.

I. Primum igitur in rebus tenendus est modus, ut non aliae, quam utiles proposito orationis, sed neque hae ipsae semper omnes assumantur.

1. Ne igitur undequaque omnia conquiras, quae rem aliquo quidem modo contingunt, sed ad finem, propter quem nunc de re dicis, nihil conferunt. Contra hoc praeceptum multi peccant in narrando longe repetitis exordiis, expositione rerum nullius momenti etc.; alii in argumentando, cogitata, quaecumque menti occurrant, quoquo versus persequentes; adolescentuli imprimis difficulter sibi persuadent, non omnia, quae excogitaverint, esse dicenda, quare illa quocumque possint modo, argumento inferciunt.

2. Quid, si neque ea, quae ad rem pertinent, et per se ipsa non inutilia fuerint, semper dicenda sunt omnia? Nam hinc in descriptione monemur pauca, sed ea praestantissima deligere; hinc oratori inculcatur, ne numeret argumenta, sed ponderet. — Quod alio in genere praeclare est Xenophon consecutus. Nam ad pueri Cyri vitam narrandam fere nihil nisi adventum ejus ad Astyagem, et sermones in una coena refert; atque similiter ex tota adolescentia paucissima aliqua facta selegit. Sed nimis his velut spirantem quandam imaginem expressit, qua non modo jucundius, sed clarius etiam, quinimo plenius universos pueri et adolescentis mores declaravit, quam fecisset, si ex generali quadam divisione, ut multi solent, tempora atque rerum et personarum genera pertractasset singula.

140. Sententiarum et verborum generatim idem selectus habendus est, qui rerum; maxime autem videndum, ne sine causa pluries idem dicas, aut inutiles explicaciones intexas, aut denique rerum adjuncta loquaciter enumeres.

Quid in translatione.

Mali cives, qui pacem et quietem odio habent, cum nihil in vita his sit dulcius, ad perturbandam civitatem multa conantur: nefaria consilia, quae probissimus quisque horret, ad evertendam pacem inter se conferunt, et labefactare rempublicam seclero ausu aliis aliisque rationibus tentant. Boni autem, quorum esset maxime, unanimi consilio rempublicam tueri, inter se dissident, et aliis alia sectantibus diversis studiis agitantur. Itaque timendum est magnopere, ne, quae multi jam e sapientissimis civibus praesagiebant, surdis quidem auribus canentes, nemo enim facile credit, quae non avert, ne, inquam, praedicta mala eveniant, et rebus omnibus perturbatis, libertate ipsa, qua nunc dulcissima fruimur, sublata, cives miserae servituti subjiciantur. Haec sane vitiosa; attamen saepenumero, utrum quis locus vitiose sit dilatatus, an cum virtute amplificatus, nonnisi ex totius orationis contextu judicari potest. Nam et pleonasmus (n. 34) et tautologia (n. 58) tum solum vitia sunt, cum quae ad rem significandam necessaria non erant, ad ornandam etiam orationem nihil conferunt.

Qui contra-
hantur sen-
tentiae.

141. Saepe sententiae secundariae, maxime interjectae, contrahi possunt per participia, nomina, apposita et ellipses.

1. *Participiorum* usu Latini, maxime Livius, jucundissimam breviter consequuntur :

Lfb. 22, 6. *Subdilis calcaribus equo, per confertissimam hostium turbam impetum fecit; obtruncatoque prius armigero, qui se infesto venienti obvium objecerat, consulem lancea transfixit. Spoliare cupientem triarii objectis scutis arcuere.*

22, 7. *Unam (Romanam feminam) in ipsa porta sospiti filio repente oblatam in conspectu ejus expirasse ferunt; alteram, cui mors filii falso nuntiata erat, moestam sedentem domi, ad primum conspectum redeuntis filii gaudio nimio exanimatam.*

Pro sup. 14. *Notanda etiam illa : Servillus et recusare et deprecari, ne iniquis iudiciis, nullo adversario, iudicium capitis in se constitueretur.*

2. *Nomina* sive substantiva sive adjectiva saepe pro integris sententiis poni possunt; ut pro : *Postquam a proelio cessatum erat*, — *Post proelium*; — pro : *Mala, quae in hac vita toleramus*, — *Hujus vitae mala*; — pro : *Pax, cujus dulcedine nemo non vehementer delectatur*; — *Pax nemini non dulcissima*; — pro : *In Deo pone fiduciam, cujus sapientia nunquam fallitur, cujus bonitas inexhausta est*; — *Deo sapientissimo summeque bono fide*.

Pro Balb. 15. 3. *Apposita ipsa brevitate vim afferunt : Quum duo fulmina nostri imperii subito in Hispania, Ca. et P. Scipiones, extincti occidissent.*

4. Item ellipses : *Huncine hominem? hancine impudentiam? hancine audaciam?* (intellige *feremus*.)

Quae ca-
venda vitia.
Br 55.

142. II. Sed breviter dicenti cavenda est obscuritas et jejunitas.

Ql 8, 2.

1. Nonnulli brevitatatis aemuli necessaria quoque orationi subtrahunt verba, et velut satis sit, scire ipsos, quae dicere velint, quantum ad alios pertineat, nihil putant. At ego otiosum sermonem dixerim, quem auditor suo ingenio intelligit.

2. Jejunitas ex inopia quadam nascitur, quae, modo res satis indicata sit, ut intelligi possit, nihil addit, quod ornet et amplificet.

Schol. Sed, dixerit hoc loco quispiam, si ita est, justa copia et integra brevitās vix inter se differre videantur. Eae vero differunt quam plurimum, sed inter se non pugnant. Sic etiam in vita parsimonia et liberalitas virtutes sunt minime sibi contrariae, attamen diversae. Cavet parsimonia, ne liberalitas fiat prodiga; contra liberalitas a parsimonia sordes arcet avaritiae, neque tamen parsimoniae actio actio est liberalitatis.

143. III. Laudari etiam hoc loco solet brevis quaedam simplicitas, ut quae in rebus saepe maximis vim et dignitatem habeat singularem. Simplicitas
in rebus ma-
gnis.

Quae res mihi non mediocrem consolationem attulit, volo tibi commemorare, si forte eadem res tibi minuere dolorem possit. Ex Asia rediens, cum ab Aegina Megaram versus navigarem, coepi regiones circumcirca prospicere. Post me erat Aegina, ante Megara, dextra Piraeus, sinistra Corinthus : quae oppida quodam tempore florentissima fuerunt, nunc prostrata et diruta ante oculos jacent. Coepi cogitare mecum sic cogitare : Hem, nos homunculi indignamur, si quis nostrum interiit, aut occisus est, quorum vita brevior esse debet, cum uno loco tot oppidum cadaecra projecta jacent? Visne tu te, Servi, cohibere, et meminisse hominem te esse natum? Crede mihi, cogitatione ea non mediocriter sum confirmatus. Hoc idem, si tibi videtur, fac ante oculos tibi proponas. Ad div. 4, 5.

Dubitaveris, an haec simplicitas copiosae orationi anteponenda sit : sed utrique generi sua est laus; utrum adhibendum sit, ex rebus, personis et ipsa oratione judicandum erit. Num praeforenda copiae.

Primum in *rebus* est discrimen, quarum aliae brevi et simplice sermone satis ostendi possunt, aliae non possunt; deinde in *personis*, nam alii aliis haec alta facilius capiunt; post in *orationis genere* maxime. Itaque si in epistola vel historia res

sublimes tractandae veniunt, simplicitate utamur, si in concione copia. Videndum etiam, quid intendat oratio : si tranquillam quandam mirationem, sedatum et simplex genus dicendi, si animarum perturbationem, copiosum adhibebimus.

Quid generatim.

144. At vero non solum si sublimia eloquimur, sed omnino in omni genere breviores aut copiosiores esse debemus, prout instituta oratio postulaverit. Saepe tamen et justa brevitatis et sana copia in eodem genere et loco laudabilis.

Brutus Ciceroni :

Addiv. 11, 4. *Si de tua in me voluntate dubitarem, multis a te verbis peterem, ut dignitatem meam tuerere. Sed profecto est ita, ut mihi persuasi, me tibi esse eurae. Progressus sum ad Inalpinos cum exercitu, non tam nomen imperatorium captans, quam cupiens militibus satisfacere, firmosque eos ad tuendas nostras res efficere : quod mihi videor consecutus. Nam et liberalitatem nostram et animum sunt experti. Cum omnium bellicosissimis bellum gessi, multa castra cepi, multa vastavi. Non sine causa ad senatum litteras misi. Adjuva nos tua sententia, quod cum facies, ex magna parte communi commodo inservieris. Vale.*

Cicero Bruto :

Ibid. ep. 6. *Lupus noster cum Romam sexto die Multina venisset, postridie me mane convenit, tuoque mihi mandata diligentissime exposuit, et litteras reddidit. Quod mihi tuam dignitatem commendas, eodem tempore existimo, te mihi meam dignitatem commendare, quam meherecule non habeo tua cariorem. Quare mihi gratissimum facies, si exploratum habebis, tuis laudibus nullo loco nec consilium nec studium meum defuturum. Cum tribuni plebis edixissent, Senatus adesset ad XIII Kal. Jan. haberentque in animo, de praesidio consulum designatorum referre : quamquam statueram in Senatum ante Kal. Jan. non venire, tamen eum eo die ipso edictum tuum propositum esset, nefas esse duxi, aut ita haberi senatum, ut de tuis divinis in rempublicam meritis sileretur (quod factum esset, nisi ego venissem), aut etiam, si quid de te honorifice diceretur, me non adesse. Itaque in Senatum*

veni mane. Quod cum esset animadversum, frequentissimi senatores convenerunt. Quae de te in Senatu egerim, quae in concione maxima dixerim, aliorum te litteris malo cognoscere. Illud tibi persuadeas velim, me omnia, quae ad tuam dignitatem augendam pertinebunt, quae est per se amplissima, summo semper studio suscepturum et defensurum, quod, quanquam intelligo me cum multis esse facturum, tamen appetam hujus rei principatum. Vale.

Jam adverte, quam diversus in eodem genere stylus. Uterque enim ad familiarem scribit, uterque amicitiae sensus exponit, uterque narrat, in conclusione alter petit, alter promittit; sed quam copiosus Cicero, quam praecisus Brutus! Hujus virili simplicitate magis forte capiaris, in epistola praesertim; esto, sed cave alterius copiam vitiosam dixeris. Uterque bene, sed pro sua uterque indole et moribus. — Et quod hic de copia et brevitate dixi, de aliis etiam styli proprietatibus aestimandum est.

De or. 3,
7. et infra n.
171.

CAPUT X.

DE VITIIS QVAE EX ORNATUS ABUSU NASCUNTUR.

143. Cum dicendi virtutibus vitia quaedam vicina sint, in adhibendo ornatu mediocritas, quae est inter nimium et parum, tenenda est.

Quid generatim.

Decipimur specie recti : brevis esse laboro,
Obscurus flo, sectantem levia nervi
Deficiunt animique; professus grandia turget;
Serpit humi tutus nimium timidusque procellae.
Qui variare cupit rem prodigialiter unani,
Delphinum sylvis appinget, fluctibus aprum :
In vitium ducit culpa fuga, si caret arte.

Ars poet.
v. 25.

Ac nonnulla quidem vitia, quae singulis quibusdam ornamentis proxima sunt, jam notavimus; sed *κακὰ ἅλας* i. e. *mala affectatio* per omne dicendi genus peccat. Nam et tumida et exilia et

Qt. 6, 3.

praeduleia et abundantia et arcessita et exsultantia sub idem nomen cadunt, denique *κακὸς λόγος* vocatur, quidquid est *ultra virtutem*, quoties ingenium iudicio caret: et specie boni fallitur: omnium in eloquentia vitiorum pessimum. Nam cetera cum vitentur, hoc petitur. — Hoc igitur est illud *corruptum dicendi genus*, de quo tam saepe veteres.

146. Mala haec, quam dixit Fabius, ornatus affectatio, duobus praeipue se modis prodit, cultu nimio et vitiosa superlacione.

Quid de nimio cultu.

I. Nimio culto peccant, qui superstitiosa quadam diligentia orationem expoliunt, ac venustates exquisitas per omnes orationis partes frequentant.

1. Diligentior cura, quae se ostendit, ut in vita, sic in oratione displicet, quia naturam, quam perficere deberet, exterminat. Hinc talis oratio *frigida* nec corpori viventis, sed cereae imagini, fucis et pigmentis illitae, similis.

De or. 3, 5.

2. Ut porro conspersa sit oratio quasi verborum sentiarumque floribus, id non debet esse fusum aequabiliter per omnem orationem, sed ita distinctum, ut sint quasi in ornatu disposita quaedam insignia et lumina. Genus igitur dicendi est eligendum, quod non solum delectet, sed etiam sine satietate delectet.

In quibus notetur maxime.

147. Hoc vitium praecipue in sententiosa illa brevitate, in antithetis et longe maxime in acuminis notatur.

Ibid.

1. Generatim ea, quae maxime sensus nostros impellunt voluptate, et specie prima accerrime commovent, ab iis celerrime fastidio quodam et satietate abalienamur. Nam omnibus in rebus voluptatibus maximis fastidium finitimum.

Inst. poet. 5, 2, 1.

2. Vix est, monet Iuvenius, ut qui studet acute omnia dicere, non dicat pleraque frigide, et quaesitam acumine uno alterove non inepto laureolam ingenii sexcentis aliis contortis infertisque corruptat. — Exemplum profert ex Lucano, qui de Pompejo: *Coelo tegitur, qui non habet urnam*: — quasi id non de projecto cujusvis malefici cadavere dici possit; et: *Victrix causa Dis placuit; victa Catoni*; quo Catoni altiores sensus, quam ip-

sis Diis tribuuntur. Nonnemo tamen ex nostratibus hanc sententiam sublimem dixit!

138. Dedeceat autem inprimis orationem, quae vel familiarem sermonem imitari, vel affectionem animi exprimere debet. Ubi inprimis dedeceat.

1. Hinc reprehenditur Plinius Jun. qui in ipsis epistolis exquisitum nitorem et omnem elegantiam, praecipue antitheses et sententias aucupatur argutissimas.

2. Animus vere commotus, quae sentit, libere effundit, non expendit verba, non metitur syllabas, non intorquet compositionem; multa autem minime sectatur argutias. — Jam confer has duas epistolas.

Plinius Tiruni:

Quamdiu ego trans Padum, tu in Piceno, minus te requirebam, postquam ego in Urbe, tu adhuc in Piceno, multo magis; seu quod ipsa loca, in quibus esse una solemus, acrius me tui commonent, seu quod desiderium absentium nihil perinde ac vicinitas acuit; quoque proptus accesseris ad spem fruendi, hoc impatientius carcas. Quidquid in causa, eripe me huius tormento. Veni; aut ego illuc, unde inconsulte properavi, revertar, vel ob hoc solum, ut experiar, an mihi, cum sine me Romae coeperis esse, similes his epistolas mittas. Vale. e. 1.

Cicero Trebatio:

Quam sint morosi, qui amant, vel ex hoc intelligi potest: moleste ferebam antea, te invitum istic esse; pungi me rursus, quod scribis, esse te istic libenter. Neque enim mea commendatione te non delectari, facile patiebar, et nunc angor, quidquam tibi sine me esse jucundum, sed hoc tamen malo, ferre nos desiderium, quam te non ea, quae spero, consequi. Ad div. 7, 25.

149. II. Vitiosa superlatio sive in verbis, sive in rebus quoque et sententiis, plus audet, quam deceat aut natura patitur. Quid superlatio vitiosa.

In quam convenit illud Horatii:

Est modus in rebus, sunt certi denique fines,
Quos ultra citraque nequit consistere rectum. Sat. l. 1, 106.

In verba. In verbis superlatio est, cum in re vulgari gravitatem elocutione affectant.

1. Hoc vitium *tumor* dicitur, et eorum est, qui, ut ait Juvenius, nubes et inania captant, qui humi ingredi velut nesciunt. Illa grandia nomina, epitheta magnifica, sententias ampullatas excute et comprime: omnia inani distenta vento, solidum fere nihil deprehendes.

2. Vicina tumori est *redundantia*, qua et languet et inobscuratur oratio. Audi Fabium: Est in quibusdam turba inanum verborum, qui, dum communem loquendi morem reformidant, ducti specie nitoris, circumeunt omnia copiosa loquacitate, quae dicere nolunt; ipsam deinde illam seriem cum alia simili jungentes miscentesque, ultra quam ullus spiritus durare possit, extendunt. — Unde illa scilicet egregia laudatio: *Tanto melior; ne ego quidem intellexi.*

3. Pessimus est tumor, qui in soluta oratione poeticum ornatum usurpat, ut quidam de maris descriptione.

Dum satum quaeris verbis compositis et incerta liquentis elementi placida oratione describis, dum sermonum cymbam inter scopulos, rector diligens, fraenas: curiosum artificium fabricatus, pelagus oculis meis, quod aquarum simulabas eloquiis, demonstras.

4. In re vulgari turgidus sermo maxime ridiculus, sed tamen in magnis quoque rebus vitiose saepe intumescit oratio. Hinc Persius ridet Neronis Imp. versus.

Sat. 1. *Torva Mimalloneis implerunt cornua bombis,
Et raptum vitulo caput ablatura superbo
Bassaris, et lynceae Maenas flexura corymbis
Evion ingeminat; reparabilis adsonat echo.*

In rebus. 150. Si jam non verba tantum, sed fictiones etiam, cogitata et sensus naturae modum excedunt, tota oratio monstruosa efficitur.

Sunt, qui in sententiis nunquam satis sibi singulares videan-

tur, et inaudita sectantes, ultra quam possunt, contendant, donec velut turbulento quodam ardore animi prorepti miras rerum species efflaxerint. Iidem in sensibus nunc molles et effeminati, nunc vasti et aestuantes, semper autem violenti et naturam paene aspernati. — Qui in eloquendo translationes audaces, acutissimas antitheses, verba rara et nova quam possunt plurima coacervant, ac tum demum sibi ornate dixisse videntur, cum in sententiis veritas, in fictione probabilitas, in rebus et personis decentia, in cunctis denique modestia perierit.

En tibi hujus rei breviora nonnulla exempla; nam longiora utilius apud vernaculos scriptores consideraveris, quorum non pauci nostra aetate ob haec ipsa vitia magnum apud multos nomen adepti sunt.

I. Dixerat Virgilius Augusto :

*Ipse tibi jam brachia contrahit ardens
Scorpius, et coeli justa plus parte relinquit.*

Georg. 1, 34.

Sed hoc quidem non satis erat Lucano, qui Neronem alloquitur ita :

*Sed neque in areto sedem tibi legeris orbe,
Nec polus adversi calidus qua mergitur austri;
Aetheris immensi partem si presseris unam,
Sentiet axis onus. Librati pondera coeli
Orbe tene medio.*

Phars. 1, 55.
Cf. de his
Blair 15.

2. Hercules apud Senecam ita ad Jovem :

*Numquid timemur? Numquid impositum sibi
Non poterit Atlas ferre cum coelo Herculem?*

.....

*Da, da tuendos, Jupiter, saltem Deos!
Illa licebit fulmen a parte auferas,
Ego quam tuebor.*

In hujusmodi scilicet convenit, quod ait S. Augustinus: *Nullo modo mihi sonat diserte, quod dicitur inepte.*

3. Sex. Rufus narrat: *Hispanias per Decimum Brutum obtinimus, et usque ad Gades et Oceanum pervenimus.* Haec ita Florus: *Decimus Brutus aliquanto latius Gallaecos atque omnes Gallaeiacae populos formidatulumque militibus flumen oblationis, peragratoque victor Oceani liltore non prius signa convertit, quam cadentem in maria solcm obrutumque aquis ignem non sine quodam sacrilegii metu et horroreprehendit.*

Quare haec
placeant.
Qt. 2, 5. cf.
Ibid. seqq.

131. Haec autem ideo a plerisque laudantur, quod sermo rectus et secundum naturam enuntiatus nihil habere ex ingenio videtur, illa vero, quae utcumque deflexa sunt, tanquam exquisitiora miramur.

Hoc ipsum autem corruptis moribus attribuit Seneca: (1)

Ep. 114.

Quare quibusdam temporibus provenerit corrupti generis oratio, quaeris, et quomodo in quaedam vitia inclinatio ingeniorum facta sit, ut aliquando inflata explicatio vigeret, aliquando infracta et in morem cantici ducta, quare alias sensus audaces et fidem egressi placuerint, alias abruptae sententiae et suspicio-cae, in quibus plus est intelligendum, quam audiendum; quare aliqua aetas fuerit, quae translationis jure uteretur inverecunde. Hoc, quod audire vulgo soles, quod apud Graecos in proverbium cessit, talis hominibus fuit oratio, qualis vita. Quemadmodum autem uniuscujusque actio dicenti similis est, sic genus dicendi aliquando imitatur publicos mores. Si disciplina civitatis laboravit, et se in delicias dedit, argumentum est luxuriae publicae orationis lascivia, si modo non in uno aut altero fuit, sed approbata est et recepta. Non potest alius esse ingenio, alius animo color, si ille sanus est, si compositus, gravis, temperans, ingenium quoque siccum ac sobrium est.... Cum assuevit

(1) Non ea est mens nostra, ut hujus corruptelae singulos, qui dicendi vitiis indulserint, accensemus. Quamvis enim in unoquoque magna solent esse vitae et orationis similitudo, tamen singulorum judicium aliis etiam rebus corrumpi potest. At ubi communiter haec dicendi vitia placuerint, communis etiam vivendi licentia animos corruerit necesse est.

animus fastidire, quae ex more sunt, et illi pro sordidis solita sunt; etiam in oratione, quod novum est, quaerit, et modo antiqua verba atque exoleta revocat et profert; modo fingit, et ignota deflectit; modo id, quod nuper increbuit, pro cultu habetur, audax translatio et frequens.... Quomodo conviviorum luxuria, quomodo vestium, aegrae civitatis indicia sunt, sic orationis licentia, si modo frequens est, ostendit animos quoque, a quibus verba exeunt, procidisse. Mirari quidem non debes, corrupta excipi non tantum a corona sordidiore, sed ab hac turba quoque cultiore. Togis enim inter se isti, non iudiciis distant. Hoc magis mirari potes, quod non tantum vitiosa, sed et vitia laudantur.... Haec vitia unus aliquis inducit, sub quo tunc eloquentia est; ceteri imitantur et alter alteri tradunt.

Et hic unus apud Romanos, quis alius magis, quam Seneca fuit? — Hujusmodi autem scriptores plus bonis artibus nocuisse, quam Vandalos et Gothos, non immerito scripsit Batteux.

1, 2, 3.

CAPUT XI.

DE ORATIONE APTA.

ART. I.

DE ORATIONE APTA GENERATIM.

152. I. Aptus dicitur sermo, qui rei, proposito, personis, loco quoque et tempori consentaneus est. Qualis sermo aptus.

1. Rei consentiet oratio, si inter illam et dicendi genus quaedam est similitudo, ita ut de re humili summis, de mediocri temperate, de magna graviter dicas.

2. Videndum est, quid maxime spectare debeat oratio, doctrinam, an delectationem, an graviores animorum motus.

3. Personis accommodanda est oratio non solum eorum, ad quos dirigitur, sed ipsius etiam dicentis, et illorum, de quibus sermo est, vel quos loquentes facis.

4. Locorum et temporum eadem fere, quae personarum, ratio habenda est.

153. II. Semper quidem in omni parte orationis, ut vi- Ubi necesse.

sentius.
Or. 21.

tae, quid deceat, est considerandum: sed tamen inprimis videndum, ut affectibus consentiat.

1. Reliquarum virtutum plerumque alias in alio loco requirimus, decorum nusquam in oratione abesse debet, ut nec in vita; semper enim in omnibus dictis et factis, minimis et maximis hoc decere, illud non decere dicimus.

2. Animorum motus pro rei et personarum conditione variant quamplurimum; nullibi autem, quam in his, periculosius peccatur. Quapropter natura quam diligentissime observanda est. Habet enim suum quisque motus sermonem, quem imitari debet oratio; in quo genere multo plus arte valet natura et usus.

Quibus in
rebus.
Or. 21.

154. III. Neque vero solum in sentiis, sed etiam in verbis videndum est, quid deceat vel rem vel personas vel ipsum, quod assumpsisti, genus dicendi.

Or. 22.

1. Etsi enim sine re nulla vis verbi est, tamen eadem res saepe aut probatur aut rejicitur, alio atque alio elata verbo.

Or. 21.

2. Non omnis fortuna, non omnis honor, non omnis auctoritas, non omnis aetas, nec vero locus, aut tempus, aut auditor omnis, eodem aut verborum genere tractandus est aut sententiarum. — Et saepe vix una, quae imprudenti excidit, plus nocuit, quam longa profuerat oratio.

Qt. 8, 3.

3. Sicut in oratione nitida notabile est humilior verbum et velut macula, ita a sermone tenui sublime nitidumque discordat, fitque corruptum, quia in plano tumet. Magno ergo iudicio ornamentis dicendi utendum est.

ART. II.

DE TRIPLICE GENERE DICENDI.

(Or. 23-30. Qt. 12, 10.)

Quot genera dicendi.
Qt.

155. Tria omnino sunt genera dicendi, unum subtile seu tenue, alterum grande atque robustum, tertium alii medium ex duobus, alii floridum addiderunt: quorum primum docendi, secundum movendi, tertium delectandi sive conciliandi praestat officium.

I. Tenue illud genus dicendi summissum est et humile, Tenue quale sit. Cic.
consuetudinem imitans.

Hoc qui utitur ab indisertis re plus, quam opinione differt. Nam orationis subtilitas imitabilis quidem illa videtur esse existimanti, sed nihil est experiēti minus. Etsi enim non plurimi sanguinis est, habeat tamen succum aliquem oportet, ut etiamsi illis maximis viribus careat, sit, ut ita dicam, integra valetudine.

Ab hac igitur forma dicendi removetur omnis insignis ornatus, elegantia modo et puritas remanet. Quem ornatum admittat. Cic.

Ergo tenuis ille orator 1. nec in faciendis verbis erit audax, et parvus in priscis, in transferendis fortasse crebrior, sed veracundus, omnino utetur verbis usitatissimis.

2. In reliquis etiam ornamentis et verborum et sententiarum demissior erit. Itaque vitabit quaesitas venustates, quae sunt in nonnullis verborum figuris, nec assumet illa sententiarum lumina, quae vehementer sunt illustra.

3. Numeris minus se adstringit. Solutum quiddam sit, nec vagum tamen, ut ingredi libere, non ut licenter videatur errare : quaedam etiam negligentia est diligens.

4. Propriae autem hujus generis virtutes sunt puritas, perspicuitas et maxime proprietas verborum; decent etiam sententiae acutae et sales; languor autem praecipue fugiendus est.

156. II. De medio sic Tullius : Est quoddam insigne et florens orationis, pictum et expoliturum genus, in quo omnes verborum, omnes sententiarum illigantur lepores. Quale medium. Cic.

Itaque hic modus et translationibus crebrior, et figuris erit jucundior; egressionibus amoenus, compositione aptus, sententiis dulcis; latae eruditaeque disputationes in eodem explicabuntur et loci communes sine contentione dicentur. Qu.

157. III. Grande sive robustum dicendi genus omnem vim verborum et sententiarum adhibet, qua animi vehementius permoventur. Quale robustum.

Cic. Tertius est ille amplus, copiosus, gravis, ornatus, in quo profecto vis est maxima. Hic est enim, cujus ornatum dicendi et copiam admiratae gentes eloquentiam in civitatibus plurimum valere passae sunt; sed hanc eloquentiam, quae cursu magis sonituque ferretur, quam suspicerent omnes, quam admirarentur, quam se assequi posse diffiderent. Hujus eloquentiae est, tractare animos, hujus, omni modo permovere. Haec modo perfringit, modo irrepit in sensus, inserit novas opiniones, evellit insitas.

Schol. Hoc ergo maxime inter se floridum genos et robustum differunt, quod alterum totum compositum est ad suavitatem et conciliationem, alterum ad gravitatem et contentionem. Quare Fabius : Medius hic modus... lenior, ut amnis lucidus quidam et virentibus utrinque sylvis inumbratus. At ille, qui saxa devolvat, et pontem indignetur, et ripas sibi faciat, multus et torrens judicem vel renitentem contra feret cogetque ire, qua rapit.

Quis usus. 158. Jam vero quamquam ex his dicendi generibus aliud alii operi magis est proprium; generatim tamen in iisdem operibus miscenda inter se et temperanda sunt.

1. Genus tenue convenit in primis epistolae, dialogo et disputationi; historia et descriptio magis ad medium accedunt. Hoc tamen propriam sedem habet in poësi, quamquam et rursus haec ipsa non raro acri illo et gravissimo nititur. Orator, proot
Qt. res exigit, omnibus non pro causa modo, sed pro partibus causae utetur. Is enim est eloquens, qui et humilia subtiliter
Cic. et magna graviter et mediocria temperate potest dicere.

2. Pauca omnino sunt opera, quae in una dicendi forma se continent. Contingit hoc tamen saepius in illa subtili forma, raro in mediocri, in gravissima, si excipias breviora aliqua carmina, nunquam. Quare Cicero : At vero hic noster, quem principem ponimus, gravis, acer, ardens, si ad hoc unum est natus, aut in hoc solo se exercuit, aut huic generi studet uni, nec suam copiam cum illis duobus generibus temperavit, maxime est contentendus. — Itaque nec semper hae formae accurate discerni

possunt. Multa enim sunt earum intervalla. Nam et subtili plenius aliquid atque subtilius; et vehementi remissius atque vehementius invenitur, et illud leno aut ascendit ad fortiora aut ad tenuiora summittitur: ac sic prope innumerabiles species reperiuntur, quae utique aliquo momento inter se differant.

Q^t.

159. Tertium dicendi genus saepe etiam *sublime* appellatur; magis tamen proprie hoc sibi nomen vindicat ea tantum oratio, quae singulari quadam vi ad sensus altiores animum attollit rapitque.

Quae oratio sublimis.

1. Vehemens est oratio, qua Cicero Catilinam senatum ingredientem compellat; gravissimus ad movendos animos totus ille de Gavii supplicio locus (De suppl. 62—65); ardent quam maxime, quae idem Tullius de incensa curia eloquitur (Pro Mil. 33); neque tamen in his reperitur id, quod proprie sublime dicitur. Propius ad ejus rationem accedit nobilis prosopopoeia, qua Cicero patriam cum Catilina loquentem facit (n. 87); plane autem sublimis est locus ex Servii ad Tullium epistola nuper (n. 143) allatus.

2. Singularis vis, qua talis oratio mentem commovet, in eo esse videtur, quod in rei sublimis apta commemoratione aeterni et infiniti cogitatio, etsi interdum latenter, animum subit. Ita cum Servii locum legimus, aeternitatem etiam non advertentes cogitamus, ex ejus scilicet stabilitate rerum humanarum inconstantiam colligentes. — Apertius Dei infinitam potentiam Moyses declarat:

Ecce respiciens Dominus super castra Aegyptiorum per columnam ignis et nubes, interfecit exercitum eorum.

Ex. 14.

3. Itaque oratio sublimis pro subjecta materia nunc placida nos admiratione afficit, nunc stupore percellit vehementi, nunc veneratione et sacro quodam horrore perfundit.

160. Reperitur autem sublime a. *in rerum natura*, ut in vasti oceani astrorumque conspectu; in procellis, incendiis, terrae motibus; b. *in vita et moribus*, ut si qua sunt facinora magno consilio suscepta et eximia fortitu-

Quae res sublimis.

dine perfecta; quo inprimis pertinet bonorum, famae et vitae ipsius magnanimus contemptus; c. maxime vero *in rebus divinis*, ut sunt mundi creatio, diluvium, legis latio in monte Sinai.

Quae autem in rerum natura magna videntur, sublimia non sunt, nisi quatenus in iis aliquo modo vis animi aut divinitatis numen ostenditur.

Quae elocutio.

161. Elocutio modo simplex et concisa, modo audax, uber et velut exaestuans.

1. Simplissimo sermone Servius, utpote in epistola, usus est; brevissime Homerus de Apolline pestem exercitibus illaturo:

Il. 1, 47.

ὁ δ' ἤϊε πυκνὴ δεινὰ;

2. Sed haud ita Ovidius:

Met. 4, 490.

*Nec mora; Tisiphone madefactam sanguine sumit
Importuna facem, fluidoque cruore rubentem
Induitur pallam, tortoque incingitur angue:
Egrediturque domo. Luctus comitantur euntem
Et Pacor et Terror trepidoque Insania vultu.*

Nec Virgilius:

Aen. 3, 568.

*Interea fessos ventus cum sole reliquit,
Ignarique viae Cyclopum allabimur oris.
Portus ab accessu ventorum immotus, et ingens
Ipse; sed horrificis juxta tonat Actna ruinis,
Interdumque atram prorumpit ad aethera nubem,
Turbine fumante piceo et cadente favilla;
Attollitque globos flammaram, et sidera lambit:
Interdum scopulos avulsaque viscera montis
Erigit eructans, liquefactaque saxa sub auras
Cum gemitu glomerat, fundoque exaestuat imo.*

Nullus igitur ornatus tam amplus est, quem sublime respuat,

errantque, qui aliter praecipunt. Delectamur sane, cum sermo quasi nudus et tenuis summa eloquitur, et concisa brevitate plurima complectitur; sed non minus jucundum, si genus dicendi rerum magnitudinem adaequare videatur. Utrumque locis utile, (cf. 143, 144.) Mundi creationem Moyses simplicitate admirabili narravit, qui idem Judaeorum transitum per mare rubrum diffuse et magnifice descripsit, hymnoque celebravit majestatis pleno (Exod. 14 et 15.): qua quidem narratione et carmine haud scio an nullibi sublimius quidquam inveniri possit. — Vide etiam Ps. 28 et Is. 14 et 40.

CAPUT XII.

DE EXERCITATIONIBUS ARTIS DICENDI.

162. Eloquendi praecepta, sicut cognitioni sunt necessaria, ita non satis ad vim dicendi valent, nisi illis firma quaedam facilitas accesserit : quae paratur exercitatione legendi, scribendi et declamandi.

Quare necessarium.
Qt. 10, 1.

Haec vero tria ita inter se connexa et indiscreta sunt, ut si quid ex iis defuerit, frustra sit in ceteris laboratum. Nam neque solida atque robusta fuerit unquam eloquentia, nisi multo stylo vires acceperit, et citra lectionis exemplum labor ille carens rectore fluit.

Ibid.

In omnibus porro videndum est : 1. ne temere, sed cum magna circumspectione suscipiantur; 2. Ut in bene coeptis labores constanter; 3. Ut denique diligentia non vulgari in iis verseris.

Quae in iis servanda.

1. Accommodandae enim sunt cujusque aetati, doctrinae; variari etiam convenit; aliae haud ita diu tractandae, in aliis haerendum: quare opus est perito duce, cujus consilia sequatur adolescens.

2. Pauci sibi constant, pauci, quod recte inchoatum est, absolvunt, degustant omnia, nihil toto hauriunt pectore. Tu ergo, quod magister suaserit, arripas alacriter, et in eo perstes tamdiu, donec voti penitus compos fias.

Juv. rat. disc.

De or. 2, 33. 3. Quod Tullius de inventione argumentorum dicit, id recte in universas dicendi exercitationes transfertur: Ars demonstrat tantum, ubi quaeras, atque ubi sit illud, quod studeas invenire, reliqua sunt in cura, attentione animi, cogitatione, vigilantia, assiduitate, labore, complector uno verbo, quo saepe jam usi sumus, diligentia, qua una virtute omnes virtutes reliquae continentur.

ART. I.

DE LECTIONE.

(Qt. 10, 1.)

Quare legendum.

163. Quatuor potissimum utilitates affert lectio: 1. copiam parat rerum et verborum, nec eam indigestam; 2. artis praecepta melius, quam ulla doctrina ostendit; 3. efficit, ut sponte assuescamus melioribus; 4. postremo ingenii facultates incitat, exercet et perpolit.

1. Nobis, ait Fabius, copia cum iudicio paranda est, vim orandi, non circulatoriam volubilitatem spectantibus. Id autem consequemur optima legendo et audiendo. Non solum enim nomina ipsa rerum cognoscimus hac cura, sed cui quodque loco sit aptissimum. Haec ille de verbis; porro eadem est ratio rerum.

Qt.

2. Omnium quaecunque docemus, hoc sunt exempla potentiora etiam ipsis, quae traduntur, artibus, quia, quae doctor praecipit, orator ostendit.

De or. 2, 14.

3. Ut cum in sole ambulem, etiamsi aliam ob causam ambulem, fieri natura tamen, ut colorer, sic cum istos libros studiosius legerim, sentio orationem meam illorum tactu quasi colorari.

Qui legendi.

164. Legendi autem sunt scriptores cujusque generis optimi.

Juv.

In eo enim peccatur ab aliquibus, quod optimos in unoquoque genere auctores omittant, contenti levioribus, vel studio novitatis vel iniquitate iudicii. Sous sit illis principibus litterarum honos, quos aetatum omnium consentiens fama celebrat; ad eos quo quis propius accedit, eo major est. Quorsum pertinet rivulos consecrari, cum fontes teneas?

Sed horum ipsorum, qui classici dicuntur, discentibus ^{Ex ipsis classicis se- ligendi.} nec multi simul legendi, et a nonnullis etiam plane abstinendum erit.

Nonnulli ex ipsis classicis vel vitio laborant aliquo vel certe a communi dicendi ratione longius audaciusque recessere, quos qui temere imitantur, pro ipsorum virtutibus vitia his vicina assumunt, obscuritatem pro brevitate, tumorem pro gravitate. Imitari autem solent maxime pueri, quoscunque legunt.

Quare errant vehementer, qui recte saltem incipi a mediocribus existimant: quin etiam diu nonnisi optimus quisque, et qui credentem sibi minime fallit, legendus est. ^{A quibus incipiendum. Qd.}

1. Ego, ait Quintilianus, optimos quidem et statim et semper, sed tamen eorum candidissimum quemque et maxime expositum velim. Cicero, ut mihi quidem videtur, et jucundus incipientibus quoque et apertus est satis, nec prodesse tantum, sed etiam amari potest, tum, quemadmodum Livius praecipit, ut quisque erit Ciceroni similissimus. ^{2, 5.}

2. Qui aliquantum profecerint, alios illos, quos dixi, scriptores noscendi causa delibent potius, quam assiduo studio pervolvant. Formato autem ingenio et multa arte imbuto proderit, hos etiam diligenter pertractare.

Vernaculorum quoque selectus ex his iisdem regulis faciendus est, et eo quidem majori cura, quo periculosius in hoc genere peccatur. ^{Quid de vernaculis.}

Ut mittam periculum pietatis et morum, primum adolescentes in pervolutandis vernaculis minime illud, quod dicitur: *multum, non multa*, observant, sed promiscue omnes legunt, qui ingenio arrident, leguntque delectandi causa, non discendi; deinde imperitorum iudicio falluntur, ut optimos credant, vel qui longissime a naturali simplicitate deflexerint, vel qui cum maxime celebrantur.

165. Neque vero solum assidue, sed diligenter quoque et paene ad scribendi sollicitudinem legendum est. ^{Quomodo legendum.}

1. De assidua lectione sufficiat proverbium modo laudatum, quod legi multum jubet, non multa.

2. Diligens erit lectio, si non contentus, quid dicatur, novisse, inquiras etiam, quorsum et quemadmodum dicatur. In quo idem fere modus servandus est, quem in explicando praeceptores (ex Quintiliani regulis) tenero solent. Primum igitur argumentum et quaestio cognoscenda; quaerenda deinde, quam vocant, analysis et ipse sensus verborum; postremo exploranda praecepta artis de inventione, dispositione et elocutione.

Repetenda.
Ql.

Nec fere haec semel observasse satis est, sed insigniora saltem iterum iterumque lustranda sunt; nec per partes modo scrutanda omnia, sed perfectus liber utique ex integro resumendus.

1. Repetamus autem et tractemus, et ut cibos mansos ac prope liquefactos demittimus, ita lectio non cruda, sed multa iteratione mollita et velut confecta memoriae imitationique tradatur.

2. Praecipue ita tractanda oratio, cujus virtutes frequenter ex industria quoque occultantur. Saepe enim praeparat, dissimulat, insidiatur orator, eaque in prima parte orationis dicit, quae sunt in summa profutura. Itaque suo loco minus placent, adhuc nobis, quare dicta sint, ignorantibus, ideoque erunt, cognititis omnibus, repetenda.

Qui auctores
Indicant
cl.

166. Denique quoniam cum iudicio utique legendum est, accipe Fabii sapienter monita :

1. Neque id statim legenti persuasum sit, omnia, quae, magni auctores dixerint, utique esse perfecta.

Nam et labuntur aliquando et oneri cedunt et indulgent ingeniorum suorum voluptati, nec semper intendunt animum et nonnunquam fatigantur : cum Ciceroni dormire interim Demosthenes, Horatio vero etiam Homerus ipse videatur. Summi enim sunt, homines tamen, acciditque iis, qui quidquid apud illos reppererunt, dicendi legem putant, ut deteriora imitentur, id enim est facilius, ac se abunde similes putent, si vitia magnorum consequantur.

2. Modeste tamen et circumspecto iudicio de tantis viris pronuntiandum est, ne, quod plerisque accidit, damnent, quae non intelligunt.

Ac si necesse est, in alteram errare partem, omnia eorum legentibus placere, quam multa displicere maluerim.

ART. II.

DE SCRIPTIONE.

§ I.

De descriptione generatim.

(Qt. 10, 3.)

167. Caput est, ait Crassus apud Ciceronem, quod, ut vere dicam, minime facimus; est enim magni laboris, quem plerique fugimus: quam plurimum scribere. *Stylus optimus et praestantissimus dicendi effector ac magister.*

Quantii momenti est.
De or. 1, 32.

Scilicet scriptio magis etiam quam lectio ingenii vires excohit, artis vero praecepta in usum, quo continetur totum, sensim deducit; postremo ad subitam dictionem informat; quae omnia Tullius l. c. fusius disputat; cf. etiam Quintilianus 10, 3.

Praeter interpretationem, de qua paullo post, tria sunt descriptionum genera, quorum primum complectitur exercitationes in singulis dicendi praeceptis, alterum progymnasmata (v. caput seq.), tertium integra opera, ut epistolas, narrationes, dialogos, disputationes, carmina, orationes.

Quae generata.

Exercitationes in praeceptis sunt, quas una cum ipsis praeceptis jam ostendi: obscuram vel impolitam orationem emendare, sententiam in periodum dilatare, tropis, figuris aliisque ornamentis illustrare. Sed vitiosa quidem emendare utile est, utilius optima imitari. Plurimum autem tum ad copiam tum ad facilitatem dicendi juvat, eandem sententiam aliis et aliis modis, mutatis scilicet vel periodi formis vel aliis ornamentis elinqui, ea fere ratione, qua in Syntaxi ornata pueri docentur per syno-

nymiam, metaphoram, periphrasin etc. sententiam variare. cf. n. 92. 171.

Schol. Cave igitur, ne e quorundam opinione has exercitationes ut leviores et inutiles despicias. Efficiunt enim, ut praeceptiones non intelligas modo accuratius, sed etiam sequi discas; ad justam vero orationem, cujus velut particulae sunt, recte componendam instruunt. Non aliter pingendi magistri discipulos, antequam totius corporis imaginem adumbrandam proponunt, diligenter exercent in delineandis oculorum, manuum ceterorumque formis membrorum.

Quae
generatim
servanda.

168. Haec autem de descriptione generatim praecipiuntur:

I. Aute descriptionem diligenter meditandum est, quid et quomodo dicendum sit, nec in ipsa descriptione quidquam praecipitandum.

91. 1. Merito enim reprehenduntur, qui primo decurrere per materiam stylo quam velocissime volunt, et sequentes calorem atque impetum ex tempore scribunt; hanc *syloam* vocant: repetunt deinde et componunt, quae effuderant, sed verba emendantur et numeri, manet in rebus congestis, quae fuit levitas. Protinus ergo adhibere curam rectius erit, atque ab initio sic opus ducere, ut caelandum, non ex integro fabricandum sit.

14. 2. Sit primo vel tardus, dum diligens stylus: quaeramus optima, nec protinus se offerentibus gaudeamus; adhibeatur iudicium inventis, dispositio probatis. Delectus enim rerum verborumque agendus est et pondera singulorum examinanda. Post subeat ratio collocandi, versenturque omni modo numeri, non ut quodque se proferet verbum, occupet locum.

14. II. Neque tamen semper haec omnia inter primam statim descriptionem expendi debent, sed aliquando affectus sequemur, in quibus fere plus calor, quam diligentia valet.

Si feret flatus, danda sunt vela, dum nos indulgentia illa non fallat. Omnia enim nostra, dum nascuntur, placeant, alioqui nec scriberentur. Sed redeamus ad iudicium, et retractemus suspectam facilitatem.

Schol. Generatim autem haec mora, et sollicitudo incipientibus praecipitur. Nam primum hoc constituendum ac obtinendum est, ut quam optime scribamus, celeritatem dabit consuetudo. Paullatim res facilius se ostendent, verba respondebunt, compositio sequetur. Summa haec est rei : *cito scribendo non fit, ut bene scribatur, bene scribendo fit, ut cito.*

13.

169. III. Sequitur emendatio, cujus est adjicere, detrahere, mutare.

Emendatio
quid praestet.
Qt. 10, 4.

Sed facilius in his simpliciusque judicium, quae replenda, vel dejienda sunt : premere vero tumentia, humilia extollere, luxuriantia adstringere, inordinata digerere, soluta componere, exultantia coercere duplicis operae; nam et damnanda sunt, quae placuerunt, et invenienda, quae fugerant.

IV. Nec dubium est, optimum esse emendandi genus, si scripta in aliquod tempus reponantur, et ad ea post intervallum velut nova et aliena redeamus.

Quae ratio
optima.
Ibid.

Simile praeceptum Plinius habet : Poteris et quae dixeris, post oblivionem retractare, multa retinere, plura transire, alia interscribere, alia rescribere. Laboriosum illud et taedio plenum. Sed difficultate ipsa fructuosum, recalescere ex integro et resumere impetum fractum remissumque; postremo nova velut membra peracto corpori intexere, nec tamen priora turbare.

Ep. 7, 9.

V. Sed huic diligentiae tum in prima scriptione tum in emendatione suus utique modus sit.

Quid adhuc
servandum.

1. *In scriptione.* Sunt, quibus nihil est satis; omnia mutare, omnia aliter dicere, quam occurrat, velint : increduli quidam et de ingenio suo pessime meriti, qui diligentiam putant, facere sibi scribendi difficultatem. Hujusmodi adolescenti, cum per tres dies exordium frustra quaesivisset, Florus : Numquid tu : inquit, melius dicere vis, quam potes? — Curandum est, ut quam optime dicamus, dicendum tamen pro facultate.... Quare quid res poscat, quid personam deceat, quod sit tempus, intuiti,

Qt. 10, 3.

humano quodam modo ad scribendum accedamus.... Nec putemus semper optimum esse, quod latet; immuteseamus alioqui, si nihil dicendum videatur, nisi quod non invenimus.

Qt 10, 4. 2. Et ipsa *emendatio* finem habet. Sunt enim, qui ad omnia scripta tanquam vitiosa redeant, et quasi nihil fas sit, rectum esse, quod primum est, melius existimant, quidquid est aliud, idque faciunt, quoties librum in manus resumpserint.... Sit igitur aliquando, quod placeat, aut certe quod sufficiat.

§ II.

De imitatione.

(Qt. 10, 2.)

Quid sit
imitari l. 170. Imitari est orationem nostram ad alterius dicendi rationem assimilare.

Qt. Dubitari non potest, quin artis magna pars contineatur imitatione. Nam ut invenire primum fuit, estque praeceptum, sic ea, quae bene inventa sunt, utile sequi. Atque omnis vitae ratio sic constat, ut, quae probamus in aliis, facere ipsi velimus. Neque tamen imitatio per se ipsa sufficit. Quidquid enim alteri simile est, necesse est, minus sit eo, quod imitatur, ut umbra corpore, imago facie.... Namque iis, quae in exemplum assumimus, subest natura et vera vis, contra omnis imitatio ficta est, et ad alienum propositum accommodatur... Adde quod ea, quae in oratore maxima sunt, imitabilia non sunt, ingenium, inventio, vis, facilitas et quidquid arte non traditur. Vide alia multa apud Quintilianum l. c.

Imitationis
genera. 171. Imitationis modi sunt plurimi, qui tamen ad duo genera facile revocantur. Aut enim in eadem materia versamur, aut alterius dicendi formam in rem diversam traducimus.

Prioris ge-
neris quia
modus pri-
mus. I. Prioris generis quatuor sunt modi, ex quibus primus est *interpretatio*, quam vulgo versionem dicimus.

7, 9. cf. de or.
l. 31. De hac Plinius : Utile in primis et multi praecipiant, vel ex
Qt. 10, 5. Graeco in Latinum, vel ex Latino vertere in Graecum. Quo ge-

nere exercitationis proprietas splendorque verborum, copia figurarum, vis explicandi, praeterea imitatione optimorum similia inveniendi facultas paratur : simul, quae legentem fefellissent, transferentem fallere non possunt, intelligentia ex hoc et iudicium acquiritur.

Sic autem, cum interpretamur, reddenda est tota vis ^{Qui facien-} verborum et sententiarum, ut vernaculae linguae proprietates servetur. ^{da.}

1. Cave, ne liberius vertendo pro fidei interpretatione phrasin facias, sic enim, quae hic quaeritur, utilites magna ex parte perit.

2. Qui contra patrii sermonis indolem parum respexerint, aut duram illi vim intulerint, hac ipsa exercitatione stylum corrumpunt. Neque fidelis debet dici interpretatio, quae graecam vel latinam vestem induit, vim autem et sententiam auctoris saepe hoc ipso minus assequitur.

Alter modus est quasi duplex interpretatio. Vertendus ^{Modus al-} scilicet est locus aliquis, Ciceronis exempli causa, in sermonem vernaculum, quem, interposito spatio, convertas in latinum; mox quod a te scriptum fuerit, conferes cum ipso loco Tulliano, atque ex illo emendabis. ^{ter.}

Video, ait Juventius, hanc imitationem plerisque magnas utilitates attulisse.

Tertius est, locum insignis scriptoris eodem sermone ^{Tertius.} aliter dicere.

Quae tamen, ait Quintilianus, exercitatio sit necesse est, circa eosdem sensus certamen atque aemulatio. Nam neque semper desperandum, aliquid illis, quae dicta sunt, melius posse reperiri, neque adeo jejunam ac pauperem naturam eloquentiam fecit, ut una de re bene dici, nisi semel, non possit... Innumera- biles sunt modi plurimaeque eodem viae ducunt. Suae brevitati gratiae, suae copiae, alia translatis virtus, alia propriis, hoc

oratio recta, illud figura declinata commendat (1)... Nec aliena tantum transferre, sed etiam nostra pluribus modis tractare, proderit : ut ex industria sumamus sententias quasdam, easque versemus quam numerosissime, velut eadem cera aliae atque aliae formae duci solent (cf. n. 167).

Quartus.

Ille denique quartus modus traditur : Conficies analysin orationis Ciceronianae; rationes, figuras rudi quadam delineatione adumbrando; hanc materiam postea tractabis tuo marte, et osseam quasi compagem carne sua vesties; postremo tuum opus cum Ciceroniano comparabis, et quantum ab eo recedas, intelliges.

Secundi
generis quae
species.

172. II. Secundi generis imitandi duplex vulgo species traditur, quarum una puerilis, quia puerorum aetulae convenit, altera virilis, seu mascula dici solet.

Puerilis imitatio verba elegantiora et phrases ab auctore mutuatur, eaque ad sensa alia convenienter transfert.

Quousque tandem abutere, improbe, patientia divina? Quamdiu istam vitam ista tua nefaria etudet? Quem ad finem se effraenata jaetabit impietas? Nihilne te impendentia mortis pericula, nihil intentus in te divinae justitiae gladius, nihil conscientiae timor, nihil severissimi judicis tribunal, nihil hujus os vultusque movebunt?

Sunt, qui huc etiam referant sententiae variationem, de qua n. 171.

Quae imi-
tatio virilis.

Virilis imitatio generatim illa dici potest, quae ipsum orationis artificium aemulatur, sive quae virtutes scriptoris per easdem vel similes rationes in diversa materia assequi conatur.

Porro ut illud artificium, sic haec imitatio non in elocutione tantum, sed in inventione etiam atque dispositione posita est.

(1) Haec Quintilianus contra Ciceronem, de or. 1, 34.

Elocutionem viriliter imitaris, si locum scriptoris egregium transfers ad aliud vel simile vel contrarium argumentum, utendo figuris iisdem, periodis, commissuris, transitionibus, toto denique ductu orationis ac filo, auctoris quasi vestigia persequendo, mutatis tantum verbis ac sententiis. Elocutionis.

Cicero v. g. pro domo sua c. 33. describit, quis sit populus romanus. Negat, *multitudinem hominum seditione concitatam P. R. appellandam esse* : similiter tu ostendes, *quis Christianus dicendus sit, quis nobilis, quis eruditus.*

173. Inventionem imitamur 1. transferendo sententias, Inventionis.
argumenta, imagines auctoris ad rem nostram.

Quod genus tamen vix imitatio dici potest, nisi aliena inventa felici quadam variatione proposito nostro aecommodamus, aut in aliud rerum genus seite deflectimus. Ita Cicero Platonem, Virgilius Homerum, Horatius Pindarum imitati sunt.

2. Deinde observando genus argumentorum, et, ex iisdem locis in re alia similes rationes quaerendo.

Ita non modo majores orationis partes, sed ipsas etiam integras orationes imitari licet. Demosthenes in Phil. I. Athenienses, clade accepta tristes, hortatur, ut acriter bellum renovent. Oratio commode in tres partes dividi potest : in prima ostendit, minime esse desperandum, modo fungi officio etiamnum velint; in altera exponit vias et rationes, quibus bellum feliciter geri queat; in tertia momenta, quae ad has rationes suscipiendas impellant. Atqui simili tu modo adolescentes, qui malo successu studiorum, aut Christianos, qui delictorum conscientia animum abjecerint, hortaberis. Et si in Demosthenis oratione primam partem accuratius consideraveris, facile erit ad singulos etiam locos orationem assimilare.

Porro ex hisce etiam apparet, quomodo dispositio imitanda sit.

174. III. Regulae autem omnis imitationis hae sunt : Qui imitan-
di.
Primum vigilemus necesse est in deligendo, quem imi- De or. 7, 22.

temur; deinde quem probavimus, in eo, quae maxime excellent, ea diligentissime persequamur.

Plin. l. p. 1. 5.
Qt.

Stultissimum credo ad imitandum non optima quaeque proponere; sed in magnis quoque auctoribus incident aliqua vitiosa, atque utinam tam bona imitantes dicerent melius, quam mala pejus dicunt. cf. Cic. l. c.

Num omni-
bus idem.
Id.

Neque vero omnibus possunt eadem imitanda proponi, sed consulendae sunt vires, et exploranda cujusvis natura.

1. Ne igitur cui tenue ingenium erit, sola velit fortia et abrupta: cui forte quidem, sed indomitum, amore subtilitatis et vim suam perdat, et elegantiam, quam cupit, non assequatur.

2. Id tamen in universum dici potest, eos, qui maxime sunt naturales et faciles, ut Cicero, Caesar et Virgilius inter Latinos, Homerus, Demosthenes et Xenophon inter Graecos, plerisque convenire; Sallustium vero, Tacitum et si qui alii singulari dicendi genere sunt usi, paucissimis. cf. 162.

Quid prae-
torum caven-
dum.
Id.

Id quoque vitandum (in quo magna pars errat), ne in oratione nobis poëtas et historicos, in illis operibus oratores aut declamatores imitandos putemus.

Sua cuique proposita lex, suos cuique decor est. Habet tamen omnis eloquentia aliquid commune; id imitemur, quod commune est.

Quid, si
unum genus
placuerit.
Id.

Iis autem, qui se uni alicui generi dediderunt, cavendum est, ne ubique illud persequi velint.

Ut si asperitas placuit alicujus, hanc etiam in leni ac remisso causarum genere non exuant; si tenuitas ac jucunditas, in asperis gravibusque causis ponderi rerum parum respondeant; cum sit diversa non causarum modo inter ipsas conditio, sed in singulis etiam causis partium.

Quid in ip-
sa imitatio-
ne maxi-
mum.
Qt.

In ipsa denique imitatione caput est, ut, quod imitaturus est quisque, intelligat, et quare bonum sit, sciat.

Qui enim non introspectis penitus virtutibus ad primum se velut aspectum orationis aptarunt, cum verbis atque numeris sint non multum differentes, vim tamen dicendi atque inventionis non assequuntur, sed plerumque declinant in pejus et proxima virtutibus vitia comprehendunt, fiuntque pro gravibus tumidi, pressis exiles, fortibus temerarii, laetis corrupti, compositis exultantes, simplicibus negligentes.

ART. III.

DE DECLAMATIONE.

173. Declamatio exercitatio eloquentiae est, qua, posita Quid sit.
causa ficta, ad similitudinem actionis verae instituitur
oratio.

Quare a Quintiliano dicitur forensium actionum meditatio. Et
ejusdem quidem judicio multo est utilissima. Nam et cuncta 4, 2.
2, 10.
illa, de quibus diximus, in se fere continet, et veritati proxima
magis imaginem reddit; ideoque ita est celebrata, ut plerisque
videretur ad formandam eloquentiam vel sola sufficere... Eo qui-
dem res ista culpa docentum recidit, ut inter praecipuas, quae
corrumperent eloquentiam, causas, licentia atque inscitia decla-
mantium fuerit. Sed eo quod natura bonum est, bene uti licet.

176. Sint ergo et ipsae materiae, quae fingentur, quam Ut insti-
tuenda.
Ibid.
cf. de or. 1, 33.
simillimae veritati, et declamatio, in quantum maxime po-
test, imitetur eas actiones, in quarum exercitationem re-
perta est.

1. Nam si foro non praeparat, aut scenicae ostentationi, aut
furiosae vociferationi hoc declamandi opus simile est.

2. Si quando, ut exspatiantur nonnihil juvenes, et gaudeant
materia, a verae causae similitudine decedatur; cavendum ta-
men, ne assumantur plane poetica et fabulosa, multo minus
stulta et acrioribus oculis intuenti ridicula.

177. Ut autem ad veram quamvis actionem, sic ad hanc Quae ad eam
praeparatio.
domesticam sive umbratilem exercitationem triplici ratione

parati accedere possumus. Nam vel totam orationem scripsimus, vel certe acri cogitatione comprehendimus, vel denique summis tantum momentis perspectis ex tempore dicimus.

De or. 1, 33. 1. Sed si subitam et fortuitam orationem commentatio et cogitatio facile vineit, hanc ipsam profecto assidua et diligens scriptura superabit.

Qt. 2, 10. 2. Plerumque autem multa agentibus accidit, ut maxime necessaria et utique initia scribant, cetera, quae domo afferunt, cogitatione complectantur, subitis ex tempore occurrant.

Quid cogitatio. Qt. 10, 6. 178. Cogitatio illa, cum quidem perfecta est, non rorum ordinem modo intra se ipsa disponit, sed verba etiam copulat, totamque ita contexit orationem, ut ei nihil praeter manus desit.

Sed nec ad hanc cogitandi rationem perveniri potest aut subito aut cito. Nam primum facienda multo stylo forma est, quae nos etiam cogitantes sequatur; tum assumendus usus paulatim, ut pauca primum complectamur animo, quae reddi fideliter possint: mox per incrementa tam modica, ut onerari se labor ille non sentiat, augenda usu, et exercitatione multa continenda est.

Quid de subita dietione. Qt. 10, 7. 179. Facultas autem dicendi ex tempore si recte est maximus studiorum fructus, et velut praemium quoddam amplissimum longi laboris appellata; sequitur, non modo ut in perfecto oratore jure requiratur, sed etiam ut ejus praeproperus et temerarius usus damnandus sit.

Id. 1. Necessaria est oratori perfecto, tum ne ejus auxilium, cum innumerabiles accidunt subitae necessitates, in praesentissimis quibusque periculis desit, tum vero quia saepe ea, quae opinati sumus, et contra quae scripsimus, fallunt, ac tota subito causa mutatur.

De or. 1, 33. 2. Sed plerique in hac subita dietione vocem modo, neque eam scienter, et vires exercent suas, et linguae celeritatem incitant, verborumque frequentia delectantur. In quo fallit eos,

quod audierunt, dicendo homines, ut dicant, efficere solere. Vere enim etiam illud dicitur, *perverse dicere homines perverse dicendo facillime consequi*. Quare Quintilianus: Neque ego, ait, hoc ago, ut ex tempore dicere *malit*, sed ut *possit*.

180. Ut igitur hac facultate recte utamur, servanda sunt haec quatuor : 1. ut nota sit dicendi via. Quae in ea
servanda.
Qt. 10, 7.

Ars scilicet argumenta reperiendi, dispensandi, tractandi et copia sermonis optimi multo ac fideli stylo ita comparata esse debet, ut scriptorum colorem, quae subito effusa sunt, reddant.

2. Nec quisquam tantum fidat ingenio, ut id sibi speret incipienti statim posse contingere. Ibid.

Ut cogitationem, ita hanc facilitatem extemporalem a parvis initiis paulatim perducemus ad summam, quae neque perfici neque contineri nisi usu potest.

3. Neque tantam esse unquam fiduciam facilitatis velim, ut non breve saltem tempus, quod nunquam fere deerit, ad ea, quae dicturi sumus, dispicienda sumamus. Ibid.

Declamatores quosdam perversa ducit ambitio, ut exposita controversia, protinus dicere velint, sed qui stultis videri eruditi volunt, stulti eruditis videntur.

4. Scribendum certe nunquam est magis, quam cum multa dicemus ex tempore. Ibid.

Ita enim servabitur pondus, et innatans illa verborum facilitas in altum reducetur. Ac nescio an utrumque cum cura et studio fecerimus, invicem prosit, ut scribendo dicamus diligentius et dicendo scribamus facilius.

CAPUT XIII.

DE PROGYMNASMATIS.

181. Progymnasma, ut vocabulum ipsum indicat, praevia ad eloquentiam exercitatio est. Quid sit.

1. Intellexere enim eloquentiae magistri, ad justae orationis tam difficile opus sensim pedetentimque esse adolescentulos parandos. Quia vero illae in singulis praeceptis exercitationes (n. 167.), quod abruptae fere orationis particulae sunt, et taedium afferunt, nisi aliis intermixtis varientur, nec satis ingenii vires, ad inveniendum praesertim, intendunt; haecce progymnasmata invenere, quibus res quaequam accuratius et uberius, non tamen ea copia et varietate, qua in oratione justa, pertractatur.

2. *Aphthanius* rhetor multa ejusmodi progymnasmata in usum discentium litteris consignavit: quorum nos aliqua, fabulam scilicet, narrationem et descriptionem alibi tractamus; ex reliquis tria praecipua; *chriam*, *thesin* et locum communem hic exponemus.

ART. I.

DE CHRIA.

Definitio. 182. *Chria* definitur utilis tractatio dicti vel facti vel utriusque simul, certis capitibus comprehensa.

Ex definitione colliges: 1. cur *chria* (*χρησία*) nominetur; quia scilicet doctrinam, quae dicto vel facto continetur, accommodat ad usum tractat;

Sen. 2. *tria* esse genera *chriae*, quae vulgo appellantur *verbalis*, *activa*, *mixta*. *Verbalis* est, quae sapienter dictum expendit, ut: *Nulla est honesta avaritia nisi temporis; activa*, quae in facto, quo doctrina quaequam scite exprimitur, versatur, ut: *Pythagoras discipulos, ut loqui discerent, per quinquennium jussit tacere; mirra* de facto exponit, cui praeclara sententia conjuncta est, ut cum *Diogenes meridie cum accensa lucerna forum obambulans, hominem a se quaeri, responderet*:

3. tractationem non fieri libere, sed per certos locos numero et ordine definitos.

Capita chriae. 183. *Chriae* autem capita octo sunt: *encomium*, quo dicti vel facti auctor laudatur; *paraphrasis*, qua sententia

vel actio vel utraque uberius exponitur; *causa*, quae rationem rei reddit; *contrarium* et *simile*, quae eandem illustrant; *exemplum* et *testimonium*, quae auctoritate confirmant; *epilogus*, qui repetit et commendat.

1. *Encomium*, quod locum tenet exordii, sit proprium personae, quae laudatur, conveniens chrisae totius proposito, breve ac modestum. — Si quando sententia auctoris est, qui reprehendi non minus, quam laudari meretur, aut utrumque facies, aut a re ipsa principium sumes, commendando sententiae aut facti vim, dignitatem, celebritatem.

2. *Paraphrasis* eo fere modo instituitur, qua periodum amplificandam docuimus (n. 121.). Saepe igitur sufficit singula verba perpendere et varie explicare, ut in his : *Omnia amicis communia sunt.* — *Audaces fortuna juvat.* — Interdum sententiae membra consideranda, ut : *Donec eris felix, multos numerabis amicos.* — Aliquando negatione utemur, contrarium aut alienum sensum rejicientes; ut : *Nihil est tam acerbum, ex quo magnus animus solatium capere non possit.* Dices : *Noluit Seneca omnem doloris et acerbitalis sensum magno animo auferre, noluit nos ut saxum aut sensu carentia simulacra ad injurias inimicorum obrigescere, sed illud solum virtutis studio commendatum voluit etc.* — Saepe denique sententia per figuram expolitionis tractatur; ut in exemplo infra (n. 185) posito.

3. In *causa* aut doctrinae veritas argumentis probatur, aut cum de ea ambigi non potest, ratio, cur ita res se habeat, ostenditur. Ita n. 185. non demonstratur, quod nemini dubium est, brevem esse vitam, sed causae, cur brevis sit, declarantur.

4. *Contrarium* offertur, quia, ut vulgo dicitur, contraria juxta se posita magis illucescunt.

5. *Similitudo* quoque, si apta est, cum delectatione rem illuminat.

6. *Exempla* et *testimonia* probe selecta ostendunt, aliis quoque iisque dignis, quos audiamus, ita visum esse.

7. *Epilogus* vel totum per summa capita, vel praecipua firmamenta, vel denique solam doctrinam repetit cum exhortatione.

Transiciones. 184. Hoc postremo in omni chria providendum est, ut singuli loci apte inter se copulentur.

Transitiones autem hujusmodi vix sub artis praecepta cadunt, sed ab ipso, quod tractatur, argumento, naturaliter, non tamen sine sollertia scribentis ducuntur.

CHRIA VERBALIS.

185. Cum optimo cuique poëtae propositum illud fuerit semper, ut misceret utile dulce, hoc est, ut delectando doceret, et docendo delectaret; neminem tamen adhuc legi poëtam hac in re immortalis Virgilio comparandum. Ille enim non solum plerosque omnes ante se et post se latinos poëtas vincit elegantia, suavitate, judicio, splendore, numero, delectuque verborum; non solum hoc habet, ut ejus versibus perfectis ingenio, elaboratis industria nihil addi possit, nihil detrahi, nihil mutari; verum etiam, quod caput est, sententiarum gravitate et frugiferorum, quibus abundat, praeceptorum sapientia id assecutus est, ut vitae virtutisque magister haud immerito priscis videretur appellandus. Inter cetera vero documenta, ad vitam instituendam et ad mores infirmos idonea, quibus aspersa sunt passim illius poëmata, saluberrimum in primis est atque laudabile, quod ait Aeneidos libro decimo de brevitate temporis fluxaque et caduca mortalium vita :

v. 467.

..... Breve et irreparabile tempus
Omnibus est vitae.

Ita est profecto : tam exiguum tamque arctum vivendi curriculum nobis a natura circumscriptum est, ut vix bene lucem ingressis sit de hujus mortalis mundi statione decedendum, et vita cum morte commutanda. Nihil nisi temporis punctum quoddam est caduca haec, quam tantopere deperimus, vita, minimumque est ac paene nullum intervallum illud, quod ortum inter et occasum nostrum interjacet. Fugit retro levis hora, truditur dies die, praecipiti cursu fugaces anni sese mutuo pel-

lunt, et adolescentiae senectus, senectuti mors obrepat improvisa semper et inopinata; quodque gravius est, cum semel effluxit brevissimum hoc vitae tempus, tam irreparabilis est illius lapsus, ut nulla deinde possit ratione revocari.

Neque vero est, cur adeo parvam temporis usuram nobis ad vivendum concessam jure merito conqueramur. Praeterquam quod enim vita, si scias uti, satis longa est, praeterea ea certa stabilique lege natos nos esse scimus, ut denique moriamur. Quis enim tam recors esse potest, qui nesciat, hanc esse tristissimam peccati mercedem poenamque justissimam, hanc esse mortalium conditionem ac sortem? humana omnia caduca esse et fluxa atque mobilia; nihil, quod ortum sit, sempiternum esse posse; definitum esse cuilibet certum quoddam breveque temporis spatium ad felicem in coelo vitam promerendam? Cumque olim amplioribus terminis circumscripta esset nostra haec mortalis vita, et in saecula bene multa propagaretur, eam nostris flagitiis sceleribusque breviorē effecimus :

Semotique prius tarda necessitas
Lethi corripuit gradum.

Od. 1. 3.

Contra vero cum semel post miserae hujusce vitae decursum terreni corporis contagione solutus erit noster animus, cum demum inter felices spiritus aeterno sempiterno perfruemur in coelo : nulla jam amplius pertimescenda nobis neque vicissitudo rerum, neque conversio temporum, nec aetatum commutatio; nullus jam erit neque horarum lapsus, nec fluxus dierum, nec annorum sibimet mutuo succedentium cursus. Sed eodem semper haerentes et felicitatis et temporis vestigio, stabili certaue beatitate, aeternis saeculorum aetatibus cum Deo ipso potiemur.

O nos igitur male cautos! O numquam satis deplorandam sortem nostram! si aeterna haec solidaque obliti nihil nisi umbras imaginesque consecemur. Si enim ex veritate magis, quam ex opinione res velimus aestimare, quid demum aliud est fragilis haec fugaxque vita, nisi levis quidam fumus, qui puncto temporis evanescit? nisi praeceps torrens, qui cum vano strepitu cele-

riter effluit? nisi flosculus brevi marcescens, qui mane oritur, vespere floret, et nocte cadit? nisi umbra quaedam et larva inanis, quae nostras effugit manus,

Aen. 2, 497. Par levibus ventis, volucrique simillima somno?

Testes hoc loco possem appellare ab omni memoria Christianos illos Heroes virosque sapientissimos, qui mirificam fugacis vitae brevitatem tot laboribus, tot vigiliis, tot indefessis curis redemptam compensarunt. Testes appellare possem tot virgines, tot viros principes, tot nobiles adolescentes, qui fragilem hanc rerum humanarum mobilitatem atque inconstantiam pertaesi, quaecumque apud caecos mortales prima putantur, pro nihilo duxere, et voluptatum illecebras, ac perniciosa rerum caducarum blandimenta generosa quadam alacritate conculcarunt.

1. Cor. 7. *Hoc inculcare Corinthiis voluit Deus Paulus, cum dixit: Tempus breve est. Hoc ipsum nos admonet summus ille vir Jobus, dum afflatus divino Spiritu sic loquitur: Breves dies hominis sunt. Haec eadem erat mens vel ipsi quoque Horatio, profano licet homini, cum amicum sapienter sic admoneret:*

Ep. 1, 4. Omnem crede diem tibi diluxisse supremum.

Od. 2, 13. *Et alio loco: Quid brevi fortes jaculamur aevo
Multa?*

4, 17. *Hoc denique sentiebat Phaedrus, cum in elegantibus suis fabulis hanc verissimam protulit vocem:*

*Abiturus illuc, quo priores abierunt;
Quid mente caeca miserum torques spiritum?*

Cum igitur adeo breve tempus sit, adeoque irreparabile, relinquitur id unum, ut cogitemus etiam atque etiam, nihil esse loci socordiae, neque segnitiae; nobis inter tantas angustias nequaquam licere esse otiosis; miseros esse, qui se per summam incuriam re una omnium pretiosissima defraudari patiuntur. Restat denique id unum, ut cum celeritate temporis utendi celeritate certemus, et tamquam ex torrente quodam, qui rapide dilabitur, celeriter hauriamus.

Schol. Nonnullis chria minus idonea esse videtur, qua adolescentes exerceantur: propterea quod illa eorundem locorum series et status ordo qua vim faciat ingeniis, qua scholae laborem redoleat. Verum est, quod dicunt: haec chria et ingeniis vim facit, et laborem facile ostendit. Sed si propterea minus apta est, qua scriptor vel orator, cum res serio agitur, utatur; ea tamen ipsa de causa probatur tanquam scholastica, sive, ut ait Cicero, umbratilis exercitatio. Luxuriari enim adolescentium ingenia solent, et ordinis impatientia in omnem facile partem effundi. Constringantur ergo pro tempore etiam aliquanto nimium, ut certo et meditato ordine sensa sua expromere discant. Et si quis, quod utique maxime per aptas transitiones fieri potest, in ipsa chria artem tegere didicerit; is multo facilius, cum hac lege fuerit solutus, laborem abscondet. Neque tamen huic uni generi adolescentes diutius vacent, sed et alia scriptio non raro interponatur, et, cum aliquantum fuerint exercitati, eam tentare poterunt, quam nonnulli chriam liberam dixerunt.

186. *Libera* igitur *chria* ex octo illis partibus necessarias quidem semper servat, reliquis autem pro re nata Quid chria
libera. utitur vel non utitur, illoque eas ordine collocat, qui magis utilis videatur. — Porro necessarias partes tradunt tres: *exordium*, quod non semper encomium habet, sed quovis e loco duci potest; *causam*, quam ut partem praecipuam singulari cura tractari jubent; et *epilogum*. Quidquid ex reliquis locis assumitur communi nomine *amplificationis* venit.

Itaque haec libera chria nihil admodum differt ab oratiuncula aut brevi disputatione; et quoniam id genus apud oratores invenitur, *oratoria* etiam aut *Ciceroniana* chria dicitur, prior autem illa, certis capitibus inclusa, ab auctore suo *Aphtoniana* nominatur.

CHRIA LIBERA.

In quo virtus sit, ei nihil deesse
ad beate vivendum.

Parad. 2.

187. *Exordium* ab exemplis. *Nec vero ego M. Regulum*

aerumnosum nec infelicem nec miserum umquam putavi. Non enim magnitudo animi ejus cruciabatur a Poenis, non gravitas, non fides, non constantia, non ulla virtus, non denique animus ipse: qui tot virtutum praesidio, tantoque comitatu, cum corpus ejus caperetur, capi certe ipse non potuit. Cajum vero Marium vidimus: qui mihi secundis rebus unus ex fortunatis hominibus, adversis unus ex summis viris videbatur; quo beatius esse mortali nihil potest.

Causa. Nescis insane, nescis, quantas vires virtus habeat. Nomen tantum virtutis usurpas, quid ipsa valeat, ignoras. Nemo potest non beatissimus esse, qui est totus aptus ex sese, quique in se uno sua ponit omnia. Cui spes omnis et ratio et cogitatio pendet ex fortuna; huic nihil potest esse certi, nihil, quod exploratum habeat permansurum sibi unum diem. Eum tu hominem terreto, si quem eris nactus, istis mortis aut exilii minis. Mihi vero quidquid acciderit in tam ingrata civitate, ne recusanti quidem evenerit, non modo non repugnanti. Quid enim ego laboravi, aut quid egi, aut in quo evigilaverunt curae et cogitationes meae; siquidem nihil peperit tale, nihil consecutus sum, ut in eo statu essem, quem neque fortunae temeritas, neque inimicorum labefactaret injuria? Mortemne mihi minitaris, ut omnino ab hominibus; an exilium, ut ab improbis demigrandum sit? Mors terribilis est iis, quorum cum vita omnia extinguuntur, non iis, quorum laus emori non potest. Exilium autem illis, quibus quasi circumscriptus est habitandi locus; non iis, qui omnem orbem terrarum unam urbem esse ducunt.

Amplificatio a contrario. Te miseriae, te aerumnae premunt, qui te beatum, qui florentem putas; tuae libidines te torquent; tu dies, noctesque cruciaris, cui nec sat est, quod est, et id ipsum, ne non sit diuturnum, times; te conscientiae stimulant maleficiorum tuorum; te metus exanimant judiciorum atque legum; quocumque adspexisti, ut furiae, sic tuae tibi occurrunt injuriae, quae te spirare non sinunt.

Conclusio. Quamobrem ut improbo et stulto et inerti ne-

mini bene esse potest; sic bonus vir et fortis et sapiens miser esse nemo potest. Nec vero, cujus virtus moresque laudandi sunt, ejus non laudanda vita est; neque porro fugienda vita, quae laudanda est. Esset autem fugienda, si esset misera. Quamobrem quidquid est laudabile, idem et beatum et florens et expetendum videri debet.

ART. II.

DE THESI.

188. Thesis vocatur quaestio nullis certis personis, locis aut temporibus notata, ut: *Sintne poëtae reipublicae utiles?* — Hujusmodi ergo quaestio exercitationis causa tractatur ad modum chriae liberae. Quid sit.

Hinc non est, cur fusius de ea hoc loco praecipiat. Illud tamen in universum monent, utilissime adolescentes in his quaestionibus exerceri, quippe quarum usus in dicendo tam frequens est, ut eas orator, si Ciceronem audias, percursas animo et paene decantatas habere debeat. De or. 2, 32.

EXEMPLA.

Nemo orator nisi vir bonus.

189. Sit ergo nobis orator, quem instituimus, is qui a *M. Catone* finitur, vir bonus, dicendi peritus. Verum id, quod et ille posuit prius, et ipsa natura potius ac majus est utique vir bonus. Id non eo tantum, quod si vis illa dicendi malitiam instruxerit, nihil sit publicis privatisque rebus perniciosius eloquentia; nosque ipsi, qui pro virili parte conferre aliquid ad facultatem dicendi conati sumus, pessime mereamur de rebus humanis, si latroni comparemus haec arma, non militi. Quid de nobis loquor? Rerum ipsa natura in eo, quod praecipue indulsisse homini videtur, quoque nos a ceteris animalibus separasse, non parens, sed noverca fuerit, si facultatem dicendi, sociam scelerum, ad- Qu. 12, 1.

versam innocentiae, hostem veritatis invenit. Mutos enim nasci, et egere omni ratione, satius fuisset, quam providentiae munera in mutuam perniciem convertere. Longius tendit hoc iudicium meum. Neque enim tantum id dico, eum, qui sit orator, virum bonum esse oportere: sed ne futurum quidem oratorem, nisi virum bonum. Nam certe neque intelligentiam concesseris iis, qui proposita honestorum ac turpium via, pejorem sequi malint: neque prudentiam; cum in gravissimas frequenter legum, semper vero malae conscientiae poenas a semetipsis improvise rerum exitu induantur. Quod si neminem malum esse, nisi stultum eundem, non modo a sapientibus dicitur, sed vulgo quoque semper est creditum; certe non fiet umquam stultus orator. Adde quod ne studio quidem operis pulcherrimi vacare mens, nisi omnibus vitiiis libera, potest: primum quod in eodem pectore nullum est honestorum turpiumque consortium: et cogitare optima simul ac deterrima non magis est unius animi, quam ejusdem hominis, bonum esse ac malum. Tum illa quoque ex causa, quod mentem tantae rei intentam, vacare omnibus aliis, etiam culpa carentibus, curis oportet. Ita demum enim libera ac tota, nulla distringente atque alio ducente causa, spectabit id solum, ad quod accingitur. Quod si agrorum nimia cura, et sollicitior rei familiaris diligentia, et venandi voluptas, et dati spectaculis dies, multum studiis auferunt, (huic enim rei perit tempus, quodcumque alteri datur;) quid putamus facturas cupiditatem, avaritiam, invidiam? quarum impotentissimae cogitationes somnos etiam ipsos, et illa per quietem visa perturbant. Nihil est enim tam occupatum, tam multiforme, tot ac tam variis affectibus concisum atque laceratum, quam mala mens. Nam et cum insidiatur pectori, spe, curis, labore distringitur: et jam cum sceleris compos fuerit, sollicitudine, poenitentia, poenarum omnium expectatione torquetur. Quis inter haec litteris, aut ulli bonae arti locus? Non hercle magis, quam frugibus in terra, sentibus ac rubis occupata. Age, non ad perferendos studiorum labo-

res necessaria frugalitas? Quid igitur ex libidine ac luxuria spei? Non praecipue acuit ad cupiditatem litterarum amor laudis? Num igitur malis esse laudem curae putamus? Jam hoc quis non videt, maximam partem orationis in tractatu aequi bonique consistere? Dicitne de his secundum debitam rerum dignitatem malus atque iniquus? Denique, ut maximam partem quaestionis eximam, demus id, quod nullo modo fieri potest, idem ingenii, studii, doctrinae pessimo atque optimo viro: uter melior dicetur orator? Nimirum qui homo quoque melior. Non igitur unquam malus idem homo, et perfectus orator.

Alia exempla invenies: Pro Archia c. 6-8. De utilitate et honestate litterarum. Pro Mil. c. 3 et 4. De moderamine inculpatae tutelae. Pro Marc. c. 2. De clementia. Pro Sex. Rosc. c. 20. De iniquis accusatoribus. Multa alia in ejusdem Ciceronis paradoxis et dialogis, eaque imitationi perquam idonea, ut: Quare pauci sint praestantes oratores. De or. 1. c. 2-6. De senectute non misera, quod viribus careat. De sen. c. 6.

ART. III.

DE LOCO COMMUNI.

190. Locus communis, si ut progymnasma consideratur, Quid ali-
definiri solet: Oratio, facinus multis commune laudans aut vituperans.

Verbis *facinus multis commune* nihil aliud significatur, quam genus, ad quod singulare factum, de quo quaeritur, revocari potest. Exposuisti de facto seditiosi hominis; jam orationem traducis ad seditionem generatim, ex ejusque natura et effectis scelus hominis exaggeras.

In hoc igitur thesis et locus communis conveniunt, Quo differat a thesi.
quod quaestionem tractant generalem; in eo autem differunt, quod thesis demonstrat, locus communis amplificat.

Itaque in thesi generalis quaestio argumentis firmatur, ut ex illa inferri possit, quid de causa propria seu finita judicandum sit; contra in loco communi, re singulari jam demonstrata, universi generis, ad quod illa pertinet, vis explicatur, ut inflammantur animi. Ideo locum communem ait Aphthonius exordio carere, cum sit ipse velut epilogus.

Quae ejus
capita.

191. Ad pertractandum locum communem certa quaedam capita proponi solent, scilicet: 1. *a contrario*: agitur, ut eodem exemplo utar, de seditioso; expones bonum pacis et concordiae. 2. *Ab expositione*, — earum scilicet rerum, quae cum tali delicto conjunctae esse solent. 3. *A comparatione* — cum aliis criminibus. 4. *A sententia* — i. e. a mente et consilio, quo facinus patratum est. 5. *A digressionem conjecturali* — praesertim in delicta, quae tale scelus antecedere solent. 6. *Ab exclusionem misericordiae*.

Sic ultimum locum nominat Aphthonius accusationem respiciens; urgendos monet esse iudices ad severam sententiam per argumenta ab honesto, justo, utili etc. Unde patet, hoc postremum caput generatim eo spectare, ut ipsae jam voluntates audientium impellantur, ad severitatem, cum accusas, ad misericordiam, cum defendis; vel extra civilem eloquentiam ad imitandum egregium, ad detestandum turpe facinus. Qui enim loci contra vitium valent, iidem valent ad ornandam virtutem, singulis in contrariam sententiam tractatis.

Multiplex autem hujus loci usus est in omni genere dicendi, ut facile tua sponte videris, et exempla Ciceronis, maxime in Verrinis, ostendunt: vide De sign. c. 27-33. c. 33-36. c. 48-51. De suppl. per totum illum locum de classe amissa c. 31-50. et de Gaudio c. 61-67.

ART. IV.

DE EXEMPLO.

Quid sit.

192. Per exemplum hic intelligitur oratio, in qua insigne factum narratur, et doctrina ex eo deprompta cum amplificatione subjicitur.

Hoc orationis genus, quod duo progymnasmata, narrationem scilicet et locum communem conjungit, non solum ad exercendos tirones aptum est, sed usum etiam in ipsa eloquentia sacra habet.

193. Sit ergo inprimis factum, quod assumitur, non probatum modo, verum etiam illustre, ut suo pondere moveat; et idoneum, quo gravis aliqua doctrina ostendi et commendari possit. Quale factum.

Partes autem exemplum habet tres: exordium, narrationem et amplificationem.

Exordium potissimum petitur a quatuor locis: a persona, de qua narratur, a doctrina, quae facto significatur, ab audientium adjunctis, a contrario. Unde exordium.

1. De persona vel doctrina ea dicenda sunt, quae propositum juvent, sed tamen restricte et leniter.

2. De adjunctis eorum, qui audiunt, attinguntur, quae aviditatem audiendi excitare possunt.

3. A contrario principium sumitur, ut exemplo utar, cum factum narraturus, quo Dei justitia revelatur, a misericordia dicere incipis.

Narrantum est ornatè (n. 217.), sed apposite ad fructum, quem quaerimus: ad eundem etiam accommodandi digressus, qui et utiles et jucundi esse solent. Quid de narratione.

Amplificatio fere fieri potest per locum communem, de quo paullo ante praecepimus: neque tamen sex illa capita omnia aut eodem semper ordine percurranda sunt. Qui fiat amplificatio.

Exempla habes in Verrinis, maxime in II. I. 4. et 5.



ARTIS DICENDI

PARS ALTERA.

DE NONNULLIS ORATIONIS SOLUTAE GENERIBUS.

Quae genera. 194. Plurima sunt solutae orationis opera, quae tamen ad quatuor genera revocari solent: *epistolare*, *historicum*, *didascalicum*, *oratorium*.

Quodnam sit genus *epistolare*, nomen ipsum indicat; ad *historicum* autem pertinent narratio, descriptio, vita et ea, quae proprie historia dicitur; ad *didascalicum*, praeter libros, in quibus artes et disciplinae traduntur, disputatio (vulgo dissertatio) et dialogus. Nobis in hac parte satis erit, postquam de utroque priori genere pro instituto nostro breviter exposuerimus, unius dialogi praecepta explicare. De disputatione enim ex alibi dictis aestimari facile potest (1); de *oratoria* autem facultate, cum et genus ipsum ab his, de quibus nunc quaerimus, longe distet, et praecepta multa et difficilia sint, in parte tertia seorsum praecipiemus.

Quod praeceptum commune. Tribus his generibus, epistolari, historico et didascalico, illud commune est, quod inprimis perspicuam et accuratam rei demonstrationem requirunt; cui parvus adjungitur ornatus, ut quemadmodum in poësi utile dulci, ita hic dulce misceatur utili.

(1) Vide maxime n. 13. et seqq. item n. 196-189.

Itaque minus elegans quidem est ille, qui nihil novit, nisi perspicue narrare, accurate disputare; sed plane ineptus et paene insanus, qui huic generi ornatum quidem adhibet maximum, sed utilitatem propositam non assequitur. Hic enim similis est opificis, qui fontem exaedificavit pulcherrimum, sed nullius aquae.

CAPUT I.

DE EPISTOLA.

195. Epistola definitur sermo scriptus ad absentem.

Quid ait.

Varia sunt genera pro fine vel argumento; ut epistola commendatitia, consolatoria, monitoria etc. Illa vero carmina vel disputationes, quae interdum epistolae inscribuntur, cum praeter nomen et ingressum nihil epistolae habeant, huc non pertinent.

ART. I.

DE EPISTOLA GENERATIM.

196. I. Si primum de argumento quaeritur, in universum ea, quae colloquio tractamus, epistolae quoque conveniunt, paullo tamen diligentius excussa.

Quae argumenta.

Utrumque ex definitione colligitur; est enim epistola *sermo* ad absentem, sed sermo *scriptus* : scripta autem, ut ajunt, manent, accuratius considerantur, saepius releguntur.

197. Itaque si ab omni sermone, multo magis ab epistola removenda sunt turpia, inutilia, et ejusmodi, de quibus sine tuo vel alieno periculo scribere non potes.

Quae minime scribenda.

1. Meminisse nos oportet iudicii, in quo de verbis otiosis nedum inhonestis rationem sumus reddituri.

2. Ea ut scribas vide, quae etiam saepius lecta fastidium non sunt allatura.

3. Prudentia opus est. — In alias enim manus, quam volumus, haud raro epistolae perveniunt, et eos ipsos, quibus nunc

amicis scribimus, postmodum fortasse adversarios habebimus. Tu ea scribe, quae vel ipsi inimici jure carpere non possint.

Quid de
dispositione.

198. II. His, quae dixi, servatis, non est, cur familiarem epistolam scripturus de rerum selectu et ordine multum labores. Sed iis, quae scribenda sunt, ne quid memoria excidat, brevissime notatis, ad scribendum te conferas, ut sub calamo nascatur epistola.

Si vero res gravioris momenti accuratius tractanda est, rationes, quibus, quod intendis, persuadeas, diligentius expendendae sunt. His, quas nonnulli elaboratas vocant, epistolis breve exordium, quo res modeste proponitur, et conciliatur benevolentia, fere necessarium est. Incipiendum deinde ab iis rationibus, quae nihil habere possunt offensionis, et si molestum quid dici necesse erit, ad id lenius accipiendum legentis animum disponunt.

Ad recte disponendum non minus, quam ad inveniendum juvabit cogitare, quid, si coram ageremus, primum, quid deinde, quid postea, quid postremo loco diceremus. Sic enim ratio epistolae invenitur quam maxime naturalis.

Qualis elocutio.

199. III. Elocutio sit cultiorum hominum sermoni similis, paullo tamen eo castigatior.

Ep. 75.

1. Qualis sermo meus, Seneca, esset, ait, si una sederemus aut ambularem, illaboratus et facilis, tales esse epistolas meas volo, quae nihil habeant accersitum, nec fictum.

2. Sit epistola iis plane vacua, quae in colloquio potius indulgemus, quam probamus. Ceterum etsi in eam conveniunt paene omnia, quae de tenui genere dicendi (n. 155.) praecepta sunt, joverit tamen, nonnullas virtutes singillatim paucis tractare.

200. Virtutes epistolae praefer simplicitatem illam, de qua paullo ante Seneca, quatuor recensentur, convenientia, perspicuitas, brevitudo et venustas.

Convenientia.

De convenientia audi Erasmi praeclara monita: Ego, inquit, epistolam optimam judico, quae argumento, loco, tempore, personae, quam maxime sit accommodata: —

Quae amplissimis de rebus agens sit gravissima, de mediocribus concinna, de humilibus elegans et faceta, in jocis acumine delectet ac lepore, in encomiis apparatu, in exhortando vehemens sit et animosa, in consolando blanda et amica, in suadendo gravis et sententiosa, in narrando lucida et graphica, in petendo verecunda, in commendando offeiosa, in rebus secundis gratulabunda, in afflictis seria. Neque rei solum obsecundabit epistola, verum etiam temporum personarumque rationem habebit; nec eadem de re quovis tempore, nec apud quosvis loquetur: alia specie sese offeret senibus, alia juvenibus, alia tetricis ac severis, alia iis, qui festivore sunt ingenio, alia aulicis, alia philosophis, alia familiaribus, alia ignotis, alia vacuis, alia negotiosis, alia fictis amicis ac parum benevolentibus.

Itaque ante scriptionem diligenter considera, non solum de qua re, sed etiam quis ad quem scribas, et maxime, quae sit praesens illius, cui loqueris, fortuna et animi affectio.

201. Perspicuitas in epistola, quippe quae nihil laboris *Perspicuitas.* afferre legentibus debeat, quam maxime est necessaria. Neque tamen necesse est, ut omnis, in cujus forte manus litterae nostrae incident, intelligere eas possit, sed ut is, ad quem datae sunt.

Hac de causa Cicero, alias omnium planissimus scriptor, in epistolis ad Atticum nobis persaepe obscurus est.

202. Praescindenda exordia et conclusiones, quas nec *Brevitas.* argumentum nec humanitas postulat; vitanda amplificatio per synonyma et minus necessaria epitheta; argumenta strictim ut in colloquio proponenda, eodem modo facta narranda.

1. Haec brevitatis commendanda maxime in epistolis ad viros nobis non familiares, dignitate conspueos, negotiis oneratos: ad quos ita est scribendum, ut praeter ea, quae ad rem ipsam debita cum reverentia explicandam necessaria sunt, nihil adiciamus.

2. Contra familiaris epistola latior et verbosior esse potest, amici enim inter se omnia communicare amant.

3. In illo denique graviore genere (n. 198.) rationes ita quidem declarandae sunt, ut vis earum et pondus sentiatur, neque tamen diffusius et magnificentius oratorum ritu amplificandae.

Venustas. 203. Venustas autem postulat, ut non modo caveantur vitia sermonis; sed ad puritatem accedat naturalis quaedam et non quaesita elegantia ex structura verborum et ornamentis styli minime splendidis.

1. Vitia sermonis, orthographiae et interpunctionis eo magis fugienda, quod haec negligentia et epistolam injucundam reddit, et scribentem vel ignorantiae vel exiguae erga illum, ad quem scribit, observantiae coarguit.

2. Similitudo, translatio, brevis narratio vel descriptio, sententia, acute dictum minime vetantur. Sed in his omnibus atque maxime in acumine artificium nullum appareat. (n. 147.)

ART. II.

DE ALIQUIBUS EPISTOLIS SINGILLATIM.

Quis commendandus. 204. I. De *commendatione* si quaeritur, Horat. ep. I. 18. Qualem commendes etiam atque etiam aspice; ne mox Incutiant aliena tibi peccata pudorem.

Quae commemoranda. Generatim autem in commendatitiis litteris mentionem facere possumus de nostra cum commendato amicitia, vel necessitudine, de illius erga nos observantia; de ejus virtutibus, doctrina, peritia, de dotibus illi muneri vel negotio aptis, ad quod commendamus; denique gratum-animum pollicemur, et commendati et nostrum.

Nulla commendatio, apud amicum praesertim, gravior esse solet ea, quam ex intimo animi affectu profectam esse apparet, ut ad Div. 7, 5. — Alias vide 10, 16. et in l. 13. paene omnes.

Quid de petitione. 205. II. In *petitione* tria plerumque facienda sunt: capienda est benevolentia, explicandae rationes, gratia pollicenda.

1. Captamus benevolentiam modesta laude, commemoratione beneficiorum, quae antehac accepimus, excusatione petitionis.

2. Rationes rei et personae, quoad licebit, accommodandae sunt; itaque modo honestam et aequam esse petitionem, modo laudem et honorem illi, quem rogamus, ex concessione accessurum, modo nostram ipsorum necessitatem utilitatemque maxime demonstrabunt. Cavendum tamen, ne indoli alterius argumenta ita accommodentur, ut probo et christiano homine indigna fiant.

3. Cum grati animi memoriam pollicemur, cavendum, ne iis, qui opera nostra haud facile indigebunt, mutua beneficia promittamus, id enim indecorum. — V. ad Fam. 5, 4. et 12.

206. III. In *gratulatione* primum est, ut sincerum gaudium, quod ex alterius felicitate concepimus, in epistola nostra eluceat. Quid de gratulatione.

Habet autem gratulatio plerumque laudem, spem, optationem, interdum etiam adhortationem et consilia.

1. Laudamus dotes vel merita, propter quae alter felici fortuna dignus videatur.

2. Speramus emolumenta sive ejus, cui gratulamur, familiae, sive reipublicae et Ecclesiae; sed cavendum, ne quid nobis emolumenti sperare videamur.

3. Optamus vel stabilem fortunam vel etiam amplificationem.

4. Nonnunquam monita et consilia addi possunt pro conditione personarum.

Aliquando etiam licebit varia sensa, prout res fert, communicare, ut de statu reipublicae, Ecclesiae, de rerum humanarum vicissitudine.

Schol. Statae illae gratulationes, quae festis quibusdam diebus fieri solent, quoniam in iisdem fere locis versantur, sermone simplice ac brevi absolvendae sunt, nisi forte propria, minimeque vulgaria argumenta occurrant.

Ad fam. 2, 7. 9. 15, 12.

207. IV. *Consolaturus* primum ostende, quanta sit doloris causa, te probe perspicere, ideoque cum afflicto con- Quae dispositio consolationis.

dolescere; paullatim deinde stylum ad ea converte, quae delinire possunt moerorem, ac tum denique illa prome, quae, dolorem ut vineamus, imperant.

In litteris consolatoriis fortasse magis quam in ullo alio genere insinuatione opus est; dolor enim vehementer turbat mentem, et impedit, quominus vel videat vel admittat contrarias rationes.

Quae fugienda.

208. Duo autem in hoc genere maxime cavenda sunt: facetiae et eloutionis quidam splendor.

1. Risus et jocus, nedum, quod quis crediderit, dolentis animum exilarent, gravius etiam vulnerant.

2. Sunt quidem hujus generis argumenta saepe ejusmodi, quae ad splendidum illud et amplificatum genus dicendi videantur invitare: sed persuasum habeas, hic vel maxime servandam esse summam orationis simplicitatem. Ad Fam. 4, 6. 5, 16.

In monitione quid primum.

209. V. In *monitione* primo videndum est quam maxime, num adhibenda sit.

Nisi enim muneris officio monere alios teneris, parcus esto consilii et hortationis; maxime autem servato reverentiam aetati et conditioni debitam, ne inferior superiorem, adulescens velle senem docere videaris.

Quomodo facienda.

Cum autem adhibenda videtur, magna semper moderatione opus est.

Omnino sic loquere, ut modestia tua et fiducia in alterius prudentiam et probitatem appareat. Ac sapientes quidem viri, etiam cum illos monent, quibus aetate vel dignitate superiores sunt, non solum amorem, sed etiam pro personae statu spem bonam et fiduciam ostendere solent. Simili modo reprehensio temperanda erit, cum is, qui monetur, deliquerit. Praeclare haec te docebunt Ciceronis epistolae ad Curionem. Fam. I. 2. et ad Marcellum I. 4.

CAPUT II.

DE NARRATIONE.

210. Narratio definitur rei gestae vel quasi gestae expositio a principio usque ad finem. Quid sit.

Dicitur *rei gestae* vel *quasi gestae* expositio, quia narrationis argumentum etiam fictum esse potest; additur autem *a principio usque ad finem*, quia narratio rem totam exequitur. Neque igitur quoties factum aliquod commemoramus, vel partem ejus aut adjuncta exponimus, narratio vocatur; sed cum et initium, et progressum et exitum ostendimus.

ART. I.

DE NARRATIONE IN UNIVERSUM.

211. In rebus, quas narrabimus, considerata est veritas et probabilitas.

Veritas postulat, ut non solum actio ipsa, sed adjuncta etiam, saltem praecipua, ita narrentur, ut ea evenisse, compertum est. Quid veritas postulet.

1. Haec veritas historico quidem semper, oratori autem, quoties ex rebus gestis argumenta petit, sectanda est.

2. Quae autem levioris momenti sunt, cum saepe ignorentur, vel inferri ex cognitis, vel etiam ex probabili ratione addi possunt; in quo paullo major oratori, quam historico libertas datur. Id tamen utrique providendum, ut, quae sic adduntur, cognitam veritatem, nedum adulterent, sed magis etiam illustrent.

212. *Probabilis* narratio est, quae fidem sibi apud audientes facit. Id autem obtinebimus, si personis, si temporibus, si locis ea, quae narrabuntur, consentient; si cujusque facti et eventus causa ponetur; si cum hominum opinione, auctoritate, si cum lege, cum more, cum re-

Quid probabilitas.
Part. 2.

ligione conjuncta; si probitas narrantis significabitur, si antiquitatis memoria, si orationis veritas et vitae fides.

Probabilitas in omni narratione necessaria est. Ubi enim ad veritatem narrandum est, satis non erit, si ea, quae dicuntur, vera quidem sunt, sed vera esse non videantur. Quando autem ad delectandum narratione utimur, ea ipsa, quae ficta sunt, placere non poterunt, nisi veris simillima fuerint.

Quid in dispositione.

213. Ita autem narratio disponenda est, ut, qui audiunt, rem gestam totam animo complecti et intueri facile possint.

Haec dispositio, quae valet plurimum non modo ad cognitionem, sed etiam ad narrationis jucunditatem et vim, apto rerum selectu et nexu obtinetur. Itaque

Unitas.

I. efficiendum est, ut *sit quodvis simplex duntaxat et unum*, abjectis, quae ad rem non pertinent, multoque magis, quae ab ea etiam abhorrent.

1. Saepe, quae eodem tempore et loco acciderunt, cum re, quam tractamus, aliquo etiam modo conjuncta sunt, ita tamen, ut ad eam cognoscendam parum vel nihil contulerint. Haec si persequeris, narrationem languidam et impeditam, saepe etiam confusam reddideris.

2. Pejus faciunt, qui arrepta quavis vel etiam quaesita occasione ad dissita digrediuntur, et pessime, qui neque rerum indolem respectantes, summa imis, parvis grandia, dulcia horridis insulsa varietate miscent. (n. 132.)

Ordo.

II. Is deinde rerum ordo et nexus quaerendus est, quo fiat, ut actio primaria per varios casus et vicissitudines paulatim ad exitum progrediens distincte notetur.

Generatim ita narrandum est, ut quae consequuntur, ex iis, quae antecesserunt, intelligi queant; nec fere narrationis cursus (nisi forte orator id faciat ad finem sibi proprium) interrompendus.

Brevitas.

III. Sectanda nobis est ea, quam Fabius dixit, *brevitas*

integra (n. 139.), ut nihil praetermisso, quod ad facti causas, progressum et exitum ostendendum necessarium est, ex reliquis ea tantum addamus, quae ad finem, propter quem narramus, aliquantum conferunt.

1. Ut facti causas cognoscantur, saepe necesse est, brevem aliquam rerum expositionem praemittere. Sed haec principia non longius petenda, ut

Qui gemino bellum Trojanum orditur ab ovo;

Ars. p. 147.

et distincte quidem, at minime fuse significanda sunt.

2. In progressu quoque, ut Tullius jam monuit, facti et eventus cujusque causa ponenda, nec tamen morandum in minutis, praesertim iis, quae etiamsi dicta non fuerint, per se ipse quisque cogitabit; ut : *In portum veni, navem paratam aspexi, de pretio conveni, sublatae sunt anchorae, e portu solvi.* Satis erat dixisse : *E portu solvi.*

3. Concludi narratio ita debet, ut, qui audiunt, neque dubitatione suspensi haereant, neque necesse sit, quid personis rebusque actum sit, sigillatim enarrare. Hoc enim inde ab initio providendum erit, ut cum absolvitur narratio, rei totius exitus paucis possit significari.

214. Placet autem maxime et voluptate homines in audiendo retinet narratio, quae excitatur animorum motibus.

Unde suavitatis.

1. Hinc Tullius : Suavis narratio est, quae habet admirationes, expectationes, exitus inopinatos, motus animorum, colloquia personarum, dolores, iracundias, metus, laetitias, cupiditates.

Part. 9.

2. Quos tamen motus vide ut rerum ipsarum ad vivum significatione efficias, neque frequenti exclamatione, magnificis verbis et frequenti interposita consideratione quasi obtrudere videaris.

Elocutio, etsi varia sit pro rerum genere et fine narrationis, generatim tamen lucidissima, vivida, magisque concisa quam diffusa esse debet.

Quae elocutio.

ART. II.

DE VARIIS NARRATIONUM GENERIBUS.

Quot genera. 215. Tria plerique narrationis genera ponunt: historicam, poëticam, oratoriam, quae et fine et forma differunt.

1. Historicus narrat, ut, quid gestum sit, pro rei veritate ostendat, poëta, ut illustri rerum specie delectet, orator, ut, sive arguendo sive conciliando sive commovendo persuadeat.

2. Ut igitur fini forma narrationis respondeat, historicus fere ordinem temporis in narrando servans, et dicendi ornatum modeste usurpans, omnia sic exponit, ut rei gestae quam verissimam imaginem exprimat; poëta contra rerum seriem frequenter invertit, eamque totam ad pulchritudinis speciem fingendo accommodat, in verbis et sententiis omni cultu et lepore liberrime utens; orator ante omnia probabilem facit narrationem, in re gesta ea, quae sibi futura sunt utilia, maxime ostendit, et diverso pro re nata dicendi genere utitur.

Schol. Alii etiam scriptores, ut qui artium praecepta vel graves disciplinas tradunt, inter disputandum narrare solent, sive ut doctrinam vitae exemplo illustrent, sive ut varietate rerum studium in legendo erectum teneant. Ac prisci quidem non solebant narrationes scribere, nisi quas aliis operibus, ut orationi, dialogo, epistolae intexebant; recentiores autem narrationem etiam extra contextum majoris operis ut genus proprium usurpant, quod ut est maxime ad delectandum compositum, ita etiam forma et fingendi libertate ad poëticam rationem propius accedit.

Quae aliae
divisiones.

Quoniam vero ad eundem finem non una via itur, et praeterea non fini tantum, sed etiam rerum generi oratio accommodanda est; aliae multae divisiones fieri possunt, quarum nos eam inprimis consideremus, quae narrationem simplicem et brevem ab ampliori secernit.

Oratoria etiam et ipsa poëtica narratio hanc divisionem admittit; sed nobis nunc de historica potissimum agendum est.

Leges enim, quas sive orator sive poëta in narrando sequitur, nisi utriusque artis natura perspecta, intelligi vix possunt.

216. *Simplex* igitur narratio rem ordine, quo gesta est, presse et vix non nude, distincte tamen et jucunde exponit. Quid do
simplicem nar-
rationem.

In ea cuncta praecepta, quae de narratione in universum tradita sunt, servari possunt et debent. Itaque et causas actionis et progressum et exitum distinguemus, et quo est minutius opus, eo diligentius aliena rescabimus. Sed illa quoque, quae ad motus animorum pertinent, non dimittenda; quandoquidem haec paucis etiam, at lectis verbis et significantibus consequi poterimus. Rem discite exemplo :

DIONYSIUS ET DAMOCLES.

Cum quidam ex ejus assentatoribus, Damocles, commemoraret in sermone copias ejus, opes, majestatem dominatus, rerum abundantiam, magnificentiam aedium regiarum, negaretque umquam beatiorum quemquam fuisse: Visne igitur, inquit, Damocle, quoniam haec te vita delectat, ipse eandem degustare, et fortunam experiri meam? Cum se ille cupere dixisset, collocari jussit hominem in aureo lecto, strato pulcherrimo textili stragulo, magnificis operibus picto, abacosque complures ornavit argento auroque caelato. Tum ad mensam eximia forma pueros delectos jussit consistere, eosque nutum ejus intuentes diligenter ministrare. Aderant unguenta, coronae, incendebantur odores, mensae exquisitissimis epulis extruebantur. Fortunatus sibi Damocles videbatur. In hoc medio apparatu fulgentem gladium, e lacunari seta equina aptum, demitti jussit, ut impenderet illius beati cervicibus. Itaque nec pulchros illos ministratores adspiciebat, nec plenum artis argentum; nec manum porrigebat ad mensam; jam ipsae defluebant coronae: denique exoravit Tyrannum, ut abire liceret, quod jam beatus nollet esse. Satisne videtur declarasse Dionysius, nihil ei esse beatum, cui semper aliquis terror impendat?

Tusc. 5, 21.

Quae am- 217. *Amplio*rem dico narrationem, quae rem gestam ac-
plior. curatius pertractat et partes ejus singulas uberiori sermone
exequitur.

Itaque vel sola hac amplitudine vel praeterea eloquendi etiam
ornatu a simplice narratione distinguitur.

Unde incl- 218. Ut vero in tali narratione id, quod apta disposi-
piatur. tione quaerendum esse dixi (n. 213.), facilius obtineatur,
I. incipi solet a descriptione loci, cujus quidem facies
universa paucis delineanda; partes quoque illae, quae ali-
qua ratione cum re, quae narratur, conjunctae sunt, sed
hae vel a principio vel in decursu narrationis.

1. Videndum scilicet est, ne loci descriptio harum partium
expositione longior et implicatior fiat, nec vicissim narrationis
cursus earundem notatione interruptus turbetur.

2. Nonnulli, praesertim ex recentioribus, in locorum ratione
quandam similitudinem quaerunt eorum motuum, quos res nar-
randa in animis efficere possit, in quo tamen facile in *κακὴν*
itur. (n. 143.)

3. Etiam morum notatio praemittitur, sed raro, nec nisi illo-
rum hominum, qui eminent.

Quia rerum 21. In ipsa expositione selectus rerum habendus est, ut
selectus. gravissimae quaeque, eae praesertim, ex quibus multa
alia sponte intelligantur, reliquarum vero paucae ad de-
lectionem et ornatum assumantur.

Quia ordo. 22. Ordo autem rerum triplex usurpatur; primus est
ipsius temporis, quo res acta est; alter ex rerum gravi-
tate petitur; tertius partes facit tum rei tum temporis.

1. Ex rerum gravitate ordo sumitur, cum res princeps nar-
ratur tota ex ordine temporis, deinde adjuncta majoris momenti
separatim. Sic Livius in transitu Rhodani, l. 21.

2. Tertius ille ordo servatur, ut exemplo utar, in pugnae
descriptione, cum exponitur, quid a singulis partibus exercitus
primis horis, quid insequentibus, quid denique in fine gestum

sit. Vide apud Livium pugnam Cannensem, l. 22 et alias passim.

3. Qui ficta argumenta soluta oratione tractant, in eo quoque poëtas interdum imitantur, ut rerum ordine inverso a media actione incipiant, quod nec saepe et admodum caute agendum est, ne scilicet ipsa insolentia non opportuna offendant, vel perturbatus ordo claritati officiat.

219. Eloquenti ratio pro natura rerum, quas narramus, Qualis elocutio.
in triplici dicendi genere distingui potest, ut modo tenuis, modo gravis, modo media inter utramque: semper tamen ea, quae historicae narrationi sunt propria, servabimus.

Itaque 1. si quando contingit, res nec magnitudine graves, nec mirabilitate illustres uberius enarrare, sit purus ille et prope quotidianus sermo, parco cultu et illaborato nitens.

2. At cum narranda est res grandis, atrox, miserabilis, ut pugna, seditio, terrae motus, praeclarum facinus vel scelus insigne; assumendus est ornatus illustrior, firmus tamen et virilis, qui copiam rerum cum brevitate sermonis conjungat. Vide apud Livium l. 1. Horatorum et Curiatorum certamen.

3. Expolitum et floridum dicendi genus praecipue in fictis narrationibus usurpant. — Ceterum hae dicendi species si alibi quoque accurate discerni saepe nequeunt (n. 158.), in narratione multo minus inter se distant. Nam neque ornatus ille grandior ad oratoris vehementiam et copiam, neque haec politior vestustas ad cultum usque poëticum accedere debet.

220. Inter ornamenta autem, quibus illuminatur narratio, praeter hypotyposin, praecipue notanda est sustentatio et ea quae meditatio dicitur, oratio scilicet narrationi interposita, qua, quid in re, quae narratur, considerandum sit, ostendimus. Quae ornamenta praecipua.

1. Expectationes et exitus inopinati miram saepe vim ad commovendos animos habent, sed cavendum est, ne ea figura in rerum cursu vulgari utamur: nihil enim hoc frigidius.

2. Meditatio, si rara est, brevis et sapiens, multum ornat. Fieri autem saepe potest simplice sententia, maxime epiphonemate. (n. 97.)

CAPUT III.

DE DESCRIPTIONE.

Quid sit, et
quae genera.

221. Descriptio generatim est rei cujuslibet accuratio-
expositio. Dividitur si forma consideratur, ut narratio; si
materia, in descriptionem rerum, et notationem morum.

Tertium nonnulli genus addunt, descriptionem casuum et re-
rum gestarum; sed ea potius narratio dicenda.

ART. I.

DE DESCRIPTIONE RERUM.

Quid huic
generi pro-
positum.

222. Hoc descriptionis genus non tam commutationes,
quae per casus vel actiones eveniunt, quam naturam re-
rum et statum permanentem explicat.

Ut autem perdifficile est, quae sibi tempore succedunt, pin-
gendo exprimere; ita non minimi est operis, quae in locorum
spatiis juxta se collocata sunt, sermone dilucide explicare. En
exempla in quibus tibi deinceps praecepta ostendam.

Ep. 5. 6.

1. Plinius regionem, in qua sita erat ipsius villa, amico
describit :

*Regionis forma pulcherrima. Imaginare amphitheatrum aliquod
immensum, et quate sola rerum natura possit effingere. Lata
et diffusa planities montibus cingitur. Montes summa sui parte
procera nemora et antiqua habent; frequens ibi et varia venatio.
Inde caeduae sylvae cum ipso monte descendunt. Has inter pin-
gues terrenique colles, (neque enim facile usquam saxum, etiam
si quaeratur, occurrit.) planissimis campis fertilitate non cedunt,
opimamque messem serius tantum, sed non minus percoquunt.
Sub his per latus omne vineae porriguntur, unamque faciem
longe lateque contexunt. Quarum a fine, imoque quasi margine
arbusula nascuntur : prata inde campique. Campi, quos nonnisi
ingentes boves, et fortissima aratra perfringunt : tantis glebis
tenacissimum solum, cum primum prosecatur, assurgit, ut nono*

demum sulco perdometur. Prata florida et gemmea trifolium aliasque herbas, teneras semper et molles, et quasi noxas alunt. Cuncta enim perennibus rivis nutritur. Ibi aquae plurimum, palus nulla : quia detrexa terra, quidquid liquoris accepit, nec absorbuil, effundit in Tyberim. Medios ille agros secal, navium patiens, omnesque fruges devehit in urbem, hyeme duntaxat et vere : aestate summittitur, immensique fluminis nomen arenâ alveo deserit, autumno resumit. Magnam capies voluptatem, si hunc regionis situm e monte prospezeris. Neque enim terras tibi, sed formam aliquam, ad eximiam pulchritudinem pictam, videberis cernere; ea varietate, ea descriptione, quocunque inciderint oculi, reficiuntur.

2. Cicero de providentia divina disputans

Licet enim jam, ait, remota subtilitate disputandi, oculis quodammodo contemplari pulchritudinem rerum earum, quas dicina providentia dicimus constitutas.

De nat. D.
2, 39.

Ac principio terra universa cernatur, locata in medla mundi sede, solida et globosa, et undique ipsa in sese nutibus suis conglobata, vestita floribus, herbis, arboribus, frugibus : quorum omnium incredibilis multitudo insatiabili varietate distinguitur. Adde huc fontium gelidas perennitutes, liquores perfucidos amnium, riparum vestitus viridissimos, speluncarum concavas altitudines, saxorum asperitutes, impendentium montium altitudines, immensitatesque camporum : adde etiam reconditas auri argentique venas infinitamque vim marmoris. Quae vero, et quam varia genera bestiarum vel cicurum vel ferarum? qui volucrum lapsus atque cantus? qui pecudum pastus? quae vita sylvestrium? Quid jam de hominum genere dicam? qui quasi cultores terrae constituti, non patiuntur eam nec immanitate belluarum efferrari, nec stirpium asperitate vastari : quorumque operibus agri, insulae, litoraue collucent, distincta tectis et urbibus. Quae si, ut animis, sic oculis videre possemus, nemo cunctam intuens terram de divina ratione dubitaret.

At vero quanta maris est pulchritudo? quae species universi? quae multitudo et varietas insularum? quae amoenitates orarum et litorum? quot genera, quamque disparia partim submer-

sarum, partim fluitantium et innantium belluarum, partim ad saxa noticis testis inhaerentium? Ipsum autem mare sic terram appetens litoribus attudit, ut una ex duabus naturis confata videatur.

Exinde mari finitimus aer die et nocte distinguitur, isque tum fusus et extenuatus sublimē fertur; tum autem concretus, in nubes cogitur, humoremque colligens terram augel imbris; tum effluens huc et illuc, ventos efficit. Idem annuas frigorū et calorum facit varietates; idemque et volatus alitum sustinet, et spiritu ductus alit et sustentat amantē.

Restat ultimus, et a domiciliis nostris altissimus, omnia cingens et coercens, coeli complexus, qui idem aether vocatur, extrema ora et determinatio mundi: in quo cum admirabilitate maxima igneae formae cursus ordinatos definiunt.

Quid de argumenti meditatione.

223. I. Hujusmodi igitur descriptionem facturū inprimis rem ipsam recte, dilucide et acriter cogita, quin etiam in ea contemplanda mentem usque defige.

Illud deinde quaere, quod pro rei natura et descriptionis fine praecipuum est, ad quod reliqua referantur.

Hoc praecipuum, quā nonnulli vocant descriptionis notā characteristicā, Plinius enuntiavit: *Regionis forma pulcherriora*; apud Ciceronem a fine cognoscitur; vult enim ex admirabilitate rerum omnium rectorem mundi et moderatorem demonstrare. Nisi vero hoc cognitum habueris, nec rerum dicendarum nec verborum ipsorum delectum recte instituere poteris.

Quia rerum delectus.

Res autem deligendae sunt, quae majus aliquod momentum habent, et generatim paucae, praesertim cum describuntur inanima.

1. Momentum, quod rebus inest, ex ratione, quā cum fine descriptionis habent, aestimandum est.

2. Nullibi magis, quā in hoc genere multitudo rerum sermonem obscurat; vide quā pauca Cicero ex rerum universitate delegerit, quā multa etiam Plinius transierit. — Omnino id statuas, hanc rerum brevitatē, sed eam sagaciter delectam, tantū esse, ut nihil pluris. (n. 139.)

3. Attamen in rebus minutis, maxime si delectatio quacritur, oratio diffusior non displicet. Vide de Senect. c. 15.

224. II. De dispositione si quaeris, initio fere convenit, totius rei lineamenta paucis adumbrare, partes deinde ita sine saltu et intercapedine percurre, ut is, qui legit, quam facillime animo sequi, et universae rei speciem intueri possit. Quae dispositio.

1. Prima illa lineamenta fecit Plinius : *Imaginare amphitheatrum aliquod immensum, et quale sola rerum natura possit effingere. Lata et diffusa plantilles montibus cingitur.* — Cicero : *Ac principio terra universa cernatur, locata in media mundi sede, solida et globosa, et undique ipsa in sese nutibus suis conglobata.*

2. Vide quam lenis, quam naturalis sit apud utrumque ad varias partes transitus, quam facilis totius rei aspectus. Id quidem in opere alieno consideranti facile factu videtur, quia scilicet naturale est : sed experienti vix quidquam difficilius.

225. III. Verba quoque selecta sint, et pauca.

Quae elocutio.

1. Seligenda sunt maxime propria, significantia et vivida, ut illa : *fontium gelidas perennitates*, et quae sequuntur in eadem periodo : — *quorumque operibus agri, insulae litora collucant*; — *quot genera, quamque disparia inhaerentium etc.*; *volatus alitum sustinet etc.*

2. Vulgaribus, si multa sunt, obscuram fieri orationem patet; magnifica et splendida, si rara sunt, si in rem conveniunt, si eam quam optime significant, procul dubio exornant; sin minus, fastidium faciunt. Ita in pictura justa variorum colorum temperatio, non prodiga lucidissimorum effusio laudatur.

226. Illud etiam in hac descriptione praecipue cavendum est, ne languescat: quare juverit, quae in rebus consideras, ad hominum vitam referre, actiones, casus, colloquia, animi motus paucis verbis intexere. Quid agendum, ne languescat.

Quis naus. Quod denique ad usum pertinet, generatim haec rerum descriptio sit rara, nisi operis ratio frequentiam fecerit necessariam.

Qui delectandi causa multas easque longas hujus generis descriptiones libro intexunt, vel, quod pejus est, iis solis librum componunt, quam quaerunt, legentis delectationem, minime assequuntur. Maximi quique scriptores tum prisci tum hodierni rari, mediocres in hoc genere frequentissimi esse solent.

Schol. Commemorari hic etiam solet *imago oratoria* vel *poëtica*, quae est rei vel personae brevissima descriptio, ut :

Aen. 6, 156.

*Aeneas moesto defixus lumina vultu
Ingreditur.*

De sign. 34. *Erat admodum amplum et excelsum signum cum stola; verumtamen inerat in illa magnitudine aetas atque habitus virginalis. Sagittae pendebant ab humero; sinistra manu retinebat arcum, dextra ardentem facem praeferebat.*

ART. II.

DE NOTATIONE MORUM.

Quid mores. 227. Vocabulo morum hic non tam ipsi mores, quam eorum proprietas designatur, sive potius id omne, quod graeco vocabulo character dicimus.

Χαρακτήρ generatim nota est, qua res alia ab alia discernitur. Quare cum de homine loquimur, propriam quandam ejus conformationem intelligimus, qua distinguitur ab aliis.

Quibus rebus fiat notatio.

Itaque morum notatio iis rebus constat, quibus haec propria hominis conformatio effici, quibusque cognosci solet.

1. Pendet haec conformatio non a sola cujusvis indole, sed etiam a patria, aëro, educatione, aetate, vitae genere et consuetudine.

2. In ipsa autem descriptione non modo animi et corporis dotes in universum significantur, sed modus etiam loquendi

agendi, judicandi; lineamenta oris, et totius corporis figura; incessus, habitus denique totus; quia his omnibus, qui et qualis homo sit,prehenditur.

Missus Hannibal in Hispaniam primo statim adventu omnem exercitum in se convertit. Hamilcarem juvenem redditum sibi veteres milites credere; eundem vigorem in vultu vimque in oculis, habitum oris lineamentaue intueri; dein brevi effecit, ut pater in se minimum momentum ad favorem conciliandum esset. Nunquam ingenium idem ad res diversissimas, parendum atque imperandum, habilis fuit. Itaque haud facile discerneres, utrum imperatori, an exercitui carior esset: neque Hasdrubal alium quenquam praeficere malte, ubi quid fortiter ac strenue agendum esset: neque milites alio duce plus confidere, aut audere. Plurimum consilii inter ipsa pericula erat; nullo labore aut corpus fatigari, aut animusvinci poterat; caloris ac frigoris patientia par; cibi potionisque desiderio naturali, non cotuptate, modus finitus; vigiliarum somnique nec die, nec nocte discriminata tempora; id, quod gerendis rebus supercisset, quieti datum: ca neque molli strato, neque silentio arcessita; nulli saepe militari sagulo opertum, humi jacentem inter custodias stationesque militum conspexerunt. Vestitus nihil inter aequales excellens; arma atque equi conspiciebantur. Equitum peditumque idem longe primus erat; princeps in praelium ibat: ultimus confecto praelio excedebat. Has tantas utri virtutes ingentia vicia aequabant; inhumana crudelitas; perfidia plus quam Punica, nihil veri, nihil sancti, nullus deum metus, nullum jusjurandum, nulla religio. Cum hac indole virtutum atque vitiorum triennio sub Hasdrubale imperatore crevit: nulla re, quae agenda audendaque magno futuro duci esset, praetermissa.

Liv. 21, 4.

228. Notatio morum sit vera, propria, definita et aequabilis.

Quae doctes.

1. *Veritas* in hominibus, de quibus historiae referunt, summa fide tenenda est; in personis fictis veri sit quam magna similitudo.

2. Ut *propria*, id est minime communis sit, juvat imprimis notare, quae eminent, et tanquam primaria quaedam lineamenta designari poterunt. Ceterum hinc est, cur homines vulgares,

qui a reliquis nihilo admodum differunt, huic descriptionis generi non conveniant.

3. *Definita* plerumque erit notatio, si propria est. Videndum tamen, ut quae sunt in rebus propria, verbis etiam minime vagis enuntiemus. Proderit etiam saepe disparia conjungere, modo

4. *Aequabilis* notatio sibi constans maneat, ut nihil in sequentibus occurrat, quod prioribus repugnet.

Quae elocutio.

229. Elocutio optima acris, concisa et gravis.

En aliud tibi breve exemplum :

Sall. Cat. 8.

Lucius Catilina, nobili genere natus, fuit magna vi et animi et corporis, sed ingenio malo pravoque. Huic ab adolescentia bella intestina, caedes, rapinae, discordia civilis grata fuere, ibique juventutem suam exercuit. Corpus patiens inediae, vigiliae, algoris, supra quam cuiquam credibile est. Animus audax, subdocus, varius, cujuslibet rei simulator ac dissimulator, alieni appetens, sui profusus, ardens in cupiditatibus; satis eloquentiae, sapientiae parum. Vastus animus immoderata, incredibilia, nimis alta semper cupiebat.

Schol. Neque singulorum modo hominum mores, sed etiam populi et aetatis populorum eadem ratione describuntur. Vide apud Sall. Cat. c. 8. Tacit. Germ. c. 14. Demosth. Phil. III. et Olynth. III.

CAPUT IV.

DE VITIS.

Quod propositum.

230. Vita hic dicitur narratio vel descriptio vitae. Huic autem generi propositum est, una cum actis fatisque indolem hominis et mores ostendere.

Quorum vita scribenda.

Prima igitur cura esse debet, ut persona seligatur, cujus vita et mores sint digna, quae memoriae prodantur.

Gesta quidem et eventa magna sint et insolita, necesse non est, quamquam id melius; at certe ingenium et mores illius, cujus vita scribitur, ne sint communes, res vero gestae saltem cognitu jucundae.

231. Rerum, quae permagni momenti sunt, nullam esse omittendam, patet, reliquarum ad propositum hujus operis et legentium delectationem prudentissimus selectus faciendus. Quis rerum selectus.

1. Saepe rebus parvis iisque perpaucis indoles et mores praeclare ostenduntur, quod exemplo Xenophontis monstratur n. 139.

2. Ut narratio varietate delectet, non semper in rebus illis gravissimis versari debet, sed aliquando jucunda, licet per se ipsa minora, tractabit.

Digressiones in hoc genere et utiles et jucundae esse poterunt, praesertim in aliorum hominum vel temporis, quo is, cujus narrantur fata, vixit, historiam. Quid de digressionem.

232. Jam vero in ipsa narratione haec potissimum servanda sunt: Quae de ipsa narratione.

1. Ut res verae certaeque esse debent, sic etiam in iis demonstrandis nulla sit intemperantia, quae sive ad laudandum, sive ad vituperandum a veri ratione deflectat.

2. Causae autem et rerum nexus ita ostendendi sunt, ut non solum intelligatur, qualis ille fuerit, cujus vita narratur, sed etiam quomodo talis effectus sit.

3. Stylus denique etsi generatim simplicis narrationis est, tamen pro re nata ad illud ornatus describendi genus aliquando assurgit.

CAPUT V.

DE HISTORIA.

233. Historiae triplex est divisio; 1. in generalem et propriam (vel specialem); 2. in sacram et profanam; 3. in chronicam, pragmaticam et philosophicam. — Chronica dicitur, quae res nude et simpliciter ordine, quo eveniunt, adnotat; pragmatica, quae causas quoque eventuum ostendit, omnemque rerum varietatem uno quodam vinculo continet; philosophica, quae in fati hominum et rebus gestis aeternae sapientiae rationes demonstrat. Quot genera.

Haec postrema ergo non tam historia, quam disputatio de historia dicenda est; contra illa quae chronica dicitur, materiam tantum subministrat scribendae historiae, unde medium illud genus est, quae vere et proprie dicitur historia. Notandum tamen, nonnullis libris, qui modestum nomen annalium vel commentariorum ferunt, veram historiam contineri.

Quis fructus. Historia autem non id modo efficit, ut eorum, quae ante nos gesta sunt, memoriam conservemus, sed etiam, ut recte ea judicemus.

De or. 2, 9. Ex hoc intelligitur admirabilis historiae utilitas, quae cum sit testis temporum et nuntia vetustatis jure est vitae magistra et lux veritatis a Tullio appellata. Si enim ipsa vita nos experientia multarum rerum erudit; historia non unius aetatis nec paucorum hominum, sed multorum populorum et omnium aetatum gestis et fati ante oculos positis, demonstrat, quid res quaevis in usu vitae, quid in civitatum administratione valeat. Tum eadem invicto robore confirmat, quae sapienter de virtute et vitio praecipuntur; necnon quae de Dei adoranda providentia sanete credimus, velut magno in spectaculo revelat. Accedit ad mentis eruditionem animi in omnem honestatem inflammatio, et ipsa delectatio humanissima.

Quae prima lex. 234. Prima autem est lex historiae, ne quid falsi dicere audeat; deinde ne quid veri non audeat; ne qua suspicio gratiae sit in scribendo, ne qua simultatis.

De or. 2, 15.

1. Hac lege historicus hoc magis tenebitur, quod sive fingendo sive tacendo mendax esse non poterit sine magna in plurimos et saepe in universum genus humanum fraude et injuria.

2. Non solum tamen hominum gratia vel simulas, sed virtutis quoque et praecipue religionis odium vel ignoratio persaepe facit, ut a veritate historici deflectant. Et tale quidem partium studium omni alio detestabilius est.

Quae porro praestanda. 235. Rerum ratio ordinem temporum desiderat, regionum descriptionem: vult etiam, quoniam in rebus magnis

memoriaque dignis consilia primum, deinde acta, postea eventus exspectantur, et de consiliis significari, quid scriptor probet; et in rebus gestis declarari, non solum quid actum aut dictum sit, sed etiam quomodo; et cum de eventu dicatur, ut causae explicantur omnes vel casus vel sapientiae vel temeritatis; hominumque ipsorum non solum res gestae, sed etiam, qui fama ac nomine excellent, de cujusque vita atque natura.

Ibid.

Scriptorem, quid probet, significare, recentiores nonnulli ventant, quinetiam ita scribere jubent, ut ne appareat quidem, quam religionem, quas vivendi rationes sequatur. Cavere quidem historicus debet, ne veritatis, quamvis certae et sanctae, amore res aliter accidisse vel credat vel narret, quam reapse acciderunt, in judicandis etiam rebus et personis parcus et brevis esse debet; sed ut nulla ratione, quid sentiat, declaret, non est postulandum. Nam ut illud mittam, non esse postulandum, quod fieri a nullo possit; hoc novum praeceptum ex impia doctrina derivatum est, quae nullam esse veritatem ponit, de qua hominibus satis constiterit, quamque in dubium vocare nefas sit. Deinde, ut recte ait Blair, hoc facto historia dignitate spoliatur sua, injueunda fit et frigida.

Praef. 30.

236. Stylus praeter dilucidam rerum demonstrationem inprimis dignitatem habeat et suavitatem. Quis stylus.

1. Dignitas non jocos solum et ineptias, sed etiam ornamentorum luxuriam, maxime autem vilia quaevis et infecta excludit.

2. De suavitate Tullius: Genus orationis, fusum atque tractum, et cum lenitate quadam aequabili profluens, sine hae judicii asperitate et sine sententiarum forensium aculeis persequendum est.

De or. 2, 15.

237. Scriptores veteres narrationi frequenter oratiunculas intexere solebant: quod quidem ornamentum mirifice delectare fatentur omnes, sed plerique hodie ideo rejiciunt, quod omnis fictio historiam dedeceat.

Quid de
ornamentis.

Responderi possit, non tantam esse in ea re fingendi licentiam, quam prima specie videatur; sed quidquid sit de hac controversia, ut cum utilitate historicos legas, id enim solum praecepta nostra spectant, aliqua de illis orationibus praecepta breviter tibi proponam, jam nunc non inutilia, post explicatam vero rhetoricam majori fructu recolenda.

Pleraeque istarum orationum ad plebem et milites habentur, ideoque *conciones* vulgo appellantur.

Quae earum forma.

238. Harum igitur concionum forma fere est simplicissima :

1. Modo breve exordium ab adjunctis praemittitur, modo statim ad rem ipsam et animorum motus venit.

2. Afferuntur deinde argumenta pauca, sed selecta; plerumque ex iis, quos locos morales dicunt, petita, ab honesto scilicet, utili, facili, glorioso, jucundo, necessario.

3. Ex his illa primo loco ponenda sunt, quae non solum attentionem quamlibet, sed motus animorum excitare possunt. Ultimo autem loco argumentum maxime robustum tractari solet.

4. Plerumque conclusio verbis paucis, sed robore plenis subjicitur.

Quae eius-entio.

239. Dictio ad popularem sensum et rerum, quae aguntur, conditionem sit accommodatissima.

Ex quo generali documento non solum colligitur, quae sint virtutes dicendi in hoc genere maxime petendae, sed etiam quo pacto obtineri possint.

Requiruntur autem perspicuitas summa, vis, brevitates et motus celerrimi.

Unde perspicua.

Perspicuitas obtinetur, si 1. selignantur argumenta, quae paucis et apertis rationibus declarari possunt; 2. si illustrentur maxime similitudinibus, exemplis, comparatis et contrariis; si 3. verba sint usitatissima et luminosa, ambitus non implicati et plerumque breves.

Vis nascitur 1. ex argumentis, quae a praesenti rerum statu deprompta, et consentanea sunt indoli et studiis eorum, qui audiunt: hi autem solent rebus necessariis et utilibus cum maxime moveri. 2. Verborum vis cum ex his oritur, quae generatim orationem gravem faciunt, tum maxime ex reliquis duabus virtutibus:

Brevitas tum rerum tum verborum hic eo magis sectanda erit, quod in ea rerum conditione, in qua tales conciones habentur, multitudo hominum minus etiam, quam alias in rem unam diu animum intendere solet.

Celeres autem motus agitare eam orationem debent, quae non modo rem agendam spectat, sed ipsas inter res agendas habetur, et plerumque ad subitaria consilia incitat.

CAPUT VI.

DE DIALOGO.

240. Dialogus hic dicitur scriptum, in quo duo vel plures de re certa et definita colloquentes facimus.

Fit ergo ad imitationem verae colloctionis, sed tribus ab ea differt: 1. scriptus dialogus arctius in re una continetur; 2. rem pro consilio scriptoris totam absolvit et accuratius expendit; 3. dicendi modum postulat paulo elegantiores, fere ut de epistola dictum est. (n. 199.)

Dividunt dialogos in *philosophicos* et *describentes*. In illis doctrina aliqua traditur vel quaestio agitur, quales sunt Ciceronis et Platonis; in his hominum indoles, mores et vitae rationes per ipsorum sermones declarantur, ut apud Lucianum.

Sed huic divisioni non nimis inhaerendum est. Nam ipsa dialogi natura ita fert, ut et cum quaestio philosophica disceptatur, colloquentium mores atque ingenia monstrentur, et cum horum notatio maxime intenditur, argumentum tamen aliquod paulo accuratius sermone tractetur. Quinetiam ambo genera om-

nino permisceri possunt, ut apud Xenophontem in memorabilibus Socratis. Et hoc quidem mixto genere optime monstrari potest, quo pacto ab indole atque moribus hominum plerumque pendeat, quam quisque de re controversa sententiam sequatur.

Quae partes. 241. Partes dialogi distinguuntur exordium, tractatio, conclusio.

Verum quae de his dicuntur, potissimum philosophico conveniunt.

Quid de exordio. Exordium, in quo personae et argumentum dialogi innotescere debent, peti solet a causa et adjunctis colloquii.

1. Huiusmodi ingressus si apposite sapienterque inventus sit, non vulgari ornamento est. Vide Cic. de orat. et Plat. Phaed. — Sed tamen non solum Lucianus in brevioribus illis dialogis, sed nonnunquam etiam Plato in gravissimis, omissa narratione, ab ipso colloquio incipit.

2. Saepe autem dialogus a narratione non tantum inchoatur, verum eadem jueunde interruptitur. Quod genus recentiores, ut qui divisionum et nominum sint studiosiores, *historicum dialogum* appellant.

Quid in tractatione Praestantissimum. 242. In tractatione quaestio proposita excutienda atque omni ex parte illustranda est. Quapropter danda est opera, ut argumenta apte et distincte disponantur, dilucide et accurate explicentur.

In quo videndum erit, ut, quae ad suavitatem conciliandam inseruntur, episodica parva, interrogationes et id genus alia, rerum ordini et subtili tractationi non solum ne officiant, sed etiam inserviant; quod qui fieri possit, opera jam laudata attente legentibus commonstrabunt.

Quae personarum ratio. In hac autem disceptatione personarum ratio duplex est: aut enim inter colloquentes unus est doctrina et aetate conspicuus, ut magister inter discipulos, senex inter adolescentes; aut variae de argumento sententiae ita inter colloquentes distribuuntur, ut singuli, quod verum putant,

contra alios disceptando defendant. Hoc cum fit, nonnunquam etiam arbiter controversiae statuitur.

243. In conclusione nunc colloquentes de sententia una conveniunt, nunc in sua quisque opinione persistunt, nunc etiam sermonem abrumpunt.

Quid de
conclusionem.

Abrumpi dialogus potest, cum quaestio pro scriptoris consilio satis excussa est; nunquam autem temere et inconsulto. Ceterum naturalis et conveniens exitus haud raro perquam difficilis est inventu.

244. Dicendi genus, etsi generatim tenue esse debet, pro rerum tamen personarumque conditione aliquando ad medium, quinimo ad sublime attolli potest. Virtutes autem dialogi propriae sunt *nativa et simplex rerum expressio*, dictio *facilis* et ad similitudinem vitae composita.

Quae elo-
cutio.

245. Quoniam denique in quovis dialogo multum refert, colloquentium naturam et mores quam optime effingi, omnia, quae hac de re supra praecepimus, hic quoque sollerter custodienda sunt; illud autem inprimis videndum, ut notetur proprietas, qua eorum, qui disputant, mores distinguuntur.

Qui mores
effigendi.

Sed praecepta illa de notatione morum in dialogo multo sunt difficiliora servatu, quod in eo mores non continenti descriptione, sed sermocinandi ratione sensim ostenduntur. Et quia item magni laboris est, rem ad disputandum propositam per colloquia jucunde et tamen definite et subtiliter exponere; ideo ad hanc formam dicendi permagna facultas, non quibusvis data, requiritur. Scientia quidem rerum, quae disceptantur, tanta opus est, ut eas non modo totas teneas perspectas, sed etiam in omnem possis partem cogitando facillime versare. Accedat oportet humanarum rerum non vulgaris cognitio, decori sagacissimum iudicium, et plurima dicendi exercitatio.



ARTIS DICENDI



PARS TERTIA.

DE ELOQUENTIA.



Quid sit
eloquentia.
De or. 1, 61. 246. I. Eloquentia definitur ars dicendi accommodata
ad persuadendum; persuadere autem est, rem non solum
praeclare demonstrare, sed ad eandem etiam voluntates
eorum, qui audiunt, inflectere.

2, 15. Quae Quintilianus huic definitioni opponit, ad eam explican-
dam juvant: 1. Non sola, inquit, oratio, sed etiam pecunia,
gratia, auctoritas persuadent. — At ideo Cicero: Ars, ait, *di-
cendi* accommodata ad persuadendum. — 2. Etiam corruptores
et adulatores oratione persuadent; non ergo eloquentiae, utpote
artis bonae, finis est persuadere. — Verum etsi id, quod quis
persuadet, malum est, non ideo facultas ipsa persuadendi de-
sinit esse bona. — 3. Non semper persuadet vel optima oratio. —
Concedimus; sed ex definitione non sequitur, ut optimus orator
semper persuadeat, sed ut semper dicat accommodata ad persua-
dendum. Id enim in aliis quoque artibus nonnullis (ut in impe-
ratoria,) observamus, finem earum non pendere a solo artificis
arbitrio et facultate. Nihilominus, si de iis loquimur, quae com-
muniter contingunt,

Quo aesti-
mandus ora-
tor.
Br. 49. Qualis sit orator, ex eo, quod is dicendo efficiet, po-
terit intelligi.

Ibid. 1. Credit iis, quae dicuntur, qui audit oratorem; vera putat,
assentitur, probat; fidem facit oratio. Tu, artifex, quid quaeris

amplius? Delectatur audiens multitudo, et ducitur oratione, et quasi voluptate quadam perfunditur; quid habes, quod disputes? Gaudet, dolet, ridet, plorat, favet, odit, contemnit, invidet; ad misericordiam inducitur, ad pudendum, ad pigendum; irascitur, miratur, sperat, timet: quid est, quod expectetur docti alicujus sententia?

2. Non omnis igitur, qui subtilitate sententiarum, aequabili divisione, compto et expolito dicendi genere placuerit, orator dicendus; imo qui nativa vi et robore illa, quae dixi, in audiente efficiet, etsi rudior ejus sermo fuerit, multo magis hoc dignus est nomine.

247. II. Praestantia quoque eloquentiae ex iis, quae Praestantia
eloquentiae. efficit, monstratur.

Quare Cicero: Neque vero mihi quidquam, inquit, praestabilius videtur, quam posse dicendo tenere hominum coetus, mentes allicere, voluntates impellere, quo velis; unde autem velis, deducere. Haec una res in omni libero populo, maximeque in pacatis tranquillisque civitatibus, praecipue semper floruit, semperque dominata est. Quid enim est aut tam admirabile, quam ex infinita multitudinis hominum existere unum, qui id, quod omnibus natura sit datum, vel solus, vel cum paucis facere possit? aut tam jucundum cognitu atque auditu, quam sapientibus sentiis gravibusque verbis ornata oratio et polita? aut tam potens tamque magnificum, quam populi motus, judicium religiones, senatus gravitatem, unius oratione converti? Quid tam porro regium, tam liberale, tam munificum, quam opem ferre supplicibus, excitare afflictos, dare salutem, liberare periculis, retinere homines in civitate? De or. 1, 8.

Et alibi: Oratoris est in dando consilio de maximis rebus cum dignitate explicata sententia: ejusdem et languentis populi incitatio, et effrenati moderatio. Eadem facultate et fraus hominum ad perniciem, et integritas ad salutem vocatur. Quis cohortari ad virtutem ardentius, quis a vitiis acrius revocare, quis vituperare improbos asperius, quis laudare bonos ornatus, quis cupiditatem vehementius frangere accusando potest? quis moerorem levare mitius consolando? De or. 2, 9.

De or. 1, 8. Ac ne plura, quae sunt paene innumerabilia, conseelet, comprehendam brevi : sic enim statuo, perfecti oratoris moderatione et sapientia non solum ipsius dignitatem, sed et privatorum plurimorum et universae reipublicae salutem maxime contineri. Quamobrem pergite, ut facitis, adolescentes; atque in id studium, in quo estis, incumbite, ut et vobis honori, et amicis utilitati et reipublicae emolumento esse possitis.

Quibus re-
bus nliatur.
De or. 2, 27.
cf. Qt. 3, 5.

248. III. Ratio autem omnis dicendi tribus ad persuadendum rebus est nixa, ut probemus vera esse, quae defendimus, ut conciliemus nobis eos, qui audiunt, ut animos eorum, ad quemcumque causa postulabit motum, vocemus.

Itaque eloquentia omnes fines dicendi (n. 4.) complectitur, ut proprium suum finem, qui in persuadendo est situs, assequatur; hoc est, ut docendo, delectando, movendo voluntates flectat.

Quibus com-
paratur.

249. IV. Ad comparandam hanc vim dicendi primum eadem illa necessaria sunt, quae initio dixi (n. 3.), natura, ars, exercitatio.

1. Inter naturae dona, quae multa sunt (vide de or. 1, 23), notetur inprimis magnitudo quaedam animi, in qua illa, quae dicitur, *vis oratoris* quaerenda est. *Pectus enim est, quod disertos facit.*

Qt. 10, 7.

2. De arte vero et exercitatione hic eadem tenenda, quae dicta sunt in parte prima.

Necessaria
etiam
probitas.

Sed aliis insuper rebus instructus esse debet, qui hac ratione dicendi uti velit, atque inprimis probitate, rerum humanarum peritia et magna eruditione. *Probitas* in oratore requiritur, non solum ne eloquentia male abutatur, sed etiam ut possit eam ipsam consequi.

De or. 3, 14.

1. Quo major est haec vis dicendi, hoc est magis probitate jungenda summaque prudentia; quarum virtutum expertibus si dicendi copiam tradiderimus, non eos quidem oratores effecerimus, sed furentibus quaedam arma dederimus.

2. Neque enim tantum id dico, eum, qui sit orator, virum bonum esse oportere, sed ne futurum quidem oratorem nisi virum bonum. Plura in hanc sententiam v. n. 189. Q^t 12, 1.

Quod si quaesieris, cur igitur in rhetorica tradantur quaedam quasi fraudulenta consilia, duabus de causis id fieri scias: primum ut quorundam oratorum malae artes detegantur; deinde quia bona in causa interdum aliquis harum rerum usus esse honestus potest.

Mentiri quidem nulla in causa honestum erit, in quo erraverunt Cicero et Quintilianus; at vero veritatem non prodere, aliquando et licet et decet. Multitudo enim, timoribus, iracundiis aliisque motibus agitata, nonnunquam tractanda est, ut pueri vel amentes, qui etiam salutaria instrumenta in arma convertunt.

Peritia autem rerum humanarum necessaria est, tum quia ad vitam potissimum referenda est omnis oratio, tum quod nisi, qui naturas hominum vimque omnem humanitatis causasque eas, quibus mentes aut incitantur aut reflectuntur, penitus perspexerit, dicendo, quod volet, perficere non poterit. peritia.
De or. 1, 12.

Doctrina denique in oratore esse debet, primum sane earum rerum, in quibus versatur oratio, deinde vero ea omnis, qua liberalis continetur institutio, maxime philosophiae et historiae. doctrina.

Quamobrem si tot ac tanta naturae dona et ea quidem multa arte et exercitatione culta, tot etiam bonarum artium ipsiusque virtutis et magnae prudentiae praesidia dicendi ratio postulat: mirari desinamus, quae causa sit eloquentium paucitatis, cum ex iis rebus universis eloquentia constet, quibus in singulis elaborare permagnum est. — Ceterum quoniam de oratore nobis disputandum est, de summo oratore dicamus necesse est. Vis enim et natura rei, nisi perfecta ante oculos ponitur, qualis et quanta sit, intelligi non potest. Quod si quem aut natura De or. 1, 5.
Ibid. 3, 22.
Or. 1.

sua, aut illa praestantis ingenii vis forte deficiet, aut minus instructus erit magnarum artium disciplinis; teneat tamen eum cursum, quem poterit. Prima enim sequentem honestum est, in secundis tertiisque consistere.

Postremo eloquentiae studiosi munus oratoris quantum sit, considerent, et ad illud acri quodam studio se accingant.

De or. I, 25. 1. Magnum quoddam est onus atque munus, suscipere atque profiteri, se esse, omnibus silentibus, unum maximis de rebus, magno in conventu hominum, audiendum.

Ibid. 30. 2. Quid praeterea assumendum censes, nisi studium et ardorem quandam amoris, sine quo cum in vita nihil quidquam egregium, tum certe hoc, quod tu expetis, nemo unquam assequetur.

Partes. V. Partes rhetoricae hae sunt, quas plerique dixerunt :
De inv. I, 7. inventio, dispositio, elocutio, memoria, pronuntiatio; quas cum deinceps executi fuerimus, nonnulla de variis eloquentiae generibus praecepta addemus.

LIBER PRIMUS.

DE INVENTIONE.

250. Invenienda oratori sunt potissimum argumenta, quibus persuadeat. Sed ante haec alia nonnulla etsi non semper invenienda, at certe constituenda in animo et multum considerata sunt, nimirum : materia, quaestio, finis, status et propositio. De singulis pauca

CAPUT I.

DE IIS, QUAE ORATORI PRIMUM CONSTITUENDA SUNT.

ART. I.

DE MATERIA ET QUÆSTIONE.

Quid ma- 251. I. Materia dicitur res, in qua versatur oratio, ut
teria. bellum Punicum, studium philosophiae, mors Christi.

Quidquid autem meretur apud eos, qui audiunt, oratorio modo tractari, materia eloquentiae esse potest, unde haec quidem latissime patet.

De eligenda materia ex iis, quae de propositione dicentur (n. 256.), aestimari poterit.

252. II. Quaestio dicitur id, quod de materia disceptatur, ut: *sitne bellum Punicum renovandum; conveneritne Christo pati.* Quid quaestio.

Quaestionis duo sunt genera: infinita dicitur, quae fit de universo genere, ut: *quid omnino de captivo statuendum ac sentiendum sit?* finita, quae certis personis, temporibus, locis notata est, ut: *placeatne a Carthaginiensibus captivos nostros, redditus suis, recuperari?* Ejus generis.
De or. 3, 38.
cf. Ibid. 2, 10.

Quaestio infinita nunc vulgo graeco vocabulo *thesis* dicitur, quam Cicero consultationem vel propositum appellat; finita vocatur *hypothesis*, a Cicerone causa vel controversia dicta. Part. 18.

Thesis item duo sunt genera, cognitionis alterum, cuius scientia est finis, ut *sintne Angeli*; actionis alterum, quod refertur ad efficiendum quid, ut si quaeratur, *quibus officiis amicitia colenda sit.* Genera thesae.
Ibid.

Causarum autem genera tria veteres inde ab Aristotele ponunt: demonstrativum, quod tribuitur in alicujus certae personae laudem aut vituperationem; deliberativum, quod positum in disceptatione et consultatione civili, habet in se sententiae dictionem; judiciale, quod positum in iudicio, habet in se accusationem et defensionem. et causarum.
Ar. 1, 3.
De inv. 1, 5.

1. Genus demonstrativum, *ἐπιδεικτικόν*, inde putant nomen habere, quod in ostentationem eloquentiae inventum sit, sed certe alios in fines accommodari potest. Vocatur etiam laudatio vel exornatio, quia in laudationes potissimum confertur. Qt. 3, 4.

2. Deliberatio fit in concione aut senatu, et continet in se suasionem et dissuasionem.

3. Ut deliberativum genus maxime spectat utilitatem, sic iudiciale justitiam, demonstrativum autem honestatem.

Quisquam. Jam si de harum quaestionum usu quaeritur, in civili eloquentia, quoniam causa semper definita est, thesis non potest esse nisi pars hypothesis, cum scilicet finita quaestio ad genus revocatur; contra sacra eloquentia et illa, quae academica dicitur, si panegyricos excipias, plerumque in thesi versatur.

ART. II.

DE FINE ET STATU ORATIONIS.

Finis. 253. I. Finis orationis dicitur illud, quod orator dicendo vult consequi. Necesse autem est, ut orator sibi finem statuatur proprium et definitum, illumque continue ante oculos habeat.

1. Itaque recte inter vitia concionantium refertur, si nihil sibi certo constituent, sed id solum promant, quod de aliqua materia legerint aut excogitaverint. Hoc enim adeo grave impedimentum est, ut nihil apposite dici, fructus percipi nullus possit. Errat enim et frustra vagatur nihil habens certum, quod petat, oratio, et quo ictum dirigat.

2. In civili eloquentia per ipsam causam finis quoque determinatur; sed non item in eloquentia sacra. Nam de eadem materia, quinetiam in eandem sententiam varios ob fines dici potest. Sic de morte Christi dicturus spectare quis poterit et doctrinam redemptionis, et imitationem virtutum Christi, et odium peccati, et timorem divini iudicii, et amorem ac gratum animum in Christum, et studium alienae salutis, tot denique res diversas, quot varios fructus hujus mysterii meditatio affert. Quid vero? nonne horum plura et diversa inter se consequi possumus eandem non modo materiam, sed sententiam tractando, ut *pro peccatis nostris Christum mortuum esse*? Probe igitur orationis finis a propositione distinguendus est.

Quid status. 254. II. Status orationis dicitur id, quod maxime quaeritur, quod proinde et orator praecipue sibi obtinendum, et auditor spectandum maxime intelligit.

Or. 3, 6.

Itaque in disceptatione status est illud, in quo quasi certamen est controversiae, quod Graeci τὸ κριθμενον appellant, ut in causa Miloniana : *uter insidias struxerit*; extra disceptationem, id, a cuius tractatione proprius orationis finis pendet, ut in propositione : *Christus pro peccatis nostris mortuus est*, verba : *pro peccatis nostris*; siquidem talis est finis, ut hoc sit maxime probandum.

De statu praecipit Fabius : Hoc est, quod ante omnia <sup>Quid de eo
praecipitur.
cf. de or. 2, 27.</sup> constituere in animo suo debet orator, etiamsi pro causa plura dicturus sit, quid maxime liquere audientibus velit.

Si causa definita proposita est, in quo illud sit certamen controversiae, orator inquirat; sin eligendi facultas datur, praeferat argumentum, in quo ut finis, sic status sit minime communis; quare melius; *Virtus summe vel constanter vel pure amanda est, quam amanda est.*

Schol. Saepe per statum quaestionis intelligunt adjuncta illa, ex quibus, quid sit maxime quaerendum, intelligi potest.

ART. III.

DE PROPOSITIONE.

255. Propositio est id, quod orator statuit sibi, <sup>Quid pro-
positio.</sup> sibi, ut audientibus persuadendum.

1. Propositio plerumque sententia est, qua aliquid affirmatur vel negatur, ut : *Virtus magis, quam doctrina colenda est; Bellum contra Poenos non est renovandum.* — Aliquando vero tantum materiam circumscribit, ut : *Explicabo pericula innocentiae.*

2. Ut, quae hucusque explicavimus, uno exemplo declarentur, in oratione Miloniana interfectio Clodii materia est; quaestio : num jure Clodius necari potuerit; (et haec quaestio finita revocatur statim in principio orationis ad infinitam : num aliquando privatus homo alium jure interficere possit;) finis est, ut absolvatur Milo; propositio : jure Milo Clodium interfecit; status : uter insidias struxerit.

Dotes ejus. 256. Quoniam propositio totam in se continere debet orationem; refert sane plurimum, ut bona sit. Bona autem erit, si una, si definita, si gravis et apta sit.

Quomodo una. I. Una est propositio, si vel partes non habet, vel eas certe naturali vinculo connexas.

Itaque composita propositio esse potest, non vero multiplex. Composita enim est, cum partes apte cohaerent, ut : *Mater Dei et honoranda et invocanda est*; multiplex, cum sine nexu sunt, ut : *Ostendam, laudabile esse studium astronomiae*; deinde, *fugiendos esse malos socios*.

Unde nexus in composita. Nexus autem ille oritur vel ex sola materia, vel, quod melius est, ex natura et fine causae.

1. Ex sola materia : *In mysterio Incarnationis ostenditur* 1. *bonitas Dei*, 2. *excellentia Mariae*, 3. *virtutum Christi et Mariae exempla*. Laxum est inter haec vinculum; constringe magis : *In mysterio Incarnationis ostenditur dignitas et virtus Mariae*; etiam magis : *ostenditur meritum castitatis ei humilitatis*; denique fac simplicem : *ostenditur, colendam esse Mariam*.

2. Ex natura et fine causae cohaerent partes orationis pro lege Manilia : 1. *Bellum Mithridaticum est grave et periculosum*; 2. *Pompejus illi praeficiendus est*.

Recte docent, simplicem propositionem plerumque feliciter tractari composita; sed nec causa semper optionem permittit, et tam arcta et naturalis, ex fine praesertim, esse conjunctio potest, ut composita propositio non minus sit una, quam simplex.

Exempla habes apud Bourdaloue cum alibi tum maxime in orationibus de Christo patiente, ut : *Passio Christi peccato effecta, peccato renovata, peccato irrita*.

Quomodo definita. 257. II. Quod jam definitam esse propositionem jubent, non vetant generalem esse, at vero vagam.

1. Vaga est, quae late patentem materiam indicat tantum,

non circumscribit, ut : *dicam de philosophia, de virtute christiana, de fine hominis*. Multa enim de his quaeri possunt, ut : *quis sit ille finis, cur expetendus, quomodo etc.*

2. Extra civilem eloquentiam quaestionem esse saepissime generalem dixi; potest tamen plus minus definiri; et nisi generalia illa ad proprium quidpiam traducuntur, nec oratoriae contentioni apta et nimis usitata esse solent.

258. III. *Gravem* autem dico propositionem, quae et oratoris diligentiam et audientium attentionem meretur, excitat et juvat. Quae gravis.

1. Haec tamen gravitas non tam a materia pendet, quam a statu quaestionis; in quo optandum, ut insit aliquid novitatis et contentionis.

2. Neque vero ideo quaerenda est sententia valde acuta aut paradoxa, sed talis, ex qua *totum* possit orationis corpus aliquid novitatis, multum venustatis, plurimum utilitatis et contentionis accipere.

259. IV. *Apta* est propositio, cujus tractatio convenit 1) *dicentis* aetati, conditioni, facultati, doctrinae atque ipsius etiam corporis habitudini; 2) *audientium* aetati, sexui, conditioni, moribus et capti; 3) *adjunctis* temporum et locorum.

Atque hic notandum, quod jam monui, de una eademque materia plerumque multas propositiones statui posse. Quodsi ergo materia libera non est, propositio tamen iis, quae diximus, accommodari potest.

Sic igitur eorum, quae hucusque tractavimus, inventio aggradienda est : Extra civilem eloquentiam, ut dixi, interdum quidem materia et finis, saepius materia tantum, saepissime nihil certi ad dicendum propositum est. Delecta igitur materia ex loci, personarum et temporum conditione, statue, in quem tibi finem de hac materia dicendum sit. Deinde diligentissime considera, quae pro audientium moribus et conditione proposito fini maxime faveant, quae adversentur. Ita statu quaestionis

(utrolibet sensu is accipiatur,) cognito, et propositionem aptam statuere poteris, et ad argumentorum inventionem paratus accedes. — In causa finita haec omnia non tam inveniendae vel seligendae sunt, quam cognoscendae et acriter considerandae.

CAPUT II.

DE ARGUMENTORUM INVENTIONE GENERATIM.

Quid argu-
mentum.

260. Argumentum significat vel omnem ad scribendum destinata materiam, vel, ut nunc accipimus, rationem ad persuadendum idoneam.

Quomodo
dividantur.

Argumenta tripartito dividuntur; primum ex eo, quo tendunt, in probantia, illustrantia et moventia; deinde ex eo, quod valent, in certa et verisimilia; postremo ex locis, unde promuntur, in insita et remota.

cf. de or. 2,
28.

1. *Probans* dicitur argumentum, quod rem dubiam ex alia re non dubia confirmat; *illustrans*, quod ad delectandum conciliandumque est aptum; *movens*, quod impellit animos. Saepe numero tamen tractatio potius quam natura argumenti huiusmodi discrimen facit.

Part. 10.

2. *Verisimile* est, quod plerumque ita fit; ut : *adolefcentiam procliviorē esse ad libidinem; certum*, quod nunquam aliter; ut : *fumus ignem declarat*.

3. *Insita* dicuntur, quae inhaerent in ipsa re, de qua agitur; ut si dicas *eloquentiam esse expetendam, quod per eam homines a vitis avocentur*, ratio est insita in re, de qua agitur; si *expetendam* dicas, *quod Aristoteli vel Ciceroni vel Platoni ita visum sit*, ratio erit *remota*; auctoritas enim illorum virorum non est in ipsa eloquentia, sed extrinsecus assumpta.

Quid pri-
mum prae-
cipiatur.

De or. 3, 24.

261. Si jam quaeratur, quae faciendae sint oratori, ut argumenta inveniat, primum praecipimus, quascunque causas erit acturus, ut eas diligenter penitusque cognoscat.

1, 1.

Aliqua causae notitia necessaria jam est, ut quaestionis statum et propositionem inveniat; sed huius praecepti vis est, ut rem totam acerrima cogitatione pervestiget, et quamquam hoc praeceptione egere non videatur, ejus tamen, teste Fabio, paucisimae est cura.

Cognita causa, tres sustinendae tibi sint personae, tua, ^{Quid deinde.} adversarii, iudicis. ^{De or. 2, 24.}

Primum igitur anquire diligenter, quae prosint causae, deinde tibi obijce, quae nocere possint, ad extremum audientis indue personam, fingens coram te dici omnia, quae excogitasti.

Inter ipsam autem meditationem praeter ea, quae in ^{Quid inter meditandum.} parte prima de constantia, diligentia et animi ad propositum aversione praecepta sunt (n. 14.), illud adhuc oratori servandum, ut, inter meditandum, personarum, locorum et temporum rationes in animo quasi fixas teneat. Sic enim inveniet argumenta propria et tempestiva, quae sunt omnium ad persuadendum validissima.

Hoc in fletis quoque causis servandum, ne adolescentes vago cuidam et incerto dicendi generi adsuescant, quo quidem nulum est infirmius. De quacunque igitur materia orationem componant, certum audientium coetum, tempus, locum et reliqua in animo constituent, non qualia finxerint, sed qualia usu ipsi noverint.

Schol. Ante meditationem de materia legere nonnulli dissuadent. Sed nihil in universum hac de re praecipere velim; observanda potius et argumenti et ipsius dicentis natura; id certe cavendum, ne anxia quadam sollicitudine omnia, quae apud alios, maxime oratores, legeris, assumenda tibi esse putes.

262. His in universum dictis, explicanda jam nobis est, ^{Locis oratorum quid sint} locorum oratoriorum doctrina. — Sunt autem loci quaedam quasi sedes argumentorum rebus omnibus communes.

Argumenta scilicet omnium causarum, si, unde deprompta sint, consideras, ad certa quaedam capita revocari possunt. Nunc enim sunt similia, nunc exempla, modo ex rei causis vel effectis, modo ex nomine vel definitione assumpta. Haec igitur, quae in omni re ad disputandum proposita considerari debent, ut argumenta inveniamus, vocavit Aristoteles *locos*, quia in illis, ut in sedibus vel domiciliis suis, argumenta reperiuntur.

Quae eorum genera. Genera locorum eadem sunt quae argumentorum; insiti et remoti (n. 260.), vel ut recentiores loquuntur, intrinseci et extrinseci.

Part. 14. Aristoteles insita argumenta vocavit artificiosa, remota non artificiosa; non quod haec nullius artis indigent, sed quod ea non parit oratoris ars, sed foris ad se delata, tamen arte tractat.

CAPUT III.

DE LOCIS INTRINSECIS.

263. Ex locis intrinsecis alii in ipsa rei natura et nomine siti sunt: definitio, genus, forma, enumeratio partium, notatio et conjugata; alii in iis, quae cum re connexa sunt: causae, effecta, antecedentia, consequentia, adjuncta; alii denique in collatione rei cum aliis: comparatio, similitudo et contraria.

ART. I.

DE DEFINITIONE.

264. Definitio est oratio, quae naturam rei explicat.

Quomodo sit. 1. Ut accuratissima sit, per rei genus et differentiam facienda est. Genus autem est quoddam totum, cujus partes, quae species dicuntur, suapte natura in quibusdam conveniunt, in aliis differunt; id vero, in quo differunt, differentia vocatur.

1. Sic animal genus est, homo et brutum species; ut quibus commune sit vivere et sentire, hoc autem differant, quod in homine inest ratio, in bruto non est. Itaque homo definitur: *animal ratione praeditum*.

Top. 6. 2. Quamobrem cujusvis rei definitio hoc modo invenitur: cum sumpseris ea, quae sunt ei rei, quam definire velis, cum aliis communia, usque eo persequere, dum proprium efficiatur, quod nullam aliam in rem transferri possit. Ut hoc:

Rhetorica est ars — commune adhuc, multa enim genera sunt artis; adde : *dicendi*, nondum est definitio, nam et plures sunt artes dicendi; adjuuge : *apposite ad persuadendum*; confectionem est.

265. II. Si latiori sensu vocabulum accipis, definitio etiam fieri potest per rei partes, per contraria, per effecta, per translationem, denique per omnem descriptionem.

Alii modi
deveniendi.

1. Per partes : *Rhetorica est recte inveniendi, et disponendi, et eloquendi cum firma memoria et cum dignitate actionis scientia.* Qt. 5, 10.

2. Per contraria optime fit, cum primum dicitur, quid res non sit, deinde quid sit. (v. n. 267. *An tu.*)

3. Per effecta : *Philosophia est vitae dux, virtutis indagatrix, expultrix vitiorum, inventrix legum, magistra morum et disciplinae.* Tusc. 5, 2.

4. Per translationem, ut si adolescentiam *florem aetatis*, senectutem *occasum vitae* definire velis. Top. 7.

266. III. Usus definitionis est omnino multiplex; interdum necessarius, saepe utilis tum ad probandum tum ad movendum.

Quia usus.

1. *Necessarius*; nisi enim inter eos, qui disceptant, convenit, quid sit illud, de quo ambigitur, nec recte disseri, nec unquam ad exitum perveniri potest. Or. 22.

2. Ad docendum utilis est magis primus modus, qui proprie definitio dicitur, ad movendum reliqui.

Ut vero argumenta ex definitione derives, expende ejus verba singula.

Qui emanantur
argumenta.

Sic enim facile deprehendes, quid causae prosit, si modo hanc perspectam habeas; quinetiam totas orationis partes non raro definitio suppetat. — Exempla habes in iis, quae modo exposui. Praeterea expende seqq. : *Gloria est conscientis laus bonorum, incorrupta vox bene judicantium de eccellente virtute.* — *Lex est praescriptio rationis ad bonum commune ab* Tusc. 3, 2.

eo, qui praestit communitati, legitime promulgata; — traducas hanc definitionem in legem divinam. — Oratio est elevatio mentis ad Deum.

Quae elo-
cutio.

Or. 33.

267. Quoties e definitione argumentationem ducimus, definitio ipsa lucide et simpliciter enuntianda est, nec tamen tam presse et anguste, quam in illis eruditissimis disputationibus fieri solet, sed quum explicatius, tum etiam uberius, et ad commune iudicium popularemque intelligentiam accommodatius.

Pro Marc. 8.

Cur ita praecipitur, latius exponit Cicero, de or. 2, 25. Exemplum: *Quod si rerum tuarum immortalium, C. Caesar, hic exitus futurus fuit, ut, devictis adversariis, rempublicam in eo statu relinqueres, in quo nunc est; vide, quaeso, ne tua divina virtus admirationis plus sit habitura, quam gloriae; siquidem gloria est illustris ac pervagata multorum et magnorum, vel in suos cives, vel in patriam, vel in omne genus hominum, fama meritorum.*

Qui fiat am-
plificatio.

Amplificatio autem per definitionem fieri potest, vel multas conglobando vel unam copiose et ornate eloquendo.

S. Chrys.
Homil. in Eu-
trop.

1. Νῦν ἦν πάντα ἐκεῖνα, καὶ ἑνὰ, καὶ ἡμέρας γενομένης ἡφανίσθη· αὐτὴ ἦν ἐαρινὰ, καὶ παρελθόντος τοῦ ἔαρος, ἀπαντα κατεμαρύνθη· σκία ἦν, καὶ παρέδραμε· καπνὸς ἦν, καὶ διελύθη· πομφόλυγες ἦσαν, καὶ διερρήγησαν· ἀράχνη ἦν, καὶ διεσπάρθη. Διὰ ταύτην τὴν πνευματικὴν βῆσιν ἐπ' αὐτῷ συνεχῶς ἐπιλέγοντες· Ματαιιότης ματαιότητων καὶ πάντα ματαιότης.

Pro domo
sua. 23.

2. An tu populum Romanum esse illum putas, qui constat ex iis, qui mercede conducuntur? qui impelluntur, ut vim afferant magistratibus? ut obsideant senatum? optent quotidie caedem, incendia, rapinas? quem tu tamen populum, nisi tabernis clausis, frequentare non poteras: cui populo duces Lentidius, Lollius, Scergius praefecerat. O speciem dignitatemque populi Romani, quam reges, quam nationes exterae, quam gentes ultimae pertimescunt: multitudinem hominum ex servis, ex conductis, ex facinorosis, ex egentibus congregatam! Illa fuit pul-

chritudo populi Romani, illa forma, quam in campo vidisti tum, cum etiam tibi, contra senatus totiusque Italiae auctoritatem et studium, dicendi potestas fuit. Ille, ille populus est dominus regum, victor atque imperator omnium gentium, quem illo clarissimo die, scelerate, vidisti tum, cum omnes principes civitatis, omnes ordinum atque aetatum omnium, suffragium se, non de civitate, sed de civitatis salute ferre censebant: cum denique homines in campum, non tabernis, sed municipiis clausis, venerunt.

ART. II.

DE GENERE ET SPECIE.

268. A genere argumentum ducitur affirmando et negando: quod scilicet necessario est in genere, affirmari potest de specie et individuo; et quod repugnat generi, negari potest de specie et individuis. Argum. a genere.

1. *Artes liberales honestae sunt et utiles; ergo et poësis. Boni poëtae honorandi sunt; ergo etiam Archias.*

2. *Virtus cum impletate in Deum conjungi non potest; ergo nec prudentia nec fortitudo.*

269. Duplex hujus loci est usus, aut enim dicitur prius de genere, post de specie, vel re singulari; aut contra tractatio generis sequitur. Quis usus.

1. Prioris modi, qui est ad probandum magis accommodatus, exemplum habes in oratione pro Archia c. 6. et 7. Non raro etiam a genere exordium petitur, ut pro Sextio.

2. Altero modo, ad amplificandum aptiore, usus est Cicero de suppl. c. 58. *de avaritia magistratuum Romanorum.* Cl. c. 68. et pro Fontejo c. 6. *De testibus.*

Aliqua ratione omnes controversiae ad universi generis vim et naturam referuntur; advocare autem quaestionem a re proposita ad genus, nec semper utile, et cum circumspeditione faciendum est. Num usus frequens.

1. *Etsi incurrunt tempora et personae, tamen intelligendum* De or. 2, 31, 32.

est, non ex iis, sed ex genere quaestionis pendere causas. Accusatur aliquis, quod sumptuosus, quaerendum de luxuria; quod alieni appetens, de avaritia; quod seditiosus, de turbulentis et malis civibus; quod a multis arguitur, de genere testium.

2. Orationem tum proprie avocamus ad genus, cum relicta tantisper re proposita, in generali quaestione moramur. Hoc autem, cum ipsa quaestio a nobis assumpta generalis est, rarius agendum, ut si de avaritia, ad peccatum orationem revolvamus, de prudentia, ad virtutem etc. Sed a propriis personis et temporibus orator semper, si potest, advocat controversiam. Latius enim de genere, quam de parte disputare licet.

Quae servanda.

270. In traducenda autem oratione ad genus haec servanda sunt:

1. Ne assurgamus ad grandiore quaestionem in re tenui, tragoedias agentes in nugis.

2. Ne ita ad thesin avocemus orationem, ut de proprio argumento nihil aut paene nihil dicamus; ut si quis S. Stephanum laudaturus in communi martyrum laude totam orationem constituat.

Exemplum. Contra utrumque hoc praeceptum egit ille, in quem Martialis :

*Non de vi, neque caede, nec veneno,
Sed lis est mihi de tribus capellis;
Vicini queror has abesse furto;
Hoc iudex sibi postulat probari.
Tu Cannas Mithridaticumque bellum,
Et perjuriam Punici furoris,
Et Syllas Mariosque Mutiosque
Magna voce sonas manuque tota;
Jam dic, Posthume, de tribus capellis.*

3. Ne diutius in quaestione generali praesertim vulgari haereamus.

4. In omni usu huius loci maxime videndum, ut quae

in rem propriam ex genere deducimus, huic necessario convenient; alioquin nulla consequentia, et risu digna inanis amplificatio.

Sed tu mihi videbare ex communi infamia juventutis aliquam invidiam Coelio velle conflare. Facile est accusare luxuriam etc. Pro Coel. 12.

271. A specie duobus modis argumentum sumitur; aut enim ubi sit species, ibi et genus esse argumentamur, aut quae de genere dicenda sunt, in speciebus ostendimus. Argum. a specie.

1. Prius fit hoc modo: *In hac re justitia cernitur, ergo a virtute non est aliena.*

2. Alter modus ad enumerationem partium referri solet.

ART. III.

DE ENUMERATIONE PARTIUM.

272. Enumeratio partium est rei alicujus in suas partes distributio. Quid sit.

Partes hoc loco non eae tantum intelliguntur, quae ad rem unam efficiendam coalescunt, ut caput, manus, pedes sunt partes corporis; sed quaecumque modo aliquo in re aut notione generali continentur: ut varii ordines populi, anni vel vitae tempora, species, necessariae rei proprietates et notae, postremo res vel facta vel personae singulares, quae ad unum aliquod genus referuntur. cf. n. 46.

273. Enumerationis usus est duplex: alter ad probandum, ad movendum alter. Quis usus.

I. Argumentamur enumerando, si affirmatis partibus, affirmamus totum, vel negatis partibus, negamus totum. argumentandi.

1. Tullius probat, Pompejum esse summum imperatorem, omnes optimi imperatoris virtutes enumerando: *Ego enim sic existimo, in summo imperatore quatuor has res inesse oportere, scientiam rei militaris, virtutem, auctoritatem, felicitatem. Quis igitur hoc homine scientior unquam aut fuit aut esse debuit? etc.* Pro leg. Man. 10.

2. Negat idem populo Romano pacem esse cum Antonio posse, enumeratis ordinibus. Phil. 7. 5.

Num omnes
partes.
cf. Top. 8.

Plerumque distributione sic utendum est, nullam ut partem relinquo; at semper id servari nec debet nec potest.

1. Ita Tullius, ut affirmaret, Pompejum esse summum imperatorem, ex praecipuis virtutibus nullam poterat omittere; qui negasset, non debuisset nisi unam alteramve negare. Contra
Qt. 5, 10. saepe probanti satis est, unum habere, hoc modo : *Ut sit civis quis, aut natus sit oportet aut factus* : neganti utrumque tollendum est : *nec natus, nec factus est*. — Porro uter modus tenendus sit, rei consideratio ipsius facile docebit.

Top. 8. 2. Partium distributio saepe est infinitior, tanquam rivorum a fonte deductio. Itaque ars dicendi cum distribuenda est, nullam e quinque partibus omittes; at ornamenta quantum valeant in dicendo, satis erit in nonnullis ostendisse.

Amplificandi.

274. II. Ad amplificandum valet enumeratio, tum quod rem totam quasi evolvit et pandit, tum etiam quod eandem sententiam, accedente ex singulis partibus nova luce et vi, repetit.

De harusp.
resp. 15.

Tu meam domum religiosam facere potuisti? ecqua mente? quam amiseras; qua manu? qua disturbaras; qua voce? qua incendi jusseras; qua lege? quam ne in illa quidem impunitate tua scripseras; quo pulvinari? quod stupraras; quo simulacro? quod ereptum ex meretricis sepulcro in imperatoris monumento collocaras.

Vide alia pro lege Man. c. 11. post. red. ad Q. 1. in Pis. 27. Cat. 1, 7.

ART. IV.

DE NOTATIONE ET CONJUGATIS.

Quid notatio.
Top. 8.
De or. 2, 39.

275. Notatio est, cum ex vi nominis argumentum elicitur, ut:

Si consul est, qui consulit patriae, quid aliud fecit Optimus? vel : Si consul est, qui patriae consulit; ergo non Piso, qui eam evertit.

Eam autem vim habet notatio, ut interdum probationes, Quis usus.
saepe jocandi materiam praebeat.

1. Rerum vim nomina saepe optime declarant, ut illud ipsum *consul*, ut *senatus*, ut *philosophus*; personis autem nonnunquam nomen consilio sive humano sive etiam divino imponitur; itaque ex his argumentari licebit.

2. Jocorum tamen ex nomine frequens materia, qua Cicero in Verrem non semel est usus; ut : *Quam tu domum, quod fanum adisti, quod non cecersum atque ceterum reliqueris*; — et : *Negabant mirandum esse, jus tam nequam esse Verrinum*.

276. Conjugata dicuntur, quae sunt ex verbis generis ejusdem: ejusdem autem generis verba sunt, quae orta Quid conjugata.
Top. 2.
ab uno varie commutantur, ut *sapiens*, *sapienter*, *sapientia*.

Ex qua verborum conjugatione, ut figura (n. 54. 5.), sic etiam est argumentum : *Ingratus est injustusque cicis, qui armorum* Pro Mar. 32.
periculo liberatus animum tamen retinet armatum.

Homo sum, humani nihil a me alienum puto. Terent.

ART. V.

DE CAUSIS ET EFFECTIS.

277. I. Causa est, vi cujus aliquid fit, ut vulnus est Quid causa.
causa mortis, cruditas morbi.

Causarum genera sunt quatuor: causa efficiens, finis, forma, materia. Causa efficiens est, quae efficit, ut aliquid Quae genera.
ra.
existat.

1. Sic Deus est causa efficiens mundi; quare argumentaberis :
A Deo creata sunt omnia; omnia igitur ad eum referenda.

2. Multa proetereo consulto; sed ea vos conjectura perspicitis, Pro leg. Man.
quantum illud bellum futurum putatis, quod conjungant reges ^{9.}
potentissimi, renovent agitatae nationes, suscipiant integroe gentes, novus imperator vester accipiat, vetere pulso exercitu.

Finis est, cujus gratia aliquid fit.

Quonam igitur pacto probari potest, insidias Miloni fecisse Pro Mil. 12.

Clodium? Satis est quidem in illa tam audaci, tam nefaria bellua docere, magnam ei causam, magnam spem in Milonis morte propositam, magnas utilitates fuisse.

Materia dicitur, ex qua et in qua res sunt.

Ita marmor statuæ, corpus hominis materia est. Ab ea sic sumitur argumentum : *Corpus hominis mortale est, ab ejus igitur societate et contagione immortalis animus revocandus est.*

Forma est, qua res in suo statu constituitur, et ab aliis distinguitur.

1. Per formam igitur materia definitur, ut sit hæc res et non alia. Sic animus est hominis forma, sic statuæ forma est ea, quam artifex in marmore exprimit. *Ut signum marmoreum turpata forma corrumpitur, ita homo, etsi venustum corpus, turpificato animo foedus efficitur.*

De sign. 28. 2. Denique ex tribus simul causis Cicero laudat candelabrum, quo Verres regem Antiochum spoliavit : *Etenim erat eo splendore, qui ex clarissimis et plurimis gemmis esse debebat; ea varietate operum, ut ars certare videretur cum copia; ea magnitudine, ut intelligi posset, non ad hominum apparatus, sed ad amplissimi templi ornamentum esse factum.*

Quid de effectis.

278. II. Effecta vocantur, quæ sunt orta de causis; itaque totidem eorum sunt genera, quot causarum. — His autem in dicendo utimur, ut rerum, de quibus orta sunt, vim et naturam declaremus.

Top. 18.

Ut enim causa, quid sit effectum, sic quod effectum est, quæ fuerit causa, demonstrat. — Hic vero locus, qui suppeditare solet mirabilem copiam dicendi, ideo est populari inprimis eloquentiæ accommodatus, quod effectus notiores nobis, quam causæ esse solent, iidemque facilius ad sensus revocantur.

2. Ex effectis Tullius eloquentiæ dignitatem ostendit (n. 247.), voluptatem pestem esse generis humani, de Senect. 12. Idem in Antonium : *Doletis tres exercitus P. R. interfectos? interfecti Antonius. Desideratis clarissimos viros? eos quoque vobis eripuit Antonius. Auctoritas hujus ordinis afflicta est? afflixit Antonius.*

Phil. 2, 22.

Omnia denique, quae postea vidimus, (quid autem mali non vidimus?) si recte ratiocinabimur, uni accepta referemus Antonio.

Vide alia pro lege Man. c. 8. Verr. 1, 31. 4, 31.

279. In hujus loci usu servanda sunt tria: 1. ut inter effecta, quae narras, et causam, quam iis ostendere velis, et sit et appareat conjunctio: ubi notandum illud, quod dicitur: *post hoc, sed non propter hoc*; 2. ne enarrando effecta majoribus misceas leviora; haec enim illa infirmant; 3. ut ordinate disponas: disponuntur autem vel eodem, quo evenerunt, ordine, quod in factis fieri solet, vel a magnis ad majora progrediendo, quod argumentis moralibus congruit.

Quae servanda.

ART. VI.

DE ADJUNCTIS.

280. Adjuncta vocantur ea omnia, quae aliqua ratione cum re cohaerent, et eam quasi circumstant. — Horum quatuor sunt genera: personarum, rerum, locorum, temporum.

Quid sint.

Quae genera.
nora.
cf. Part. 10.

1. In *personis* h. e. in iis, a quibus vel per quos vel coram quibus res gesta est, consideratur genus, natio, patria, sexus, aetas, educatio, corporis habitus, fortuna, conditio, ingenium, mores, virtus, studia, propinqui, amici etc. etc.

2. In *rebus*; quid ante rem, quid cum re, quid post rem evenerit; quonam modo gesta sit, vi an arte, modeste an superbe, leniter an dure etc.

3. In *locis* autem illa naturalia, maritimi an remoti a mari; plani an montosi etc. et illa fortuita, culti an inculti; celebres an deserti; coaedificati an vasti etc.

4. In *temporibus* praesentia et praeterita et futura cernuntur; deinde, hiems, ver, aestas, autumnus; dies, nox; pacis, belli, indiciarum tempus, festi dies, sacrificia; ludi, spectacula.

Memoriae juvandae causa praecipua adjunctorum genera hoc vulgari versiculo fuere comprehensa :

Quis, quid, ubi, per quos, quoties (1), cur, quomodo, quando.

Ut vero intelligas, quam longe lateque pateat hic locus, percurrere singulas hujus versiculi quaestiones in quovis delicto, bello, vel etiam in morte, judicio extremo, in Christi nativitate vel passione.

Quid in
dicendo va-
leant.

Part. II.
Qt. 5, 10

281. Argumenta ab adjunctis nonnunquam per se certa sunt, sed plerumque tantum verisimilia. Haec autem partim singula movent suo pondere; partim, etiamsi videntur esse exigua per se, multum tamen, cum sunt coaccrvata vel addita aliis proficiunt. Plurimum autem valent adjuncta ad rem aliunde certam augendam vel minuendam.

Lit. 21, 43.

1. Satis certo argumento usus est Hannibal :

Dextra laetique duo maria claudunt. Nullam, ne ad effugium quidem, navem habemus. Contra Padus amnis, major ac violentior Rhodano; ab tergo Alpes urgent, rix integris vobis ac vigentibus transitae. Hic vincendum aut moriendum, milites, est.

2. Tullius pro Milone paene omnia ex hoc loco argumenta deprompsit : quae verisimilia et per se singula minus valida, unita tamen causam probabilem fecere.

3. Idem ab omnibus adjunctis mirifice auget ignominiam, quam Verre praetore populus Romanus a piratis suscepit, qui in portum Syracusarum penetraverant. De suppl. 37. 38.

Graviora
dignoscenda.

Semper autem refert plurimum, ex adjunctis causae quae sint graviora, ut dignoscas.

Neque enim, quae in re per se sunt praecipua, eadem semper in quaestione, quae tractanda nobis est, vim habent maximam, et ex his ipsis alia nobis, adversario alia prosunt. Itaque videndum, quae nobis sint amplificanda.

ART. VII.

DE ANTECEDENTIBUS ET CONSEQUENTIBUS.

Quid sint.

282. Antecedentia et consequentia dicuntur, quae cum re ita cohaerent, ut illa necessario antecedant, haec necessario consequantur.

(1) Alii dicant: *quibus auxilia.*

1. *Necessarius autem ille nexus non solum a legibus naturae est, ut dies sequitur diluculum, et noctem antecedit crepusculum, sed etiam a moribus et institutis hominum, ut : Consul est, ergo Praefor fuit; ortus est sol, ergo in campos agricolae exeunt. In quibus scilicet ea etiam reponuntur, quae communiter accidunt; quamquam non necessario.*

2. *Hoc autem inter antecedentia et causas interest, quod omnis causa utique prior est effectu, et proinde eum antecedit, sed non omne, quod rem necessario antecedit, ejus causa est; idem dicito de consequentibus et effectis. Ab adjunctis porro differunt, quod haec non semper eveniunt. Jam accipe exempla :*

1. *Saltatorem appellat L. Murenam Cato. Maledictum est, si vere objicitur, vehementis accusatoris; sin falso, maledici conviciatoris. Quare, cum ista sis auctoritate, non debes, M. Cato, arripere maledictum ex trivio, aut ex scurrarum aliquo convivio, neque temere consulem populi R. saltatorem vocare; sed conspiciere, quibus praeterca vitii affectum esse necesse sit eum, cui vere istud objici possit. Nemo enim fere saltat sobrius, nisi forte insanit; neque in solitudine, neque in convivio moderato atque honesto : tempestivi conviti, amoeni loci, multarum deliciarum comes est extrema saltatio. Tu mihi arripis id, quod necesse est omnium vitiorum esse postremum : relinquis illa, quibus remotis, hoc vitium omnino esse non potest; nullum turpe convivium, non amor, non comessatio, non libido, non sumptus ostenditur. Et cum ea non reperiantur, quae voluptatis nomen habent, quaeque vitiosa sunt; in quo ipsam luxuriam reperire non potes, in eo te umbram luxuriae reperturum putas?*

Pro Mur. 6.

2. *Quod si nondum satis cernitis, cum res ipsa tot, tam claris argumentis signisque luceat, pura mente atque integra Milonem, nullo scelere imbutum, nullo metu perterritum, nulla conscientia exanimatum, Romam revertisse; recordamini, per deos immortales! quae fuerit celeritas redditus ejus; qui ingressus in forum ardente curia; quae magnitudo animi, qui vultus, quae oratio..... Magna vis est conscientiae, iudices, et magna in utramque partem; ut neque timeant, qui nihil commiserint, et poenam semper ante oculos versari putent, qui peccarint. Neque vero sine*

Pro Mil. 23.

ratione certa causa Milonis semper a Senatu probata est. Videbant enim sapientissimi homines facti rationem, praesentiam animi, defensionis constantiam..... Quid? quae postea sunt in eum congesta, quae quemvis, etiam mediocrium delictorum consensu perculissent, ut sustinuit, dii immortales! sustinuit? immo vero ut contempsit, ac pro nihilo putavit, quae neque maximo animo nocens, neque innocens, nisi fortissimus vir, negligere potuisset.

ART. VIII.

DE COMPARATIONE.

Quid sit. 283. Comparatio est argumentum, quod ducitur ab alia re magis aut minus aut aeque probabili. Hinc triplicem comparisonem distinguunt: unam a majori ad minus, alteram a minori ad majus, tertiam a pari.

Majus igitur id dicitur, quod probabilius est; probabilius autem non tantum, quod verisimilius, sed etiam quod honestius, utilius, verbo quod magis convenit, et proinde magis probari debet.

A majori. I. Comparatio a majori ita concludit: Si quod magis probabile videtur, verum non est; certe neque illud, quod minus probabile est.

Pro Balbo 10. *Cum, pro sua patria, pauci, post genus hominum natum, reperti sint, qui nullis praemiis propositis vitam suam hostium telis objecerint: pro aliena republica quemquam fore pulvis, qui se opponit periculis, non modo nullo proposito praemio, sed etiam interdicto?*

Ita etiam argumentum pro domo sua c. 41. ad hanc comparisonem revocatur: *Domum meam ne homines quidem sceleratissimi concupierunt; ergo multo minus dii immortales.* Et pro Rosc. Amer. 45. *Jupiter non potest omnia mala avertere; ergo multo minus Sulla potuit.*

A minori. II. Comparatio a minori sic instituitur: Cum hoc, quod minus verisimile videatur, verum tamen sit; certe id, quod magis est verisimile, verum videri debet.

Si patria nos delectat, cujus rei tanta est vis ac tanta natura, ut Ithacam illam, in asperissimis saxulis tanquam nidulum affixam, sapientissimus vir immortalitati anteponeret; quo amore tandem inflammati esse debemus in ejusmodi patriam, quae una in omnibus terris domus est virtutis, imperii, dignitatis?

De or. 1, 44.

Cf. De suppl. 58. pro Balbo 23. *An lingua.* Pro Arch. 8. *Quis nostrum.* 9. *Ergo illi.*

III. Comparatio a pari fit, cum ex eo, quod non est magis probabile, et tamen verum esse conceditur, colligimus, alterum non minus probabile etiam concedendum esse.

A pari.

Neque vero, quid mihi irascere, intelligere possum. Si, quod cum defendo, quem tu accusas: cur tibi quoque ipsi non succenso, qui accusas eum, quem ego defendo? Inimicum, inquis, accuso meum: et amicum ego defendo meum.

Pro Sulla 17.

Cf. 3. Cat. 1. *Profecto quoniam.*

ART. IX.

DE SIMILITUDINE.

284. A rerum similitudine duplici modo argumentum sumitur: aut enim quod in una re verum sit, in altera simili concedendum esse dicimus; aut rei, quam tractamus, a similitudine alterius lucem inferimus.

Argumentum a similit.

Prius genus ad *comparationem a pari* referri potest: alterum etiam inter ornamenta ponitur (n. 93.); sed tamen non ornat modo, verum etiam probat et movet. Quoniam enim id, a quo simile ducitur, optime cognitum esse debet, et plerumque etiam sensibus usurpatur; ideo res, quam tractamus, cum eo composita, praeclare illuminatur. Atqui permulta et ea praesertim, quae ad vitam referuntur, cum primum percepta fuerint, vera esse intelliguntur. Unde similitudo, licet assentiendi necessitatem non afferat, affert tamen tacitum dissentiendi pudorem, ut:

Demosth.
Phil. 1.

Ὡςπερ οἱ βάρβαροι πυκτεύουσιν, οὕτω πολεμεῖτε Φιλίππῳ· καὶ γὰρ ἐκείνων ὁ πληγὴς αἰεὶ τῆς πληγῆς ἔχεται· κᾶν ἐτέρωσε πατάξῃ τις, ἐκεῖσε εἰσιν αἱ χεῖρες. — προβάλλεσθαι δ, ἢ βλέπειν ἐναντίον, οὐτ' οἶδεν, οὐτ' ἐθέλει· καὶ ὑμεῖς ἐὰν ἐν Χερρόνῳσι πύθῃσθε Φίλιππον, ἐκεῖσε βοηθεῖν ψηφίζεσθε, ἐὰν ἐν Πύλαις, ἐκεῖσε· ἐὰν ἄλλοθι πού, συμπαραθῆτε ἄνω καὶ κάτω, καὶ στρατηγήσῃτε μὲν ὑπ' ἐκείνου, βεβούλευσθε δ' οὐδὲν αὐτοῖς συμφέρον περὶ τοῦ πολέμου· οὐδὲ πρὸ τῶν πραγμάτων προορᾶτε οὐδὲν, πρὶν ἂν ἡ γεγεννημένον, ἢ γιγνόμενον τι πύθῃσθε.

S. Chrys.
In Orlam
serm. 3.

Καθάπερ ἑλαφός δεξαμένη βέλος ἐν καιρῷ τοῦ σώματος, κᾶν ἐκφύγῃ τῶν θηρατῶν τὰς χεῖρας, οὐδὲν κερδαίνει λοιπόν· οὕτω καὶ ψυχὴ δεξαμένη βέλος ἐπιθυμίας, εἰς ἀκολάστου καὶ περιέργου θεωρίας, κᾶν τὸ βέλος ἀφείσα ἀπέλθῃ (1), αὐτὴ διαρραίνεται καὶ ἀπόλυται, πανταχού τὸν πολέμου ἔρῳσα καὶ ἐπόμενον ἔχουσα.

A comparatione differt similitudo, quod illa spectat probabilitatem rerum, haec quamvis qualitatem, in qua res dispaes convenire possunt. Saepe tamen utriusque virtus conjungitur, ut :

S. Aug. de
Gen. 1. 16.

Si in alienius opifheis offseinam imperitus intraverit, videt ibi multa instrumenta, quorum causas ignorat, et si multum est insipiens, superflua putat. Jam vero si in fornacem incautus ceciderit, aut ferramento aliquo acuto, cum id male tractat, seipsum vulneraverit, etiam perniciose et noxia existimat ibi esse multa. Quorum tamen usum quoniam novit artifex, insipientiorem ejus irridet, et verba inepta non curans, offseinam suam constanter exereet. Et tamen tam stulti sunt homines, ut apud artificem hominem non pudeant vituperare, quae ignorant, sed cum ea viderint, credunt esse necessaria, et propter usus aliquos insituta : in hoc autem mundo, cujus conditor et administrator praedicatur Deus, audent multa reprehendere, quorum causas non vident, et in operibus, atque instrumentis omnipotentis artificis volunt se videri scire, quod nesciunt.

Quid de
fabula.

283. *Fabula quoque, cum sit quoddam similitudinis ge-*

(1) h. e. licet ad patrandum facinus non impellatur.

nus, eandem et saepe maiorem vim persuadendi habet, maxime apud rudiores.

Quare Fabius : Fabulae, ait, ducere animos solent, praecipue rusticorum et imperitorum, qui et simplicius, quae ficta sunt, audiunt, et capti voluptate facile iis, quibus delectantur, consentiunt. Siquidem et Menenius Agrippa plebem cum patribus in gratiam traditur reduxisse nota illa de membris humanis adversus ventrem discordantibus fabula.

s. 11.

Etsi remotis jocis et facetiis, quibus fabula solet liberius uti, sacer quoque orator apud simplicem plebem id blandimenti genus interdum usurpare possit, propria tamen generi sacro *parabola* est.

Quid in
eloq. sacra.

Parabolarum usus cum non experientia tantum, sed ipsius D. Salvatoris exemplo commendatus sit, mirum, quod usque adeo negligatur. Equidem aptas fingere parabolas difficile esse fateor; sed quid vetat, ex iis, quae apud probatos scriptores exstant, seligere? — Ceterum de fabulae et parabolae artificio plura in parte IV.

ART. X.

DE CONTRARIIS.

286. Contraria vel opposita dicuntur ea, quae in re eadem simul esse non possunt, ut pietas et impietas; vita et mors; pater et filius; amor et odium; amare et maledicere.

Quid sint.

Triplici modo a contrariis argumentamur: vel enim affirmato uno, alterum negamus, vel contra uno negato, affirmamus alterum, vel denique ex re contraria contrarium colligimus.

Quis uno
argumentan-
di.

1. Primus modus in omni genere contrariorum adhiberi potest, ut : *Roscius patrem amavit; ergo non occidit. Verres avaritia, luxuria, crudelitate provinciam neglexit et commovit; ergo non defendit et sedavit.*

2. Alter modus non in omnibus; multa enim contraria, quamvis simul vera esse non possint, possunt tamen simul falsa esse; itaque illud quidem recte : *Iustus non es; ergo injustus; male autem : non occidit patrem, ergo amavit.*

3. Tertius modus etiam ut locus proprius ponitur, et *dissimilitudo* appellatur. Eo utimur, dum contrariorum contrarias esse causas, effectus etc. contendimus, ut :

Tusc. 5, 17. *Quid? cum fatentur satis magnam vim esse in vitiis ad miseram vitam, nonne fatendum est, eandem vim in virtute esse ad beatam vitam? Contrariorum enim contraria sunt consequentia.*

vel dum fieri posse negamus, ut res eadem homines plane dissimiles sive deceat sive juvet, v. g.

De or. 2, 40. *Si barbarorum est in diem vivere, nostra consilia sempiternum tempus spectare debent.*

Vide pro Mur. 39. ubi Cicero arguit : *Catilina cum nefariis sociis Murenam condemnaret; ergo iudices, honesti et sapientes viri, eundem absolvere debent.* Et Demosthenes de Chers. non ita multo post exordium : *Si Philippus interrogaretur, solvendum esse exercitum Diopithis responderet; ergo hoc idem Atheniensibus pessime suadetur.*

et amplificatione In amplificatione autem contrariis utimur, vehementi quodam orationis genere ea, quae inter se pugnant, componendo.

Ut enim colores maxime notantur, cum ad eos, a quibus ipso genere longissime distant, proxime admoti fuerint; sic res quaevis cum contrariis composita, illustrius demonstratur. Hoc igitur loco antithetis utimur.

Pro Rab. 4. *Popularis vero tribunus plebs, custos defensorque juris et libertatis! Porcia lex virgas ab omnium civium romanorum corpore amovit : hic misericors flagella retulit. Porcia lex libertatem civium licitori eripuit : Labienus, homo popularis, carnifici tradidit. C. Gracchus legem tulit, ne de capite civium romanorum in jussu vestro judicaretur : hic popularis a duumviris, in jussu vestro, non judicari de cive romano, sed indicta causa civem romanum capitis condemnari coegit.*

Vide alia exempla Cat. 2, 11. In Pis. 1. De sign. 32. 33. 35. De suppl. 32. 37. 47.

CAPUT IV.

DE LOCIS EXTRINSECIS.

287. Ex locis extrinsecis alii sunt omni eloquentiae communes, alii variis generibus proprii: communes sunt testimonia et exempla; proprii, qui vel eloquentiae sacrae, ut Scriptura et Patres, vel civili eloquentiae potissimum serviunt, ut leges, testes, tabulae etc.

Nunc ergo de communibus agemus, de propriis postea loco dicturi.

ART. I.

DE TESTIMONIIS.



288. Testimonia sunt effata virorum, qui auctoritate sua ad assentiendum movent; quare etiam auctoritates dicuntur.

Quid sint
Qt. 5, 11.

Genera testimoniorum duo sunt: divina et humana.

I. *Divina* utique ex sacris litteris sumuntur.

Divina.

Ut ergo veteres suis illis vanis oraculis, auspiciis, responsis sacerdotum aliisque similibus in civili eloquentia usi sunt; sic nos multo minus verebimur, in profana etiam oratione divina auctoritate tam certa et explorata niti. Quamquam in omni profana eloquentia haec nec tam saepe, nec tam diffuse et subtiliter, quam in sacra concione, tractari debent. Plura de iis in lib. 4.

Part. 2.

289. II. *Humana* vel clarorum virorum auctoritate vel communi quodam hominum sensu nituntur. In illis videndum est, ut is, cujus effatum proferimus, in eo maximo genere sit clarus, in quo versatur oratio nostra, et apud eos auctoritate valeat, apud quos dicimus.

Humana.

1. Cicero Demosthenis auctoritate probat, primas in dicendo *actioni* esse tribuendas (n. 394.); item quid de baruspice sentiendum sit, Catonis effato ostendit (n. 28.); in illis autem eruditis disputationibus Platonis et Aristotelis sententiis frequentissime usus est. — Fabius vero: Tum illa, ait, septem praecepta sapientum, nonne quasdam vitae leges existimamus?

5, 11.

2. Proderit saepe paucis verbis auctorem commendare, ut :

Atque ille quidem princeps ingenii et doctrinae, Plato, tum denique fore beatas respublicas putavit, si aut docti aut sapientes homines eas regere coepissent; aut il, qui regerent, omnes suum studium in doctrina et sapientia collocassent.

Quid sensus communis,

290. III. Sensum communem voco, quo inter omnes homines de rebus nonnullis convenit. Ad hunc autem pertinent primum naturalia quaedam iudicia, ad quae omnes sua sponte h. e. sine doctrina et ratiocinatione impelluntur.

1. Quale est hoc Ciceronis :

Pro Mil. 4. *Est igitur haec, iudices, non scripta, sed nata lex, quam non didicimus, accepimus, legimus; verum ex natura ipsa arripimus, hausimus, expressimus, ad quam non docti, sed facti, non instituti, sed imbuti sumus : ut, si vita nostra in aliquas insidias, si in vim, si in tela aut latronum aut inimicorum incidisset, omnis honesta ratio esset expediendae salutis.*

2. Ejusmodi autem iudicia non tam hominum auctoritati, quam ipsi innituntur naturae. v. n. 9.

Quid pro-
verbia.
Qt. 5, 11.

291. IV. Sed ne haec quidem vulgo dicta et recepta persuasionem populari sine usu fuerint testimonia.

Ea intellige, quae *proverbia* dicuntur, qualia sunt : *Ibi amici, ubi opes. Conscientia mille testes. Pares cum paribus facillime congregantur.* Quibus ad persuadendum magna est vis, quod non causis accommodata, sed liberis odio et gratia mentibus ideo tantum dicta factaque sunt, quia aut honestissima aut verissima videbantur, neque haec durassent in aeternum, nisi vera omnibus viderentur.

Qui refuta-
nda.

292. V. Adversa nobis auctoritas quatuor modis infringi potest : negando consequentiam ; opponendo aliam auctoritatem ; rem ad rationem revocando ; impugnando ipsum testimonium.

1. Cum negamus, ex testimonio quidquam recte adversus rem nostram colligi, bellissime cadit, si illud etiam in adversarium retorquere possumus.

2. Si auctoritati auctoritatem opponimus, curandum, ut haec illi, si minus superior, saltem aequalis sit.

3. Missis auctoritatibus ipsa ratione exquirere veritatem, fere non convenit, nisi contraria auctoritate, quoquo id fiat modo, aliquantum extenuata.

4. Impugnandi testimonia non est melior ratio, quam si auctores sibi ipsos contradicere ostenderimus.

Tres hos modos posteriores adhibet Tullius contra Hortensium et Catulum pro lege Man. c. 17-24.

ART. II.

DE EXEMPLIS

293. Exemplum definitur rei gestae utilis ad persuadendum commemoratio. Quid sit.

Vis persuadendi exemplis inest vel propter solam cum re nostra similitudinem aut dissimilitudinem, vel ad hanc accedit eorum, quorum facta referimus, auctoritas. Unde vis persuadendi.

1. Prius genus ad locos insitos revocatur; quare etiam veteres saepe non gesta tantum, sed quaevis comparata, similia et contraria *exempla* (παράδειγματα) dixerunt.

2. De posteriore genere, quod proprium est huic loco, Tullius: Commemoratio antiquitatis exemplorumque prolatio summa cum delectatione et auctoritatem orationi affert et fidem. Or. 34.

Non solum autem viri cujusque clarissimi, sed populorum etiam et maxime majorum acta et judicia cum fructu commemorantur. Quorum adhibenda.

1. An vero, inquit Fabius, me de incommodis vitae disserentem non adjuvabit earum persuasio nationum, quae fletibus natos, laetitia defunctos prosequuntur? Aut si misericordiam commendabo judici, nihil proderit, quod prudentissima civitas Atheniensium non eam pro affectu, sed pro numine accepit? 3, 11.

2. De majoribus vide nobilissimum locum apud Demosthenem: Olynth. 3. post meam diem.

Καίτοι σκέψασθε, ὃ ἄνδρες Ἀθηναῖοι, ἂν τις ἄν κεφάλαια εἰπεῖν ἔχοι, τῶν τ' ἐπὶ τῶν προγόνων ἔργων, καὶ τῶν ἐφ' ὑμῶν. ἔσται δὲ βραχύς καὶ ἡνδρὶμος ὑμῖν ὁ λόγος. οὐ γὰρ ἀλλοτρίως ὑμῖν χρωμέ-
νοι παραδείγμασιν, ἀλλ' οἰκείοις, ὧς ἄνδρες Ἀθηναῖοι, εὐδαίμοσιν
ἔξεσσι γενέσθαι, κ. τ. α.

Quil tra- 294. Tractantur exempla, ut comparationes et contraria;
ctanda. saepe etiam conglobantur.

Cat. 1, 1. 1. Comparatio a minori : *An vero vir amplissimus, P. Scipio, Pont. Max., Tibrium Gracchum, medlocriter labefactantem statum reipublicae, praeatus interfecit; Catilinam orbem terrarum eacde atque incendio vastare cupientem, nos consules perfe-*
remus?

Cf. pro lege Man. c. 5. *Majores vestri.*

2. A majori : Multa Cicero in hanc sententiam :

Syracusas captas non spoliavit Marcellus victor : spoliavit Verres Praetor missus ad jus dicendum.

Vide de signis c. 52. et seqq.

Pro Mar. 31. 3. A pari : *Hujuscemodi Scipio ille fuit, quem non poenitebat facere idem, quod tu, Cato; habere eruditissimum hominem et paene divinum domi, cujus oratione et praeceptis, quamquam erant eadem ista, quae te delectant (Stoicorum scilicet), tamen asperior non est factus, sed, ut accepi a senibus, lenissimus.*

4. Opponit Cicero Scipioni Verrem :

De sign. 35. *Quam dissimilis hic dies illi tempori videbatur? tum imperator populi romani, vir clarissimus, deos patrios reportabat Segestanis, ex urbe hostium recuperatos : nunc ex urbe sociorum, praetor ejusdem populi turpissimus atque impurissimus, eosdem illos deos nefario scelere auferbat.*

5. Conglobantur : pro Mil. c. 3. in Cat. 1, 1. et 2. de se-
nect. c. 20. Parad. 1.

Quomodo 295. Quaedam autem tota narrabimus, quaedam signi-
eloquenda. ficare satis erit; prout scilicet nota erunt, vel utilitas cau-
q. 3, 11. sae aut decor postulabit.

Pro Mil. 3. *Neque enim posset aut Ahata ille Servilius aut P. Nasica aut*

L. Optimius aut C. Marius aut, me consule, senatus non nefarius haberi, si scelcratos cives interfici nefas esset.

2. *Pudicitiam cum eriperet militi tribunus militaris in exercitu C. Marii, propinquus ejus imperatoris interfectus ab eo est, cui vim afferebat. Facere enim probus adolescens periculose, quam perpeti turpiter maluit. Atque hunc ille summus vir scelere solutum periculo liberavit.*

Ibid. 4.

Schol. Nonnulli praeter insitos et remotos tertium genus locorum ponunt, quos *morales* vocant. Honestum scilicet, gloriosum, utile, necessarium, facile, jucundum. Non sine fructu orator, cum quaerit argumenta, haec mente revolvat; saepe etiam ad ea velut ad summa capita probationes revocare poterit; sed non est, cur de iis seorsum praecipiat. Quid enim omnino in vita honestum sit vel utile etc., non est bujus disciplinae tradere; rem autem, quae disceptatur, honestam aut turpem esse, necessariam aut inutilem etc., argumenta, ex iis ipsis locis, quos hactenus exposui, ducta ostendere debebunt.

CAPUT V.

DE USU LOCORUM.

296. Licet haec, quam exposuimus, locorum doctrina ad inveniendum sit perutilis, non ea tamen per se sola sufficit, nisi ingenium quis usu ac litteris excultum, et acrem quandam diligentiam afferat. Quae utilis-
tas.

1. Utilis est, non discentibus modo, ut exerceant ingenium, sed oratori quoque ipsi, ut dicendi copia abundet. Illis enim locis in mente et cogitatione defixis, et in omni re ad dicendum posita excitatis, nihil erit, quod oratorem fugere possit, non modo in forensibus disceptationibus, sed omnino in ullo genere dicendi.

De or. 2, 41.

2. Cum ad inveniendum in dicendo tria sint, acumen, deinde ratio (i. e. ars), tertium diligentia; non possum equidem non ingenio primas concedere; sed subacto mihi ingenio opus est, ut agro non semel arato, sed novato et iterato, quo meliores foetus possit et grandiores edere: subactio autem est usus,

Ibid. 30, 35.

auditio, lectio, litterae. Ipsum vero ingenium diligentia etiam ex tarditate excitat; diligentia, inquam, cum omnibus in rebus, tum in causis defendendis plurimum valet.

Quid ad
usum neces-
sarium.

297. Ut vero apta ex locis argumenta invenias, perspexeris, et mente teneas necesse est, quid maxime in causa sit probandum. (n. 254.)

Qt. 5, 10.

Nam ut tela supervacanea sunt nescienti, quid petat; sic argumenta, nisi praevideris, cui rei adhibenda sint.

Quibus locis
utendum.
Top. 21.

Intelligendum porro est, nec ullam esse disputationem, in quam non aliquis locus incurrat, nec fere omnes locos incidere in omnem quaestionem, et quibusdam quaestionibus alios, quibusdam esse alios aptiores locos.

Qt. 5, 10.

Itaque cum proposita fuerit materia dicendi, iis quidem, qui discunt et adhuc usu carent, scrutandi sunt singuli; expertos autem et animi quaedam ingenita natura et studio exercitata velocitas recta ad ea, quae conveniunt, feret. Nam et hoc exercitatione multa consequendum, ut varietas argumentorum et copia quasi offerat se et occurrat, et ut litterae syllabaeque scribentium cogitationem non exigunt, sic rationes sponte quaedam sequantur.

Selectus
argum.
Or. 15

298. Superest id, quod maximum est, ne utaris imprudenter hac copia, sed omnia expendas et seligas.

Nihil enim est feracius ingeniis, iis praesertim, quae disciplinis exulta sunt. Sed ut segetes secundae et uberes non solum fruges, verum herbas etiam effundunt inimicissimas frugibus; sic interdum ex illis locis aut levia quaedam aut causis aliena aut non utilia gignuntur; quorum ab oratoris iudicio delectus magnus adhibebitur.

Quae rej-
cienda.

Haec igitur levia, a causis aliena et vitiosa semper rejicienda sunt.

I. Levia nisi orator contemserit, contemnet auditor, causamque suspectam habebit, quam viderit infirmis praesidiis muniri.

2. Occurrunt non raro speciosa quaedam et splendida, sed quae ad id, quod quaeritur, nihil valent; in haec se effundere, ejusmodi est, quem ridet poeta: Jam dic, Posthume, de tribus capellis (n. 270.). Nihilominus Quintilianus: Plerique, ait, eloquentiae famam affectantes contenti sunt locis speciosis modo, vel nihil ad probationem conferentibus. 7, 1.

3. Vitiosa dico non illa modo, quae nihil habent boni, sed ea, quae, etiamsi quid habeant adjumenti, sunt tamen ejusmodi, ut insit in iis aliquid vitii, neque tanti sit illud, quod prodesse videatur, ut cum aliquo malo conjungatur. — Huc pertinent, quae vel infirmari aliqua ex parte possunt, vel subtilem diffusamque tractationem requirunt; vel denique ingrata audienti, aut minus apta sunt oratoris aetati, conditioni, facultati. Cf. de or. 2, 76.

Sed ipsa etiam utilia atque firma, si, ut saepe fit, valde multa sunt, aut aliis gravioribus consimilia, secerni arbitrator oportere, atque ex oratione removeri. Equidem cum colligo argumenta causarum; non tam ea numerare soleo, quam expendere. Ea autem sunt inter bona optima putanda, quae auditorem proxime tangunt, ejusque opinioni animo, conditioni, aetati, praesenti statui, temporibus sunt accommodatissima, verbo propria et tempestiva. Ex h. enis seligenda. Cito, ibid.

LIBER SECUNDUS.

DE DISPOSITIONE.

299. Dispositio est rerum inventarum in ordinem distributio. Ejus ratio duplex est, altera, quam affert natura causarum, (naturalis,) altera, quae oratorum judicio et prudentia comparatur, (artificiosa). Quid sit. De or. 2, 76.

Naturalis dispositio in eo sita est, quod universa oratio has fere in partes dividitur: exordium, narrationem, confirmationem, perorationem. Quae naturalis.

Nam ut aliquid ante rem dicamus, deinde ut rem exponamus, post ut eam probemus nostris praesidiis confirmandis, Ibid.

contrariis refutandis, atque ita peroremus, hoc dicendi genus natura ipsa praescribit.

Equae alias
partes.
cf. Q. 3, 9.

His orationis partibus alii alias addiderunt : propositionem, partitionem; confutationem et ipsam etiam digressionem. Quae si partes orationis sunt, id certe commune habent, quod non sunt in omni oratione necessariae.

1. Propositio et partitio, nisi conceptis verbis declarantur, partes orationis utique non sunt; contingit autem, ut eas declarari non expediat. Sed etiamsi declarantur, nonnulli tamen utramque malunt ad narrationem vel exordium revocare. Refutationem quoque multi, ut Cicero in loco, quem attuli, confirmationi subjiciunt; qui multo minus digressionem inter orationis partes numerari probant, eo quod sit potius adjumentum vel ornamentum aliarum partium, haud secus atque similitudo, exemplum et cetera hujusmodi.

2. Sed fieri potest, ut neque ulla sit expositio rerum, quae narratio dicitur, praemittenda; quare orationis partes semper necessariae non nisi tres sunt : exordium, confirmatio, peroratio.

Artificium
disponendi.

Itaque artificium *disponendi* tribus in rebus cernitur : primum statuet orator, num partibus iis, quae non semper sunt necessariae, uti velit, et quo eas loco pertractare; deinde qua ratione per omnes partes res inventas dispenset; postremo, quomodo in ipsis partibus dicenda componat.

Hoc ut facere possit, vis et ratio singularum partium jam cognoscendae sunt accuratius. De quibus tamen hoc in libro ea quoque tradi solent, quae ad ipsam dispositionem non pertinent.

Quid valeat.
De or. 2, 42.

Res quidem ista, dispositionem dico, tantum potest in dicendo, ut ad vincendum nulla plus possit.

7, 1.

Ostendit hoc Fabius similitudine aedificii, corporis humani, exercitus instructi. Ac certe, inquit, oratio, carens hac virtute, tumultuetur necesse est, et sine rectore fluitet, nec cohaereat sibi, multa repetat, multa transeat, velut nocte in ignotis locis errans, nec initio nec fine proposito, casum potius quam consilium sequatur.

CAPUT I.

DE EXORDIO.

(De or. 2, 78. 79. De inv. 1, 15. 19. Part. 8. Qt. 4, 1.)

300. Exordium est prima orationis pars, animum auditoris idonee comparans ad reliquam dictionem.

Quid sit.
De inv.

De eo quaeruntur quatuor : quod sit ejus officium, quae genera, qui fontes, quae virtutes et vitia.

ART. I.

DE OFFICIO EXORDII.

301. Officium exordii est, quod definitio indicat, ut scilicet auditorem, quo sit nobis in ceteris partibus accommodatior, praeparet; id quod tribus maxime rebus consequimur, si benevolum, attentum, docilem fecerimus.

Quaedam
sit.
Qt.

Non quia ista non per totam actionem sint custodienda, sed quia initiis praecipue necessaria, per quae in animum auditoris, ut procedere ultra possimus, admittimur.

Id. cf. de
or. 2, 19.

I. Benevolentia conciliatur maxime a personis tum nostris tum audientium, ab adversarii quoque et illius, cuius causa agitur.

Benevolentia

A nostris. Plurimum ad omnia momenti est in hoc positum, si orator vir bonus creditur. Ad hoc autem ipsa conferre potest oratio, si honesta de causa nos ad dicendum accessisse ostendimus; si dicendi ratio animi candorem, fidem, modestiam, probitatem et benevolentiam exprimat.

a personis
nostris.
Qt. cf. de or.
2, 43.

Multi cum justissimam causam defendant, suspectam faciunt, arte et sollicitudine prodenda. — Illud autem vitandum maxime, ne contumeliosi, maligni, superbi, maledici videamur, praecipue in eos, qui laedi, nisi adversa audientium voluntate, non possunt.

Sua ipsius quoque merita commemorare orator, cum causa postulare videatur, aliquando poterit, parce tamen et sine arrogantia.

1. Cicero hoc aptissime facit, cum exponit, qua de causa vel quo animi affectu ad agendum veniat; vid. or. pro Arch. pro Mil. pro Sext. pro Rab.

2. Decet etiam, cum ingrata vel dura dicturi sumus, ostendere, quo semper animo erga audientes fuerimus, ut Cic. de leg. agr. 2. et sublimi quodam modo in 4. Catilinaria. Sed hic quidem modus nulli nisi gravissimo viro convenit.

Ab audientium.

A personis audientium: si eos a nobis magni fieri vel ipso genere orationis vel modesta ipsorum laude ostendimus.

1. Tum maxime, cum audientes reprehensuri sumus, cavendum est, ne eos vilipendere videamur.

Qt.

2. Laus auditoris ad causae utilitatem jungatur, ut cum dicimus, nos ab ipsorum sapientia, fide, justitia aut aliis virtutibus optima quaeque pro causa nostra sperare. v. pro Mil.

Ab rei.

A persona illius, pro quo dicitur: si ejus vel merita et virtutes commendamus, vel inopiam et calamitatem conquerimur.

Vide pro Rosc. Amer.

Ab adversariis.

Ab adversariorum personis: si vel vitia eorum reprehendimus vel gratiam et eloquentiam extollimus.

1. Prudenter Cicero, Muraenam contra Catonem defendens, non hunc, sed sectam Stoicorum, cui se Cato addixerat, irridere coepit.

2. Alterum facit pro Quintio dicturus:

Quae res in civitate duae plurimum possunt, haec contra nos ambac faciunt hoc tempore, summa gratia et eloquentia, quarum alteram, C. Aquili, vereor, alteram metuo.

Attentio. Part.

302. II. Ut attente audiamur, trium rerum aliqua consequemur. Nam aut magna quaedam proponemus, aut necessaria aut conjuncta cum ipsis, apud quos res agitur.

1. Neque vero facile promittamus magna, sed cum res magna est, magnitudinem ipsam ostendamus.

2. Necessitas excusat rei humilitatem et tenuitatem, ut :

Parvis de rebus, sed fortasse necessariis consulimur P. C. de appia via et de moneta. Phil. 7.

3. Tertium utique potentissimum, cum scilicet is, qui audit, aut sua vice aut reipublicae commovetur. — Id quidem in re ipsa situm est, sed eam necesse est ita exponamus, ut ejus vel utilitas vel gravitas intelligatur. Vide pro domo sua; pro Quint.

Juvabit etiam, si orator, se breviter et dilucide dicturum pollicetur; si attentionem modeste petit; sed omnium maxime, si ipso dicendi genere animos commovet et exitat.

303. III. Facillime auditor discit, et quid agatur, intelligit, si complectare a principio genus naturamque causae, si definias, si dividas, si neque prudentiam ejus impediās confusione partium, nec memoriam multitudine. Docilitas. Part.

Haec igitur narratione, propositione et partitione facimus, de quibus deinceps plura. Ceterum liquet, docilem hoc loco dici, qui facile, non, qui libenter discit.

Ceterum in his tribus non semper aequè laborandum : sed aliud in alio genere causae magis desiderari palam est. Num tria haec aequè necessaria. Ql. De inv.

Si causa est ejusmodi, cui statim sine oratione nostra auditoris favet animus, vel praeteriri principium poterit, (Cic. Phil. 6. Demosth. Phil. 1.); vel si eo uti placebit, benevolentiae partibus utendum est, (pro lege Man.). Si contra a re, quam obtinere volumus, alienatus est animus eorum, qui audiunt, praecipua quadam cura insinuare se oratio debet, (pro lege agr. 2.). Si quod probandum assumimus, dubium videri, vel in utramque partem, id est, ad benevolentiam et offensionem, accipi potest; benevolentia, (pro Mil.) : — si vero tale est, quod ab auditore non magnopere attendendum videtur, attentio : — denique si aut tardi auditores sunt, vel difficilioribus ad cognoscendum negotiis causa implicita est, docilitas maxime paranda est.

Schol. Quinque, quae distinxisimus, causarum genera Latini appellaverunt : *honestum*, *admirabile* (i. e. praeter hominum opinionem constitutum), *anceps*, *humile*, *obscurum*; magis proprie Graeci : ἐνδεξεν, παρδεξεν, ἀμπίδεξεν, ἄδεξεν, δυσπαρεκλεύθηεν.

ART. II.

DE VARIIS EXORDIORUM GENERIBUS.

Quaenam sint. 304. Exordii genera duo sunt: alterum temperatum, quod et legitimum vocatur; vehemens alterum, quod ex abrupto fieri dicitur.

Legitimum. I. Legitimum est, quod leniora habet principia, et ea, quae ad parandum auditorem pertinent, sedato quodam dicendi genere pertractat.

De or. Hoc nonnulli dividunt in simplex, insinuans et solemne. Omne, ait Cicero, principium aut rei totius, quae agitur, significationem habere debet, aut aditum ad causam et munitionem, aut quoddam ornamentum et dignitatem.

Quid insinatio. Insinuatio est oratio quadam dissimulatione et circuitione obscure subiens auditoris animum. Quando fieri debeat, jam monstravi (n. 303.), si quaeras, quomodo, singulis causis consilium ex propria ratione nascetur. Illud in universum praeceptum sit, ut ab iis, quae laedunt, ad ea, quae prosunt, refugiamus.

Itaque dissimulatis paulisper iis, quae ingrata audientibus sunt, ab iis orationem inchoamus, quae placent; donec pertractatis jam et lenitis animis ad propositum delabi tuto possumus. Exemplum habes de lege agr. 1.

Ex abrupto. 305. II. Ex abrupto fit exordium, cum orator quodam quasi impetu abreptus audientes repentino et inopinato motu perccllit. — Usurpatur igitur in gratulatione summa vel summa offensione, denique in gravissima quavis et subitanea rerum commutatione.

Vide Catil. 1. et 2. et S. Chrys. in Eutrop. et serm. in Pasch. de lud. circens.

Videndum est, primum ne facilius hoc genere utamur, Quae in eo servanda.
deinde ut in ipsa dictione dignitatis simus et sapientiae memores.

1. Neque enim dubium est, quin exordium dicendi vehemens De or.
et pugnax non saepe esse debeat.

2. Impotentius orator nunquam, minime vero in principio, agere debet; nec transire abrupto ad causae probationem, nec tamen his motibus diutius inhaerere.

ART. III.

DE FONTIBUS EXORDIORUM.

306. Praecipui exordiorum fontes sunt quatuor: ipsa Quis sint.
argumenta causae, adjuncta, rei expositio, illustrationes.

I. Primum igitur sumuntur principia ab ipsis argumen- A visceribus causae.
tis, et maxime ab iis, quae ad animorum motus confi- De or.
ciendos inerunt in causa.

1. Haec quidem exordia, quae a *visceribus causae* appellari solent, ceteris fere praestant, quod et causae aptissime cohaerent, et quaedam quasi semina continent probationum motuumque.

2. Hos vero locos totos in principio explicari non oportebit, Ibid.
sed tantum impelli primo audientem leviter, ut jam inclinato reliqua incumbat oratio.

II. Sequuntur principia, quae ab adjunctis personarum, Ab adjunctis.
locorum et temporum ducuntur.

Quo genere frequentissime Tullius est usus, propterea quod saepe, maxime in quaestione finita, conjunctum est cum priori. Vide pro Mil. pro rege Dejot. pro leg. Man. pro Sext. pro Coelio, pro Archia. etc.

III. Exordia, quae nihil fere habent, quam simplicem A rei expositione.
rei expositionem, in genere deliberativo, et generatim, cum jam benevolus et attentus est, qui audit, usurpantur.

Vide Cic. Philippicas paene omnes, et plerasque orationes

Demosth. Pro Ligario autem dicens Cicero hoc genere usus est; quidquid ad benevolentiam captandam pertinet ideo omittens, ut eam paulo post novo quodam et mirabili artificio pararet.

Illustrationes.

IV. Illustrationes dicuntur sententia, exemplum, similitudo, parabola, et alia hujusmodi, a quibus cum delectatione audientium ordimur. Videndum, ut quaestioni sint aptissima.

ART. IV.

DE VIRTUTIBUS EXORDII

Quae sint. 307. Virtutes exordii sunt proprietates, cura, verecundia, brevitates.

Proprium. I. Proprium erit exordium, quod ex ipsa re effluerit, et in eam solum causam, quae tum agitur, accommodatum videatur. Hinc vitia sunt exordiorum: vulgare, commune, commutabile et separatum.

De inv. Ql. *Vulgare* est, quod in plures causas accommodari potest. Hoc tamen aliquando non inutiliter assumitur, magnis saepe oratoribus non evitatum. *Commune* est, quo et adversarius uti potest. *Commutabile*, quod leviter mutatum in suam utilitatem adversarius deflectere potest. *Separatum* quod causae non cohaeret. —

De or. Connexum autem ita sit principium consequenti orationi, ut non tanquam citharoedi prooemium affictum aliquod, sed cohaerens cum omni corpore membrum esse videatur.

Cura. 308. II. Cura in hoc ponenda est, ut verba et sententiae bene sint lectae, et naturali quadam dicendi gratia proferantur.

De or. Prima est enim quasi cognitio et commendatio oratoris in principio, quae continet eum, qui audit, permulcere atque allicere debet. Et contemni se, nisi in oratore diligentia appareat, auditor credit.

Quae vitanda.
Qt.

Vitanda autem in hac cura sunt duo: primum ornamenti ne utamur audacius; deinde ne ostentetur cura; quia videtur ars omnis dicentis contra auditorem adhiberi.

1. Ne quod insolens verbum, ne audacius translatum, ne aut ab obsoleta vetustate aut poetica licentia sumptum in principio depreheodatur; magis conciliatis animis et jam calentibus, haec libertas feretur.

2. Est difficilis hujus rei moderatio, quae tamen temperari ita potest, ut videamur accurate, non callide dicere.

309. III. Verecundia in hoc sita est, ut orator potius ingenuum quendam pudorem, quam securitatem nimiam prae se ferat. Verecundia.
De or. 1, 26.

1. Nam securitas ab arrogantia proxime abest; moderatus vero ille timor modestiam significat, modestiam, quae etiam in causa non dubitabili ex sentiis et compositione et voce et vultu elucere debet. cf. Qt.

2. Illud tamen diligenter cavendum, ne timor hic abeat in puerilem trepidationem. Turbari enim memoria vel continuandi verba facultate destitui, nusquam turpius: pessimus certe gubernator, qui navem, dum portum egreditur, impegit. Qt.

310. IV. Si jam de brevitate quaeritur, quamquam modus principii pro causa, tamen recte inter vitia maxime communia longitudo exordii numeratur. Brevitas.
Qt.

1. Oportet ut aedibus et templis vestibula et aditus, sic causis principia proportionem rerum praeponere. Itaque in parvis atque infrequentibus causis ab ipsa re est exordiri saepe commodius. Ac generatim brevius simplices, longius perplexae suspectaeque desiderant. De or.

Qt.

2. Immodica longitudo saepe inde oritur, quod argumenta exponuntur fusius, quam hic locus desiderat; saepius, quod per ambages et circuitus ad causam pervenire laborant. — In adolescentium quidem orationibus saepe omnia praecedenda sunt, quae cum locum antecedunt, ubi primum causam ipsam attingunt.

Postremo illud sapienter praecipitur, nonnisi tota causa pertentata atque perspecta, locis omnibus inventis atque instructis, considerandum esse, quo principio utamur. Quando ex-
cogitandum
exordium.
De or.

- Id.** Hinc Antonius apud Tullium : Quod primum est dicendum, ait, postremum soleo cogitare. Nam si quando id primum invenire volui, nullum mihi occurrit, nisi exile aut nugatorium aut vulgare atque commune. — Non ideo tamen, adjicit Quintilianus, eos probaverim, qui scribendum quoque prooemium novissime putant.
- 3. 9.**

CAPUT II.

DE NARRATIONE.

(Qt. 4, 2.)

- Qt.** 311. Maxime naturale est et fieri frequentissime solet ac debet, ut praeparato per hæc, quæ supra dicta sunt, auditore, res, de qua quæritur, indicetur. Ea est narratio. Quæ a Tullio definitur rerum explicatio et quædam
- Part. 9.** quasi sedes ac fundamentum constituendæ fidei.
- Quid sit.** Ejus autem duo sunt genera : vel enim fit illa, quæ proprie dicitur narratio, i. e. facti, in quo oratio versatur, expositio, vel quævis explicatio earum rerum, quibus status quaestionis cognoscitur.
- Quæ genera.**
- 312. I.** Cum vera narratione utitur, id maxime curare orator debet, ut narret accommodate ad persuadendum, quod hoc loco imprimis quidem docendo, deinde etiam conciliando et movendo consequetur.
- Quid de vera narratione.**
- Ut igitur narratio de re tota edocere audientes possit, lucida, brevis et probabilis sit necesse est.
- Qualis debeat esse, ut doceat.**
- Qt.**

1. Sunt quidem hæc virtutes aliarum quoque partium orationis; maxime tamen in hac custodiendæ, quæ prima auditorem docet; in qua si acciderit, ut aut non intelligat, aut non meminerit, aut non credat, frustra in reliquis laborabimus.

2. Brevitatem autem in hoc ponimus, non ut minus, sed ne plus dicatur, quam oportet : nec enim mihi unquam tanta fuerit cura brevitatis, ut non ea, quæ credibilem faciunt expositionem, inseri velim.

3. Aliqua naturaliter sequuntur et cohererent, ut, si bene priora narraveris, auditor ipse, quod postea sis narraturus,

expectet. Sed interdum eventui causa explicanda, et quod asseris, argumento simplici et brevi confirmandum est.

Ad probationes vero praeparandas inprimis etiam pertinet, ut ea, quae proderunt causae, perspicue ostendamus; ut nec illa, quae contra nos sunt, acriter persequamur, et quidquid poterit, detrahamus, ne noceamus causae; ut denique semina quaedam argumentorum spargamus.

Qui probationes praeparat.

De or. 2, 61.

1. Optimae praeparationes erunt, quae latuerint, ut a Cicerone sunt quidem utilissime praedicta omnia, per quae *Miloni Clodius, non Clodio Milo insidiatus* esse videatur; plurimum tamen facit illa collidissima simplicitatis imitatio: *Milo autem, cum in senatu fuisset eo die, quoad senatus est demissus, domum venit: calceos et vestimenta mutavit: paulisper, dum se uxor, ut fil, comparat, commoratus est.* Quam nihil praeparato, nihil festinato fecisse videtur Milo. Jam illa: *Obviam fit ei Clodius, expeditus, in equo, nulla rheda, nullis impedimentis, nullis Graecis comitibus, ut solebat; sine uxore, quod nunquam fere: cum hic insidiator, qui iter illud ad caedem faciendam apparasset, cum uxore veheretur in rheda, paenulatus, magno et impedito ac muliebri et delicato ancillarum pucrorumque comitatu.*

Qi.

2. Ad summam totius causae pertinet, caute, an contra demonstrata res sit; quod omnis orationis reliquae fons est narratio. (Sed tamen hic recolenda, quae de oratorum fraudibus monui, n. 249.)

De or. 2, 81.

3. Argumenta sic spargere debemus, ut narrationem esse minerimus, non probationem: Huc illa pertinent: *Cum hic insidiator etc. et pro Ligario: Adhuc, Cai Caesar, Q. Ligarius omni culpa vacat, et quae sequuntur.*

313. Jam vero ut conciliando et movendo fidem faciat narratio, omni, qua potest, gratia exornanda est: in quo tamen plurimum refert, quae sit natura ejus rei, quam exponimus.

Qualis de ornatu

1. In parvis, quales sunt fere privatae, sit ille pressus et velut applicitus rei cultus.

In parvis,

Itaque in verbis summa diligentia, ut sint expressa et velut sensu tincta, numeri dissimulati quidem, sed tamen quam jucundissimi, figurae non illae poeticae, sed quae varietate taedium effugiant. Caret enim ceteris lenociniis expositio, et nisi commendetur hac venustate, jaceat necesse est. Nec in ulla parte attentior est auditor, ideoque nihil recte dictum perit. Praeterea, nescio quomodo, etiam credit facilius quae audienti jucunda sunt, et voluptate ad fidem ducitur.

in magna.
Qr.

2. Ubi vero major res erit, et atrocia invidiose et tristitia miserabiliter dicere decebit; non ut consumantur affectus, sed ut tamen velut primis lineis designentur: ut plane, qualis futura sit imago rei, statim appareat.

Vide priorem partem narrationis pro Mil.

Narratio
improprie
dicta.

314. II. In ea autem quae improprie narratio vocatur, statum ostendemus (n. 254.), vel declaranda rerum conditione, vel verbi sensu, aut rei notione definienda.

1. Rerum expositio non modo statum planum facere debet, sed ad probationes etiam et motus animorum eodem fere modo, quo vera narratio, accommodari. Exemplum habes pro lege Man. c. 2.

Ad Her. 1,
10.

2. Ut status intelligatur, saepe aperire debemus, quid nobis conveniat cum adversario, hoc modo: *Interfectam esse matrem ab Oreste, convenit mihi cum adversariis; jurene fecerit et licueritne facere, id est in controversia.* — Quemadmodum autem refert plurimum, ut toti orationi subsit lucida rerum cognitio, ita nihil molestius, quam si inutiles definitiones, eruditae praesertim, impeditum faciunt ipsum orationis ingressum.

Quando
narrandum.
De or. 2, 81.

315. Quando vero narrandum sit aut non sit, id est consilii.

Qr.

De singulis tamen generibus haec in universum traduntur: In *judicio* tum solum non erit narrandum, cum iudex non modo factum quid sit, sciet, sed ita factum etiam, ut nobis expedit, opinabitur. In *deliberatione* narratione vera vix unquam, frequenter tamen rerum expositione utendum est. In *genere sa-*

cro narrationis locum tenet nonnunquam parabola vel res gesta e sacris libris deprompta; saepius doctrinae, sive dogmaticae sive moralis explicatio. — Hoc postremo adjicio, narrationem ad cognoscendam causam non necessariam, ad persuadendum tamen saepe esse perutilem.

Cum oratio in plures partes divisa est, saepe singulis partibus narratio praemittitur. Quando plures.

1. Hoc necesse est, cum diversa facta v. g. duo vel tria crimina in una actione tractanda veniunt, ut pro Cluentio.

2. Multo magis expositio illa, quae improprie narratio dicitur, pluries in eadem oratione saepius adhibenda erit; ut pro lege Manil. c. 2. c. 10. c. 13.

Interdum etiam membratim oportebit partes rei gestae dispergere in causam et ad unamquamque rationem accommodare. Num semper totum simul narrandum.
De inv. 1, 21.

Id scilicet agendum, cum vel ipsius rei gestae expositio magnam excipit offensionem, quam argumentando leniri oporteat; vel adversarii narratio per singula capita refellenda est accuratius; vel denique negotium agitur implicatum, cujus expositio uno in loco facta longior futura sit.

316. Sed alias quoque orator in ipsa causa narratione utitur: primum enim contingit, ut causa una multa facta comprehendat, quae ut totidem argumenta tractanda erunt; atque tum haud raro expedit, probationes et animorum motus interponere. Quis alius narrationis usus.

Hoc genus nonnulli narrationem instructam seu confirmatam appellant. Exempla in Verrinis.

Deinde saepe orator res gestas extra causam assumit, illustrandi scilicet vel animos permovendi gratia, et has pro re nata non breviter commemorat, sed illustriore dicendi genere pertractat.

CAPUT III.

DE PROPOSITIONE.

317. Qualis propositio esse debeat, ostendi in libro superiore; hoc igitur loco quaeritur, utrum in omni oratione et quomodo declaranda sit.

Quando
declaranda.

Cum nota non est, omnino enuntiari propositio debet, nisi forte offensio timeatur.

Ar. 3, 14.

1. Plurimum refert, ab iis, qui audiunt, inde ab initio, de qua re agatur, definite intelligi. Nec satis praesertim in sacra eloquentia considerari solet, quod supra (n. 253.) dixi, per materiam et saepe etiam per finem non satis declarari propositionem.

2. In civili eloquentia propositio plerumque ex ipsa causa nota est, non semper tamen; ita qui defendit reum, dicere potest: *Non fecit: vel, Jure fecit.*

qt. 4, 5.

3. Nonnunquam dura est propositio, quam auditor si providet, non aliter praeformidat, quam qui ferrum mediei, priusquam eureretur, aspexit. At si, re non ante proposita, securum ac nulla denuntiatione in se conversum intravit oratio, efficiet, quod promittenti non crederetur. — Itaque in causa ejusmodi propositio vel post unum alterumve argumentum declaratur, ut in 1. Cat. vel per totam etiam orationem tegitur, ut in 4. Cat. et apud Liv. 28, 27.

Quomodo
enuntianda.

318. Exprimenda autem erit propositio verbis propriis ac perspicuis; plerumque etiam simplicissima brevitate.

1. Cum, quid agatur, satis jam cognitum habent, qui audiunt, propositio etiam ornate et quadam circuitione verborum exprimitur, ut fecerunt saepe Demosthenes et Cicero.

2. Aliquando pluries, mutatis scilicet verbis, exponitur, quo magis auditoris animo infigatur; nonnunquam etiam eadem de causa per totum exordium velut spargitur.

Quid si non
declaratur.

Licet autem aliquando non enuntiatur propositio, sem-

per tamen ab oratore perspicue et accurate concipienda, diligenter meditanda, et inter totum laborem animo revolvenda est. Sic enim fiet, ut orationem contineat, et etiam non annuntiata ab audientibus cognoscatur.

CAPUT IV.

DE DIVISIONE SIVE PARTITIONE.

ART. I.

DE VARIIS MODIS DIVIDENDI

319. Propositio est vel composita vel simplex; si est composita, ea ipsa partes confirmationis habentur. — Prac- Qui modi
si composita
propositio.
cipua hujus divisionis genera sunt quatuor :

1. De eadem materia plura inter se conjuncta statuuntur.

Sed cavendum, ne partes laxè cohaereant. Certe multi non tam partes faciunt unius orationis, quam plures oratiunculas de una materia (v. n. 256.).

2. In altera parte generalis propositio, in altera proprium quiddam ei adjunctum tractatur : *Bellum gerendum, idque acerrime. Sunt poenae apud inferos, eaeque sempiternae.*

3. In priori parte propositio theoretica probatur, in posteriori doctrina moralis, quae illi respondet: *Immortalis est animus; ergo tempore sollicitè utendum.*

4. In altera parte probatur aliquid agendum esse, in altera modus docetur, quo fieri possit.

Adjicitur etiam tertia pars in hunc modum : In prima parte ostenditur, rem gerendam esse; in altera viæ et rationes bene gerendi; in postrema tractantur, quae incitare debeant ad has rationes suscipiendas. Haec est dispositio Phil. I. Demost. (v. n. 173.)

320. Cum propositio est simplex, argumenta saepe ad quaedam summa capita, quae fere sunt ipsi loci communes, revocari possunt. Qui, si simplex.

1. Ex eodem loco intrinseco. A definitione : prior pars ostendit, quid res non sit, altera, quid sit. — Lex impugnatur, quia 1. non sit ad bonum communem, nec 2. a legitima potestate lata. — A genere : *Res turpis, quameis utilis, non est amplectenda; atqui pax, quae proponitur, turpis est.* — Si propositio generalis longiori probatione non indiget, in exordio tractari potest, et in confirmatione in rem, quae agitur, traduci : quae divisio syllogismo, de quo postea (n. 336.), constat. Ab effectibus praeclare oratio per incrementum progreditur; ut : *In urbe luxuries creatur; ex luxurie existat avaritia necesse est* (pars I.) *ex avaritia erumpat audacia* (pars II.); *inde omnia scelera et maleficia gignantur* (pars III.). Haec partitio ad soritem revocatur (n. 340.) A contrariis : *Sic adolescentem ad virilem aetatem pervenerit, sic moriatur cito, turpe est illi, virtutem non colere.* Hoc quidem dilemma est. (n. 339.)

2. A diversis locis intrinsecis : *Luxuria natura sua detestabilis est* (pars I.); *effectus funesta* (pars II.).

3. A locis extrinsecis, ut in genere civili de testibus in priori parte, de lege in altera; in genere sacro : *Deiparam colendam esse, ostendam ex Scriptura, sanctis Patribus, et usu generali Ecclesiae.*

4. A locis intrinsecis et extrinsecis : *Peccatum a ratione damnatum, prior pars; a revelatione, altera.* Bellum suscipiendum probant primo exempla majorum, deinde conditio reipublicae.

5. Ab iis locis, qui a nonnullis morales dicuntur (n. 205).
Phil. 7. *Pacem nolo, quia turpis est, quia periculosa est, quia esse non*
Masell. *potest. Religio christiana rationi consentanea, gloriosa, necessaria.*

Qui aliq. 321. Multi etiam modi dividendae orationis nascuntur ex natura causae, ex personarum rerumque varia conditione.

Pro Mur. 5. 1. In iudicio plura crimina dividunt orationem; ut : *Intelligo, Iudices, tres totius accusationis partes fuisse, et earum unam in reprehensione vitae, alteram in contentione dignitatis, tertiam in crimine ambitus esse versatam.*

2. In quovis alio genere praecipua argumenta adversarii; aut

impedimenta, quae fini oratoris obstant, ut ex iis, quae conversionem ad Deum impediunt : *Summa est peccantis miseria*, (quam scilicet ignorare solet) p. I; *vani sunt timores, qui a poenitentia retrahunt*. p. II.

3. Personarum rerumque adjuncta; ut Cicero pro Marc. in priori parte clementiam Caesaris extollit, in altera suspiciones contra Marcellum diluit.

Omnino autem his, quae dixi, non omnes volui dividendi modos complecti, sed faciles et obvios.

ART. II.

DE DOTIBUS PARTITIONIS.

322. Tres sunt dotes partitionis:

Prima est, ut sit plana et simplex, ex re proposita Quot sint.
sponte nata, non vero ad artis et ingenii ostentationem longius accersita.

Altera est, ut sit distincta, sive ut partes sint discretæ, non alia in alia contenta, nec inter se simillimae.

1. Male partiris : *Ostendam propter cupiditatem et audaciam et avaritiam adversariorum omnia incommoda ad rempublicam pervenisse.* De inv. 1,25.
Nam genus est omnium libidinum cupiditas.

2. Videndum, ut non solum quae in singulis partibus probaturi sumus, sint dissimilia, sed ut argumenta etiam, quibus probemus, et tota tractatio dissimilis esse possint.

Tertia est, ut apta sit cum rationi dicendi generatim, tum maxime proprio dicentis fini.

1. Rationi dicendi generatim apta est, si juvat optimam argumentorum dispositionem, et praecipue si per eam oratio ad graviora semper progredi potest.

2. Proprio dicentis fini accommodata erit, si id, quod potissimum quaeritur, praeclare ostendit, idemque maximo tractari permittit.

Proponenda est partitio sermone plano et simplici, Qui proponenda.
plerumque tamen juvat, eam, quam improprie narrationem dicimus, adungere.

ART. III.

DE USU PARTITIONIS.

Unde petatur divisio, et qualis esse debeat, si usurpetur, diximus. Sed multum disceptatur, utine ea conveniat. De quo ut recte disseramus, distinguenda quaestio est: vel enim quaeritur, num omnino facienda sit in oratione divisio, vel conveniatne eam ante probationes indicari. Ac prior quidem quaestio supervacanea videatur. Etenim si composita est propositio, partes ea ipsa facit, si simplex, argumenta, quibus probatur, erunt utique discreta. Sed, ut jam innui, tum solum divisio appellatur, cum argumenta, quae multa esse solent, ad duo vel tria capita revocantur. Sunt igitur, qui id semper fieri jubeant, sunt, qui nunquam. Nos vero cum Fabio dicemus:

4, 4.

Quis una
partitionis.
Cf. de inv.
1, 22.

323. Ut non semper necessaria aut utilis etiam partitio est, ita opportune adhibita plurimum orationi lucis et gratiae confert.

Quando non
facienda.

Non est igitur facienda divisio, 1. si argumenta facili et naturali ratione ad pauca capita referri non possunt; 2. si divisionis causa probationes alio modo, quam prodest, disponendae essent; 3. si unum modo argumentum varie tractatur.

1. Ita Cicero de harusp. resp. septem argumenta tractat.

2. Quo pacto per divisionem rectus ordo argumentorum turbari possit, in proximo capite videbimus.

3. In 9. Phil. confirmatio unico nititur argumento: *Legatio ipsa, reipublicae causa suscepta, mortem Sulpicio attulit, ergo honor statuae illi tribuendus est.*

Quando non
declaranda.

Declaranda autem non est partitio, 1. si ipsa propositio, vel partes orationis posteriores duri aliquid habent; 2. si hae partes inutiles videri possunt; 3. si indicanda divisione sustentatio vel aliud artificium dicendi tollitur.

qt. 4, 5.

Primum et tertium per se intelligitur; de altero notandum, fieri posse, ut plura, quod se invicem juvent, recte assuman-

tur, quae tamen praenuntiata supervacua videntur; ut : *Si occidi, recte feci; sed non occidi.* — Hinc etiam Cicero pro Mil. solam primam partem : *Clodius Miloni insidiatus est*, proposuit, et tanquam ex abundantia addidit : *etiamsi insidiatus non fuisset, cum laude occidi potuisse.*

324. Ideo autem nonnulli semper fieri partitionem volunt, quia hanc dividendi argumenta rationem cum totius orationis dispositione confundunt.

Quare putata sit semper necessaria.

Nisi id faciant, non intelligo, quorsum affirmant, sine divisione non esse ordinem in oratione, sine ordine nullam perspicuitatem; rursum divisione constringi oratorem, ne vagetur, memoriam juvari, et alia similia.

Eorum autem, qui nunquam dividi orationem volunt, rationes vel in nonnullas tantum orationes, in quibus reapse partitio non est facienda, vel in quaedam vitia divisionis cadunt.

Quare nonquam.

Dicunt enim, per divisionem fieri, ut proposita fucati ordinis specie vera, quam vocant, unitas orationis tollatur; vim et impetum oratoris per eam infringi; artificium dicendi prodi; a priscis non esse usurpatam. Jam vero ad priora in iis, quae dicta sunt superius, responsum habes; de priscis haec adjicio. Cicero divisionem saepissime adhibuit, interdum etiam praenuntiavit, ut pro Mur., pro leg. Man., 7. Phil. etc; sed nimirum sollicitus non erat de aequabili illa partium proportionem, quam hodierni videntur putare necessariam. Pro Mur. prima pars nn. 4, altera nn. 38, tertia nn. 33 absolvitur. Pro Cluent. pars prior nn. 116, altera nn. 22 complectitur. Lex agr. iniqua ostenditur a n. 16-33.; noxia a n. 39-93. etc. etc. Simili modo Demosthenes. Ita enim hi vel partem propositionis vel argumenta tractanda putabant, ut rerum conditio et natura, non ut divisionis proportio exigeret.

Quod si alicubi moris est, partitionem semper usurpare, expectationi audientium fere obsecundandum est. Semper

Quid, ubi in more posita est.

Or, 8. enim oratorum eloquentiae moderatrix fuit auditorum prudentia.

Nec fugient sagacem oratorem viae et rationes evitandi mala, quae ex divisione oriri possint; ut si dura sit posterior pars, praenuntiabit eam subobscura minusque definite.

Quid de sub-
divisione.

325. Subdivisionem dicunt, cum cujusque partis argumenta rursum simili modo distribuuntur, ac tota confirmatio; ut pro lege Manil. (v. n. 382.) Haec divisio cum se offert sponte, repudianda non est, sed neutiquam necessaria putanda, et valde cavendum, ne sit minutior et in diversis partibus simillima.

qt. 4, 5.

1. Evitanda maxime concisa nimium et velut articulosa partitio. Nam et auctoritati detrahunt plurimum minuta illa nec jam membra, sed frusta. Et hujus gloriae cupidi, quo subtilius et copiosius divisisse videantur, et supervacua assumunt, et, quae natura singularia sunt, secant nec tam plura faciunt, quam minora. Deinde cum fecerunt mille particulas, in eandem incidunt obscuritatem, contra quam partitio inventa est.

2. Sunt, qui, ut aequabilis sit partitio, solliciti locos, in quos omnis pars tribuitur, ac vix non sententias numerent. Sed id quidem pusilli est animi, et ab hac, quam quaerimus, eloquentia robusta et virili alienissimi.

CAPUT V.

DE CONFIRMATIONE.

Quid sit.

326. Confirmationem vocant orationis partem, in qua tractantur argumenta.

Ad Her. 1, 10.

Haec igitur est pars orationis praecipua in qua tota spes vincendi ratioque persuadendi posita est. — Porro in ea primum considerandum nobis est, quonam ordine argumenta collocemus, deinde quibus ea modis pertractemus.

ART. I.

DE COLLOCATIONE ARGUMENTORUM.

327. In collocandis argumentis id semper servandum, Quid semper servandum.
ut primo et extremo loco ponantur robusta.

1. Res enim hoc postulat, ut eorum expectationi, qui audiunt, De or. 2, 77.
quam celerrime occurratur; cui si initio satisfactum non sit,
multo plus sit in reliqua causa laborandum: male enim se res
habet, quae non statim ut diei coepta est, melior fieri videtur.

2. Sed quoniam in orationis extrema parte res evincenda est,
id quoque semper providendum, ut quibusdam, quae excellent,
concludamus.

328. Ceterum ex hac universa ratione triplex argumen-
torum collocatio pro varia rerum conditione probari potest.

Prima incipiens a firmis per firmiora gradatim ad fir- Prima col-
locandi ratio.
missima progreditur.

Itaque haec dispositio, omnium sane praestantissima, tum
solummodo adhiberi potest, cum suppetunt argumenta praeclara
et plane selecta; quod tamen in genere sacro saepissime contingit.

Altera de firmissimis alia prima ponet, alia postrema, Alter-
Or. 15.
Cf. ad Her. 5,
10.
inculcabitque leviora.

Ita Cicero; Quintilianus paulo aliter; nam firmum, ait primo 7, 1.
loco, summo firmissimum, imbecilliora medio esse collocanda;
atque sic melius tertia ratio, quae sequitur, ab hac secunda
discernitur.

Tertia omnium robustissimum primo loco ponit, quo Tertia-
auditor subito concussus moveatur.

1. Hac ratione utendum est, cum auditor vel occupatus est
adversarii oratione, vel praejudicatis opinionibus ducitur, vel
segnitie et torpore tenetur, de periculis suis aut bonis incurius.

2. Cavendum autem, ne a potentissimis illis ad levissima Ql. 7, 1.
decreseat oratio. Sint ea, quae sequuntur, ejusmodi, quibus, etsi
non praestantissimis, auditor jam permotus et inclinatus facile
sit aures praebiturus; semper etiam aliquid, quod excellit, ad
perorandum servabimus.

Cum igitur universa disponendi ratio inde pendeat, ut recte aestimemus argumenta; haec quo sint ponderanda, videamus.

Unde aestimanda argumenta.

329. Argumenta non tam ex genere, ad quod referuntur, quam ex adjunctis rerum et personarum aestimanda sunt.

Dubitari non potest, quin argumentorum vis et efficacia non ex genere, ad quod pertinent; sive ex loco, de quo sumpta sunt, sed ex causae statu et adjunctis; ex audientium voluntate, indole, moribus, captu, conditione et fortuna; ex ipsius oratoris facultate, ingenio, aetate; ex temporum locorumque rationibus metienda sit. Quod si neminem latuerit, pauci tamen advertunt, quod inde sequitur:

Quid inde sequatur.

330. Plurimum igitur saepe differt inter ordinem *logicum* seu naturalem, et hunc, quem nos quaerimus, *oratorium*. Logicum enim ordinem dico, qui rerum naturam sequitur, oratorium, cum res pro eo, quod in praesenti causa valent, una ex rationibus modo indicatis disponuntur.

Itaque, ut exemplis utar, logicus est ordo, si primo loco ponuntur, quae ad rei naturam, altero, quae ad ejus partes vel proprietates, tertio, quae ad effecta pertinent, et ita porro; aut quando de re gesta agitur, si primum quae ante rem, deinde quae cum re, postremo, quae post rem evenerint, expendis; aut si primum argumenta ex S. Scriptura, deinde ex SS. Patribus, postea ex Ecclesiae usibus, tum ex ratione ipsa afferunt. — Atque dubium non est, quin hic ordo argumentorum naturalis cum oratorio seu artificioso saepe conveniat; quapropter Tullius in causa Miloniana per primam partem argumenta ita distribuit, ut primum de iis, quae eadem antecesserunt, mox de iis, quae in ipsa caede acta, denique de iis, quae eam subsecuta sunt, dissemeret. — At vero saepenumero etiam cum virtute ab ordine hoc logico deflecti, exemplis cognosce:

LIV. 21 § 3.

1. Hannibal post superatas Alpes milites ad pugnam hortans primum argumentum ducit ab adjunctis locorum, *illic vincendum aut moriendum esse*; secundum ab effectibus; *amplissima esse victo-*

ribus praemia proposita; tertium ab adjunctis personarum, exercitus et duces utrinque conferens; quartum a causa belli, iram movens in Romanos usque adeo superbos.

2. Confer Ciceronis orat. pro Mil. cum Demosthenis de Chers. Cicero prius negat crimen: *Non est insidiatus*; deinde: *etiam si esset insidiatus, tamen reipublicae causa jure Clodius occidi potuisset*. Apud Athenienses Diopithes accusatus erat, quod socios diriperet etc; itaque deponendum et exercitum ejus dissolvendum esse. Demosthenes primum: *Esto, inquit, vera sint omnia, sed reipublicae causa non est dissolvendus exercitus*; deinde infirmat accusationem, et rursum in Philippum ejusque patronos exarscit. Ergo contrarius ordo. Sed apud utrumque id, quod secundo est loco positum, si praecessisset, in illis quidem rerum adjunctis debile erat, ut consideranti patet; idem tamen sequens et velut ex abundantia additum, etiam priora confirmat.

3. Dicendum est de peccato; argumenta habes ex rei natura, ex effectibus, ex adjunctis, a simili et contrario. Sed prima, ut fere contingit apud auditorem indoctum, minus plana et robusta tibi videntur; itaque incipe ab effectibus, ut jam permotus auditor ad rei naturam cognoscendam excitetur; conclude per adjuncta, quae ut saepe, sic in hac materia vim maximam ad movendum habent. Similia illustrent naturam, contraria per varias partes disperges.

4. Probandum est, ritum quandam sacrum divinitus institutum esse; argumenta suppeditant Scriptura, SS. Patres, usus Ecclesiae, rationes congruae. Sed Scripturae sententiae vel minus perspicuae vel subtilius contra adversarius tuendae. Ordire igitur ab usu generali Ecclesiae, et haec antiquitatis memoria ostendet, quomodo sint loci Scripturae interpretandi; postremo Patrum auctoritates afferes, qui cum simul rationes congruas exponant, habes, unde in hac parte postrema motus animorum, etsi leniores, et exhortationem ducas.

5. Saepe etiam ejusdem generis argumenta dividenda erunt. De avaritia, de ebrietate dicendum est. Plurima sunt argumenta, sed robustissima paene omnia ex effectis; aliqua etiam a rei natura, quae similibus, exemplis etc. illustrari possunt. Itaque dividenda effecta; primo demonstranda vitia, quae generat cupi-

ditas; deinde inquires in naturam ejus rei, ex qua tot pestes nascantur; postremo poenas a Deo infligendas dices. cf. exemplum primum.

Ex quibus omnibus patet, argumenta non ex genere suo, sed ex adjunctis causae, ut seligenda, sic collocanda esse. Quapropter male agunt, qui simul atque res, de qua dicant, constituta est, nihil prius quaerunt, quam duas tresve partes, belle scilicet ex logices praeceptis divisas; hoc enim est, quaerere distributionem, antequam distribuenda, argumenta dico, cognoveris. Pejus etiam illi, qui, ut habeant partes, modo, quo dixi, discretas, violenter argumenta ad commune aliquod genus trahunt, et insuper loco, ubi futura erant potentissima, expellunt.

ART. II.

DE TRACTANDIS ARGUMENTIS GENERATIM.

In tractatione quid primum.

331. In omni tractatione oratori haec sunt providenda :

I. Primum, ut, quoniam tria sunt, quae ad persuadendum valent, docere, conciliare, movere, constituat, quodnam ex his in re proposita potentissimum futurum sit.

Hoc quidem etiam cum quaerimus argumenta aut disponimus, respicere debemus, multo tamen magis, cum tractamus (n. 260.).

Quid deinde.
De or. 2, 77.

II. Ex tribus illis rebus una prae nobis est ferenda, ut nihil aliud, quam docere velle videamur; reliquae duae sicut sanguis in corporibus, sic illae in perpetuis orationibus fusae esse debebunt.

Quid tertium.
De or. 2, 72.

III. Tertium est, ut, quidquid in causa boni est, diligenter persequamur, malum autem, quoad possumus, fugiamus.

I. Mea, ait Antonius apud Tullium, ratio in dicendo haec esse solet, ut boni quod habeat causa, id amplectar, exornem, exaggerem; ibi commorer, ibi habitem, ibi haeream : a malo autem vitioque causae ita recedam, non ut id me defugere

appareat, sed ut totum, bono illo ornando et augendo dissimulatum, obruatur.

2. Per vitium causae Cicero quidem illud quoque intelligit, quod jure nobis opponi possit. Sed etiam in causa honestissima et verissima multa sunt saepe, quae nocere possunt, vitio vel audientium vel temporum.

332. IV. Firmissimis argumentorum singulis instandum, infirmiora congreganda sunt.

Qui diversas
tractatio.
Qt. 5, 12.

Hoc ideo servandum esse docet Fabius, quia illa, per se fortia, non oportet circumstantibus obscurare, ut, qualia sunt, appareant; haec, imbecilla natura, mutuo auxilio sustentur. Itaque si non possunt valere, quia magna sunt, valebunt, quia multa sunt, quae ad ejusdem rei probationem omnia spectant.

Schol. Hoc praeceptum recentiores passim acerbè reprehendunt; non considerantes scilicet, non agi hic de vitiosis aut dubiis argumentis, quibus nullibi esse locus debet, sed de illis, quae rem non certam, sed verisimilem tantum faciunt; atqui haec, praesertim si sunt signa facti, multiplicata non tantum speciem accipiunt probabilitatis, sed re quidem vera rem probabiliorem faciunt (n. 281.). Quod vel exemplo, a Quintiliano in eo ipso loco posito, discere debuissent: Ut, ait, si quis hereditatis gratia hominem occidisse dicatur: *hereditatem sperabas, et magnam hereditatem, et pauper eras, et tum maxime a creditoribus appellaberis, et offenderas eum, cujus eras haeres, et mulaturum tabulas sciebas.* Singula levia sunt et communia; universa vero nocent, etiamsi non ut fulmine, tamen ut grandine.

333. V. Illud autem in tractatione cavendum est maxime, ne sive rebus ipsis et argumentis, sive dicendi modo, aut personarum laude et reprehensione inepta, causae noceas.

Quid maxime
cavendum.

Etenim permulta sunt in causis, in omni parte orationis circumspectiendae, ne quid offendas, ne quo irruas.

De or. 2, 74.

1. In ipsis igitur argumentis, vide ne imprudenter, ostentandae scilicet eloquentiae causa, adversariorum adjumenta confir-

Ibid. 75.

nies, et ea, quae sanare nequeas, exulceres; ne quid posueris, aut aperte falsum, aut ei quod dixeris, dicturusve es, contrarium, aut genere ipso remotum ab usu loci vel temporis.

Qt. 11, 1.

2. *In modo autem dicendi* ea nocent maxime, quae vitia ipsius oratoris ostendunt. Fugienda igitur omnis sui vitiosa jactatio, praecipue eloquentiae. Reprehensus est in hac parte non mediocriter Cicero, quamquam is quidem rerum a se gestarum major, quam eloquentiae fuit in orationibus utique jactator. Et plerumque illud quoque non sine aliqua ratione fecit. — Humiliora illa vitia: summissa adulatio, affectata seurrilitas, in rebus ac verbis parum modestis ac pudicis vilis pudor, in omni negotio neglecta auctoritas. Denique ut humanitas, facilitas, moderatio, benevolentia in oratore sunt jucundissimae, ita impudens, tumultuosa, iracunda oratio abalienat animos.

De or. 2, 75.

3. *Personarum* magna est ratio habenda. Vide, ut quae sunt in iis, quos defendis, invidiosa audientibus, mitiges extenuando, nec laudando et efferendo invidiosiora facias; ne in homines caros audientibusque jucundos sine praemunitione orationis acerbius et contumeliosius invehare.

Quid si vituperandus auditor.

334. VI. Magna denique cautio necessaria est, si quando ipse auditor reprehendi debet.

Qt. 11, 1.

Itaque non libenter id facere videaris; quae autem objicis, errori potius, ignorantiae, casui, quam malignitati attribuas; nec in omnia impetum facias, sed in id solum, quod expugnandum est, quin etiam reprehensionem alia laude compenses; denique audientes, etiamsi erraverint, a te magni fieri et diligi ostendas.

ART. III.

DE ARGUMENTATIONE.

335. Monendi sunt tirones, in hanc eloquentiae partem, quae in docendo posita est, ut acri studio incumbant; ne forte, ea neglecta, in amoenioribus locis desideant, aut antequam rem satis demonstraverint, in motus exardescant; quod utrumque est vitiosissimum.

Argumentatio est explicatio argumenti: quae fit duplici modo: exponendo vel ratiocinando. Quid sit.

1. Ut argumenti vis sentiatur, satis est interdum, verba aliqua uberius exponere, res describere, gesta narrare, notiones definire.

2. Sed plerumque necesse est, ea, quae dubia aut ignota sunt, certis et cognitis rationibus probari. Quare argumentatio restrictius accepta definitur: *Oratio, qua propositio minus nota ex magis notis deducitur.*

Hujus igitur argumentationis varias species seu formas exponemus, post de earundem usu quaeremus.

§ I.

DE FORMIS ARGUMENTATIONIS.

336. Formae argumentationis frequentiores sex sunt: Quot sint.
syllogismus, epicherema, enthymema, dilemma, sorites et inductio.

1. *Syllogismus* est argumentatio constans tribus propositionibus, ita inter se dispositis, ut concessis duabus prioribus, tertia necessario admittenda sit: *Omnis ars honesta laudanda est; atqui rhetorica est ars honesta; ergo rhetorica est laudanda.* Quid syllogismus.

1. Prima syllogismi propositio *Major*, altera *Minor* vel *Assumptio*, tertia *Conclusio* dicitur; prima et secunda etiam *Praemissae* vocantur.

2. Vis autem hujus argumentationis, ad quam omnes aliae revocantur, unde emanet, accipe. In omni syllogismo de sub-
jecto conclusionis (hic: *rhetorica*) praedicatur idem, quod de
subjecto majoris (*ars honesta*) praedicatum erat (*laudanda est*);
id autem recte fieri, minor ostendit, declarans, subjectum con-
clusionis in subjecto majoris, ut partem seu ut speciem in ge-
nere, contineri. Quod enim de toto genere, id etiam de singulis
partibus affirmari vel negari potest.

337. II. *Epicherema* est syllogismus, in quo vel majori, Quid epicherema.

vel minori, vel utrique explicatio aut probatio additur (1):

Ut quis de parricidio arguatur, flagitiosissimus probandus est; — nam uno isto maleficio scelera omnia complexa sunt: atqui nulla flagitia in Roscio reprehendi possunt; — quippe aliis cum aetas et vitae conditio liberat, ab aliis ipse accusator purgavit: ergo Roscius de parricidio argui non potest.

Quid enthymema.

338. III. *Enthymema* est syllogismus imperfectus, quippe in quo nunc minor, nunc major omissa sit.

Omnis ars honesta laudanda est; ergo rhetorica laudanda est.

Prior propositio vocatur *Antecedens* altera *Consequens*. Enthymematis frequentior est in oratione usus, quam syllogismi: nam hic si perfectus est, facile scholam redolet; deinde molestum est, quae per se intelliguntur, assumi; et brevis argumentatio validius percellit.

Quod optimum.

Optimum autem enthymema est, quod ex pugnantibus conficitur, hoc modo:

Pro Mil. 16. *Quem cum omnium gratia noluit, hunc voluit cum aliquorum querela? quem jure, quem loco, quem tempore, quem impune non est ausus; hunc injuria, iniquo loco, alieno tempore, periculo capitis non dubitavit occidere?*

Quid dilemma.

339. IV. *Dilemma* est argumentatio constans duabus partibus contrariis, quae utrinque adversarium capiunt.

1. Cat. 7.

1. Cicero patriam cum Catilina sic agentem inducit:

Quamobrem discede, atque hunc mihi timorem eripe; si est verus, ne opprimar; sin falsus, ut tandem aliquando timere desinam.

(1) Haec forma interdum etiam *syllogismus oratorius*, a Cicrone vero *ratioclinatio* vocatur. — Epicherema autem alii dicunt *ratioclinationem* breviter comprehensum, cujus omnes partes in unam conferuntur, hoc modo: *Rosciumne, in quo aliud vitium nullum reprehendere potes, parricidii accusas?*

2. Revocatur ad syllogismum hoc modo : *Timor meus vel falsus est, vel verus; atqui si verus, discede, ne opprimar, si falsus, ut tandem aliquando timere desinam; ergo sive timor meus falsus, sive verus sit, discede.*

Solvitur dilemma, si vel disjunctio imperfecta esse os— Qui solvatur. tenditur, vel alterutra pars infirmatur, vel totum in adversarium convertitur.

1. *Aut Milo insidiatus est, aut Clodius; atqui non Milo; ergo Clodius;* falsum primum, quia neuter insidiatus erat; — sed ipsi Clodianum sic argumentati erant.

2. *Aut vivet post mortem animus, aut non vivet; si vivet, Cf. de sen. 23. beatus erit; si non vivet, non sentiet dolorem; ergo mors non est timenda.*

3. Exemplum conversionis Aristoteles ponit :

2, 23.

Ἰέρειαι οὐκ εἶα τὸν οὖν δημηγορεῖν. Ἐάν μὲν γάρ, ἔφη, τὰ δικαία λέγῃς, οἱ ἄνθρωποι σε μισήσουσιν· ἐάν δὲ τὰ ἄδικα, οἱ θεοί. Δεῖ μὲν οὖν δημηγορεῖν, ἐάν μὲν γάρ τὰ δικαία λέγῃς, οἱ θεοί σε φιλήσουσιν, ἐάν δὲ τὰ ἄδικα, οἱ ἄνθρωποι.

340. V. *Sorites* (σωρεΐτης), ut ait Cicero, multas argumentationes accervatim convolvit; ita scilicet plures propositiones jungit, ut praedicatum praecedentis fiat subjectum sequentis, donec efficiatur conclusio, in qua subjectum primae propositionis praedicatum ultimae accipit.

Quid sorites.
De div. 2, 4.

Nihil esse bonum, quod non sit honestum sive laudabile, ita probat Cicero : *Etenim quidquid est, quod bonum sit, id expetendum est; quod autem expetendum, id certe approbandum; quod vero approbaris, id gratum acceptumque habendum; ergo etiam dignitas ei tribuenda est; quod si ita est, laudabile sit necesse est; bonum igitur omne laudabile.*

Tusc. 5, 15.

Hoc argumentandi genus saepe solet esse fallax, atque captiosum.

Acad. 4, 15.
29.

1. Dum enim minutatim et gradatim multa adduntur, periculosissima respondentem tela texitur : retexere igitur oportet et

seorsum singula considerare; sic facilius universa frangentur.

2. Sed eadem de causa raro ab oratoribus adhibetur, nisi forte singulis membris uberius expositis et probatis.

Quid indu-
ctio.
De Inv. 1, 31.

341. VI. *Inductio* est argumentatio, qua audientibus dubia quaedam res propter similitudinem earum rerum, quibus adsenserint, probetur.

Sen. ep. 76.

1. *Navis bona dicitur, non quae pretiosis coloribus picta est, nec cui argenteum aut aureum rostrum est; sed quae stabilis est, firma, velox et non sentiens ventum. Gladium bonum dices, non cui auratus est balteus, nec cujus vagina gemmis distinguitur; sed cui ad secandum subtilis est acies. Regula, non quam formosa, sed quam recta sit, quaeritur. Ergo in homine quoque nihil ad rem pertinet, quantum avel, a quam multis satuletur, sed quam bonus sit.*

De Inv. 1, 32.

2. Hoc igitur in genere duo diligenter observanda sunt, primum, ut illud, quod inducimus per similitudinem, ejusmodi sit, ut sit necesse concedi; deinde ut illud, cujus confirmandi causa fiet inductio, simile iis rebus sit, quas induxerimus.

Schol. Inter argumentationes a nonnullis numeratur etiam *collectio*. Haec quinque partibus constat: *propositione*, quae, quid probandum sit, summam enuntiat; *ratione*, qua propositum verum esse monstratur; *confirmatione*, quae rationem ipsam pluribus argumentis tuetur; *exornatione*, quae prius dicta illustrius declarat et amplificat; *conclusionem*, quae argumenta breviter colligens, quod initio propositum fuerat, concludit. Itaque haec non tam est argumentatio, seu argumenti expositio et certa forma, quam loci alicujus uberior et varia tractatio, fixis tamen capitibus comprehensa. Ad eam formam interdum tota oratio revocatur, ut 4. Cat. Propos. *Hic dies supplicatione deorum celebrandus est. Rat. Quia Cicero hodie rempublicam servavit. Conf. Nam Catilinæ conjurationem manifeste compertam disperdidit. Exorn. Fuit hæc singularis industria et fortuna, ut tanta et tam crudelis conjuratio sine sanguine civium extingueretur. Concl. Ergo hic dies etc.* —

§ II.

DE USU ARGUMENTATIONUM.

342. Argumentationum in oratione usus est multiplex <sup>Quis arg-
usus.</sup> et varius. Nunc enim argumentationes apertae sunt et breviter conclusae; nunc vero membra earum singula dilatata copiosius; rursum haec membra in alium et alium ordinem disposita; non raro etiam plura orationis capita aut integrae partes, quin tota oratio, una argumentatione comprehensa.

1. Brevis et apertae argumentationis exempla jam dedi.

2. Dilatantur argumentationes addita singulis membris aliqua vel expositione vel probatione. Ita Cicero dilemma tractat:

Attende enim paulisper, cogitationemque sobrii hominis punctum temporis suscipe. Ego, qui sum illorum, ut ipse fatcor, familiaris; ut a te arguor, socius, nego quidquam esse medium: confiteor eos, nisi liberatores populi Romani conservatoresque reipublicae sint, plus quam sicarios, plus quam homicidas, plus etiam quam parricidas esse: siquidem est atrocius, patriae parentem, quam suum occidere. Tu, homo sapiens et considerate, quid dicis? Si parricidae: cur honoris causa a te sunt et in hoc ordine et apud populum Romanum semper appellati? cur M. Brutus, te referente, legibus est solutus, si ab urbe plus quam decem dies absuisset? cur ludii Apollinares incredibili M. Bruti honore celebrati? cur provinciae Bruto et Cassio datae? cur quaestores additi? cur legatorum numerus auctus? Atque haec acta per te. Non igitur homicidae. Sequitur, ut liberatores tuo iudicio sint: quandoquidem tertium nihil potest esse. Quid est? num conturbo te? non enim fortasse satis, quae distinctius dicuntur, intelligis. Sed tamen haec summa est conclusionis meae: quoniam scelere a te liberali sunt, ab eodem te amplissimis prociis dignissimos iudicatos.

2. Phil. 13

Vide etiam pro Rosc. Amer. c. 33. *Erat tum multitudo.*

3. En epichirema, in quo ordo naturalis servatus est:

Sententia probanda: Atque hoc ego plus oneris habeo, quam qui ceteros accusarunt;

Verr. 3, 2.

Major : *Quod ita postulatur ab omnibus, ut ab iis se abstineant maxime vitiiis, in quibus alterum reprehenderint.*

Expositio Maj. *Furem atque aut rapacem accusaris? vitanda tibi semper erit omnis avaritiae suspicio. Maleficum quempiam adduxeris, aut crudelem? cavendum erit semper, ne qua in re asperior aut inhumanior fuisse videre. Corruptorem, adulterum? providendum diligenter, ne quod in illa vestigium libidinis appareat. Omnia postremo, quae vindicari in altero, tibi ipsi vehementer fugienda sunt. Etenim non modo accusator, sed ne objurgator quidem ferendus est is, qui, quod in altero vitium reprehendit, in eo ipse deprehenditur.*

Minor : *Ego in uno homine omnia vitia, quae possunt in homine perditio nefarioque esse, reprehendo;*

Expositio minoris : *Nullum esse dico indicium libidinis, sceleris, audaciae, quod non in istius unius vitiis perspicere possitis.*

Conclusio : *Ego in isto reo legem hanc, iudices, mihi statuo; vivendum ita esse, ut isti non modo facili dictisque omnibus, sed etiam oris oculorumque illa contumacia ac superbia, quam videtis, dissimilissimus esse, ac semper fuisse videar.*

Contra in hoc loco trajectae sunt partes :

Pro Il. Amer.
13.

Ratio majoris : *Occidisse patrem Sex. Roscius arguitur. Sceleratum, dum immortales! ac nefarium facinus, atque ejusmodi, quo uno maleficio scelera omnia complexa esse videantur.*

Confirm. rationis : *Etenim si, id quod praecellare a sapientibus dicitur, vultu saepe laeditur pietas, quod supplicium satis acre reperietur in eum, qui mortem obtulit parenti, pro quo mori ipsum, si res postularet, jura divina atque humana cogeant?*

Major : *In hoc tanto, tam atroci, tam singulari maleficio, quod ita raro extitit, ut, si quando auditum sit, portentis ac prodigiis simile numeretur; quibus tandem te, C. Eruci, argumentis accusatorem censens uti oportere? nonne et audaciam ejus, qui in crimen vocetur, singularem ostendere, et mores feroces immanemque naturam, et vitam vitiiis flagitiisque omnibus deditam, et denique omnia ad perniciem profligata atque perditam?*

Minor : *Quorum tu nihil in Sex. Roscium, ne obiciendi quidem causa, contulisti.*

Prob. min. *Patrem occidit Sex. Roscius. Qui homo? adolescen-*

tulus corruptus et ab hominibus nequam inductus? annos natus major quadraginta. Vetus videlicet sicarius, homo audax et saepe in caede versatus? at hoc ab accusatore ne dici quidem audistis. Luxuries igitur hominem nimirum et aeris alieni magnitudo, et indomitae animi cupiditates ad hoc scelus impulerunt? De luxuria purgavit Eructus, cum dixit, hunc ne in convivio quidem ullo fere interfuisse. Nihil autem unquam debuit. Cupiditates porro quae possunt esse in eo, qui (ut ipse accusator objecit) ruri semper habitavit, et in agro colendo vixerit? quae villa maxime disjuncta a cupiditate est et cum officio conjuncta.

Conclusio. Quae res igitur tantum istum furorem Sex. Roscio objecit?

4. Diffusius tractantur membra syllogismi : Pro Sulla c. 25-28. *Nemo conjurat in patriam, nisi sceleratissimus; atqui Sullae mores optimi.* Pro Fontejo a cap. 6. *Sapientis judicis est, non credere inimicis testibus et cupidis et impis; atqui tales sunt Galli.* Pro Rosc. Amer. c. 20. *L. Cassius ille c. 32. Is occidit, cui caedes majori bono fuit; atqui magno bono fuit Tito Roscio, damno Sextio.* Pro Archia c. 6-9. *Dilemmatis : Pro Ligario c. 4-6. Tubero hac accusatione aut vult, ut capitis damnatur Ligarius, aut ne ei ignoscatur; atqui illud crudele, hoc multo magis inhumanum.* Pro Rosc. Amer. c. 27-29. *Vel ipse percussit, vel per sicarios occidit, vel per servos; atqui non etc.*

5. In Phil. autem 7. tota pars prima ; *Pax cum Antonio turpis est, syllogismo probatur; pars altera : Pax periculosa est, enthymemate; pars tertia : Pax esse non potest, inductione.*

6. Quemadmodum una argumentatione tota oratio contineatur, ita ut argumentationis membra sint orationis partes, jam expositum est n. 318.

343. Neque vero omnia, quae afferet orator, artificiose demonstrabit, sed ea solummodo, quae dubia audientibus aut obscura esse putabit.

Semperno
artificiose
argumen-
tandum.

1. In rebus enim apertis argumentari tam est stultum, quam in clarissimum solem mortale lumen inferre. qt. 3, 12.

2. Dixi *audientibus* dubia vel obscura : scilicet ut alia sunt doctis aperta, obscura rudibus, ita vieissim indubia multa non eruditis, quae apud doctos homines erunt probanda. Atque hoc etiam in argumentatione ipsa considerandum est, ne singula usquequaque persequamur. Ideo enim, ait Aristoteles, indocti saepe pro eoneione melius dicunt, quod non omnia assumunt.

Quid, si
argumentan-
dum est.

344. Cum vero demonstramus, nudae et apertae argumentationes raras esse debent, tectae et exornatae frequentissimae.

2, 14.

De illis nudis et apertis intelligendus Quintilianus, cum dicit : Ego, ut in oratione syllogismo quidem aliquando uti nefas non dueo, ita constare totam, aut certe confertam esse aggressio- num et enthymematum stipatione, minime velim : dialogis enim et dialecticis disputationibus erit similior, quam nostri operis actionibus, quae quidem inter se plurimum differunt.

Quis nescit
expositionis.

345 Illa igitur, quam dixi expositionem (n. 335.), ut per se sola non sufficit, ita opportune adhibita ad persuadendum perutilis est, maxime si in aliqua argumentatione velut pars seu membrum includitur.

1. Non est dubium, quin aliquando assumpti veritas ex re gesta, quam narramus, ex personarum rerumque indole, et adjunctis, quae describimus, ex notionibus, quas explicamus, satis eluceat; sed plurimi hodie oratores aliam fere probationem ignorare videntur : qui postquam in hoc genere expositionis aliquantum immorati sunt, continue ad permovendos animos orationem convertunt. At motus, qui ita forte cientur, re non plane demonstrata, voluntatem segniter impellunt citoque res- tinguntur.

2. Membra ratiocinii ut alia argumentatione, sic saepe etiam huiusmodi expositione probari, vel dilatari possunt. Id saepe facit Demosthenes, ut de Chers. paulo post exordium : *Inde omnia reipublicae detrimenta, quod Philippus, servans exercitum perpetuum, tempore agebat; Athenienses contra; sed qui Diopi- this exercitum dissolutum volunt, nihil aliud agunt, nisi ut hoc*

rursum accidat. Deinde assumptionem statu rerum exponendo demonstrat. — Rursum in eadem oratione versus finem : *Alios Philippus beneficiis in servitutem vasre pellerit*, (ostenditur exemplis); *vos aperte spoliavit* (ostenditur enumeratione); *atque hoc ideo, quod apud illos tutum non erat, pro Philippo dicere* (rursum enumeratio); *Athenis vero, Philippo undique hostiliter adoriente, impune pro eo dicitur.*

346. Tractatio autem argumentorum varia esse debet, ne aut agnoscat artem, qui audiat, aut defatigetur similitudinis satietate. Qualis tractatio.
De or. 2, 41.

Variatur autem tum interpositis, quae ad delectandum et movendum faciunt, tum mutato ipso genere argumentationis et elocutione. Quid varietur.

1. Nobis ad aliorum judicia componenda est oratio, et saepius apud omnino imperitos, atque aliarum certe ignaros litterarum loquendum est; quos nisi et delectatione allicimus, et viribus trahimus, et nonnunquam turbamus affectibus, ipsa, quae justa ac vera sunt, tenere non possumus. Locuples et speciosa vult esse eloquentia. Qt. 5, 14.

2. Qua ratione formae et elocutio varientur, exempla jam allata satis ostendunt.

ART. IV.

DE ILLUSTRATIONE.

347. Illustratio vocatur locus orationis ad suavitatem dicendi potissimum accommodatus. Quid sit.

1. Itaque. ut argumentatio ad primum oratoris munus, quod in docendo positum est, sic illustratio ad secundum pertinet, quod nunc a delectando nunc a conciliando appellatur.

2. Magna autem est in huiusmodi locis utilitas : nam et rem praeclare illuminant (1), et ipsa suavitate animos non conciliant modo, sed etiam ad rem acrius intuendam mirifice excitant.

(1) Hinc etiam nomen ducere videntur; certe Cicero, quam Graeci *ἐνδρυσιαν*, illustrationem appellavit. Vide Quint. 6, 2. et cf. hic n. 64.

Quot sint. 348. Illustrationes autem vulgo nominantur septem: similitudo, exempla, fabula, parabola, sententia, digressio et facetiae.

Qui usus. De quibus in universum duo praecipiuntur: 1. usus sit moderatus, eorum praesertim, quae nullam argumentationem adjunctam habent.

In omni enim rerum genere voluptates, quibus intemperantius fruimur, etsi de reliquo honestae fuerint, enervant et satiant.

Quae eloquentio. 2. Elocutio sit omni quidem dicendi gratia exornata, neque tamen quaesita elegantia mollior aut poetica audacia liberior.

De singulis autem plerisque illustrationibus cum jam aliis in locis expositum sit, hic superest ut de digressionem et facetiis pauca in oratoris usum notemus.

Genera digressionis. 349. I. Digressionum in oratione duplex vulgo genus tradunt, alterum, quod quaestione generali, alterum quod descriptione vel narratione tractatur.

1. Quaestiones generales sive *theses* maxime in civili eloquentia rationem digressus habent (n. 252.).

2. Ad alterum pertinet laus hominum locorumque, descriptio regionum, expositio rerum, non solum gestarum, sed etiam fabulosarum. Exempla habes in Verr. I. 2. c. 1. Siciliae, I. 4. c. 52. Syracusarum descriptionem, et I. 4. c. 48. Proserpinae raptum.

Cf. de or. 2, 77. Prius illud genus fere adhibetur permovendorum animorum causa, alterum delectationi potissimum servit, sed saepe etiam utilitati.

Utilis est hujus generis digressio, vel quod lumen infert orationi, vel quod animorum motus praeparat, (utrumque observari poterit in exemplis notatis,) vel denique quod per eam a rei odiosae tractatione fugiunt, saepe utique fraudulenter cf. n. 377.

Quo loco adhibenda. Hoc expatiandi genus non modo narrationi quidem, sed

etiam quaestionibus, vel universis vel interdum singulis, Qt. 4. 2.
 opportune potest subjungi, cum res postulat, aut certe
 permittit, atque eo vel maxime illustratur ornaturque ora-
 tio, sed, si cohaeret et sequitur, non si per vim cuneat-
 ur, et quae natura juncta erant, distrahit.

350. II. Facetiae ipsa hilaritate benevolentiam conciliant, Quid prosint.
De or. 2, 58-
61.
 acumen ingenii et doctrinam oratoris significant, frangunt
 saepe adversarium, odiosasque res, quas argumentis dilui
 non facile est, joco risuque dissolvunt.

Duo autem sunt genera facetiarum, quorum alterum re Genera.
Ibid.
 tractatur, alterum dicto.

1. In priori describuntur hominum mores, et ita effinguntur,
 ut aut re narrata aliqua, quales sint, intelligantur, aut imitatione
 brevi injecta, in aliquo insigni ad irridendum vitio reperiantur.
 V. pro Sext. c. 8. (n. 85.)

2. In dicto autem ridiculum est id, quod verbi aut sententiae
 quodam acumine movetur. v. n. 275.

351. Jam vero perquam diligenter videndum est, qua Quae ser-
vanda
Ibid.
 in re et quo modo ridicula sint tractanda.

Materies omnis ridiculorum est in istis vitiis, quae sunt In re,
 in vita hominum neque carorum, neque calamitosorum,
 neque eorum, qui ob facinus ad supplicium rapiendi vi-
 dentur.

1. Parcendum est maxime caritati hominum, ne temere in eos
 dicas, qui diliguntur. Illud quoque videndum, ne dicteria, in
 quos nolis, cadere possint: quod Philippo cuidam accidit. Pu-
 sillus testis processit: *Licet, inquit, rogare?* Philippus. Tum quae-
 sitor properans: *Modo breviter.* Hic ille: *Non accusabis; perpu-
 sillum rogabo.* Ridicule. Sed sedebat iudex L. Aurifex, brevior
 ipse, quam testis. Omnis est risus in iudicem conversus. ~

2. Nec insignis improbitas et scelere juncta, nec rursus mise-
 ria insignis agitata (i. e. dicteriis vexata,) ridetur. Facinorosos
 enim majore quadam vi, quam ridiculi, vulnerari volunt: misc-
 ros illudi nolunt, nisi si se forte jactant.

in modo.
Ibid.

352. Ut in illo superiore genere vel narrationis, vel imitationis, vitanda est mimorum ethologorum similitudo; sic in altero, quod dicto tractatur, scurrilis oratori dicacitas magnopere fugienda est.

1. Mimorum est ethologorum, si nimia est imitatio, et maxime si obscœna. Orator surripiat oportet imitationem, ut is, qui audiat, cogitet plura, quam videat; praestet idem ingenuitatem et ruborem suum, verborum turpitudine et rerum obscœnitate vitanda.

2. A scurra autem oratorem distinguit temporis ratio, et ipsius dicacitatis moderatio et temperantia, et raritas dictorum: et quod nos cum causa dicimus, non ut ridiculi videamur, sed ut proficiamus aliquid, id illi totum diem, et sine causa.

Quid eloq.
sacra.

In sacra eloquentia, licet quaedam sermonis hilaritas, si valde moderata sit, non omni in genere prohibeatur; at risum movere, maxime gestu, magnopere dedecet.

ART. V.

DE AMPLIFICATIONE.

Quid ait. 353. Amplificatio est oratio ad commovendos animos accommodata.

Part. 15. 1. Definitur etiam gravior quaedam affirmatio, quae motu animorum conciliat in dicendo finem.

Or. 21. 2. Hoc itaque tertium illud est oratoris munus, quo vis maxima continetur. Probare, necessitatis est, delectare suavitatis, flectere victoriae. Nam id unum ex omnibus ad obtinendas causas

qt. 6, 2. potest plurimum. Huc igitur incumbat orator, hoc opus ejus, hic labor est, sine quo cetera nuda, jejuna, infirma, ingrata sunt; adeo velut spiritus operis hujus atque animus est in affectibus.

§ I.

QUI MOTUS SINT EXCITANDI.

Divisio prima. 354. I. Motus animorum dividuntur primo in lenes, qui
Cf. qt. 6, 2. mores (ἡσυχία) dicuntur, et in vehementiores, quos Graeci
πῆσις, Latini affectus appellarunt.

1. De hoc duplice genere Cicero: Duo sunt, quae bene tractata ab oratore, admirabilem eloquentiam faciant; quorum alterum est, quod Graeci *ῥητορικὴ* vocant^a, ad naturas et ad mores, et ad omnem vitae consuetudinem accommodatum; alterum, quod iidem *παθητικὴ* nominant, quo perturbantur animi, et concitantur, in quo uno regnat oratio. Illud superius, come, jucundum, ad benevolentiam conciliandam paratum: hoc, vehemens, incensum, incitatum, quo causae eripiuntur; quod cum rapide fertur, sustineri nullo pacto potest.

Or. 37.

2. Itaque *ῥητορικὴ* est, quoties ferimus, ignoscimus, satisfacimus, monemus, procul ab ira, procul ab odio. Illa quoque huc pertinent, veniam petere, adolescentiae excusare errores, laudare quidpiam, vel mirari placide et leniter. — Ad affectus vero pertinent potissimum ira, odium, indignatio, metus, invidia, miseratio, dolor, stupor, amor.

Qt. 6, 2.

Neque vero haec duo genera inter se semper discreta sunt, imo vero est quaedam in his difficilis ad distinguendum similitudo.

Num semper discreti.
De or. 2, 53.

Nam ex illa lenitate, qua conciliamur iis, qui audiunt, ad hanc vim acerrimam, qua eosdem excitamus, influat oportet aliquid; et ex hac vi nonnumquam animi aliquid inflammandum est (illi lenitati); neque est ulla temperatior oratio, quam illa, in qua asperitas contentionis oratoris ipsius humanitate conditur; remissio autem lenitatis quadam gravitate et contentione firmatur.

333. II. Dividuntur animorum motus etiam ratione originis in eos, qui ex appetitione boni, et illos, qui ex aversione mali oriuntur.

Altera divisio.

Prisci quatuor genera ponunt, voluptatem, molestiam, metum et cupiditatem.

Part. 3.

In hac igitur varietate motuum omnium illud oratori est maxime providendum, quosnam postulet causa.

Quid providendum.

1. Non semper fortis oratio quaeritur, sed saepe placida, summissa, lenis, quae maxime commendat reos. — Id sacri oratores praecipue considerent. Non semper enim homines metu,

De or. 2, 42.

odio, dolore perturbandi, sed saepe etiam spe, amore, fiducia ad virtutem pelliciendi, et rebus divinis, ut ita dicam, conciliandi sunt.

1613. 51. 2. Neque parvis in rebus adhibendae sunt hae dicendi faces, neque ita animatis hominibus, ut nihil ad eorum mentes oratione flectendas proficere possimus, ne aut irrisione, aut odio digni putemur, si aut tragoedias agamus in nugis, aut convellere adoriamur ea, quae non possint commoveri.

§ II.

QUAENAM AD CIENDOS MOTUS SINT GENERATIM NECESSARIA.

Quid in ipso oratore. 6, 2. 336. I. Summa, ait Fabius, circa movendos affectus in hoc posita est, ut moveamur ipsi.

Or. 28. 1. Cicero de se fatetur: In concitandis motibus nulla me ingenii, sed magna vis animi inflamat, ut me ipse non teneam. Nec umquam is, qui audiret, incenderetur, nisi ardens ad eum perveniret oratio.

2. Tres autem hujus rei causas affert Quintilianus: 1. Omnis in hoc genere imitatio (i. e. simulatio) ridicula fuerit. 2. Veri affectus, ut luctus et ira, indoctos etiam saepe faciunt eloquentes. 3. Denique non incendit, nisi ignis, nec madescimus, nisi humore.

In eandem sententiam pulcherrime disputat Cicero de or. 2, 45. 46.

Qui moventur ipso. Ut vero afficiamur ipsi, omnis quidem acris cogitatio facit, sed plurimam ad hoc vim habent illae, quae vocantur *visiones*, per quas imagines rerum absentium ita praesentantur animo, ut eas cernere oculis ac praesentes habere videamur.

Qt. 6, 2.

Has quisquis bene conceperit, is erit in affectibus potentissimus. Ut hominem occisum querar; non omnia quae in re praesenti accidisse credibile est, in oculis habebo? non percussor ille subitus erumpet? non expavescet circumventus? exclamabit? vel rogabit? vel fugiet? non ferientem, non concidentem videbo? non animo sanguis et pallor et gemitus, extremus denique expirantis hiatus insidet? Insequetur *εὐσπρηγία*, quae a Cicerone

illustratio et *evidentia* nominatur, quæ non tam dicere videtur, quam ostendere: et affectus non aliter, quam si rebus ipsis intersimus, sequentur. An non ex his visionibus illa sunt:

Excussi manibus radii, revolutaque pensa: et,

Aen. 9, 476.

— *Levique patens in pectore vulnus;*

„ 11, 40.

et equus ille in funere Pallantis,

— *positis insignibus*

„ 11, 89.

It lacrymans, guttisque humectat grandibus ora.

Sic autem animi impetum sui orator in dicendo sequetur, ut inter medios hos motus et visiones iudicium in mente, velut quietus in puppi gubernator, resideat, vigilans et regens omnia, ut nec ipsa verba aut gestus sine consilio prodeant.

Quid servandum.

Si enim orator vel motuum aestu vel mentis agitatione abreptus, et sui quasi impos coeperit tumultuari; et satietatem pariet, et decori rationes negliget, et in se ipse nunc miserationem nunc contemptum movebit.

357. II. Summa deinde cura necessaria est, ut hæc pars orationis ad illorum, qui audiunt, cum naturam et conditionem, tum maxime præsentem affectionem accom-

Quid de auditore.

1. Non omne genus hominum in eisdem motus pronum aut lentum est: quod fuse docet Aristoteles Rhet. 2, 2-20. Nobis satis fuerit monuisse, vitæ usum et sui ipsius cognitionem ad hanc rem plurimum conferre.

2. Equidem cum aggredior ancipitem causam et gravem ad animos iudicum pertractandos; omni mente in ea cogitatione curaque versor, ut odorer, quam sagacissime possim, quid sentiant, quid existiment, quid expectent, quid velint, quo deduci oratione facillime posse videantur. Si se dant, et sua sponte, quo impellimus, inclinant atque propendent, accipio quod datur, et ad id, unde aliquis flatus ostenditur, vela do. Sin est integer quietusque iudex, plus est operis. Sunt enim omnia dicendo excitanda, nihil adjuvante natura. Sed tantam vim habet

De or. 2, 44.

illa, quae recte a bono poëta dicta est *flexanima atque omnium regina rerum*, oratio, ut non modo inclinantem excipere, aut stantem inclinare, sed etiam adversantem et repugnantem, ut imperator bonus ac fortis, capere possit.

Quid, et contrariis motus.

338. Quodsi, qui audit, non modo quietus, sed contra quam volumus affectus sit, plerumque insinuatione (n. 304.) opus erit.

1. Primum igitur orator prae se ferat animum in audientes quam maxime benevolum, et principio quidem, quoad licet, iis consentire videatur.

2. Paullatim deinde ad leniendos motus delabatur, nunc quidem relictis contrariis argumentis, sua proferet, ut odium misericordia, metum fiducia vincat; nunc recta adversarium adoriatur, praesertim si fraus aliqua, vel repugnantia in dictis ostendi potest; interdum etiam vanam perturbationem risu explodet, sed id quidem circumspecte, ne irritet animos.

3. Lenitis jam motibus, qui adversi erant, cum audientes errorem suum agnoverint, animos iis saepe addere orator, et ostendere debet, quo pacto a coeptis desistere sine dedecore et damno possint.

§ III.

QUOMODO IPSA AMPLIFICATIO INSTITUENDA SIT.

Quibus differat ab argumentatione.

339. Amplificatio differt ab argumentatione materia, fine et tractatione.

1. *Materia* : nam argumentatio adhibetur ad res omnes, amplificatio vero nonnisi ad res magnas et graviore causas.

2. *Fine* : proprium est enim argumentationi rem dubiam probare; amplificationi contra, re jamjam confirmata, voluntatem flectere.

3. *Tractatione* : nam argumentatio magis presse et argute proponit, ac sedate fertur instar amnis leniter fluentis; amplificatio vero fuse et graviter explicat, et pelagi in morem intumescit.

360. Genera autem amplificationis sunt duo, quorum <sup>Quae ge-
nera.</sup> licet utrumque orationem ampliorem faciat, alterum tamen rei gravitatem potissimum elocutione declarat, unde amplificatio verborum dicitur, alterum rerum congerie et pondere movet, quare amplificatio rerum appellatur.

1. Prius illud genus, quod graece ἀνέκδοτος vocatur, plus habet diffusionis et circuitus, atque rem unam eandemque per justam commorationem variatis verbis, sententiis, figuris tractat.

Ibis tandem aliquando, quo te jampridem tua ista cupiditas effrenata ac furiosa rapiebat. Neque enim tibi haec res offert dolorem, sed quandam incredibilem voluptatem. Ad hanc te amentiam natura peperit, voluntas exercuit, fortuna sertavit. Nunquam tu non modo olum, sed ne bellum quidem nisi nefarium concupisti. Naclus es ex perditis, atque ab omni non modo fortuna, verum etiam spe derelictis, constatam improborum manum. Hic tu qua laetitia perfruere? quibus gaudiis exsultabis? quanta in voluptate bacchabere, cum in tanto numero tuorum neque audies virum bonum quemquam, neque videbis? Ad hujus vitae studium meditati sunt illi, qui feruntur, labores tui; jacere humi non modo ad obsidendum stuprum, verum etiam ad facinus obeundum, vigilare non solum insidiantem somno maritorum, verum etiam bonis occisorum. Habes, ubi ostentes illam praecellaram tuam patientiam famis, frigoris, inopiae rerum omnium, quibus te brevi tempore confectum esse senties. Tantum profeci tum, cum te a consulatu repuli, ut exul potius tentare, quam consul vexare rempublicam posses: atque ut id, quod esset a te scelerate susceptum, latrocinium potius, quam bellum nominaretur.

1. Cat. 10.

Vide etiam in eadem oratione c. 7.

2. Alterum, quod ἀνέκδοτος dicitur, paucis saepe verbis rem in summam extollit magnitudinem, gravissima scilicet adjuncta conglobans.

Dura, medius fidiis, mihi jam fortuna populi Romani et crudelis videbatur, quae tot annos illum in hanc rempublicam insultare (videret et) paleretur. Polluerat stupro sanctissimas religiones: senatus gravissima decreta perfregerat: pecunia se

Pro Mil. 32.

a iudicibus palam redemerat : vexarat in tribunatu senatum : omnium ordinum consensu pro salute reipublicae gesta resciderat : me patria expulerat, bona diripuerat, domum incenderat, liberas, conjugem meam vexaverat : Cn. Pompejo nefarium bellum indixerat : magistratum privatorumque caedes effecerat : domum mei fratris incenderat : vastarat Etruriam : multos sedibus ac fortunis ejecerat. Instabat, urgebat : capere ejus amentiam civitas, Italia, provinciae, regna non poterant.

Vide alium praeclarissimum locum de suppl. c. 43. et hic n. 387.

Qui misceantur.

361. Haec autem genera saepissime miscentur, cum res singulae, quibus constat *ἑλυστικ*, verbis etiam amplissimis fusius per *αὐξήσις* explicantur.

Pro lego Man. 11.

Pompeji virtutes imperatorias ita extollit Cicero : *Testis est Italia, quam ille ipse victor, L. Sulla, hujus virtute et subsidio confessus est liberatam. Testis est Sicilia, quam multis undique cinctam periculis non terrore belli, sed celebritate consilii explicavit. Testis est Africa, quae, magnis oppressa hostium copiis, eorum ipsorum sanguine redundavit. Testis est Gallia, per quam legionibus nostris in Hispaniam iter Gallorum interneccione patefactum est. Testis est Hispania, quae saepissime plurimos hostes ab hoc superatos prostratasque conspexit. Testis est iterum et saepius Italia, quae, cum servili bello tetra periculosoque premeretur, ab hoc auxilium absente expelxit; quod bellum expectatione Pompeji attenuatum atque imminutum est, adventu sublatum ac sepultum. Testes vero jam omnes orae, atque omnes exterarum gentes ac nationes, denique maria omnia, cum universa, tum in singulis oris omnes sinus atque portus.*

Quid de amplificatione verborum.

362. In verborum amplificationem paene omnia conveniunt, quae in parte prima de ornatu praecepta sunt.

Maxime huc pertinent, quae de gravitate, copia, brevitate, de tropis et figuris traduntur. Illud vero inprimis advertant adolescentes, amplificare non esse inani sonu verborum instrepere, aut immodica superlatione rem ultra veritatem extollere, sed quae insunt in re, excellentiore quodam modo declarare.

363. Modos autem, quibus rerum amplificatio instituitur, plerique, Fabium sequentes, tradunt quatuor: congeriem, comparisonem, incrementum, ratiocinationem. Amplif. rerum fit per 8, 4.

Per congeriem fit amplificatio, cum argumenta ex variis locis oratoriis conglobata, vehementiore et splendidiore modo, adhibitis nempe gravissimis figuris, exponimus. Congeriem.

Huc ergo spectant conglobatae definitiones, consequentia, effectus, causae, adjuncta, enumerationes, quae praecipue figuris hypotyposis, prosopopeiae, interrogationis, subjectionis, exclamationis, praeteritionis et antithesis explicantur.

Amplificatio per comparisonem dicitur, quoties res per collationem cum aliis extollitur. Comparisonem.

Itaque huc non solum referuntur comparationes, de quibus n. 283. diximus, sed omne etiam genus similium, dissimilium, contrariorum et exemplorum (V. n. 294.).

Per incrementum fit amplificatio, cum ad majora usque progreditur. Incrementum.

Fit vel verbis vel sententiis (cf. n. 63.), vel rebus et argumentis latius tractatis. Huc spectat notissimum illud; *Facinus est, vincire civem romanum, scelus verberare, prope parricidium necare; quid dicam in crucem tollere?* — Longius et luculentissimum exemplum habes in eodem libro de suppl. c. 44-47. De suppl. 44.

Ratiocinatio dicitur, cum aliud augetur, ut aliud crescat. Ratiocinationem.

I. Prosequitur Cicero laudes Pompeji : *Quis enim toto mari locus per hos annos aut tam firmum habuit praesidium, ut tutus esset, aut tam fuit abditus, ut lateret? Quis navigavit, qui non se aut mortis aut servitutis periculo committeret, cum aut hyeme aut referto praedonum mari navigaret? Hoc tantum bellum, tam turpe, tam vetus, tam late dictum atque dispersum, quis unquam arbitraretur aut ab omnibus imperatoribus uno anno, aut omnibus annis ab uno imperatore confici posse? Quam provinciam tenuistis a praedonibus liberam per hosce annos? quod vectigal vobis tutum fuit? quem socium defendis-* Pro lege Man. 11, 12.

tis? cui praesidio classibus vestris fuistis? quam multas existimatis insulas esse desertas? quam multas aut metu relictas, aut a praedonibus captas urbes esse sociorum? Sed quid ego longinqua commemoro? Fuit hoc quondam, fuit proprium populi Romani, longe a domo bellare, et propugnaculis imperii sociorum fortunas, non sua lecta, defendere. Tum multis adjectis, sic denique concludit: Pro dii immortales! lanlanne unius hominis incredibilis ac divina virtus, tam brevi tempore, lucem afferre reipublicae potuit, ut vos, qui modo ante ostium Tiberinum classem hostium videbatis, nunc nullam intra Oceani ostium praedonum navem esse audialis?

1. c. Vocatur autem a Quintiliano ratiocinatio, quod hic quoque aliud ex alio colligitur, id quod proprium est ratiocinationi.

2. Ceterum hi quatuor modi in eodem saepe loco junguntur. Qua de causa Quintilianus ipse singulorum exempla in hac una brevi amplificatione ostendit:

2. Phil. 26. *Tu istis faucibus, istis lateribus, ista gladiatoria totius corporis firmitate, tantum vini in Hippiae nuptiis exhauseras, ut tibi necesse esset in populi Romani conspectu vomere postridie. O rem, non modo visu foedam, sed etiam auditu! Si inter coenam, in ipsis tuis immanibus illis poculis, hoc tibi accidisset, quis non turpe duceret? In coetu vero populi Romani, negotium publicum gerens, magister equitum, cui ruelare turpe esset, is vomens, frustis esculentis, vinum redolentibus, gremium suum et totum tribunal implevit. Sed hoc ipse faletur esse in suis sordibus; veniamus ad splendida.*

§ IV.

DE USU AMPLIFICATIONIS.

364. Amplificatio, quamquam habet proprium locum saepe primum, postremum quidem fere semper, tamen reliquo in cursu orationis adhibenda est, maximeque cum aliquid aut confirmatum est, aut reprehensum (sive refutatum).

Neque vero assiliendum statim est ad hoc genus orationis, nec cum in eam rationem ingressus sis, celeriter discedendum.

Ubi adhibenda.
Part. 8.

De or. 2, 53.

1. Homines prius illud, quod proprium sui iudicii est, audire desiderant; itaque fides primum argumentatione facienda est, inter quam oratio ardescat paulatim, et velut clanculum ad motum conversa magis ac magis accendatur.

2. Non enim sicut argumentum, simul atque positum est, arripitur, alterumque et tertium poscitur, ita misericordiam, aut invidiam, aut iracundiam, simul atque intuleris, possis commovere. Argumentum enim ratio ipsa confirmat, quae simul atque emissa est, adhaerescit; illud autem genus orationis non cognitionem audientis, sed magis perturbationem requirit, quam consequi nisi multa, et varia, et copiosa oratione nemo potest. Accedit, quod si consecuti fuerimus, uti illa ad propositum nostrum debemus.

365. In eodem tamen motu, praesertim vehementi valde diu haerendum non est; quia et fatigabitur auditor, et ipsa facile oratio decrescet. Sic ergo nobis moderabimur:

Quis modus
tenendus

1. In peroratione semper crescat oratio, sed cum affectum ad summum perduxerimus, relinquamus, apte concludendo.

In perorati-
one,

1. Itaque cum in aliis, tum maxime in postrema parte debet crescere oratio; quia quidquid non adjicit prioribus, etiam detrudere videtur, et facile deficit affectus, qui descendit.

Qt. 6, 1.

2. Sunt, qui maxime cum se proficere vident, finem dicendi facere nesciant, et sermonem immodice protrahentes, praeteritum quoque fructum orationis perdunt. Cum ad summum pervenerimus, paucis omnino concludendum; sed hoc est, quod orator praecipue providere animo, ac minime fortunae committere debet, quomodo concludat.

2. In reliquo vero cursu orationis, cum orator motum eo, quo voluit, perduxerit, nec nimis in eo moretur, nec inepte abruptat, sed per alios leniores motus ad probationes redeat.

In reliqua o-
ratione.

366. Si forte aliquis inter dicendum effulserit extemporalis calor, non superstitiose cogitatis demum est inhaerendum.

Quid de
subito motu.
Qt. 10, 6.

1. Neque enim tantum habent curae, ut non sit dandus etiam fortunae locus. — Et certe huiusmodi modus, quo magis est verus et naturalis, eo etiam facilius transfunditur in audientes.

2. Ita tamen affectum animi orator sequatur, ut iisdem fere, quas tractavit, rebus insistat. Nova enim argumenta, quae subito occurrunt, et difficilius judicantur, et dicentem, nisi sit magnae facultatis, perturbant.

Quae valentanda.

367. Hoc etiam in omni amplificatione providendum, ut cum jam inflammari coeperit oratio, abstrusa et erudita, minuta quoque et exquisitum sermonis cultum vitemus.

1. In erudita oratione intentione ingenii animus refrigescit; itaque inter amplificandum non est nisi brevissime argumentandum.

Part. 17.

2. Nec quidquam in amplificatione nimis enucleandum est: minuta est enim omnis diligentia; hic autem locus grandia requirit.

Qt. 9, 3.

3. Quis ferat contrapositis, et pariter cadentibus, et consimilibus irascentem, flentem, rogantem? cum in his rebus cura verborum derogat affectibus fidem: et ubicunque ars ostentatur, veritas abesse videatur. cf. n. 148.

Quae amplific. valentissima.

368. Illa denique amplificatio ad vincendum vim maximam habet, quae plures motus, sed inter se convenientes, miscet.

1. Talis enim oratio animum undique aggreditur, et quasi multiplicato impetu oppugnat.

2. Convenientes inter se motus non illi solum putandi sunt, qui inter se similitudinem habent, ut ira et indignatio, sed quicumque in re, quam tractamus, simul nasci possunt, ut saepe metus simul et fiducia, misericordia in reum, ira in accusatore, et vicissim.

En tibi praeclarum exemplum:

Liv. 23, 9.

Per ego te, fili, quaecunque jura liberos jungunt parentibus, precor quaesoque, ne ante oculos patris facere et pati omnia infunda velis. Paucae horae sunt, intra quas jurantes, per

quidquid deorum est, dexteras dextrae jungentes, fidem obstrinximus, ut sacratas fide manus, digressi ab colloquio, extemplo in eum armaremus? Ab hospitali mensa surgis, ad quam tertius Campanorum adhibitus es ab Hannibale, ut eam ipsam mensam cruentares hospitis sanguine? Hannibalem pater filio meo potui placare, filium Hannibali non possum? Sed sit nihil sancti, non fides, non religio, non pietas: audeantur infanda, si non perniciem nobis cum scelere afferunt. Unus aggressurus es Hannibalem? Quid illa turba tot liberorum sercorumque? Quid in unum intenti omnium oculi? Quid tot dextrae? torpescuntne in amentia illa? Vultum ipsius Hannibalis, quem armati exercitus sustinere nequeunt, quem horret populus Romanus, tu sustinebis? et, alia auxilia desint, me ipsum ferire, corpus meum opponentem pro corpore Hannibalis, sustinebis? Atqui per meum pectus petendus ille tibi, transfigendusque est. Deterreri hic sine te potius, quam illic vinci. Valeant preces apud te meae, sicut pro te hodie valuerunt.

Alia exempla habes de suppl. c. 62. et 63. — pro Mil. et Murena in perorat. — S. Chrysost. in Eutrop. — Demost. Phil. I.

CAPUT VI.

DE CONFUTATIONE.

369. Confutatio est pars orationis, in qua contrariae rationes refelluntur. Quid sit.

De ea quaerimus primum, quando et ubi facienda sit; deinde, quibusnam modis fieri possit.

ART. I.

QUANDO ET UBI REFUTANDUM SIT.

370. Non semper adhibenda est refutatio. Saepè enim per ea ipsa, quibus nostrum propositum monstratur, adversae rationes diluuntur; aut etiam ignota sunt, quae opponuntur, audientibus, vel certe eos parum commovent, cum tamen fortasse responsio sit difficilis. Semper adhibenda.

1. Interdum refutatio non necessaria, utilis tamen est sive ad causam explicandam, sive ad infirmandam adversariorum fidem et auctoritatem.

2. Difficilis aliquando responsio, non quia verum sit, quod objicitur, sed quia subtilior refutatio et audientibus ingrata.

Ubi facienda.

371. Fit autem refutatio modo ante, modo inter, modo post confirmationem. — Ante probationes facienda est, cum auditor contrariis rationibus ita captus est, ut argumentationi nostrae attentas et benevolas aures non sit praebiturus, aut cum nisi refutatis, quae objiciuntur, argumenta nostra vim non habebunt.

Utrumque accidit Ciceroni in causa Miloniana, nam et iudicibus timor expellendus, et verus causae status demonstrandus erat.

Inter argumentandum adversaria, quae ex ipsa oratione et argumentis nostris nascuntur, refutabimus.

c. 21. 1. Tale est in eadem oratione pro Mil. *Cur igitur victus est? Quia non semper viator a latrone, nonnunquam etiam latro a viatore occiditur; quia quamquam paratus in imparatos Clodius, tamen mulier incidit in viros.*

c. 12. 2. Ejusmodi refutatione saepe fit elegantissime transitio, ut : *At valuit odium, fecit iratus, fecit inimicus, fuit ullor injuriar, punitor doloris sui. Quid? si haec, non dico majora fuerunt in Clodio, quam in Milone, sed in illo maxima, nulla in hoc : quid vultis amplius?*

3. Quodsi vero talis refutatio orationis cursum morari nimium videatur, indicata paucis difficultate, responsuros nos postea promittimus.

Post confirmationem ea refutabimus, quae non ex singulis argumentis nostris, sed aliunde deprompta adversus causam afferuntur, nec tamen ejusmodi sunt, quae necessario ante confirmationem dilui debeant. Vide pro lege Manilia c. 17-24.

Hinc in universum praecipit Fabius : Si agimus, nostra confirmanda sunt primum : tum quae nostris opponuntur, refutanda : si respondemus, prius incipiendum est a refutatione.

5, 13.

372. Plerumque id, quod maxime ab adversariis jactatur aut gravissimum auditori esse videtur, primum elevandum est, ne hoc spectans auditor, reliquorum defensionis sit adversior. Attamen si hujus defensio difficilior est, leviora, quae palam falsa sunt, prius tractantur, ut detracta jam adversariis fide, aggrediamur ultimum.

Quae ordine
qt. 7, 1.

Opus erit tamen praefatione, qua et ratio reddatur dilati argumenti et promittatur solutio; ne id, quod non statim diluamus, timere videamur.

Videndum etiam, num idem ordo servari possit in solvendo, quem adversarius tenuit in arguendo; necnon, num refutatio unius argumenti viam sternat ad reliqua levanda.

Quae videntur
da praeterea.

Confutatio, quae adversarii ordinem sequitur, et planior esse solet, et vel minime in suspicionem artificii venit.

ART. II.

DE VARIIS REFUTANDI MODIS.

373. Tribus maxime modis refutare poterimus: negando, distinguendo, retorquendo.

Qui modi.

I. *Negamus* vel rem ipsam, quae objicitur, vel probationem, vel denique consequentiam.

Qui negetur

1. Si res ipsa negatur, afferenda sunt argumenta haud secus ac si confirmamus: quibus autem ex locis aliqua res confirmari potest, iisdem potest e locis infirmari.

res.
De Inv. I, 49.

Verres signa, quae e sacrario Heji Mamertini abstulerat, a se empti esse dixit. Negat Cicero: *Quid igitur nobis faciendum est? num argumentis utendum in re ejusmodi? quaerendum est, credo, Hejus iste num aes alienum habuerit, num auctionem fecerit: si fecerit, num tanta difficultas cum rei nummariae*

De sign. 6.

374. II. Distinguendo refellimus, si quid veri, quod Quid distinctio.
 inest in argumento, concedimus, aliud tamquam falsum
 rejicimus.

Id facit Cicero, licet tantum praetereundo :

*At enim ne quid novi fiat contra exempla atque instituta
 majorum. Non dicam hoc loco, majores nostros semper in pace
 consuetudini, in bello utilitati paruisse, semper ad novos casus
 temporum novorum consiliorum rationes accommodasse etc.*

Pro lege.
 Man. 70.

375. III. Retorquemus adversarii argumentum, cum Quid sit
 retorquere.
 contra ipsum vertimus.

*Hoc teneo, hic haereo, judices, hoc sum contentus uno : De suppl. 61.
 omitto ac negligo cetera : sua confessione induatur ac fuguletur
 necesse est. Qui esset, ignorabas? Speculatorum esse suspicabare?
 non quaero, qua suspicione; tua te accuso oratione : civem ro-
 manum se esse dicebat.*

376. Sunt etiam alii refellendi modi. Nam saepe, mis-
 sis iis, quae contra nos dicuntur, adversarium vel malae
 fidei, inscitiae, repugnantiae in dictis arguimus; vel vicis-
 sim graviora objiciendo lacessimus; vel denique irridendo
 aut increpando repellimus.

Alii modi
 refellendi.

1. Primi generis exemplum habes n. 342. (2).

2. S. Chrysostomus quaerentibus, cur non sint amplius, qui
 mortuos suscitent et aegrotos sanent : Cur non sunt hodie, in-
 quit, qui vitam praesentem despiciant? Mercede Deo servimus.
 Vide etiam pro Mil. c. 8.

Hom. 8. ad
 Coloss.

3. Cicero pro Murena Catonis et Sulpicii auctoritati nihil fere
 aliud, quam sales et facetias opposuit, ita ut iudicium totum
 risu dissolveretur, Catoque ipse subridens : — Dii boni, excla-
 maret, quam ridiculum Consulem habemus! Alia exempla vide
 de or. 2, 54-72. Sed tamen hoc totum genus anceps est et
 periculosum; quo saepe etiam abutuntur ii, qui alia non ha-
 bent, quae respondeant.

377. Saepe fraudulentum oratores, ut difficilem locum fu-

Fraudes.

giant, securitatem simulantes, quae contra se dicuntur, leviter attingunt, sua vero magnifice exornant; aut pollicentur alio in loco, ubi id commodius fieri possit, se responsuros, ut interea sensim sine sensu elabantur; vel denique divellunt argumenta, ut quae conjuncte non possint, separatim infirmant.

De or. 2, 72. 1. Antonius apud Ciceronem: Confiteor me, inquit, si quae premat res vehementius, ita cedere solere, ut non modo non objecto, sed ne rejecto quidem scuto fugere videar; sed adhibere quandam in dicendo speciem, atque pompam, et pugnae similem fugam; consistere vero in meo praesidio sic, ut non fugiendi hostis, sed capiendi loci causa cessisse videar.

2. Secunda est fraus pessima, sed facilis ad detegendum.

3. Recte quidem ad singula, quae obijciuntur, seorsum respondemus; sed sunt argumenta, quae ex ipsa conjunctione tantum vim habeant (n. 332.).

quae ca-
venda.

378. Haec autem in refutando providenda sunt maxime:

I. Ne aut dissimilemus vim argumenti lis, qui audiunt, optime cogniti, aut contra ita augeamus, ut responsio debiliior videatur.

Saepe amplificari convenit objecta, ut luculentior sit victoria: sed hoc non est faciendum, cum contraria argumenta speciem habent blandientem aut quasi caecantem, refutatio vero captu est difficilis, et sua natura jejunior. Maxime autem in genere sacro id semper orator efficere et debet et potest, ut nulla dubitatio, nullaque maneat suspicio falsitatis.

II. Ne nos abjiciamus in genus dicendi humile et cavillatorium.

III. Ne adversariorum fraude a re controversa nos abduci sinamus.

Studiosae orator secum ipse disquirat, quantum ad eam rem, quae maxime quaeritur, infirmendam, quae opponuntur, valeant. Consueverunt enim dolosi ea agitare maxime, quae ad rem non pertinent.

CAPUT VII.

DE PERORATIONE.

379. Peroratio est extrema orationis pars, in qua id, quod tota oratione expetebat orator, majori vehementia evincere et obtinere contendit.

Quid sit.
Qt. 6, 1.

Haec igitur pars omni studio excolenda est, quod, quae in ea dicuntur, mentibus auditorum adhaerescunt, et res plerumque exitu et fine aestimantur.

Partes perorationis sunt enumeratio, et amplificatio.

Quae ejus
partes.

I. Enumeratio rerum, quae tractatae sunt, pressa repetitione totam simul causam ponit ante oculos.

Hujus ipsa tempora duo sunt, si aut memoriae diffidas eorum, apud quos agas, vel intervallo temporis, vel longitudine orationis; aut frequentatis firmamentis orationis, et breviter expositis, vim est habitura causa majorem.

Quando faci-
enda.
Part. 17.

Itaque non semper est adhibenda; nonnumquam quidem laudatori, suasori non saepe, accusatori saepius, quam reo.

Neque vero omnia minima repetat, sed pondera rerum ipsa comprehendat.

Quae repe-
tenda.
Ibid.

Itaque, quod graeco vocabulo (*ἀνακεφαλαιώσεις*) patet, decurrendum per capita; nam si morabimur non jam enumeratio, sed altera quasi fiet oratio.

Qt. 6, 1.

Quae enumeranda videntur, cum pondere aliquo dicenda sunt, et aptis excitanda sentiis, et figuris utique varianda; alioqui nihil est odiosius recta illa repetitione.

Qui elo-
quenda.
Ibid.

Optime in Verrem Cicero: *Ipse Pater*, aut, cum idem in eundem, *per invocationem deorum spoliata a praetore templa* dinumerat. Licet et dubitare, num quid nos fugerit; et quid responsuri sint adversarii his et his; aut quam spem accusator habeat, omnibus ita defensis. Illa vero jucundissima, si contingat aliquod ex adversario ducere argumentum, ut si dicas: *Reliquit hanc partem causae, aut invidia premere maluit, aut*

De suppl. 52.

Ibid. 72.

ad preces confugit; et merito, cum sciret haec et haec. Sed non sunt singulae species persequendae, ne sola videantur, quae forte nunc dixero; cum occasiones, et ex causis, et ex dictis adversariorum, et ex quibusdam fortuitis quoque oriantur.

Nam in sola
peroratione
facienda.
Qt. 6, 1.

380. Etiam in aliis partibus actionis, si multiplex causa sit, et pluribus argumentis defensa viriliter, ἀνακεφαλαιώσως fieri solet.

Ita Cicero ante narrationem enumerat, quae ad confutandos adversarios tractavit :

Pro Mil. 9. *Quamobrem, iudices, ut aliquando ad causam crimenque veniamus, si neque omnis confessio facti est inusitata; neque de causa quidquam nostra aliter, ac nos vellemus, a senatu iudicatum est; et lator ipse legis, cum esset controversia nulla facti, juris tamen disceplationem esse voluit; et dilecti iudices, isque praepositus quaestioni, qui haec juste sapienterque disceptet : reliquum est, iudices, ut nihil jam aliud quaerere debeat, nisi, uter utri insidias fecerit.*

Et rursum in media confirmatione c. 19. *Video adhuc constare omnia.* In peroratione autem enumerationem non facit.

Quid de
amplificatio-
ne.

381. II. Amplificatio, etsi aliis quoque in partibus adhibetur, in peroratione tamen velut sedem propriam obtinet.

c. 1. *Quare : Illic, si usquam,* ait Fabius, *totos eloquentiae aperire fontes licet. Nam, si bene diximus reliqua, possidemus jam iudicum animos : et, confragosis atque asperis evecti, tuto pandere possumus vela.*

Qualis esse
debeat.

Tametsi vero animorum motu aliquando terminanda fere est omnis oratio; diligenter tamen, qualis causae conveniat, circumspicendum est.

Ct. Qt. ibid. *Sunt enim et illi leniores epilogi, in quibus non affectus, sed mores tractantur : ut cum adversario satisfacimus, aut amice aliquid commonemus, aut ad concordiam aliasve virtutes hortamur, quod praecipue in deliberatione et eloquentia sacra non raro contingit.*

De instituenda autem amplificatione, ad ea, quae ante dicta sunt, brevissimum hoc praeceptum adjicitur, ut scilicet totas causae suae vires orator ante oculos ponat; et cum viderit, quae sint in rebus gravissima, ea dicat, quibus, si auditor esset, ipse maxime commoveretur.

Quomodo
instituenda.
Ibid.

De cetero amplificatio cum enumeratione persaepe optime conjungitur, ut exempla, quae paulo ante ex actione de suppliciis attuli, demonstrant.

CAPUT VIII.

DE SYNOPSIS ORATIONIS.

382. Synopsis dicitur brevis totius orationis adumbratio. Quid sit.

Itaque praecipua momenta per partes orationis distributa exhibet, nihilque est aliud, quam ipsa dispositio orationis presse enuntiata.

Tria genera distinguuntur, prout res dicendae plus minusve explicatae notantur. Genera.

I. In *prima* summa tantum capita notantur hunc in modum:

ORATIO PRO LEGE MANILIA.

Exordium : Ab adjunctis rostrorum, ex quibus Cicero nunc primum dicit.

Narratio : Exponitur status belli Mithridatici.

Propositio : Bellum Mithridaticum acriter gerendum et Cn. Pompejo committendum est.

Confirmatio : *Pars prima* : quia hoc bellum 1) genere ipso necessarium, 2) magnitudine periculosum est.

Altera pars : quia in Cn. Pompejo omnia reperiuntur, quae in summo imperatore inesse debent.

Confutatio 1. Hortensii argumentum : uni omnia non esse tribuenda, nuper jam eventus refutavit.

2. Catuli ratio, nihil esse agendum contra mores et instituta majorum, non in omni rerum conditione tenenda est.

Peroratio : Laus et exhortatio Manilii, Ciceronis studium in hac lege tuenda.

II. *Secunda* res et argumenta, quibus ea, quae in prima notata sunt, sive probantur, sive exponuntur, adjungit, ut:

Confirmatio. Pars prima : Bellum I) genere ipso necessarium : nam in eo agitur 1) gloria populi romani, 2) salus sociorum, 3) aguntur vectigalia maxima, et 4) bona multorum civium.

Pars altera : In Cn. Pompejo omnia inveniuntur, quae in summo iniperatore inesse oportet : 1) scientia rei militaris, 2) virtus, 3) auctoritas, 4) felicitas.

III. *Tertia* denique paene res singulas attingit, notato etiam interdum argumentationis et amplificationis genere necnon eloquendi figuris: ut

Bellum est I. genere ipso necessarium, quia in eo 1) agitur gloria populi romani. — Nam Mithridates nece civium romanorum summam injuriam intulit nomini romano; ampl. ex adjunctis — nec tamen poenam dignam suscepit, imo imminet provinciis populi romani, et cum ipsis hostibus societatem inivit; — ergo agitur gloria populi romani. — Atqui majores ob multo leviores injurias bella magna gesserunt; ergo — Amplif. per opposita. —

Et ex parte secunda : In Cn. Pompejo est I) scientia rei militaris summa; nam I. a prima juventute, (comparatio cum aliis ducibus — antitheses), — et 2) in omni genere bellorum cum summa laude versatus est. — II. Virtus 1) illa, quae vulgo imperatoria existimatur, ostenditur a) enumeratione victoriarum, b) amplificatione victoriae de praedonibus relatae, ab anteced. conseq. et adjunctis; — 2) eae virtutes, quae praeterea ut illius comites et administrae requiruntur, innocentia etc. etc.

Semperne
facienda.

383. Ne caeco in dicendo impetu feramur, ratio totius orationis cogitatione acerrima semper complectenda est; eaque tum etiam ut litteris mandetur, suadent, cum forte ipsa oratio non scribitur.

Schol. I. Neque vero ad hujusmodi rationem revocari orationes omnes eodem modo possunt. Plerumque scilicet omnia,

quae dicuntur, hoc inter se cohaerent, quod singula tractantur ut argumenta, quibus proposita quaequam sententia demonstratur. Sed contingit, maxime cum dura est ipsa propositio, ut orator non sumat sibi unam sententiam toto orationis cursu probandam, sed potius vario rerum genere audientium mentes pertractet, donec tandem id, quod sibi proposuit, aggredi directo audeat. — Talis est oratio S. Chrys. in Eutrop. Propositum erat, ut populus, nedum ulcisceretur Eutropium, veniam potius ei ab imperatore flagitaret; neque vero, nisi quae ultimo loco dicta sunt, tanquam argumenta, quibus talis propositio probetur, considerari possunt; sed quae vir eloquentissimus de vanitate rerum humanarum, de commutatione fortunae etc. praemisit; haec nimirum mirifice animos ira concitatos emolliere, et ad propositionem illam aequis auribus excipiendam comparaverunt. Adeo verum est, a fine maxime pendere, ut una sit et simplex oratio. Hic tamen modus dicendi longe difficillimus est.

Schol. 2. Qui magna dicendi facultate, et animorum summa cognitione praediti sunt, nonnunquam inter orandum dispositionem feliciter mutaverint; sed minus peritis id longe periculosissimum. — Dispositio scilicet tota semper accommodanda est auditorum prudentiae et affectui. Jam vero, quam quodvis argumentum vim sit habiturum, non semper accuratissime praevidetur. Itaque summus ille orator, cum alios, quam expectaverat, motus in iis, qui audiunt, animadvertit; res alias brevius, latius alias dicet, alias omittet, aliarum ordinem convertet; haud secus atque imperator aciem aliter et aliter inter praeliandum disponit. — Sed, qui minus fuerint hujus artis periti, et in judicandis auditoribus saepissime falluntur, et mutanda dispositione perturbari solent.



LIBER TERTIUS.

DE ELOCUTIONE, MEMORIA ET PRONUNTIATIONE.

CAPUT I.

DE ELOCUTIONE.

De Inv. l. 7. 384. Elocutio est idoneorum verborum et sententiarum ad res inventas accommodatio.

Or. 19. Hanc maxime requiri, hac una oratorem excellere, nomen ipsum indicat; siquidem et graece ab eloquendo *ῥήτωρ*, et latine *eloquens* dictus est. Ceterarum enim rerum, quae sunt in oratore, partem aliquam sibi quisque vindicat; dicendi autem, id est, eloquendi maxima vis soli huic conceditur.

Cf. Qt. 8
proem.

2. Quod tamen non ideo a nobis commemoratur, ut eloquentiae studiosi, omissa rerum, qui nervi sunt in causis, diligentia, quodam inani circa voces studio senescant; sed ut rebus sollicite inventis, prudenterque dispositis aliam eamque non minus necessariam quam difficilem superesse partem sciant. Mentis enim concepta nisi apto sermone prompta et ad audientes prolata fuerint, supervacua procul dubio, et gladio intra vaginam haerenti similia sunt. — Quapropter hujus partis praecepta a magistris eloquentiae praecipua cura tradi consuevere, nec fere in alia magis ipse M. Tullius elaboravit. Nobis tamen, qui styli doctrinam in parte prima jam tradidimus, hoc loco id unum restat, ut de virtutibus dicendi, quas inibi executi sumus, nonnulla in oratoris usum notemus. Ac primum quidem

Quid de perspicuitate.

385. I. Omnia, quae de perspicuitate rerum et verborum tradita sunt, oratori praecipuo quodam studio curanda sunt.

Qt. 8, 2.

Etenim id in consilio est habendum, non semper tam esse acrem audientis intentionem, ut obscuritatem apud se ipse discutiat, et tenebris orationis inferat quoddam intelligentiae suae lumen; sed multis eum frequenter cogitationibus avocari; nisi tam clara fuerint, quae dicemus, ut in animum ejus oratio, ut sol in oculos, etiamsi in eam non intendatur, incurrat. *Quare non, ut intelligere possit, sed, ne omnino possit non intelligere, curandum.*

386. II. Ornatus non in amplificatione tantum, sed in ipsis quoque probationibus, prout res permiserit, frequenter usurpandus. Sed hic ornatus virilis et fortis et sanctus sit, nec effeminatam laevitatem, et fuco ementitum colorem amet, sanguine et viribus hiteat.

Quid de ornatu.

Ibid. 3.

Belle hoc loco Fabius in eam sententiam disputat, veram speciem nunquam ab utilitate dividi. (cf. n. 4.) Qui alibi : Ne iis quidem, ait, consentio, qui semper argumenta sermone puro, dilucido et distincto, ceterum minime lato ornatoque putant esse dicenda. Namque ea distincta quidem ac perspicua debere esse confiteor : in rebus vero minoribus etiam sermone et verbis quam maxime propriis et ex usu. At, si major erit materia, nullum ornatum iis, qui modo non obscuret, subtrahendum puto. Nam et saepe plurimum lucis affert ipsa translatio ; quoque quid est natura magis asperum, hoc pluribus condendum voluptatibus. Nisi forte existimamus Ciceronem haec male, ipsa argumentatione, dixisse, *silere leges inter arma et gladium nobis interdum ab ipsis porrigi legibus*. His tamen habendus modus, ut sint ornamento, non impedimento.

5, 14

387. III. Brevitas licet multis in partibus diligenter quaerenda sit, generatim tamen copiosa, quam praecisa dictio oratori est utilior.

Quid de brevitate.

Neque sallustiana brevis, qua nihil apud aures vacuas et eruditas potest esse perfectius, apud occupatum variis cogitationibus judicem, et saepius ineruditum, captanda nobis est. — Quapropter orator saepe sententiam pluribus, quam in descriptione necesse fuerit, explicabit, eademque de causa

qt. 10, 1.

Non raro etiam idem pluries dicere debebit ; qua tamen in re haec duo servabit, primum, ut loco id faciat, deinde cum pluries dicit idem, ne dicat eodem modo.

Quid, si pluries idem dicit.

1. Facile videris, id fieri non debere, nisi in loco vel ad intelligendum difficili, vel ad movendum gravi, ut :

Βούλομαι τοῖνον ὑμᾶς μετὰ παύσεως ἐξετάσαι τὰ παρόντα πράγματα τῇ πόλει, καὶ σκέψασθαι, τί ποιοῦμεν αὐτοῖς νῦν, καὶ ὅπως

De Chers. post exord.

χρώμεθ' αὐτοῖς. ἡμεῖς οὐτε χρέματα εἰσφέρειν βουλόμεθα, οὔτε αὐτοὶ στρατεύεσθαι τολμῶμεν, οὔτε τῶν κοινῶν ἀπέχεσθαι θυνάμεθα, οὔτε τὰς συντάξεις Διοκρίτει διδομεν, οὐδ' ὅς' ἂν αὐτὸς αὐτῷ πορίσῃται, ἐπαινοῦμεν, ἀλλὰ βασκαίνουμεν καὶ σκοποῦμεν, πόθεν καὶ τί μέλλει πῶλιν, καὶ πάντα τὰ τοιαῦτα, οὐτ' ἐπειδὴ περ οὕτως ἔχομεν, τὰ ἡμέτερόν αὐτῶν πράττειν ἐθέλομεν· ἀλλ' ἐν μὲν τοῖς λόγοις, τοὺς τῆς πόλεως λέγοντας αἴξια ἐπαινοῦμεν· ἐν δὲ τοῖς ἔργοις, τοῖς ἐναντιούμενοις τούτοις συναγωνίζομεθα. ὑμεῖς μέντοι ἐιδώσατε ἐκάστοτε τὸν παρόντα ἐρωτᾶν, τί οὖν χρὴ ποιεῖν; ἐγὼ δ' ὑμᾶς ἐρωτῆσαι βούλομαι, τί οὖν χρὴ λέγειν; εἰ γὰρ μήτε εἰσείσετε, μήτε αὐτοὶ στρατεύσεσθε, μήτε τῶν κοινῶν ἀπέξεσθε, μήτε τὰς συντάξιν Διοκρίτει δώσετε, μήτε, ἐς' ἂν αὐτὸς αὐτῷ πορίσῃται, ἐάσετε, μήτε τὰ ὑμέτερόν αὐτῶν πράττειν ἐθέλησετε, οὐκ ἔχω τί λέγω.

2. Imitandi sunt summi oratores, qui rem eandem nunc propriis, nunc translatis verbis dicunt; nunc ratione, nunc exemplo vel simili tractant; nunc enuntiant in universum, nunc in certa rerum genera accommodant.

Quid de
apto dicendi
genere.

388. IV. Quae de apto dicendi genere traduntur, oratori prae ceteris commendari liquet. Huc autem vel maxime pertinet, ut oratio sit popularis h. e. ad populi sensum et captum accommodata.

Quae ratio dicendi non tam in materia, quam in sententiis et verbis, quibus tractatur materia, quaerenda est. Vix est enim argumentum, de quo apud populum agere sit utile, quin possit tractari accommodata ad popularem sensum.

Quid, ut
populare sit.

Videndum igitur est: 1. ut optime intelligas, quae probatione vel expositione egeant (n. 335.); 2. ut ea, quibus illustres vel confirmes, illo ex genere rerum assumas, quae optime cognitae sunt audientibus.

Magna est ars, ad popularia se sensa demittere, et per ea audientes ad cognoscenda altiora sensim erigere. Quod qui efficere volet, pernoverit necesse est, quibus litteris eruditi sunt, qui audiunt; quae sermone quotidiano tractent; quibus ducantur opinionibus; quas vivendi rationes teneant etc.

389. Obscura rudibus esse solent, quae in universum enuntiantur, nisi sumpta fuerint de vita; ex his ipsis autem, quae singularia sunt, alia sunt aliis hominibus accommodatiora.

Quae rudibus obscura.

1. Hinc apud oratores frequentissimae enumerationes partium, effectuum, exemplorum.

2. Sed tum haec tum reliqua, quibus illustratur oratio, ut similitudines et comparationes, non eadem apud rusticos et urbanos, apud maritimos et ruricolos deligenda.

Vocabula minime popularia sunt: 1. multa ex peregrinis, vetustis et novis, quamvis forte inter doctos homines recepta; 2. exquisita ad ornatum, praesertim si multa sunt; 3. ea denique, quae abstracta vocantur. — In conjungendis autem verbis nihil magis apud rudes videndum, quam ut ne implexa sit compositio, et primarius sensus facillime notetur. ~

Quae vocabula vitanda.

390. Postremo permagni momenti est ad omnem virtutem dicendi, orationem paene semper ad eos, qui audiunt, esse conversam, quo perpetua quaedam sit cum iis communicatio et velut collocutio.

Quid adhuc.

1. Sic enim fiet, ut audientes, quod sibi omnia dici intelligunt, attendant magis, moveanturque facilius. Ipse vere orator hoc modo vix non cogitur orationem auditoris prudentiae et affectui accommodare.

2. Operae pretium facies, si mediocres oratores cum Cicerone et Demosthene contuleris. Illos non loqui dixeris ad praesentem auditorem, sed libellum scriptum nescio cui recitare: qui saepe etiam Deum antea et omnes Sanctos, templi muros, montes, nubes et colles compellant, quam vel semel ad ipsos audientes sermonem converterint. Contra apud hos oratores praestantissimos illa, quam dixi, cum audientibus collocutio, a descriptione toto genere dissimilis, vix unquam interrupta, apostrophae autem quam rarissimae.

CAPUT II.

DE MEMORIA.

(Qt. 11, 2.)

Qui memoriae fructus.

391. Memoriae, quae dicitur rerum et verborum recordatio, cum in omni disciplina, tum maxime in hac oratoria incredibilis est vis et utilitas.

qt. Memoriam quidam naturae modo munus esse existimaverunt; estque in ea non dubie plurimum, sed ipsa excolendo, sicut alia omnia, augetur: et totus, de quo diximus adhuc, inanis est labor, nisi ceterae partes hoc velut spiritu continentur. Haec Fabius, apud quem (l. c.) vide alia plura. Cf. etiam de or. 2, 87.

Qui colenda.

qt. Si vero quis unam maximamque a me artem memoriae quaerat, *exercitatio* est et *labor*: multa ediscere, multa cogitare et, si fieri potest, quotidie, potentissimum est.

Nihil aequae vel augetur cura vel negligentia intercidit. Quare et pueri statim quam plurima discant, et quaecunque aetas operam juvandae studio memoriae dabit, devoret initio taedium illud, et scripta et lecta saepius revolvendi. Quod ipsum hoc fieri potest levius, si pauca primum, et quae taedium non afferant, coeperimus ediscere; tum quotidie adicere singulos versus, quorum accessio labori sensum incrementi non afferat, in summam ad infinitum usque perveniat.

Schol. Tradunt nonnulli hoc loco artificium quoddam memoriae, quod Simonides invenisse dicitur, (Qt. et Cic. ll. cc. Ad Herenn. 3, 16-24); quod cum duplici memoriae cura impedimento potius, quam praesidio sit, nos cum Quintiliano simpliciora tradamus.

Quae in ediscendo juvent.

qt. 392. Si longior complectenda memoria fuerit oratio, juvabit: 1. Bona rerum divisio et verborum numerosa compositio.

Certa sunt enim non solum in digerendis quaestionibus, sed etiam in exequendis, si modo recte dicimus, prima ac secunda et deinceps; cohaeretque omnis rerum copulatio, ut ei nihil neque subtrahi sine manifesto intellectu, neque inseri possit. Etiam quae bene composita erunt, memoriam serie sua ducunt: nam sicut facilius versus ediscimus, quam prosam orationem, ita prosae vineta, quam dissoluta.

2. Proderit per partes ediscere; et hae partes non sint perexiguæ, sed ut quisque finiatur locus.

3. Initia harum partium notis seu imaginibus signanda sunt.

Hunc in finem singulae illae partes a novo versu incipiendae; imaginibus autem utendum est, quales Cicero commendat, agentibus, acribus, illustribus, explicatis, insignitis, quae occurrere celeriterque percutere animum possint.

4. Illud etiam neminem non juvabit, iisdem, quibus scripserit, chartis ediscere.

Nam similis legenti velut oculis intuetur non paginas modo sed versus prope ipsos; et si litura aut adjectio aut mutatio interveniat, signa sunt quaedam, quae intuentes deerrare non possumus.

5. Optimum erit pronuntiare, quae ediscimus.

Quum enim tacite ediscimus, subeunt velut otiosum animum plerumque aliae cogitationes, propter quas excitandus est vox, ut duplici motu juvetur memoria, dicendi et audiendi. Sed haec vox sit modica et magis murmur.

6. Nec sine causa suadent, tempore matutino aut ante somnum ediscere.

Hic illud etiam notandum, minime fidelem esse paulo tardioribus ingeniis recentem memoriam. Mirum dictu est, nec in promptu ratio, quantum nox interposita afferat firmitatis; quae statim referri non poterant, contextuntur postero die; confirmatque memoriam idem illud tempus, quod esse in causa solet oblivionis.

Num ad 393. Quod denique quaerunt, utrum ad verbum sit edis-
verbum. cendū dicturis, an vim modo rerum atque ordinem com-
qt. plecti satis sit: de hoc sine dubio non potest in universum pronuntiari.

1. Nam si memoria suffragatur, tempus non defuit, nulla me velim syllaba effugiat; alioquin etiam scribere sit supervacuum. Idque praecipue a pueris obtinendum, atque in hanc consuetudinem memoria exercitatione redigenda, ne nobis discamus ignoscere.

2. Si vero aut memoria natura durior erit, aut non suffragabitur tempus, etiam inutile erit ad omnia se verba alligare, cum oblivio unius eorum cujuslibet, aut deformem haesitationem, aut etiam silentium inducat; tutiusque multo, comprehensis animo rebus ipsis, libertatem sibi eloquendi relinquere.

CAPUT III.

DE PRONUNTIATIONE.

(Qt. 11, 8. de Or. 3, 56-60.)

Quid sit. 394. Pronuntiatio est vocis gestuumque pro rerum ver-
or. 17. borumque varietate apta conformatio; quare a Cicerone *quasi corporis quaedam eloquentia* dicitur.

1. Duas igitur *partes* habet, vocem et gestum, quorum illa aures, haec oculos movet, per quos duos sensus omnis ad animum penetrat affectus.

qt. 2. Pronuntiatio a plerisque *actio* dicitur; sed prius nomen a voce, sequens a gestu videtur accipere. Quapropter utraque appellatione indifferenter uti licet.

Quid va- 395. Actio autem in dicendo una dominatur; sine hac sum-
leat. mus orator esse in numero nullo potest; medioeris, hac instructus, summos saepe superare.

qt. 1. Huic primas dedisse Demosthenes dicitur, quum rogaretur, quid in dicendo esset primum; huic secundas, huic tertias; donec ab eo quaeri desineret; ut eam videri posset non praecipuam, sed solam judicasse.

2. Cujus quidem rei si causa quaeratur, certe non tam refert, qualia sint, quae intra nosmetipsos composuimus; quam quomodo efferantur; nam ita quisque, ut audit, movetur. Porro cum valeant multum verba per se, et vox propriam vim adjiciat rebus, et gestus motusque significet aliquid; profecto perfectum quiddam fieri, cum omnia coierunt, necesse est. Adde quod multa saepe verba et sententiae acutae non acutorum hominum sensus praetervolant: actio, quae prae se motum animi fert, omnes movet. Postremo hoc quasi sermone corporis tota vis verborum et sententiarum sensibus subjicitur; per sensus autem multo magis movetur animus, quam sola rerum intelligentia.

Cic.

395. Tria autem praestare debet pronuntiatio, conciliet, persuadeat, moveat; quibus natura cohaeret, ut etiam delectet.

Quae praestare debeat.
Qt.

1. *Conciliatio* fere aut commendatione morum, qui nescio quomodo ex voce etiam atque actione pellucet, aut orationis suavitate obtinetur;

2. *Persuadendi* vis affirmatione, quae interdum plus ipsis probationibus valet; fiducia igitur appareat et constantia, utique si auctoritas subest.

3. *Movendi* autem ratio aut in repraesentandis est, aut imitandis affectibus.

4. Ita Quintilianus; addenda tamen est *perspicuitas*, quae pronuntiatione et gestu majorem in modum augetur.

ART. I.

DE VOCE.

396. Ad actionis usum atque laudem, ait Cicero, maximam sine dubio partem vox obtinet: quae primum est optanda nobis; deinde quaecumque erit, ea tuenda; cui equidem magnopere censeo serviendum.

Qui exercenda.

Si quaeris, quemadmodum serviatur, exercitationi vocis praecepta, quae de ratione pronuntiandi tradituri sumus, moderari debent.

Illud modo non videtur hoc loco praetermittendum, quod, ut

Cic.

dixi ante, plurimis in rebus, quod maxime est utile, id nescio quo pacto etiam decet maxime. Nam ad vocem obtinendam nihil est utilius, quam crebra mutatio; nihil perniciosius, quam effusa sine intermissione contentio. Quid? ad aures nostras et actionis suavitatem, quid est vicissitudine, et varietate, et commutatione aptius?

- qi. Non alia est autem ratio pronuntiationis, quam ipsius orationis, nam emendata, dilucida, ornata et apta esse debet.

§ I.

De pronuntiatione emendata et dilucida.

- Quae emendata. 397. Emendata erit pronuntiatio, si fuerit os facile, explanatum, jucundum, urbanum, id est, in quo nulla neque rusticitas neque peregrinitas resonet.

Singula hujus loci praecepta exequantur grammatici.

- Quae perspicua. Perspicuam autem locutionem reddunt tria: si loquimur articulatim; si distincte; si nec festinanter, nec tarde.

- Quid articulatim. I. Articulatim loquitur, qui verba tota exigit, nec solum syllabas, sed litteras quoque omnes definite h. e. suo quamque sono effert.

- qt. Verumtamen ut est necessaria verborum explanatio, ita omnes imputare, et velut adnumerare litteras, molestum et odiosum.

- De or. 3, 11. Quare Cicero: Nolo, inquit, exprimi litteras putidius, nolo obscurari negligentius; nolo verba exiliter exanimata exire, nolo inflata, et quasi anhelata gravius.

- Quid distincte. 398. II. Distincta erit oratio, si et incipias, ubi oportet, et desinas. Nec tamen sufficit, hoc modo sententiae principium et finem monstrasse, sed 1. observandum etiam, quo loco sustinendus et quasi suspendendus sit sermo, quo deponendus.

Intra unius enim sententiae ambitum multae saepe morae faciendae, quibus sententia non exire, sed suspendi videatur. Interest ergo plurimum, ut id fiat loco. Quintilianus in prima

periodo Aeneidis suspendi vocem vult post verba *cano, ab oris, Italiam, profugus*. Post *litlora* autem fit distinctio, quia inde alius incipit sensus. Dici non potest, quam turpiter saepe obscuratur, vel etiam mutetur sensus orationis, si inepta pronuntiatio aliter verba separat et jungit, quam sententiae ratio postulat.

2. Sed in ipsis etiam distinctionibus tempus alias brevius, alias longius damus. qi.

Interest enim sermo finiatur, an sensus. Itaque illam distinctionem, *litlora*, protinus altero spiritu insequar; cum illuc venero, *atque altae moenia Romae*, deponam, et morabor, et novum rursus exordium faciam. Quare etiam non idem tempus intervallis ejusdem periodi dabis. — In his igitur plurimum juvat recta *interpungendi* ratio: quippe quae intervalla, et quo loco et quanta sint facienda, indicet.

Virtus autem distinguendi fortasse sit parva, sine qua tamen esse nulla alia in agendo potest. qi.

399. III. Inter celeritatem tarditatemque loquendi medium quoddam tenendum esse constat.

Nec enim volubilitate nimia confundenda, quae dicimus; quae et distinctio perit, et affectus, et nonnunquam etiam verba aliqua sui parte fraudantur. Cui contrarium est vitium nimiae tarditatis: nam et difficultatem inveniendi fatetur, et segnitia solvit animos, et, in quo est aliquid, temporibus praefinitis aquam perdit (1). Promptum sit os, non praeceps; moderatum, non lentum. qi.

§ II.

De pronuntiatione ornata.

400. Ut ornata sit pronuntiatio, primum quidem facit ipsius vocis jucunditas; tum vero locutio facilis, moderata, varia et gravis. Quae ornata faciant.

(1) Oratoribus in judicio certum ad dicendum tempus defini solebat; utebantur autem veteres horologio aquario.

Quae sit
facilis. I. Facilis est locutio ex ipsa pronuntiatione prompta et leni.

1. Ne ergo litteras, syllabas, vocabula dure protrudas, aut quibusdam quasi tota pectoris mole incumbas; sed leniter, quantumvis plana et distincta, fluat oratio. Cicero quidem de Catulo:

Br. 74. Suavitas vocis et *lenis appellatio litterarum* bene loquendi famam

qt. confecerat. Qua in re multum potest exercitatio: Demosthenes, quo facilius verba ore libero exprimeret, calculos lingua volvens dicere domi solebat.

Id. 2. Cavendum etiam, ne spiritus crebro receptus concidat sententiam; nec eo usque trahatur, donec deficiat; neque diu, neque cum sono, neque omnino ut manifestum sit, recipiatur. Exercendus autem est, ut sit quam longissimus.

Quae moderata.
Id. 401. II. Ad moderandam vocem mediis utamur sonis; qui cum augenda intentio est, excitandi, cum summittenda, sunt temperandi.

Vox enim ima vim non habet, summa neque satis flecti, neque diutius ferre intensionem potest. Quare nunquam ultra vires urgenda est. Nam et suffocatur saepe, et majore nisu minus clara est, et interim elisa in illum sonum erumpit, cui Graeci nomen a gallorum immaturo cantu dederunt (*κλωσμεν*).

Qui varian-
da. 402. III. Varianda autem ita est pronuntiatio, ut vitatis vitiiis, quae *μενοτυλα* et cantus dicuntur, rebus et sententiis vocem accommodemus.

Quid mono-
sonia.
Cf. qt. *Μενοτυλα* est una quaedam spiritus ac soni intentio: quae quidem non modo in tota oratione, sed etiam in iisdem partibus, atque adeo in singulis sententiis, vitiosa est.

1. Ne igitur dicamus omnia clamose, quod insanum est; aut intra loquendi modum, quod motu caret; aut submisso murmure, quo etiam debilitatur omnis intentio. Nec iisdem tonis ordiamur, narremus, in motus exardescamus, nec eadem voce doleamus, irascamur, cohortemur.

2. In iisdem partibus iisdemque affectibus sint tamen quaedam non ita magnae vocis declinationes, prout aut verborum digni-

tas, aut sententiarum natura, aut depositio (i. e. exitus sententiae), aut inceptio, aut transitus postulabit : ut qui singulis pinxerunt coloribus, alia tamen eminentiora, alia reductiora fecerunt, sine quo ne membris quidem suas lineas dedissent (1). Hac similitudine illud quoque ostenditur, varietatem et aequalitatem minime inter se pugnare.

Mutatio vocis fiat, plerumque saltem, leniter et sensim, ne sermo subsultet imparibus spatiis ac sonis, miscens longa brevibus, gravia acutis, elata submissis, et inaequalitate horum omnium, sicut pedum, claudicet.

403. Cantus autem ille, qui reprehenditur, est flexio quaedam vocis per omnem orationem uno ferme tenore repetita.

1. Sunt, qui eadem flexione sensus omnes concludant, sunt, qui eadem incipiant; alii quoties quidpiam majori intentione proferunt, iisdem vocibus utuntur : qua cantatione nihil ingratius.

2. Quod si Cicero pronuntiationem vocat cantum obscuriorem, illam vocis intelligit variationem, rebus animique motibus accommodatam, quae cum modulatione cantus ita fere conferri potest, ut numeri oratorii cum numeris musicis. (n. 111.)

Discentes, ut ad aptam hanc varietatem exerceantur, 1. eorum, quae pronuntiant, germanum sensum penitus pernoscant; 2. non statim grandiora illa et tragica arripiant, sed quotidianis potius apte pronuntiandis assuescant; 3. eas imprimis orationes ediscant, quae varias vocis inflexiones postulant.

404. IV. Ut gravis sit pronuntiatio, primum in singulis sententiis vocabula, quibus major est vis, vocis quadam intentione prae reliquis notanda.

(1) Haec Quintilianus; qui deinde accuratissime ostendit, quomodo ex hoc praecepto prima orationis pro Mil. periodus sit pronuntianda.

Idem ergo in pronuntiandis verbis, quod in collocandis, servandum erit (n. 38.) ; cui rei ut assuescant tirones, utile erit, per aliquod tempus in iis, quae ediscunt, huiusmodi verba diligenter quaerere, et signis notare. Si dubii haerent, sententiam clara voce enuntient, modo hoc, modo illud vocabulum tentantes. — Ceterum haec maxime virtus cantu, quem dixi, plane excluditur; nec tamen ullum est vitium pronuntiandi aut frequens magis aut magis noxium, quippe quo tota eloquendi vis intereat, nec raro ipsa offuscetur perspicuitas.

Quid deinde. Sequitur, ut similiter sententiae quaedam et toti interdum loci intentiori voce dicantur. Quod sua sponte servabit, qui tertium, quod summum est, praestiterit.

Quid maxime. 403. Curandum scilicet maxime, ut omnes animi motus, qui insunt in oratione, pronuntiandi ratio exprimat.

Cic. 1. Omnis enim motus animi sum quendam a natura habet vultum, et sonum, et gestum; totumque corpus hominis, et ejus omnis vultus, omnesque voces, ut nervi in fidibus, ita sonant, ut a motu animi quoque sunt pulsae.

2. Quae autem voces diversis animi motibus respondeant, sigillatim anquirere, non vacat. Nam etiamsi oratione explicari possint, qui tamen illas natura et exercitatione non didicerit, multo minus praeceptis discet. Breviter de iis agunt Cicero et Quintilianus II. cc.

Quoad hoc Juvenc. Ad hoc duo juvabunt: 1. observare homines vero quolibet affectu concitados.

Attamen non omnia, quae in obvio quovis notaveris, imitanda esse existimes. Aliter enim homo rudis et agrestis, aliter moratus et urbanus eisdem animi motus prae se fert; et quae homini dolore vel iracundia impoti indulgentur, saepe in oratore insigniter notantur.

2. Conari, ut ipsi afficiamur, et ardescenti motui quaedam mentis libertate nos permittere. (Vide tamen n. 356. extr.)

Schol. Quae sit *apta* pronuntiatio, paulum differam, ut de gestu prius dicam, qui et ipse voci consentit, et animo cum ea simul paret. q^t.

ART. II.

DE GESTU.

406. Gestus est totius corporis motus et conformatio.

§ I.

De gestu generatim.

De gestu in universum praecipitur, ut orationi consentiens, rerum atque verborum vim *apta* quadam significatione ostendat, cum dignitate tamen et decore. — Sigillatim autem haec traduntur: Quid in universum.

I. Caput, quod est praecipuum in actione, sicut in corpore ipso 1. rectum sit et secundum naturam. Quid de capite. q^t.

Nam et dejecto humilitas, et supino arrogantia, et in latus inclinato languor, et praeduro ac rigente barbaria quaedam mentis ostenditur.

2. Accipiat aptos ex ipsa actione motus, ut cum gestu concordet, et manibus ac lateribus obsequatur. 3. Solo capite facere gestum, vitiosum est. 4. Etiam frequens ejus nutus non caret vitio: jactare autem caput, et comas excutere, fanaticum est.

407. II. Sed in ore sunt omnia: in eo autem ipso dominatus est oculorum. Animi est enim omnis actio, et imago animi vultus est, indices oculi. Quid de ore. Cle.

Oris igitur non est nimium mutanda species, ne aut ad ineptias aut ad pravitatem aliquam deferamur. 14.

Oculorum autem tum intentione, tum remissione, tum conjectu, tum hilaritate motus animorum omnes significandi sunt. Quare opertos, compressosve eos in dicendo, quis, nisi plane rudis aut stultus, habeat? Quid de oculis. q^t.

14. Aspectus semper eodem vertitur, quo gestus.

Excipe, quae aut damnare, aut non concedere, aut a nobis removere oportebit; ut idem illud vultu videamur aversari, manu repellere: *Dii, talem terris avertite pestem! — Haud equidem tali me dignor honore.*

Brachia et
manus gene-
ratim.

408. III. Brachiorum manuumque gestus generatim sint significantes, varii et decori.

Saepe vagantur, similes quibusdam vocibus, quibus auris tantum impletur; si vero significant, quod locus postulat, necessario sequitur varietas.

Quid de
brachiis.
q^t.

Pro Arch. 8.

Brachii moderata projectio continuos et decurrentes locos maxime decet: at cum speciosius quid uberiusque dicendum est, ut illud: *Saxa atque solitudines voci respondent* exspatiatur in latus, et ipsa quodammodo se cum gestu fundit oratio.

Haec autem cavenda sunt: 1. ne incomposite pendeant deorsum, nec ut tela vibrentur; 2. ne, dum manus gestum facit, lacertus corpori apprimatur: ne vicissim, in quantum patet longitudo, brachium protendatur; 3. ne agentur brachia, ut consistere prope parum tutum sit; 4. ne motus sint duri, ne exeant in angulos, similes spasmo laborantis.

Manuum
gestus dupli-
cis generis.
q^t.

409. IV. Manuum autem gestus duplicis sunt generis: alii enim cum ipsis vocibus naturaliter exeunt, alii res imitatione significant.

1. Prioris generis tam multi sunt, ut paene ipsam verborum copiam prosequantur: nam ceterae partes loquentem adjuvant, hae, prope est ut dicam, ipsae loquantur. His poscimus, pollicemur, vocamus, dimittimus, minamur, supplicamus, abominamur, timemus; gaudium, tristitiam, dubitationem, confessionem, poenitentiam, modum, copiam, numerum, tempus ostendimus. Non concitant, inhihent, supplicant, probant, admirantur, verecundantur? Non in demonstrandis locis ac personis, adverbiorum

atque pronominum obtinent vicem? ut in tanta per omnes gentes nationesque linguae diversitate, hic mihi omnium hominum communis sermo videatur haberi.

2. Ad alterum genus e. g. pertinet, si aegrum, tentantis venas medici similitudine, aut citharoedum, formati ad modum percutientis nervos manibus, ostendas.

Ut ergo sine illis trunca esset actio ac debilis, ita hoc posterius genus quam longissime in actione fugiendum est.

Quis utriusque usus.
Id.

Abesse enim plurimum a saltatore debet orator, ut sit gestus ad sensus magis, quam ad verba, accommodatus : quod etiam histrionibus paulo gravioribus facere moris fuit. Ergo ut ad se manum referre, cum de se ipso loquatur, et in eum, quem demonstrat, intendere, et aliqua his similia permiserim; ita non effingere status quosdam, et quidquid dicet, ostendere.

In reliquis autem gestibus servanda haec sunt : 1. In rebus parvis, tristibus, mitibus, breves sint; magnis, laetis, atrocibus extensiores. 2. Initio pauciores sint; at ubi jam calor orationem concitaverit, etiam gestus cum ipsa orationis celeritate crebescet. 3. Ne gestus manus et vultus inter se discrepent. 4. Manus sinistra numquam sola gestum recte facit, dextrae se frequenter accommodat;

Quae servanda.
Id.

Sive in digitos argumenta digerimus, sive aversis in sinistram palmis abominamur, sive objicimus adversas, sive in latus utramque distendimus. In supplicatione etiam, invocatione, adoratione plus affectus junctae exhibent manus.

5. Optime manus a sinistra parte incipit, in dextra deponitur; sed ut poni, non ut ferire videatur. 6. Manus cum sensu et incipiat et deponatur. 7. Ne cadat gestus ad quasdam latentis sermonis percussiones et quasi pedes, tamquam rhythmum indicans; ut sit v. g. unus motus *novum crimen*; alter *C. Caesar*; tertius *et ante hanc diem etc.* 8. Ne sint digiti dispassi, nec fiant gestus paucis quibusdam exceptis, solo pollice et indice, reliquis digitis

compressis. 9. Tolle manum supra oculos, demitti infra pectus vetant; adeo a capite eam petere, aut ad imum ventrem deducere, vitiosum habetur.

De toto corpore.
Or. 18.

ibid.

qt.

410. V. De totius tandem corporis habitu praecipunt: 1. Status erectus sit et celsus; 2. nec obrigescere orator videatur, (quasi, ut ait Epictetus, veru deglutierit); sed neque contra omnes partes corporis agitet vehementius, trunco magis toto se ipse moderans et virili laterum flexione. 3. Indecora est in dextrum ac laevum latus vacillatio alternis pedibus insistentium. 4. Neque minus illa frequens, et concitata in utramque partem mutatio; quam in Curione patre irrisit Julius, quaerens, *quis in lintre loqueretur*. 5. Ne jactentur humeri; quod vitium quomodo Demosthenes emendaverit, notum est. 6. Incessus et excursio, sicubi a more regionis non discrepent, rari certe sint et moderati; discursare autem numquam licet. 7. Femur denique vel pectus ferire scenicum habetur.

§ II.

De actione apta.

Quid servandum generationis.
qt.

411. I. Ut sit apta pronuntiatio primum convenire debet personis, et causae totius generi.

1. Non eadem in voce, gestu, incessu apud principem, senatum, populum, magistratus, privato, publico judicio similiter decent.

2. Ut causae sunt tristes, hilares, sollicitae, securae, grandes, pusillae, ita etiam actio similem quasi habitum induere debet; ut vix unquam ita sollicitari partibus earum debeamus, ut non et summae meminerimus.

Quid in singulis partibus.
Id.

412. II. In diversis autem orationis partibus haec sunt observanda:

1. *Surgat* orator ad dicendum cum dignitate et modestia, neque protinus erumpat, sed det brevem cogitationi moram.

Mire enim auditurum dicturi cura delectat, et auditor se ipse componit.

2. *Prooemio* frequentissime lenis convenit pronuntiatio; quare vox temperata, gestus sit modestus.

Nihil est enim ad conciliandum gratus verecundia; nihil insuavius, quam exordientis vociferatio. — Neque tamen, ut aliunde notum, omne exordium lene et tranquillum esse debet.

3. *Narratio* magis prolatam manum, gestum distinctum, vocem sermoni proximam, et tantum apertiore, sonum simplicem frequentissime postulabit; quamvis aliud interdum poscant animi motus.

4. *Confirmationis* actio maxime varia et multiplex est.

Nam et *proponere*, *partiri*, *interrogare* sermoni sunt proxima, et *argumenta adversarii repetere*; sed haec tamen aliquando irridentes, aliquando imitantes pronuntiamus. — *Argumentatio* plerumque agilior, et acrior, et instantior, consentientem orationi postulat etiam gestum, i. e. fortem celeritatem: instandum quibusdam in partibus, et densanda oratio. — *Egressionem* fere lenes, et dulces, et remissae. *Accendendi audientes per amplificationes* multi sunt gradus et modi, ut paulo ante dictum est (n. 405.).

5. *Peroratio*, si enumerationem rerum habet, desiderat quandam concisorum continuationem; si ad concitandos audientes est accommodata, aliquid ex iis, quae supra dicta sunt.

413. III. Ut in ipsa oratione, sic in gestu et voce refert plurimum, quid deceat, circumspicere, et modum in omnibus servare.

1. Decorem ut serves, liberalis institutio et assidua facit exercitatio.

Quid de
decore.

Ut, qui pila ludunt, non utuntur in ipsa lusione artificio proprio palaestrae; sed indicat ipse motus, didicerintne palaestram, an nesciant: sic in orationibus etiamsi propriae ceterae non

De or. 1, 16.

adhibentur artes, tamen facile declaratur, utrum is, qui dicat, tantummodo in hoc declamatorio sit opere jactatus, an ad dicendum omnibus ingenuis artibus instructus accesserit.

Quid de modo. 2. Modum ut teneas, cave, ne gestus aut vocis variationes sint frequentiores; ne res omnes imitando ad vivum exprimere labores; denique ne actio sit nimia quadam cura et diligentia exulta.

qt. 1. Ut orator non debet legenti similis pronuntiare, ita neque immerito reprehenditur pronuntiatio vultuosa, et gesticulationibus molesta, et vocis mutationibus resultans.

14. 2. Itaque quod superius docui, non esse, quidquid dicatur, ostendendum, id non solum in manibus, sed in omni gestu ac voce servandum. Non enim in illa periodo: *Caedebatur virgis in medio foro Messanae* — motus laterum, qualis esse servorum ad verbera solet, torquendus; aut vox, qualis dolore exprimitur, eruenda; cum mihi comoedi quoque pessime facere videantur, qui etiamsi juvenem agant, cum tamen in expositione aut senis sermo, aut mulieris incidit, tremula vel effeminata voce pronuntiant. — Generatim autem inter oratorem et scenicum, ut mittam dignitatis rationes, hoc maxime interest, quod histrio sic omnia ex vero fingere debet, ut, quae geruntur, nunc in ipso fieri videantur; orator autem, quae facta sint vel fieri possint, refert tantum et significat.

LIBER QUARTUS.

DE ELOQUENTIA SACRA.

Quis finis. 414. Finis eloquentiae sacrae est, religionis christianae doctrinam hominibus persuadere.

1. Itaque ad hoc contendere debet, ut audientes illam doctrinam et animo sincero complectantur, et ad ejus normam vitam omnem componant. Quo facto confert ad summum finem omnis sacri ministerii, qui alius non est, quam honor divinus et aeterna hominum salus.

2. Assequetur propositum, si efficiat, ut *veritas pateat*, ut *veritas placeat*, ut *veritas moveat* (n. 248.).

S. Aug. de
doctr. christ.
4, 61.

Nos quidem his libris quaerimus, quid ad hoc possit humana ars et industria; sed inanis omnis haec institutio, si orator altiori quodam virtutum praesidio instructus non sit.

Quae prae-
sidia.

In dubium vocatum est, num huic eloquentiae, quae tota divina sit, adjumenti aliquid afferat humana industria et doctrina. Sed usus Ecclesiae et ipsorum Patrum exempla satis nos docent, minime haec, etsi naturalia, praesidia esse negligenda. Quod si sancti quidam viri sine ratione doctrinae coelesti quadam dicendi facultate instructi fuere; Apostoli quoque et alii multi religionis scientia divinitus sunt imbuti; nec tamen propterea quisquam quaesierit, conveniatne a pueris fidei rudimenta, ab Ecclesiae ministris Theologiam magno labore addisci. — Florido et expolito sermone laudem captare, nec ipsum decet profanum oratorem. Sed aliud est elegantias sectari et fucata pigmenta, aliud in rebus et verbis verae eloquentiae praecepta servare.

2. Virtutes oratori sacro necessariae sunt inprimis vividissima *fides*, sine qua nec ipse intelligere quidquam, nedum aliis exponere de rebus divinis poterit; ardens et sincerum *studium divinae gloriae* et humanae salutis; rerum vero caducarum, maxime *divitiarum et laudis contemptus*; — Vae illis, qui quaestum faciunt —; *beneficentia et mansuetudo* erga homines, ad exemplum Christi; magna *animi demissio*; et singularis per orationem *cum Deo conjunctio*. Quae virtutes, cum ad alia multa, tum ad hoc maxime sunt necessariae, ut flectere animos possit. Non omnis enim ardor, qui in dicente effulserit, sed divina est virtus, qua in aeterna hominum mentes excitantur. Christo igitur ardenti charitate se conjungat, in ipso sit omnis ejus meditatio et vita; quo fiet, ut et oratio Christum spiret, coelestemque illam vim acquirat, de qua legimus: *Ego dabo vobis os et sapientiam, cui non poterunt resistere*.

S. Bern.

Lac. 21, 15.

Plura de his vide apud S. Aug. de doctr. christ.; S. Franc. Borg. de ratione concionandi; S. Franc. Sales. lettre sur la manière

d'annoncer la parole de Dieu, et Esprit de S. Franc. de Sales;
Lud. de Granada, Rhetorica ecclesiastica; Gisbert, de eloq. sacra.

CAPUT I.

DE ARGUMENTO SACRAE ORATIONIS.

Quale esso
debeat.

415. Argumentum sacrae orationis sit vere christianum, ex ipsis scilicet visceribus religionis christianae depromptum.

In tractatione usus aliquis profanae eruditionis esse potest; materia profana nullo modo toleranda.

Argumenta
philosophica.

Ea sacrae doctrinae capita, quae etiam philosophia tradit, sine dubio pro concione tractari possunt, sed accomodate ad ingenium et sensum christianum. Ita scilicet proponenda sunt, ut ea credenda religio docet; probanda autem et illustranda maximam partem ex doctrina et historia sacra.

Etiam de lege naturali intelligi illud debet: Non veni solvere legem, sed adimplere; ipseque Magister divinus ostendit, quo pacto humana doctrina coelesti perficiatur. Matth. c. 5. et 6.

Conciones
philosophi-
cae.

Itaque quae dicuntur philosophicae conciones, communiter nec decent nec prosunt; propter audientium tamen conditionem nonnunquam sunt necessariae, etsi non tam saepe, quam plerique existimant.

1. Philosophicae dicuntur orationes, quae probationes etiam plerasque ab humana doctrina petunt; atque huiusmodi conciones apud populum christianum minime convenire, satis per se intelligitur: nam regnum Dei non est *in persuasibilibus humanae sapientiae verbis*.
1. Cor. 2, 4.

2. Ubi vero fides paene extincta est, homines, etsi ceteroquin doctissimi, coelesti lumine privati, alta illa sacrae doctrinae praecepta non capiunt: ad quos cum orator se demiserit paullisper, id semper providebit, ut per haec humana viam sibi ad divina sternal.

3. Plerumque fides languet, vel etiam impugnatur, quia non intelliguntur credenda. Hinc est, cur optima rerum divinarum explicatione dubitationes facillime tollantur; id etiam constat, tantam esse vim et lucem veritatis, ut recte explicata sibi ipsa fidem faciat. Utinam igitur sacri oratores illa, quae mox dicam propria esse christianae eloquentiae, ibi tractent maxime, ubi minime creduntur!

416. Plurimum autem orator sacer dicere debebit de iis, quae religionis christianae sunt propria maxime, nec non de illis, quae ab haereticis negantur. De quibus praecipue agendum.

1. Itaque B. Pauli exemplo inprimis Christum praedicabit, et hunc crucifixum; aget saepe de redemptionis necessitate et natura, de peccato originis, de fide et gratia, de resurrectione mortuorum et iudicio; ex moralibus autem tractabit frequenter rerum humanarum, divitiarum maxime, et honorum contemptum, humilitatem, cui philosophia nec nomen invenit, dilectionem inimicorum etc.

2. Etsi heterodoxos impugnare vix unquam, ut postea dicitur, utile sit, saepe tamen cum omni libertate de catholica doctrina dicendum; agendum dico de Ecclesia et SS. Pontificum potestate, de sacerdotio et sacramentis, de sacramentalibus et piis usibus, de votis, de ordinibus religiosis, de jejuniis et omni poenitentia etc.

417. Quanquam generatim anni ecclesiastici tempora, et festi praesertim dies observandi sunt, potior tamen est ratio necessitatis utilitatisque. Quid praeterea observandum.

1. Ideo etiam consultum est, tempora illa observare, quod grata inde varietas oritur, et occasio habetur, de iis quoque agere, quae piis morigerisque ad perfectiorem virtutem utilia sunt. Neque enim hoc uno continetur officium oratoris, ut perversos a vitiis avocet.

2. Si argumentum a ratione diei vel temporis multum discrepat, melius est, in exordio rationem, cur ita facias, indicare, quam aditum ad materiam per ambages quaerere. — Ceterum necessitas cogit etiam de re eadem saepius dicere.

Quid de
textu.

418. Antiquissimus est mos, orationi sacrae sententiam gravem sacrae Scripturae, quem textum vocant, praepo-
nendi. Quae si bene deligitur, ad dignitatem, perspicuita-
tem et gravitatem dicendi multum confert, sed curandum
est, ut argumentum sive potius propositio vel in textu
tota inveniatur, vel saltem commode ex eo derivari queat.

1. Hoc ad utilitatem illam obtinendam plane necessarium, nec
tamen valde difficile in illa infinita gravissimarum sententiarum
copia sacrae Scripturae.

2. Quinimo saepissime partitio quoque et praecipua argu-
menta textu continentur. Vide imprimis orationes Bourdaloue.

Qui expo-
nendus.

Ut textus et per eum propositio ab audientibus probe
intelligatur, fere necesse erit, aut rerum personarumque
adjuncta, aut factum aliquod narrare, aut denique obscu-
riores notiones evolvere.

Hinc explicatione textus, si minus universum exordium, certe
narratio et partitio plerumque continetur.

Schol. Quoniam de singulis orationis partibus propria elo-
quentiae sacrae praecepta non traduntur, de exordio, cujus
mentionem feci, illud hoc loco adjiciam, non adeo ejus esse
artificium negligendum, quam nonnemo sibi persuaserit, prop-
terea quod auditor satis paratus veniat. Primum enim magno-
pere curanda docilitas. Quo enim per se generalius est argu-
mentum, eo magis necesse est, accurate definire, quid de illo
statuamus. Atque hoc loco revocanda est memoria praecepti de
fine orationis proprio et definito (n. 253.), quod quidem pluri-
bus bellissime exponit S. Franciscus Sal. (1). Neque porro at-
tentio tanta solet esse, quam rei natura et loci ratio postulat;
unde convenit, inde ab initio jucunditate et gravitate orationis
mentes excitare.

(1) Espr. T. V. p. 313.

CAPUT II.

DE LOCIS ELOQUENTIAE SACRAE PROPRIIS.

Loci eloquentiae sacrae proprii sunt: S. Scriptura, Sancti Patres, Theologia, Historia ecclesiastica et probati scriptores de vita christiana.

ART. I.

DE SCRIPTURA SACRA.

419. Scriptura sacra merito praecipuus habetur eloquentiae sacrae locus: nam et ipsius muneris ratio hoc postulat, ut orator sacer paene omnia, quae dicat, ex sacris litteris depromat, nec quidquam ad triplicem rationem docendi, delectandi et movendi utilis.

Quare locus
est Israel-
pulis.
Cf. 2. Tim.
2, 15.

1. Cum concionatores sint veluti legati a Deo missi (2. Cor. 5, 20); debent sane ipsius, a quo mittuntur, Principis verbis, quoad possunt, legationem exponere.

2. Si docendum est, non solum Scripturae divina est auctoritas, sed eadem, modo rite exposueris, rebus divinis atque humanis copiosissimum lumen affundit. Ad delectandum vero quanta historiarum varietas, similium, parabolarum, proverbiorum vis et copia! Quid? si ipsis verbis et sententiis coelestis quaedam dulcitus a Spiritu Sancto afflata est? — Si denique flectendus est auditor, nihil Scriptura sacra ad vim efficacius, ad majestatem excelsius, ad copiam uberius.

420. Ad hanc autem Scripturae usu consequenda non sufficit, multas orationi sententias Scripturae intexere, sed ex harum optima tractatione paene tota debet efflorescere oratio; ideoque hoc primum ab oratore sacro requirimus, ut in divinis litteris sit versatissimus.

Quia unus.

In hanc sententiam exponit D. Hieronymus, quod ad Ezechielem dictum legitur: *Fili hominis, comede volumen istud*; — Nisi, ait, comederimus apertum volumen, docere non possumus filios Israel. — Hoc autem studio Scripturae orator non

Ezech. 3, 1.

solum copiam sibi dicendi comparabit, sed etiam divina quaedam vi imbuitur; denique hic, hic quaerenda illa ingenii subactio, quam Cicero profanum oratorem a profanis utique artibus repetere jubet (n. 296.). Nihil denique utilius stylo quoque ad illam simplicitatem, vim et dignitatem formando.

Qui legenda Scriptura.

421. Legenda autem Scriptura est cum fide, reverentia et modestia, cum assiduitate et diligentia.

1. Reverentia et modestia hoc quoque exigunt, ut ne ipse tibi omnia, quae obscura sunt, interpretari praesumas.

2. Ea autem, quae legis, meditari oportet attentius; varia observare loca et inter se conferre; perpendere diversos sensus, litteralem seu historicum imprimis, tum etiam mysticum; et interpretationum varietatem considerare; postremo videre, quis loci usus sit sive ad doctrinam, sive ad vitam.

Quis unus sensus mystici et accommodatissimi.

422. Mysticum autem sensum orator raro adhibebit, nec nisi Ecclesiae, aut Patrum, aut ipsius Scripturae auctoritate nixus: illum, quem accommodatitium vocant, frequentius usurpabit, sed perquam circumspecte.

Expr. 1. p. 51.

1. S. Franciscus Sal. insuper praecipit, ut ante mysticum semper exponatur sensus litteralis. Illud autem imprimis observandum, vim probandi in mystico sensu non esse, nisi aliquando ex auctoritate interpretantis.

2. Accommodatitius est sensus, cum sententiae aliis rebus aut personis accommodantur, ut quae de Paulo dicta sunt, Francisco Xaverio; quae de Stephano, Laurentio. Itaque totus locus considerandus est, ut intelligas, num ita fieri deceat. Quod si facerent, profecto illud: *Cum innocente innocens eris, et cum perverso perverteris*, ad consuetudinem bonorum hominum et malorum non transferrent: multo autem minus ad Virginem sine labe conceptam: *Quaeretur peccatum illius et non invenietur*.

Ps. 17, 26.

Ps. 9, 36.

Quae sententiae eligendae.

423. Eligendae sunt Scripturae sententiae, quae in rem nostram plane convenient; ex his vero ipsis probantes prae simpliciter affirmantibus; minus communes prae vulgatis; denique uberiori tractationi aptiores.

1. Valde cavendum, ne quasi invitas ad propositum nostrum trahamus.

2. Probantes dicuntur, quae rei rationem addunt, ut : *Beati mundi corde, quoniam ipsi Deum videbunt; et Qui non credit, jam judicatus est : quia non credit in nomine unigeniti Filii Dei.* Matth. 5, 8.
Joan. 3, 18.

3. Cum doctrinae caput confirmandum est accuratius, *textus*, ut vocant, *classici*, licet ii vulgati, non sunt praetermittendi; classici autem dicuntur illi, quibus Ecclesia vel SS. Patres passim utuntur ad doctrinam aliquam probandam. Quae tamen sententiae ut non videantur tritae, optima efficiet tractatio. Sint enim verba notissima, non item vis eorum et plena intelligentia.

4. Praestat sanc paucos bene tractare, quam plurimas sine expositione accumulare.

424. Modi, quibus locus quispiam uberius exponi potest, novem traduntur : Modi exponendi.

1. Ecclesiae vel SS. Patrum interpretationes afferre.

2. Singula verba expendere.

Affirmat S. Hieronymus singulas in Scriptura voces, litteras, apices et puncta plena esse sensibus. — Experire hoc in illa sententia : *Sic Deus dilexit mundum, ut Filium suum unigenitum daret.* Joan. 3, 16.

3. Conferre sententias vel narrationes similes.

Videndum, ne, quae ita afferuntur, in idem recidant, sed ad explicationem propositi loci aliquid conferant. Ita, quae his verbis : *Regnum Dei vim patitur, inclusa sunt, evolves, conferendo illa : Nemo coronabitur, nisi qui legitime certaverit; Qui non odit patrem suum etc. Si oculus tuus scandalizat te etc. Qui non bajulat crucem suam post me etc. Nondum usque ad sanguinem restitistis; Qui perseveraverit usque in finem, hic salvus erit. —*

4. Opponere alia loca de re contraria.

Id facit S. Bernardus : *Quia semel venimus ad Cor dulcissimum Jesu, et bonum est, nos hic esse, ne sinamus nos facile avelli ab* De pass.
serm. 3.

eo, de quo scriptum est: *Recedentes a te in terra scribentur. Quid autem accedentes? Tu ipse doces nos. Tu dixisti accedentibus ad te: Gaudete, quia nomina vestra scripta sunt in coelo. Accedamus ergo ad te, et exultabimus et laetabimur in te, memores Cordis tui.*

5. Expendere adjuncta.

Item in Ps. 99. *Angelis suis mandavit de te. Mira dignatio et vere magna dilectio charitatis! Quis enim? quibus? de quo? quid mandavit? Studiose consideremus, fratres, diligenter commendemus memoriae hoc tam grande mandatum. Quis enim mandavit? cujus sunt Angeli? cujus mandatis obtemperant? cujus obediunt voluntati? Nempe Angelis suis mandavit de te, ut custodiant te in omnibus viis tuis. Nec cunctantur, quin etiam in manibus tollant te. Summa ergo Majestas mandavit Angelis, et Angelis suis mandavit: illis utique sublimibus tam beatis, quam proximis sibi cohaerentibus et vere domesticis mandavit de te. Tu quis es? Quid est homo, quod memor es ejus? aut filius hominis, quoniam reputas eum? Quasi vero non sit homo putredo, et filius hominis vermis. Sed quid putas mandavit de te? ut custodiant te. Quantam tibi debet hoc verbum inferre reverentiam, afferre devotionem, conferre fiduciam.*

6. Non raro etiam dubitatione uti poteris.

S. Basil. Homil. in Gord. M. n. 1. *Ἐγκωμιαζόμενου γὰρ δικαίου, εὐφρανθήσονται λαοί, ὁ σερὸς ἡμῶν ἀρτίως ἔλεγε Σαλομών. καίτοιγε ἡ πόρυν κατ' ἑμαυτὸν, τί ποτε ἄρα βούλεται τῷ παροιμιαστῇ τὸ αἰνῶμα. Ἄρα, ὅτι μῆτοράς τινος ἢ λογογράφου θεοῦ συνθέντος λόγον πρὸς τὴν τῶν ἀκούοντων ἐκπληξιν, ἢ ἧς τιμῇ κεκοιμημένῳ κατακτυποῦντι τὰς ἀκοάς, εὐφραίνονται οἱ λαοί, τὴν τε εὐρεσιν τῶν νοημάτων, καὶ τὴν διάθεσιν, καὶ τὸ τῆς λέξεως πομπικὸν, καὶ πρὸς ἁρμονίαν κεκροτημένον ἀποδεχόμενοι; Ἡ τοῦτο μὲν οὐκ ἂν εἴπῃ ποτε ὁ μεγαμῶν τῷ τεινῶν εἶδει τῶν λόγων χρησάμενος.... τί οὖν ἐστίν, ὃ φησιν; Ἴτι εὐφραίνονται λαοί εὐφροσύνην πνευματικὴν, ἐπὶ μύθῳ τῇ ὑπομνήσει τῶν τοῖς δικαίοις κατορθωμένων, εἰς ζῆλον καὶ μίμησιν τῶν ἀγαθῶν, ἀφ' ὧν ἀκούουσιν, ἐναγόμενοι.*

7. Causas, cur ita sit, exponere.

Has causas ex aliis Scripturae locis sumere poteris; ut: *Diliges Dominum Deum tuum*; nam 1. *Ipse prior dilexit nos*; 2. *Numquid non ipse est pater tuus*? — 3. *Delectare in Domino et dabit tibi petitiones cordis tui*; 4. *Gustate et videte, quoniam suavis est Dominus*; 5. *Quid mihi est in coelo, et a te quid volui super terram*? etc.

Matth. 22.

1. Joan. 4.
Deut. 22.

Ps. 33.

Ps. 33.

Ps. 72.

8. Eandem sententiam in hominum genera, rerum eventus, opiniones varias transferre.

Ita diversa hominum genera interrogabis: *Quis ex vobis habitare poterit cum ardoribus sempiternis*? — Aut cum S. Leone: *Et ego si exaltatus fuero a terra, omnia traham ad me ipsum. O admirabilis potentia Crucis, o ineffabilis gloria passionis, in qua et tribunal Domini, et iudicium mundi et potestas est Crucifixi! Trazisti enim, Domine, omnia ad te, et cum expandisses tota die manus tuas ad populum non credentem et contradicentem tibi, conflendae majestatis tuae sensum totus mundus accepit. Trazisti, Domine, omnia ad te, cum in execrationem Judaici sceleris unam protulerunt omnia elementa sententiam, cum obscuratis luminaribus coeli, et converso in noctem die, terra quoque motibus quateretur insolitis, universaque creatura impiorum usui se negaret. Trazisti, Domine, omnia ad te, quoniam scisso templi velo sancta sanctorum ab indignis Pontificibus recesserunt, ut figura in veritatem, prophetia in manifestationem, et Lex in Evangelium verteretur. Trazisti, Domine, omnia ad te, ut quod in uno Judaeae templo obumbratis significationibus tegebatur, pleno apertoque sacramento universarum ubique nationum devotio celebraret.*

Is. 33.

Serm. 8. de
Pass. Domi-
ni.

9. Textum per modum chriae liberae amplificare.

Ceterum quemcumque ex his modis usurpamus, si quidem non amplificare, sed demonstrare aliquid intendimus, efficiendum est, ut tractatio Scripturae vera sit argumentatio. (cf. tamen n. 345.)

ART. II.

DE PATRIBUS ET THEOLOGIA.

425. I. Secundum divinos libros non sunt alii ad sacram eloquentiam utiliores, quam SS. Patrum scripta.

Quis usus
PF.

Quoniam SS. Patres ad hoc Ecclesiae concessi sunt divinitus, ut verbum Dei scriptum et traditum copiosius explicarent, et ita explicatum posteris saeculis transmitterent: eorum vestigiis orator sacer insistere debet. Accedit, quod ab iisdem praeclare docetur, qua ratione doctrina christiana pro concione sit tractanda.

Qui legendi. Ad duplicem hunc fructum capiendum legendi sunt prae reliquis S. Chrysostomus, qui copia et gravitate dicendi unus inter omnes christianos oratores eminet; S. Gregorius Nazianzenus, cujus orationes ad artis praecepta magis sunt revocata; praeterea SS. Basilius, Ephrem, Cyprianus, Ambrosius, Augustinus, Leo M., Gregorius M. et Bernardus.

Quod si Scripturae interpretatio quaeritur, rursum S. Chrysostomus, quis sit optimus ejus in s. eloquentia usus, praeclare docebit; praeterea litteralem sensum S. Hieronymus; mysticum Origenes, SS. Augustinus, Ambrosius et Gregorius explanant. Quamquam ubi non tam modus utiliter exponendi Scripturam, quam accurata interpretatio requiritur, fere praestiterit, probatum aliquem interpretem revolvere, quippe apud quem SS. Patrum sententias congestas invenias.

Qui tractandi. Ceterum SS. Patrum testimonia deligenda et amplificatione vel argumentatione tractanda sunt, fere ut de Scriptura sacra diximus. — Longiora tamen ad verbum recitare non est necesse; si modo sensus fideliter reddatur.

Quid Theologia. 426. II. Theologiae nomine hoc loco veniunt Conciliorum, Summorumque Pontificum decreta, necnon disputationes gravissimorum Theologorum.

Quis fructus. Duabus de causis ad hunc locum recurret orator: primum ut, quae dicit, auctoritate fulciat vel Ecclesiae, quae summa est; vel doctorum virorum, quae saltem, ubi consentiunt, sperni sine temeritate non potest; deinde ut rationes inveniat, quibus doctrinam accurate demonstraret.

De usu autem praecipiuntur tria: 1. distinguendum est inter Ecclesiae definitiones et scholasticas quaestiones; 2. ex his illae non sunt attingendae, quibus oratio plus subtilitatis, quam utilitatis acquireret; 3. cavendum etiam a vocabulis obscuris, et argumentatione praecisa ac jejuna.

Quae in usu servanda.

Schol. Commendandus hoc loco est inprimis *Catechismus Conc. Trid.*, qui non solum universam doctrinam christianam accurate exponit; sed etiam praeclare docet, quibus ea rationibus, exemplis, testimoniis, similitudinibus populo sit tradenda.

ART. III.

DE HISTORIA ECCLESIASTICA ET DOCTRINA ASCETICA.

427. I. Ad historiam refero non solum ipsos universae Ecclesiae annales, sed etiam vitas Sanctorum, et historias ordinum religiosorum, maturo rerum examine conscriptas.

Quid historia.

Hujus autem loci usus oratori tantum est commendandus, quantum non una in regione vulgo negligitur.

Quid de usu.

Nullum fere argumentorum genus apud Tullium quidem frequentius, quam vetustatis memoria, majorum gesta et instituta, summorum exempla virorum. Ecquid sacer orator simile armorum genus contemnat? Certe historiae, quas dixi, abundant exemplis, quibus et doctrinis fidem facere, et animos cum permulcere tum inflammare poterimus.

In omnibus quidem, sed maxime in mirabilibus rebus servanda sunt inprimis duo: primum ne quid, quod de-deceat, aut sinistrae pateat interpretationi, afferatur; deinde ut, quae narrantur, fide probatorum scriptorum sint certa, quos quidem testes plerumque juverit nominari.

Quae servanda.

1. Itaque nec nimium nos moveant nostrae aetatis frigidi et difficiles critici, ut, quae Deus nostra utique causa fecerit, dicere vereamur; et tamen moribus et indoli eorum, qui audiunt, aliquantum cedamus; ut nec nihil in hoc genere, et tanto prudentiores simus in deligendo.

2. Ceterum qui bene versatus est in Scriptura et Patribus, in

Actis Martyrum et reliquis annalibus Ecclesiae certissimis, necesse non habet, ad obvia quaeque chronica, specula exemplorum et similia id genus confugere.

Qui Ascetas. 428. II. Ascetica traditur primum a nonnullis ex gravissimis Theologis, ut qui non solum de doctrina fidei et morum docte disputarint, sed etiam de vita christiana sapienter praeceperint; deinde a plurimis, qui, quod in hoc genere paene omnem operam posuere, proprio asceticorum nomine appellati sunt.

1. Ex Theologis hic S. Thomas Aquinas, S. Bonaventura, Gerson, Bellarminus, Lessius, S. Alphonsus de Liguorio inprimis commendantur.

2. Ex Ascetis vero: Thomas a Kempis, Ludovicus Granatensis, Blosius, Ludovicus de Ponte, Alphonsus Rodericus, Segneri, et Pinamonti, Croiset, Judde etc.

*Quis eorum
usus.*

Horum itaque libri rerum copiam saluberrimasque sententias suppeditant; sed cavendum est oratori, ne in tractatione eos imitetur.

Aliud enim est de virtute christiana conscribere, quae pii homines cum fructu legant et meditentur, aliud, ad multitudinem verba facere. Accedit, quod ascetae permulti, non ii quidem, quos nominavi, sed plerique mediocres, vera quidem et utilia proponunt, sed vix quidpiam probant; quos imitati non pauci oratores vim omnem et efficaciam perdiderunt.

*Quid de
oratoribus.*

Oratorum ipsorum lectio sit moderata; multa enim et promiscua non uno nomine periculosa.

Si concionatores pervolvis, ut argumenta invenias, tempus fere utilius impenderis Scripturae et Patrum lectioni; sin autem, ut artem oratoriam in exemplis consideres, pauci ex optimis, sed ii quidem diligentissime legendi, et reliqua servanda sunt, quae de lectione in parte prima exposui.

ART. IV.

DE PHILOSOPHIA ET ALIIS DISCIPLINIS PROFANIS.

quid de 429. I. Argumenta ex philosophia deprompta saepe vim

magnam consequuntur, sed si frequentiora non sunt, et ad sensum popularem accommodata.

argumentis
philosophi-
cis.

1. Generatim rationis in sacra eloquentia usus est triplex : primus in tractatione argumentorum , quae ex theologicis locis deprompsimus ; qui utinam minus negligatur ! — alter in hoc positus est, quod a doctrinis revelatis, tanquam a principiis perfecti alia et alia inferimus, rei quae nostrae accommodamus ; et hoc item frequentissime fieri decet : tertius denique, quae proprie appellantur argumenta rationis suppeditat , ea scilicet, quae philosophando reperimus.

2. Haec si densantur nimium , si proprias eloquentiae sacrae probationes paene excluderint , frigebit oratio nec animos quidquam tanget. Quid porro sentiendum sit de orationibus , quae his argumentis totae constant, dixi n. 415.

Illa tamen argumenta rationis, quae de vita sumpta sunt, ut de praestantia virtutis, de necessitate religionis, et similia, magis frequentari possunt ; sed convenit, ea ad Scripturae vel Patrum testimonia revocare.

Quae fre-
quentiora.

In universum adnotandum est, ut oratio tota sit excitata, et velut animata sensibus illis, qui, ut ipsa religio, rerum humanarum vim et modum excedentes, coeleste quid et aeternum spirant.

430. II. Ad reliquam eruditionem quod attinet, historiae profanae moderatus usus licebit ; reliquarum artium sit certe parcissimus ; ex fabulis autem mythologicis et poetis perraro aliquid utiliter aut sine periculo affertur.

Quid de re-
liqua erudi-
tione.

Valent haec aliquantum ad ingenium oratoris excolendum, sed aperte prolata vix unquam non dedecent sacri muneris dignitatem. Praeterea in omni hoc genere profanae doctrinae caveat orator, ne vel audientium eruditioni fidat nimium, vel jactare videatur suam.

CAPUT III.

DE VARIIS ORATIONIS SACRAE GENERIBUS.

ART. I.

DE GENERE DIDASCALICO.

431. Didascalico generi proprium est, doctrinam christianam explicare et confirmare.

Itaque hujus generis materia non solum sunt fidei dogmata, sed ethicae quoque christianae praecepta, verbo universa religio.

Quid in eo
fugendum.

I. In hoc genere primum fugienda est theologiae disputationis similitudo; popularis sit oratio, et vario genere illustrationum ornata, motus quoque animorum, lenes saltem, ubique diffusi.

Proprius quidem hujus generis finis est docere; sed docendum tamen hic quoque ita, ut veritas non solum luceat, sed etiam placeat moveatque.

Quid praestandum.

Sed restat, quod caput est, ut scilicet propria illa et plane coelestis christianae doctrinae vis, quae recondita esse solet, oratione reveletur.

Ad hoc efficiendum necessaria est certe doctrina; sed parum haec poterit, nisi quis ea, quae docebit, saepe et multum coram Deo meditatus fuerit; quin etiam qui ab hac exercitatione alienus est, vereor, ut, quorsum haec dicantur, intelligat.

Quid de
oratione morali.

432. II. In orationibus de morum doctrina illud maxime videndum, ne orator sacer Senecam potius et Aristotelem, quam Christum sequi videatur. Hinc praeter ea, quae de delectu argumentorum supra sunt dicta, duo observare debet:

Primum est, ne omnino in hoc genere sit nimius.

Nam ad vitam emendandam fidei mysteria, Christi Sanctorumque exempla plus non solum incitamenti, sed etiam luminis habent, quam ipsa doctrina moralis : atque hinc est, cur SS. Patres de fide plurimum, de morali doctrina haud ita multum praeceperint. — Optime Sailer in hanc fere sententiam : Olim dicebatur de Christo, et per Christum morum honestas inter mortales apparuit; nunc dicitur de moribus, et per universas orationes morales nullus inter nos apparet Christus.

Alterum est, ut cum dogmate ita cohaereat moralis doctrina, ut ex eo tota efflorescat, ad idemque semper referatur.

Praeclare hos nos docent SS. Apostoli in suis ad fideles epistolis.

433. III. Dogmata, quae impugnantur, prae ceteris tuenda esse constat; at multo est utilius, sanam doctrinam luculenter exponere et probare, quam falsam convellere, et cum adversariis in arenam descendere.

Quid de
controver-
sia.

Hic enim dicendi modus cum eos, qui veritati conciliandi essent, ad pugnam potius et iram incitat, tum ipsis catholicis periculosior, quam utilior est. Facile enim accidit, ut hi quoque aut inducantur magis ad irascendum aliis, quam ad consulendum sibi; aut contra, quae est humana corruptela, in ea, quae obijciuntur acrius, quam in refutationem animum intendant.

Plerumque confirmatio ita institui potest, ut ea ipsa contraria argumenta diluantur; quod si aliqua separatim refutari oportet, hoc ita fieri potest, ut stylo minime acerbo aut pugnace utamur.

Quomodo
refutandum.

Haec, quae de controversiis praecepi, multis verbis docent S. Franciscus Salesius, V. Petrus Canisius et Petrus Faber, viri, qui omnium efficacissime contra haereticos catholicam veritatem tuebantur. — Illud tamen non minus constat, ubi a fraudulentis hominibus periculum immineat fidelibus, dolos detegendos, necnon in universum familiarem cum heterodoxis consuetudinem esse dissuadendam.

ART. II.

DE GENERE EXHORTATIVO.

Quid sit. 434. I. Ad genus, quod exhortativum dixerunt, referuntur orationes, quae totae eo spectant, ut homines per doctrinae christianae momenta ad recte vivendum impellantur.

1. Sunt, qui has quoque orationes morales dicant; sed tum praeceptum, quod morales rariores esse jubet, ad hasce non est referendum.

2. Hoc genus, praeter suasionem et dissuasionem, etiam reprehensionem, qua peccantes corripuntur, et consolationem, qua afflicti et timidi eriguntur, continet.

Quid in eo cavendum. In hujusmodi orationibus videndum est inprimis, ne vagemur.

Generatim, vel vitia virtutesque singulas tractamus. Si generatim, de uno aliquo sacrae doctrinae capite, ut de morte, de judicio propositio statuenda, quae sit definita et ad motus animorum accommodata. Si de singulo vitio aut virtute, argumenta sane ex variis sacrae doctrinae capitibus petenda; propositio vero de illa virtute aut vitio excogitanda est, quae item sit finita et apta.

Num argumentandum. Praecipuum vero in hoc genere cum sit movere animos hortando, hoc ipsum ut consequaris, cave existimes, minus necessarias esse argumentationes; immo vero, nisi nervosa praecesserit confirmatio, ad ea, quae volumus, firme proponenda audientium animi non impellentur. (n. 335. 364.)

Genus mixtum. 435. II. Saepe autem genera ista duo, didascalicum dico et exhortativum, conjunguntur in unum; quod quidem genus mixtum est vehementer probandum.

Convenit inprimis, orationes, quae ad didascalicum genus referuntur, cum altero temperari. — En tibi exempla: De inferno thema erit didascalicum: *Existit infernus, isque aeternus*; exhor-

tativum : *Poenae inferni horrendae sunt primum natura, deinde aeternitate* ; mixtum : *Supplicia apud inferos sempiterna sunt ; ideoque nihil terribilius, quam illis mactari.* De mysteriis dicturus simili modo primum dogma aliquod confirmabis , deinde doctrinam moralem ex eodem depromptam inculcabis, ut: *Christus diris tormentis delicta nostra expiavit ; ergo jam peccatum exsecrandum ; aut : ergo nec nobis poenitentiae rigor fugiendus.*

Inter doctrinam et hortationem ea sit conjunctio , ut non solum id, quod suademus , cum re demonstrata cohaereat, sed etiam argumenta, quibus utimur ad probandum, non sint inutilia ad insequentem hortationem.

Quid in eo
servandum.

ART. III.

DE PANEGYRICO.

436. Panegyricus est oratio in laudem alicujus instituta.

1. Πανήγυρις proprie significat hominum conventum ad festum diem peragendum ; quoniam autem in hujusmodi conventu oratores graeci laudes deorum vel Graeciae vel illustrium virorum celebrare consueverant, factum est, ut talis oratio, ac generatim omnis laudatio vocaretur πανηγυρικὸς (λόγος).

Quid sit.

2. Licet apud nos quoque laudatio interdum fiat in conventu civili, frequentior tamen ejus usus est in eloquentia sacra, ideoque hoc loco illam tractamus.

Finis laudationis sacrae non est alius, nisi quem in ipso cultu Sanctorum Ecclesia sibi proponit, primum, ut celebretur *Deus mirabilis in Sanctis suis* ; deinde, ut populus christianus ad Sanctos honorandos et invocandos moveatur ; postremo ut ad eorundem imitationem excitetur.

Quis finis.

§ I.

De materia laudationis.

(Qt. 3, 7. De or. 3, 84 et 85.)

437. Laus hominum in tria tempora dividitur : quod ante eos fuit, quod ipsi vixerunt, et quod insecutum est.

Quae tempora
consideranda.
qt.

Ante homi-
nem.

Id.

I. Ante hominem patria ac parentes majoresque erunt; nonnunquam etiam oracula et divina responsa, quae futuram claritatem promiserunt.

Id.

1. In illis, quae ad ortum pertinent, duplex est laus: aut enim respondisse nobilitati, pulchrum erit, aut humiliter genus illustrasse factis.

2. Divina responsa, ut exemplo utar, S. Joannis Baptistae, et multo magis B. Virginis sanctitatem magnitudinemque praenuntiarunt.

In ipso ho-
mine.

438. II. In ipso homine laudantur tria: naturae et fortunae bona, doctrina et artes, virtutes et merita.

Cic.

4

q^t.

De or. 2, 11.

1. Naturae et fortunae dona, ut forma, vires, opes, divitiae, gratia, amicitia, ideo in laudationibus tractanda sunt, quod ipsa virtus in earum rerum usu ac moderatione maxime cernitur. Plurimum enim virium dant in utramque partem, ut aut meliores propter haec aut peiores simus. Itaque monstrandum erit, si quis habuerit, bene his usum; si non habuerit, sapienter caruisse; si amiserit, moderate tulisse.

2. Artes et doctrina, maxime eloquentia, habent quidem magnam admirationem; sed haec quoque, praesertim a sacro oratore, non tam ideo laudanda, quod quis habuerit, quam quod iis honeste sit usus.

Cic.

3. Virtus, quae est per se ipsa laudabilis, et sine qua nihil laudari potest, tamen habet plures partes, quarum alia est alia ad laudationem aptior. Aptiores autem sunt: a) quae generi hominum fructuosae putantur, ut clementia, justitia, benignitas, fides, fortitudo in periculis: b) sapientia et magnitudo animi, qua omnes res humanae tenues et pro nihilo putantur; c) facta illa, quae suscepta sunt a viris fortibus sine emolumento ac praemio; quae vero etiam cum labore et periculo ipsorum, haec habent uberrimam copiam ad laudandum; d) magna etiam illa laus et admirabilis, tulisse casus sapienter adversos, non fractum esse fortuna, retinuisse in rebus asperis dignitatem.

Quideratori

439. Orator sacer ex his ea potissimum persequetur,

quæ sunt christianæ virtuti propria, et omnino in quibusvis laudabiliter gestis animi habitum ostendet; evangelicæ doctrinæ conformem.

Hic vero animi habitus ille est, quo ad Deum omnia referuntur; quapropter cunctæ virtutes et præclare facta ita proponenda, ut ex fide, spe et charitate divina nata esse intelligantur.

Gratiæ autem dona commemorabit, vel quia signa sunt divini favoris singularis, vel quod is, qui laudatur, egre-
Quid de gratiæ donis.
 gie illis responderit.

In iis tamen, quæ sancti viri supra naturæ ordinem egerunt, aut passi sunt, servabit, quæ n. 427. exposui.

440. III. Neque mors eorum, quorum vita laudabitur, silentio præteriri debet; si modo quid erit animadvertendum aut in ipso genere mortis, aut in iis rebus, quæ post mortem erunt consecutæ: quo maxime pertinent habitus honores, decreta virtuti præmia, res gestæ iudicii hominum comprobatae.

Itaque in Sanctis hoc loco ea maxime commemoranda, quæ non solum hominum, sed Dei iudicio tribuenda sunt, quæque gloriam, qua Beati fruuntur in coelis, manifestam faciunt in terris.

Sumendæ autem ex his omnibus erunt res aut magnitudine præstabiles, aut novitate primæ, aut genere ipso singulares.

Neque enim parvæ, neque usitatae, neque vulgares admiratione, aut omnino laude dignæ videri solent.

§ II.

De forma panegyrici.

441. Forma panegyrici fere tota ex propositione pendet: quare hæc ante omnia quaerenda est propria et definita.

Saepe nullam statuunt, nisi forte illam communem : *Laudandus est*, vel *Magnus Sanctus fuit*; sed ideo etiam laudatio ipsa communis, ut non raro, paucis mutatis, diversis accommodari possit.

Quid proponendum.

Neque vero ipsa semper sanctimonia illius, qui laudatur, proponi debet, sed varia sunt capita, quae accommodate ad panegyrici finem tractari possunt.

Generatim quidem optime fit propositio de propriis Sancti moribus sive, ut ajunt, *spiritu*; at saepe etiam pro utilitate audientium statui potest de singulis, quibus excelluit, virtutibus; de munere, quod gessit; de viis et rationibus, quibus sanctitatem consecutus est; de impedimentis, quae superavit; tum etiam de providentia divina, in ejus vita luculenter comperta; de gloria coelesti; de cultu in terris : ex his enim omnibus persaepe insignis et propria Beati laus elucet.

Quae dispositio.

Argumenta autem, quibus confirmatur propositio, nunc ex universa Sancti vita, nunc ex uno aliquo vitae spatio sumuntur; porro si ex vita universa, saepe naturalem temporis ordinem servare poterimus, ut primo loco tractemus, quae ad ortum et pueritiam pertinent, deinde quae ad adolescentiam, atque ita porro singulis vitae partibus propositum tuentes: cui tamen rei non ita inhaerendum est, ut reliqua disponendi praecepta negligantur (n. 327-331.)

Genera panegyrici.

442. Verumtamen ut apta cum forma tum maxime tractatione utamur, advertere debemus, duo esse panegyrici genera, unum, quod totum in exornando positum est: alterum, quod ad doctrinam et exhortationem praecipue est accommodatum.

Prius illud genus, quod adamaverunt Itali, mera est laudatio, ideoque multum habet ornatum et dignum quandam splendorem; doctrinam autem perbreve. Alterum, a Gallis magis frequentatum, ea, quae in laudem Sancti, breviter plerumque prolata sunt, in usum eorum, qui audiunt, longiori sermone traducit; quare in hoc genere stylus saepe etiam tenuis est in

docendo, et vehemens in hortando. Potest autem doctrina vel singulis capitibus subijci, vel in priori orationis parte laudatio, in altera doctrina et usus tractari.

Schol. Fuere, qui genus illud, quam meram dixi laudationem, speciosius, quam utilius putarent. Scilicet ejus usus perdifficilis, multique, cum eo versantur, aut frigidam texunt narrationem, aut vagam ac saepenumero profanam declamationem instituunt. Sed si rite tractetur, si ad gravem propositionem confirmandam res vere magnae afferantur, si expositio non ad ingenii ostentationem, sed ad rerum dignitatem accommodetur; omnes sacrae laudationis fructus (n. 436.) hoc nro genere praeclare consequemur. Confer quae n. 432 dicta sunt, necnon exordium, quo S. Basilus in laudatione usus est, quae, ut multae aliae SS. Patrum orationes, ad hoc ipsum genus tota referenda est (n. 424.).

Qui ad hanc justam laudationem facultatem sibi deesse sentiat, orationem saltem frequenter ad cultum et venerationem Sanctorum, non vero semper ad solam morum doctrinam revocet.

Quis eorum
sens.

Persuasum habeamus, ad ipsam vitae emendationem nihil esse efficacius, quam iis subsidiis uti, quae Ecclesia alia aliis anni temporibus suppeditat. Multo igitur minus probandus est mos eorum, qui vix aliquid de Sancto in exordio vel peroratione promunt, totam reliquam orationem in alio, quodcumque se obtulerit, argumento consumentes.

443. Si de sancti cujusquam vita pauca sunt memoriae prodita, non statim ad alienam materiam fugiendum, sed oratio traducenda est ad thesin.

Quid, si pau-
ca de Sancto
nota.

Sane hic argumenta se offerunt, quae frequenter apud christianos tractari debent, et, prohi dolor, nostra maxime aetate plurimum negliguntur. Quid enim? martyrium, virginitas, apostolici labores, ordo ipse sacerdotum et religiosorum, poenitentiae rigor, eremi solitudo, non segetem laudis uberrimam, non copiam praebeant rerum ad docendum utilissimam, ad commonendum gravem? Quidni igitur de illis tum saltem agemus, cum ipso nos dies compellit?

ART. IV.

DE HOMILIA.

Quid sit. 444. Homilia dicitur sacra oratio, in qua locus Scripturae accommodatae ad usum populi christiani tractatur.

Ὁμιλία generatim consuetudinem, sed praecipue tamen familiarem sermonem inter praecceptorem et discipulos denotat; hinc SS. Patres homilias dixerunt illas orationes, in quibus populo litteras sacras exponebant; quamquam in ipsorum operibus aliae etiam orationes interdum homiliae, verae autem homiliae sermones inscriptae sunt.

Homiliae genera ad duo revocari possunt, ad simplicem et oratoriam.

§ I.

De homilia simplice.

Quae simplex. 445. Homilia simplex, nulla statuta propositione, ad quam dicenda referantur, Scripturae versus familiari sermone percurrit et explicat, adhibita modica illustratione et amplificatione. — Ejus partes sunt tres: exordium, expositio, conclusio.

Unde exordium. I. Exordium plerumque sumitur vel a Scripturae loco, qui explicandus est, vel ab usu, quem ostensuri sumus.

1. Ab ipso loco sumitur, vel summa ejus breviter perstringenda, vel nexu cum praecedentibus monstrando; in quo utroque vitanda est orationis jejunitas; vel singulari loci gravitate significanda.

2. Ab usu exordium petitur fere ut in omni alia oratione.

Quid de expositione. II. In expositione omnia, quae sunt intellectu difficilia, apte ad popularem sensum illustranda sunt; falsa etiam expositio non raro refutanda, sed imprimis hoc curandum est, ut doctrina, quae loco toto continetur, singulis exponendis sententiis magis magisque collustretur.

De cetero usui esse possunt, quae de explicatione Scripturae
n. 424. dicta sunt.

Excitanda est oratio figuris et affectibus; sed longior <sup>Quis usus
amplificatio-</sup>
amplificatio, praecipue quae ad alia excurrit, non saepe
adhibenda.

Nonnulli digressionibus utuntur haud secus, ac si solis in his
fructus inveniatur. Sed si se ita res haberet, totum hoc homiliae
genus relinquendum esset.

III. Conclusio fere exhortationem habet, pro audientium <sup>Quid de
conclusionem.</sup>
varia necessitate, nunc ex totius loci argumento, nunc ex
una aliqua sententia depromptam.

SS. Patres, qui cum fere quotidie ad populum dicerent, non
selecta capita, sed integros Scripturae libros explicabant (1),
modo in principio, modo in fine homiliae non raro materiam
ab loco exposito alienam tractare solebant.

§ II.

De homilia oratoria.

446. Homiliam oratoriam vocamus eam, quae a justa ^{Quae orato-}
oratione hoc tantum differt, quod argumenta omnia ex uno
loco Scripturae eruit.

Itaque talis homilia et materia et propositione una et simplex
est: cujus utinam usus frequentior sit! Nam et praestantem, de
quo supra dixi, Scripturae usum habet, neque tamen caret ea
vi, quae ex justae orationis artificio nascitur.

Ad hanc tractationem idonei sunt 1. illi Scripturae loci, <sup>Qui loci
idonei.</sup>
in quibus unum aliquod sacrae doctrinae caput fusius ex-
ponitur.

(1) Hic mos exponendi populo totos Scripturae libros a S. Synodo Tridentina
multum commendatus, quin etiam nonnullis ecclesiis imperatus, in sola Italia
hodie viget.

Hujus generis loci sunt plurimi; primum in orationibus Christi. Ita ex Matth. 6. ostendes, *quare homo christianus divitias quaerere non debeat*: nempè 1. *quia incerta et brevis est possessio, cum coelestia bona certa sint et aeterna* (v. 19-21.); 2. *quia cupiditas quasi veneno inficit mentem et per eam totam hominis vitam* (v. 22-24.); 3. *quia a Deo sejungit et in scelera praecipitat* (v. 24.); 4. Sequuntur, quae ad refutandas objectiones valent, et altam illam christiani mentem ostendunt, curis et sollicitudine solutam et Deo soli vacantem. Similiter ex Matth. 11. ostenditur, *cur increduli excusationem non habeant*; ex Joan. 6. *fructus Eucharistiae*; doctrina vero Ecclesiae *de fide, gratia, charitate, praedestinatione* ex epist. ad Rom.; *de virginitate* ex 1. Cor. 7.; *de resurrectione* ex 1. Cor. 15.; *de natura Christi et ejus sacrificio* ex epistola ad Hebr. depromi potest.

2. Plurimae narrationes, inprimis illae, quae dogmata seu mysteria religionis tradunt; deinde parabolae; tum etiam facta, quae per allegoriam exponi possunt; postremo res gestae, quae gravem aliquam doctrinam declarant.

1. Primi generis exempla notissima.

2. Parabolae plerumque per homiliam simplicem exponuntur, sed non est dubium, quin pleraeque etiam justae orationis argumentum praebeant; ut *de filio prodigo, de bono pastore, de veste nuptiali, de vinea matis agricolis collocata*. Ad hoc genus referuntur etiam, quae, licet vere acciderint, in Scriptura tamen ad doctrinam aliquam ostendendam traduntur, ut *de epulone et Lazaro, de Samaritano misericorde*.

3. S. Augustinus locum de juvene, quem Christus in civitate Naim ad vitam revocavit, ad illos per allegoriam transfert, quos divina misericordia a peccati morte suscitavit. Hanc et similes narrationes si bene consideres, occurrent argumenta, quibus et miseriam ostendas, ob quam criminosi ad Deum confugere debeant, et mitissimi Salvatoris clementiam, qui suscipit eos et sanat.

4. Res gestae, in quibus doctrina sive moralis sive dogmatica perhibetur, plurimae tum in vetere tum in novo Testamento narrantur. Satis est meminisse Adae, Caini, Noemi, Abrahae, Josephi, Davidis.

LIBER QUINTUS.

DE ELOQUENTIA CIVILI.

CAPUT I.

DE LOCIS ELOQUENTIAE CIVILI PROPRIIS.

447. Loci eloquentiae civili proprii septem sunt: Leges, Qui sint. praejudicia, tabulae, testes, iusjurandum, fama, tormenta (1).

I. In lege considerari potest, primum quando et quomodo Quae in lege considerata. sit lata; deinde quae ejus vera interpretatio; tum ut hucusque servata sit; postremo quanta illius utilitas necessitasque.

Quaerendum igitur, num lex, quae profertur, nulli altiori sit contraria; num ad omnia tempora et personas extensa; annon usu, tacente magistratu, abrogata etc. Exempla habes: pro Archia c. 4. pro Roscio Am. c. 43. pro Cluent. c. 57.

448. II. Praejudicium vocatur sententia, quae aliquando Quid praedictum. in simili aut eodem genere, aut in ea ipsa, quae agitur, Qt. 5, 2. causa lata est.

1. Praejudicium in genere simili profert Cicero: *Negant intueri lucem fas esse et, qui a se hominem occisum fateatur. In qua tandem urbe hoc homines stultissimi disputant? Nempe in ea, quae primum judicium de capite vidit M. Horatii.* Sed hujusmodi praejudicia potius ad exempla referenda. Pro Mil. 3.

2. Quae sunt ex eodem genere, confirmantur praecipue duobus: Qt. ibid. auctoritate eorum, qui pronuntiaverunt, et similitudine rerum, de quibus quaeritur, (v. pro Archia c. 5.); refelluntur autem melius ex dissimilitudine causae, quam per contumeliam judicum.

(1) Multa, quae hoc capite tractamus, in nostris judiciis usum nullum habent; cognoscenda tamen, ut veterum oratorum scripta intelligamus.

3. Ex iudiciis, quae ad ipsam causam pertinent, praedictum nomen ductum est. Exemplum habes pro Mil. c. 5. *Sequitur illud, quod a Milonis inimicis saepissime dicitur, caedem, in qua P. Clodius occisus est, senatum iudicasse contra rempublicam esse factam.*— Et cap. 6. *At enim Cn. Pompejus rogatione sua et de re et de causa iudicavit.* — Cf. orat. pro Cluentio paene tota.

Quid tabu-
lari.

449. III. Per tabulas intelliguntur omnia testimonia vel documenta scripta et signata de rebus publicis et privatis.

Talia sunt foedera publica et pacta privatorum, testamenta, commentarii actorum, expensi datique libri, et alia id genus. Exempla passim in Verrinis; pro Arch. 4.

Quid in
teste spe-
ctandum.

450. IV. In testibus generalim observandum est, num veritatem norint, et dicere velint.

Top. 19.

Itaque in his inprimis quaeritur auctoritas, quae in virtute inest maxime. Sed et ingeniosos, et opulentos, et aetatis spatio probatos, dignos, quibus credatur, putant: non recte fortasse; sed vulgi opinio mutari vix potest, ad eamque omnia dirigunt, et qui iudicant, et qui aestimant.

Qui refu-
tandi.
Part. 14.

Ad elidenda autem testimonia vel de toto genere testium, quam id sit infirmum, vel de singulis testibus dicendum est.

1. Si de toto genere, ostendimus, quot sint causae, cur fallant et fallantur homines; argumenta rerum esse propria, testimonia voluntatum; utendumque est exemplis, quibus testibus creditum non sit.

2. Contra singulos testes argumentamur vel a *personis*, si natura vani, si leves, si cum ignominia, si spe, si iracundia, si misericordia impuls, si praemio, si gratia adducti; comparandique superiore cum auctoritate testium, quibus tamen creditum non sit: vel a *dictis*; saepe enim ea, quae dicta sunt, si aut inconstanter, aut incredibiliter dicta sunt, aut etiam aliter ab alio dicta, subtiliter reprehenduntur: vel denique ab *aliis testibus* maioris aut saltem ejusdem auctoritatis, quos nos producimus.

Exempla : In Verr. I. c. 4. *Deinde sunt testes.* — De suppl. 59. *Hic vide, quam me sis usurus aequo.* ibid. c. 64. *Jam mei testes veri sunt.* Pro Archia. c. 4. *Adest vir summa auctoritate.* — Contra testes : pro Coelio c. 8. *Aiebant enim fore testem ;* et fuse pro Flacco a c. 4.

451. V. Licet iurijurando apud omnes gentes major ^{Quid de} adhibeatur fides, generatim tamen omnia, quae de testi- ^{jurejurando.} bus dixi, jurantibus quoque accommodari possunt.

1. Nullum, ait Tullius, vinculum ad astringendam fidem jure- ^{De off. 3, 31.} jurando majores arctius esse voluerunt. Et certe in omni civitate collapsae religionis argumentum est parva juramenti fides.

2. Maxime hoc loco ilud notandum : Ubi semel quis perjura- ^{Pro Rab. P. 13.} verit, ei credi postea, etiamsi per plures deos juret, non oportet.

452. VI. De fama in utramque partem disputari po- ^{Quid de} test, unde per se sola firmum argumentum non praebet. ^{fama.}

Famam, ait Quintilianus, atque rumores pars altera consensum ^{5, 2.} civitatis, et velut publicum testimonium vocat; altera sermonem, sine ullo certo auctore dispersum, cui malignitas initium dederit, incrementum credulitas. — Vide pro Plancio c. 23 *Illud unum vos.*

453. VII. Locus a tormentis sive quaestionibus non ^{Quid de} minus anceps et incertus est. ^{tormentis.}

Multis rationibus testimonia, quae dolor extorsit, infirmari pos-
sunt, (de quibus v. Qt. 3, 4. et Part. 19.) ; attamen fidem sacre
solent, si vel tormentis reus adduci non potuit, ut crimen fate-
retur, vel post quaestionem in facti confessione perseverat. Quam-
quam et tum in promptu est responsio : nam aliis patientia facile ^{qt.}
mendacium facit, aliis infirmitas necessarium. Exempla pro Rosc.
Amer. c. 41. pro Mil. c. 22.

CAPUT II.

DE GENERE JUDICIALI.

Quot genera quaestionum.

Cf. Part. 29.
Qt. 3, 6.

454. Tria sunt in iudiciis quaestionum genera; aut enim de facto quaeritur, aut de nomine, aut de jure.

1. De *facto* : num scilicet res, quae in iudicium affertur, revera acciderit, ut *Roscusne patrem occiderit*, et haec quaestio vel status *conjectura* vocatur.

Pro Lig. 6.

2. De *nomine* : cum constat de facto, disceptari potest, num sit id, quod accusator criminetur. Ita negat Cicero *Ligarium et omnino Pompejanos reos esse sceleris*. Et hic status *definitio* appellatur.

3. De *jure* : si neque de facto, neque de rei appellatione ambigi potest, quaeritur tamen persaepe, num jure factum sit; ut : *jurene occiderit Milo Clodium*. Qui status *qualitas* aut *acquitas* dicitur.

Quid praestandum accusatori.
Qt.

455. Accusator igitur efficere debet, ut tria illa singula liqueant; sed tamen animo providebit, quam potissimum partem reus sit defensurus, ut eam prae ceteris evincat.

Ceterum in confessis argumentari vel incerta relinquere aequè stultum est.

Quid defensori.
Part. 29.
Qt. 7, 2.

Reo ex tribus illis velut gradibus unus aliquis capiendus est, si plures non queat, ad resistendum.

Qt. 7, 2.

1. Optima sane defensio est, ipsum factum si neget; negabit autem vel omnino rem accidisse, vel a reo factam esse.

Ibid. c. 2.

2. In definitione aut, nullo alio nomine substituto, totum crimen negatur, ut si *turbas, quas reus excitavit, negas seditionis nomine comprehendi*; aut aliud nomen editur, ut si obicitur *sacrilegium*, dicatur *furtum* fuisse.

3. Cum qualitatis est quaestio, aut ipsum factum, quod obijcitur, dicimus honestum esse; aut factum per se improbabile, assumptis extrinsecus auxiliis, tuemur. In quo genere fortissimum est, si crimen causa facti defendimus, ita quidem, ut nostra defensio constet ejus accusatione, qui vindicatur. *Occisus est*, sed *latro*; quod ἀντέκλημα dicitur. Ibid. c. 4.

456. Si nihil horum defendi potest, tres alii modi superant: translatio, excusatio, deprecatio.

Translatio dicitur, cum causa rei in alium transfertur. Quid translatio. Ibid.

Transfertur autem vel in hominem, ut si tribunus militum id, quod obijcitur, jussu imperatoris fecisse dicatur; vel in rem, ut si is, qui testamento quid jussus, non fecerit, dicat per legem id fieri non potuisse.

Excusatio tum proprie vocatur, cum quis rem, quae certo mala est, libera sponte fecisse negatur. Quid excusatio.

Tria efficere possunt, ut actiones nostrae non sint voluntariae, ignorantia, vis et repentinus animi motus. Ac perfecta quidem excusatio ab omni culpa liberat, imperfecta ex iisdem locis aut similibus culpam minuit. — Semper tamen excusationi deprecatio conjungi solet.

Deprecatio, quae est sine ulla defensionis specie, rara admodum et apud eos solos judices, qui nulla certa pronunciandi formula tenentur, locum habet. Quid deprecatio. Qt. 5, 13.

1. Hinc Cicero : *Causas, Caesar, egi multas, et quidem tecum, dum te in foro tenuit ratio honorum tuorum; certe nunquam hoc modo* : Ignoscite, judices; erravit, lapsus est, non putavit, si unquam posthac. *Ad parentem sic agi solet; ad judices* : Non fecit; non cogitavit; falsi testes, fictum crimen. — In senatu igitur et apud populum et apud principem, et ubicumque juris clementia est, habet locum deprecatio. Pro Lig. 10.

2. Verum et in judiciis, etiamsi non toto genere causae, tamen ex parte magna hic locus saepe tractatur. Nam et divisio frequens est, etiamsi fecisset, ignoscendum fuisse; idque in causis dubiis saepe praevaluit; et epilogi omnes in eadem fere materia versari solent. Qt. 7. 4.

Qui in sti-
tuenda.

437. Sic autem deprecatio instituenda est: primum crimen ipsum, si minus excusari, saltem minui aliquo modo debet; deinde tractantur ea, quae ad misericordiam et clementiam movere iudicem possunt.

ibid.

1. In deprecatione plurimum valet, *ex ipso*, qui reus est, haec tria in vita praecedere: si innocens, si bene meritus, si spes in futurum innocenter victuri, et in aliquo usu futuri; praeterea si vel aliis incommodis, vel praesenti periculo, vel poenitentia videatur satis poenarum dedisse; *extra*, nobilitas, dignitas, propinqui, amici. In eo tamen, qui cognoscit, plurimum ponendum, si laus eum misericordis potius, quam reprehensio dissoluti consecutura est.

2. Cum crimen ejusmodi est, quod ignoscendum fuisse videtur, saepe orator ipsam actionem, quod inhumana sit, crudelis, superba incusare poterit. V. pro Lig. et pro Rab. perd. reo.

CAPUT III.

DE GENERE DELIBERATIVO.

Quae ejus
officia.
qt. 3, 8.

438. Eloquentia, quae deliberationem spectat, officiis constat duobus, suadendi et dissuadendi. In utroque autem inprimis tria spectanda sunt: quid sit, de quo deliberetur; qui sint, qui deliberent; qui sit, qui suadeat.

Quae in re
spectanda.
Cf. Qt. ibid.
et Part. 24.

I. In re, de qua deliberetur, quatuor potissimum considerantur: num fieri possit, num honesta, num utilis, num necessaria sit.

Si incertum est, fieri possit, haec erit quaestio sola aut potentissima. Nam et si quid effici non potest, deliberatio tollitur, et saepe accidet, ut prius dicamus, ne, si posset quidem fieri, faciendum esse, deinde, fieri non posse. Quae autem perdifficilia sunt, perinde habenda saepe sunt, ac si effici non possint.

2. Honestati subjiuntur fas, justum, pium, aequum, mansuetum ceteraeque virtutes, quas cum laus et decus sua sponte sequantur, honestum etiam pro glorioso habendum est.

3. Ad quaestionem utilitatis pertinet etiam, an sit facile, magnum, jucundum, sine periculo. Ex emolumentis autem et incom-

modis illa vim maximam habent, quae sic afficiunt rempublicam, ut ad singulos cives redundant.

4. Necesse id est, sine quo salvi liberive esse non possumus. Cum autem de necessitate attendemus, etsi aliquid non necessarium videbitur, videndum tamen, quam sit magnum. Quod enim permagni interest, pro necessario saepe habetur.

439. II. In personis intuenda sunt sexus, dignitas, aetas; sed mores praecipue discrimen dabunt.

Quae in personis.
Qt. Ibid.

Hominum enim, ait Cicero, duo sunt genera; alterum indoctum et agreste, quod anteferat semper utilitatem honestati; alterum humanum et politum, quod rebus omnibus dignitatem anteponat. Itaque huic generi laus, honor, gloria, fides, justitia omnisque virtus; illi autem alteri, quaestus, emolumentum fructusque proponitur. — Sed et multa inter haec duo media interjacent, et homines fere nec tanto virtutis studio flagrant, quin, praesertim si res ardua proponitur, utilitatis quoque spe, et incommodorum metu permovendi sint; nec vicissim turpes adeo et perditum esse solent, quibus nullum honestatis sensum apta oratio excitare possit.

Part. 25, 26.
Cf. de or. 2, 82.

2. Sapienter tamen Fabius, si apud turpes recta obtinere conabimur, cavendum esse ait, ne videamur exprobrare diversam vitae sectam; necnon aliquanto etiam magis, quam laudem et utilitates, obijciendos esse aliquos, si diversa fecerint, metus. — Addantur etiam contumeliae atque ignominiae. Nemo enim est tam agrestis, quem non, si minus ipsa honestas, contumelia tamen et dedecus magnopere moveat.

Ibid.

Part. 26.

460. Qui vero inhonesta proponunt, utilitates exaggerant; non tamen inhonesta suadent ut inhonesta, sed dant illis deformibus colorem, idque etiam apud malos.

Quid pravi oratores.
Qt. Ibid.

Neque enim est quisquam tam malus, ut malus videri velit, et qui de re nefaria deliberat, id solum quaerit, quomodo quam minimum peccare videatur. Itaque Catilina socios provocat ad maximum atque pulcherrimum facinus; et ut per justam indignationem agere videatur: Ceterum, inquit, mihi in dies magis

Sall. Cat. 20.

animus accenditur, cum considero, quae conditio vitae futura sit, nisi nosmet ipsi vindicamus in libertatem. Nam postquam respublica in paucorum jus atque ditionem concessit, semper illis reges, tetrarchae vectigales esse; populi, nationes stipendia pendere; ceteri omnes, strenui, boni, nobiles atque ignobiles, vulgus sumus, sine gratia, sine auctoritate, his obnoxii, quibus, si respublica vateret, formidini essemus... Quae quousque tandem patiemini fortissimi viri? nonne emori per virtutem praestat, quam vitam miseram atque inhonestam, ubi alienae superbiae ludibrio fueris, per dedecus amittere? — Deinde composita per singula sua suorumque inopia cum aliorum opulentia: Quin igitur, ait, expergiscimini? En illa, illa, quam saepe optastis, libertas; praeterca divitiae, decus, gloria in oculis sita sunt! fortuna omnia victoribus praemia posuit.

Quae oratori necessaria.

461. III. In ipso jam oratore requiruntur maxime auctoritas et scientia.

De or. 2, 81.

1. Suadere enim aliquid aut dissuadere, gravissimae est personae. Nam et sapientis est, consilium explicare suum de maximis rebus, et honesti et disertis, ut mente providere, auctoritate probare, oratione persuadere possit.

Ibid. 82.

2. Ad consilium autem de republica dandum, caput est, nosse rempublicam; ad dicendum vero probabiliter, nosse mores civitatis. Plura vide de or. 1, 14. et 2, 82.

Schol. Cicero quidem multum saepe queritur, causas ab iis suscipi agendas, qui jus civile ignorent; nobis autem id praeceptum, omni generi commune, hoc loco repetendum erat, quod, cum judicia privatorum nostra aetate sint ad solos juris peritos translata, in comitiis tamen et senatibus, ubi populorum salus et sacratissima humanitatis jura aguntur, ii saepe homines verba faciunt, qui et malo cultu pravisque opinionibus corrupti, et rerum, de quibus disceptatur, sunt imperitissimi.

Quid de tractatione. Cf. Part. 27.

462. Si jam de tractatione quaeritur, generatim tota oratio simplex et gravis, et sententiis debet esse ornatior, quam verbis; sed tamen hic quoque, ut alias, et personis accommodanda et rebus est.

1. Multum igitur interest, senatus sit, an populus, qui delibere. In senatu enim minori apparatu agendum est; sapiens enim est consilium, multisque aliis dicendi relinquendus locus; vitanda etiam ingenii ostentationis suspicio. Concio capit omnem vim orationis, et gravitatem varietatemque desiderat. De or. 2, 82.

2. Nihilominus ita est rebus ceterisque adjunctis oratio adaptanda, ut etiam in senatu de rebus magnis interdum magnificentius, et apud populum de rebus parvis breviter et summis dicendum sit. Male igitur quidam putaverunt, huic generi semper torrentem quandam et concitatam rationem dicendi convenire. qt. 3, 8.

463. Postremo cum sint populares multi variique lapsus, vitanda est acclamatio adversa populi. Quid vitandum.
De or. 2, 82.

1. Haec vero aut orationis peccato aliquo excitatur, si asperere, si arroganter, si turpiter, si sordide, si quoque animi vitio dictum esse aliquid videatur; aut hominum offensione vel invidia, quae aut justa est, aut ex criminatione atque fama; aut res si displicet; aut si est in aliquo motu suae cupiditatis aut metus multitudo.

2. His quatuor causis totidem medicinae opponuntur: tum objurgatio, si est auctoritas; tum admonitio, quasi lenior objurgatio; tum promissio, si audierint, probaturos; tum deprecatio, quod est infimum, sed nonnunquam utile. Nullo autem loco plus facetiae prosunt et celeritas, et breve aliquod dictum, nec sine dignitate et cum lepore. Nihil enim tam facile, quam multitudo, a tristitia et saepe ab acerbitate commode ac breviter et acute et hilare dicto deducitur. (Cf. tamen n. 376. extr.)



ARTIS DICENDI

PARS QUARTA

DE POESI.

LIBER PRIMUS.

DE POESI IN UNIVERSUM.

CAPUT I.

DE POESIS NATURA, FINE ET CAUSA.

Quid ait. 463. Poesis est ars dicendi, quae pulchritudinis speciem vera verisimili fictione imitando exprimit.

1. Itaque *propositum* poësi est, pulchri speciem exprimere; pulchrum autem hic vocatur, quidquid considerantis animum voluptatis sensu afficit; ergo non solum suave, formosum, illustre, sed sublime quoque, grave, admirabile. 2. Speciem, quam mente tenet, exprimit poëta vera i. e. naturam et vitam *imitando*, ut scilicet pulchra iis rebus, in quibus sensibus apparent, ostendat. 3. Dicitur postremo *verisimili fictione* imitari, quia non tenetur res, quales sunt et contingunt, fideliter enarrare, sed quales esse possunt vel debent, libere excogitat; ita nimirum vera, quae imitatur, fictione mutando, ut quam animo concepit, venustatis formam luculenter possint demonstrare: hinc ipsum nomen *ποίησις*, i. e. effectio seu procreatio. — Quae tamen non sic accipienda sunt, ut, quae dicat poëta, conficta esse debeant, verum ut possint, nihil cum referat, ficta an vera, modo verisimilia et ad carminis propositum accommodata sint (1).

(1) Haec non ad sensu poëtae, quae procul dubio vera esse debent, sed ad res externas et facta, quibus illa exprimit, referenda esse patet. Atque omnino, quae hic breviter significantur, ex iis, quae postea de poëtica fictione dicturi sumus, intelligi et explicari debent.

Haec ergo imitatio conjuncta cum fingendi libertate, quae omnia ad operis pulchritudinem revocat, propria est poësis *forma* ac *natura*.

A soluta oratione differt poësis praecipue quidem pro- <sup>Qui differat
a prosa.</sup>posito et forma, at etiam ornatu sermonis et numeris.

1. Etsi enim solutae quoque orationis opera venustate defec- tent, non tamen ea in re finem constitutum habent; sed pro- posita est singulis propria quaedam vitae utilitas, et hanc ut consequantur, omnes tenentur eorum, quae dicunt, *veritatem* demonstrare.

2. Ut autem poësis fingendo a rerum communi cursu, sic eloquendo a vulgari sermone frequentius et audacius deflectit, neque contenta communi illa, quam orator usurpat, vocum moderatione, certis et definitis numeris sive metro se adstringit, omnia ad maximam, quam potest, delectationem machinandó. Hic vero sermonis ornatus et rhythmus quoniam ad integrita- tem quidem, sed non ad ipsam naturam (seu essentiam) poësis pertinent; ideo fit, ut et sermo metro solutus ad poësis ra- tionem prope accedere, et quae metro inclusa sunt, longius ab ea abesse possint: ita difficultas, quam in hac quaestione reperiunt, solvitur (1).

(1) Multa est viris doctis de definienda poësi disceptatio. Recentiores plerique, contenti propositum significasse, poësin dicunt *artem pulchritudinis oratione ex- primendam*; veteres, Aristotelem secuti, modum potius, quo fierent carmina, re- spexerunt, atque poësin *imitationem vitae cum fictione esse* voluere; quam definitio- nem at melius enuntiaret, Batteux *imitationem* dixit *pulchrae naturae*. Nihil enim inquit, aliud est imitari cum fictione, nisi vulgaribus omissis, ea quae excellunt in rebus, ad formam, in qua ipsius naturae perfectio appareat, componere (cf. n. 474.) Blair animi affectum, quo panguntur poemata, potissimum attendens, poësin definit *orationem personæ animi et phantasiae acris incitatae, metro plerumque ad- strictæ*; a quo parum recesserint, qui cum Kagel in sola elocutione omnia quaere- rentes, poësis naturam eo pertinere affirmant, ut *cogitata quam fieri possit maxime ad verum exprimat*. Postremo aliqui solo metro contenti fuere. — Definitiones istae omnes vera de poësi pronuntiant; quandoquidem nihil eorum, quae dicunt, poësi, quae integra sit, deesse potest; sed eo inter se pugnant, quod alia in alia re, et in ea quidem sola, naturam poësis constituunt; pessime sane ultima du-

Quis finis.
Vide plura
pro Arch. G.

463. Etsi finis poësi proprius delectatio est; non ea tamen ipsa omnis ejus fructus continetur. Nam et moratos homines efficit, et praeclara imbuit doctrina, et ad amandam honestatem nunc dulciter trahit, nunc vehementer inflamat.

Quapropter delectationem *proximum*, multiplicem autem hanc utilitatem *remotum* poësis finem recte appellaveris.

Quibus ob-
tinetur.

Illa enim omnia poësis consequitur primum et maxime ipsa illa, quam effingit, pulchritudinis specie; tum etiam sapienti doctrina, quam saepe cum illa conjungit.

Quemadmodum enim historicus alique, quibus docere est praecipuum, intexunt operi, quae delectant, ita poëta, quae erudiunt. Quare Horatius :

A. p. 343.

Omne tulit punctum, qui miscuit utile dulci,
Lectorem delectando, pariterque monendo.

dum ab Aristotele (c. 9.) et Horatio (n. 478.) explosa, in solis numeris; sed neque feliciter, quae illam proxime antecedunt, in una elocutione. Sermo enim commoti animi, qui omnia ad vivam exprimit, est ille quidem plane poëticus, sed tamen per se solus poësin a soluta oratione non satis discernit; neque tam natura, quam instrumentum poëticae artis appellandus mihi videtur. Sed neque veteres hanc naturam per imitationem cum fictione satis declaraverunt. Nam et orator, ut exemplo utar, si forte causam exponens rem non fideliter narrat, eum fictione imitatur; quae tamen narratio non est poëtica, propterea quod hic fingit accommodare ad suum finem, i. e. ad utilitatem rei, fingitque fraude, qua detecta ipso sine frustratur. Fictio igitur poëtica accuratius est declaranda; declaratur autem sine. Postremo neque illud satis erit dixisse, poësin esse artem pulchritudinem exprimendi. Saepe enim historici, orator alique scriptores vera referentes pulchritudinis speciem oratione exprimunt; sed hanc pulchrae rei descriptionem poëticam non dicimus, quia in ea primum et maxime veritatem requirimus, vitiumque erit, si rem aliter quam est, perhibuerit. Poëta autem non vera, sed verisimilia dicere tenetur; et si quando vera dicit, non ideo dicit, quia vera, sed quia verisimilia et ad finem ejus sua sponte accommodata sunt. Et quoniam hic finis est, pulchritudine delectare, modo id assecutus fuerit, non solum vitium non erit, sed etiam virtus, fluxisse. Conferatur Aristoteles (c. 9.), qui in hunc modum ad ea, quae Blair alique objecere, dadum responderat,

In quam rem illud tamen recte monent, ut orator, quae ad Batt. 1, 6, 6
delectandum adsciscat, necessitatis causa dicere videatur, sic
poëtam, quae ad docendum intextat, delectationis.

Schol. Quo vero excellentior poësis esse fructus potest, hoc
sane acrius inculcandi sunt ii, qui pulcherrima arte pravo con-
silio abutuntur, et quod ad bene beateque vivendum est datum,
in pestem generis humani et perniciem convertunt.

Ex fine poësis, oblectandi pulchritudine, illud quoque Quid de me-
diocri poëta.
colligitur, non posse in ea, ut in aliis artibus, quae utile
spectant, mediocritatem probari.

Hoc tibi dictum

A. p. 367.

Tolle memor : certis medium et tolerabile rebus
Recte concedi : consultus juris et actor
Causarum mediocris adest virtute disert
Messalae, nec scit, quantum Cascellius Aulus;
Sed tamen in pretio est. Mediocribus esse poëtis
Non homines, non di, non concessere columnae.
Ut gratas inter mensas symphonia discors,
Et crassum unguentum, et Sardo cum melle papaver
Offendunt, poterat duci quia coena sine istis :
Sic animis natum inventumque poema juvandis,
Si paulum summo discessit, vergit ad imum.

466. Ad efficienda carmina praeter eximiam fingendi fa- Quae causa
efficiens.
cultatem vim ingenii et sapientiam requiri liquet; sed recte
insuper in poëta habitum animi inesse volunt, quo fiat,
ut rerum forma et magnitudine facile percellatur validius-
que inflammetur.

1. Sunt, qui fingendi facultate praestantes ingenio carent : hi
saepe imagines agitant, nulla subjecta idonea sententia, non
cohaerentia miscent, inepta quaeque incauti effundunt. Nempe

Scribendi recte *sapere* est et principium et fons ;
Rem tibi Socraticae poterunt ostendere chartae,
Verbaque provisam rem non invita sequentur.

A. p. 369.

2. Habitus animi, quem dixi, apud priscos *αἵετος* i. e. *furor* appellatur. Furere enim dicebant, quos numine plenos putabant (1); quia vero antiquitus poëtae iidem erant vates et sacerdotes, nata est fabula, poëtas, cum insolito animorum motu inflammarentur, spiritu divino agitari; quare Ovidius:

Eleg. in Tibull.

At sacri vates et divum cura vocamur:

Sunt etiam, qui nos numen habere putent.

Ceterum etsi vehementior hic animi impetus non ubique sit necessarius, eo tamen sublimis illa et non imitabilis vis, qua poëta et assurgit ipse et secum lectorem rapit, vel maxime continetur.

Num sola natura.

467. Sed haec naturae dona, ut in oratore, sic in poëta arte et exercitatione perficienda sunt.

A. p. 468.

Natura fieret laudabile carmen, an arte,
Quaesitum est: ego nec studium sine divite vena,
Nec rude. quid possit video ingenium: alterius sic
Altera poscit opem res et conjurat amice.
Qui studet optatam cursu pertingere notam,
Multa tulit fecitque puer, sudavit et alsit;
Abstinit venere et vino; qui Pythia cantat
Tibicen, didicit prius extimuitque magistrum:
Nunc satis est dixisse: Ego mira poemata pango.

Schol. Hoc praeceptum, quod de omni arte dicendi traditur, hic repetit, quia opponi ei videtur, quod vulgo dicunt, *poëtam nasci*. Quia scilicet poësis a communi dicendi ratione toto genere discreta est, et praeterea nullus in ea mediocritati est locus (n. 465.) propria quaedam eaque excellens naturae vis requiritur. Haec vero vis multa utique per se ipsa praestat, non omnia tamen, non perfecta.

(1) Nec inepte: ita enim, si veterum scriptis fides, vates et Sibyllae, oracula fundentes, se genere solebant, ut magis a caeco-daemone in furorem acti, quam spiritu divino afflati fuisse videantur.

Sed non solum ad discendam poësin institutio, sed in ipso etiam opere diligentia necessaria est. Ad quid diligētia.

Nec virtute foret clarisve potentius armis,
Quam lingua, Latium, si non offenderet unum-
Quemque poëtarum limae labor et mora. Vos, o
Pompilius sanguis, carmen reprehendite, quod non
Multa dies et multa litura coercuit, atque
Perfectum decies non castigavit ad unguem. A. p. 289.

CAPUT II.

DE MATERIA POESIS.

468. Etsi materia poësis nullo certo in genere rerum statuenda sit, propterea quod in hoc poëta cum oratore prope idem est, nullis ut terminis circumscribat aut definiat jus suum, quominus ei liceat eadem illa facultate et copia vagari, qua velit: nihilominus Quid de ea generatim.
De or. I, 16.

Ut fini poësis respondeat, materia ne sit trita et vulgaris, sed ejusmodi, quae vel venustate allicere, vel excitare novitate, vel permovere magnitudine possit.

Duo tamen hic notanda: 1. Accidit non raro, ut res vulgaris vel vitae casus obviis in poëta sensa excitet minime trita. Vide pulcherrimos Catulli hendecasyllabos *in phaselum*, Horatii odam *Integer vitae, et Diras in arborem*. Od. I, 20.
2, 10.

2. Ut in picturis, sic in carminibus interdum delectant res plane communes, quod ad vivum expressae sunt: scilicet hoc etiam habent artium opera, ut non solum praeclara rerum, quae finguntur, specie, sed ipso etiam imitationis artificio placeant. cf. n. 33.

469. Etsi opus poëtae totum pulchritudine nitere debeat, non tamen ideo res, quas dicit, singulae suapte natura pulchrae sint necesse est; imo vero foeda quoque et horrida tractare poterit, modo nec in illis commoretur diutius, et horridis magnitudinem quandam et dignitatem consociet. Num res singulae pulchrae.

1. Foeda dicuntur, vel ut risum moveant, ut Thersites apud Homerum, vel ut pavorem miserationemque augeant, ut in Aeneide Cyclops dormiens, Hectoris cadaver et Philoctetis morbus in Iliade. Saepe etiam ideo tantum narrari possunt, ut venusta, quibus conjuncta sunt, magis nitescant; — nimis vero enucleata nauseam afferunt.

2. Cum horrida, quae dicuntur, eadem sunt sublimia, ingratus animi sensus, quem excitant, admiratione temperatur; vide Tisiphones descriptionem apud Ovidium, supra n. 161.

Quid praeterea.

470. Et quoniam poeta omnia per rerum imagines agere debet, argumentum vel sua natura sensibus subjectum sit, vel fictione saltem facile subjiatur necesse est.

Hinc nonnulli errarunt, ea ex divinis assumentes, quorum certam et aspectabilem speciem animo fingere non possent.

Quae materia proxima.

471. His autem omnibus efficitur, ut vita actionesque hominum propria et proxima sint poësis materia.

Nisi enim illa sensus expertia, quae ex rerum natura assumuntur, et ipsa quoque divina ad vitam relata et cum hominum gestis et fati aliquo modo conjuncta fuerint; fictio ad emolliendum cor permovendosque animos parum valebit, et difficile propria poësi dictione tractari poterit. Hinc carmina, quae nihil nisi meras descriptiones regionum, temporum, aetatum continent, a mediocribus quidem poetis frequentari solent, apud optimum vero quemque et maxime apud priscos vix reperiuntur.

CAPUT III.

DE FICTIONE POETICA.

Quid sit, et

472. Fictionis nomine comprehenduntur omnia, quae poeta de materia excogitat, et ad opus unum efficiendum componit. Quapropter fictio non inventionem tantum, sed etiam dispositionem poematis complectitur. — Cujus nobis

quae virtutes.

virtutes quatuor expendendae sunt: nam et una sit necesse est, et in magna rerum varietate aequabilis, idealis, ut vocant, et verisimilis.

Ut fictio non quolibet, sed excellenti modo una sit et simplex, partes ejus omnes ad certam quandam speciem seu ideam relatae, ad eamque exprimendam plane accomodatae esse debent.

Quid opus
ut una sit.

1. Ut igitur in templo quopiam satis non erit, columnas, fornices, aras ceterasque partes singulas affabre factas, sed omnia ita inventa et disposita esse oportet, ut ex toto illo aedificio quaedam quasi divinae majestatis species eluceat: ita in carmine descriptiones, imagines, actiones, oratiunculae non modo singulae venustate nitere, sed etiam ad unum aliquod ostendendum conspirare debent. In miserabili Laocoontis interitu, ut breviori utar exemplo, poeta speciem horroris coelitus incussi exhibuit: jam considera in partibus singulis, quo sint pacto ad id unum omnes relatae. — Quod autem in hac narratione, id idem in tota Aeneide observare licet, quippe qua illud unum ostenditur:

Aen. 2, 159.

Tantae molis erat, Romanam condere gentem!

1. 32.

2. Ut porro videas, quemadmodum singula ad unum non referenda modo, sed etiam aptanda sint, confer illam narrationem libri II. cum altera, quae lib. V. v. 84. legitur. Utrobique describitur serpens improvise apparens, accessus ejus, actiones et circumstantium stupor; sed quanta in singulis non rebus tantum, sed verbis quoque differentiali Nimirum illic portentum horroris, hic laetitiae omen narrandum erat. — Jam hoc qui servavit, facilius obtinebit, quod secundo loco praecipitur:

473. Ut cum rerum varietate harmonia quaedam et totius fictionis aequabilitas conjuncta sit, res ita inter se dissimiles esse debent, ut tamen cum operis totius indole omnes conveniant.

Quid, ut
varia et ae-
quabilis.

Contraria utrique huic praecepto vitia Horatius notavit:

A. p. 14.

Inceptis gravibus plerumque et magna professis

Purpureus, late qui splendeat, unus et alter

Assuitur pannus....

Amphora coepit.

Institui : currente rota cur urecus exit ?...

Aemilium circa ludum faber imus et ungues

Exprimet , et molles imitabitur aere capillos ;

Infelix operis summa , quia ponere totum

Nescit.

Schol. In judicandis tamen poematis cautus esto : consilium enim poetæ , quo metienda sunt omnia , vulgari carminis inscriptione non raro perperam indicatur. Ita Horatii oda 21. lib. 1. vulgo inscribitur *In laudem Quintilii* , Propertii elegia 4. lib. 3. *Descriptio triumphi* ; sed propositum , ad quod relata cuncta inter se apta cohaerent , Horatio quidem erat , consolari Virgilium de morte Quintilii , Propertio autem explicare , quæ ad beate vivendum desideraret , nempe non bellicam gloriam , non divitias , non philosophiam , sed mediocris vitæ placida gaudia.

Quid , ut
idealis.

474. Neque vero fictio ad rerum , quæ videntur , exemplar , sed ad perfectam illam pulchritudinis speciem , quam cogitatione tantum et mente complectimur , referenda est.

cf ctc. Or. 2.

Hujuscemodi fictio a recentioribus *idealis* appellata est. Idea enim proprie in omni genere rerum perfectum illud et excellens est , quod sensu percipi non potest , ad cujus tamen cogitatam speciem ea , quæ sub oculos ipsa cadunt , velut ad exemplum suum referuntur. — Ita in mente nostra insidet species quaedam et forma herois , quæ acius contemplanda inflammatur animus et admiratione afficitur. Sed hæc forma in vita , etsi in aliqua parte eluceat aliquando , tamen , ut est in se perfecta , nusquam apparet. Nam et multis aliis rebus , quæ simul cum iis , in quibus cernitur , contingunt , inobscuratur , et humanitatis vitio quasi maculis quibusdam conspergitur. Poëta igitur eam in actis et fatis magni viri expressurus , non ad veritatem historię , sed ad illam , quam animo informavit , imaginem respicit : abjiciens multa , affingens alia , mutans denique et accommodans omnia ad illius

speciei similitudinem. — Quod autem de heroe dixi, hoc idem intellige de singulo facinore, quo eximia virtus proditur, item de genere vitae, ut pastoritio, de fortunæ casu, de ipsis animi sensibus.

Schol. Neque hoc in poësi tantum, sed in aliis quoque artibus observatur. Nec enim, ut ait Cicero, Phidias cum faceret Jovis formam aut Minervae, contemplabatur aliquem, e quo similitudinem duceret; sed ipsius in mente insidebat species pulchritudinis eximia quaedam, quam intueas, in eaque defixus, ad illius similitudinem artem et manum dirigebat.

Ibid.

475. Nihilominus tota fictio quodam veritatis fundamento, rerum scilicet natura, nixa esse debet. Et primum quidem ipsa illa pulchritudinis species, quam commentitiis rebus poëta exprimit, naturae consentiat.

Quatenus
vera,

Nihil est enim aliud vera pulchritudo, quam naturalis rei excellentia, lucidius demonstrata. Itaque non reperiuntur pastores, quales ecloga perhibet; ea tamen, quae poëta bis attribuit, propria sint et naturalia huic generi; nec fuerit heros, qualem epicus celebrat, mores tamen et indoles, quae fingit, propria sint heroi, et heroi quidem humano. — Hic igitur a poësi excluduntur monstrore commenta, quae vulgo *phantastica* dicimus.

Res deinde singulae ita fingendae sunt, ut fieri potuisse, aut, quod melius est, fieri debuisse videantur.

et verisimi-
lia.

1. Primum igitur nihil personarum rerumque naturae, aut temporum locorumque rationibus repugnet.

Pictoribus atque poëtis

A. p. 10.

Quidlibet audendi semper fuit aequa potestas.

Scimus, et hanc veniam petimusque damusque vicissim,

Sed non ut placidis coeant immitia, non ut

Serpentes avibus gementur, tigribus agni.

Ficta voluptatis causa sint proxima veris;

v. 338.

Nec quodeunque volet, poscat sibi fabula credi.

2. Si fingantur, quae esse non possunt, turpe vitium erit;

at fingere, quae non potuisse non evenire credas, ea demum virtus est. Quare sic in carmine loquantur, sic agant personae, ut si homines in iis rerum adjunctis aliter loqui et agere non potuisse videantur.

Quid in argum. historico.

476. Ex historia cum argumenta sumpserit poëta, facta personasque illustres ita tractabit, ut quae fingendo immulaverit, veram et propriam rerum hominumque indolem patentius demonstrent.

Quo quaeque clariora sunt, hoc minus mutari debent; quae vero latent, ut saepe causae, aut parva sunt, ut adjuncta plurima, ea sic fingenda, ut illa nota ac magna et facilius credantur et magis nitescant. Idem sit Regulus in fabula, qui est in historia; sed quae in vero miramur, ea poëtica fictione et verisimiliora et splendidiora appareant.

Schol. Hoc poëtica praescribit, ut fictio sit credibilis; sed idem postulat humanitatis officium, ne sit pernicioza. Etsi enim poëta non tenetur ea lege, ut historicae veritati serviat; cavere tamen debet, ne mendaciis noceat. Constat autem, de rebus gestis et personis, de institutis sacris et profanis falsissimas opiniones ex poëtarum libris non sine plurimorum damno et pernicie in vulgus emanasse.

Quid de mirabilibus.

477. Mirabilia sive supra humanam posita naturam veridissimilia non sunt, dum eorum, per quos fieri dicuntur, naturae congruant.

Quaeri hoc loco solet, ethnicae mythologiae usus sitne licitus poëtis christianis. Nihil certe miserius, quam his fabulis ingenia ita mancipari, ut sine illis fingere nihil sciant; praesertim cum vera religio ejusque historia argumentis poëticae tractationi omni ex parte aptissimis redundet. Sed tamen moderatus mythologiae usus, modo obscuritatem ne afferat, in profanis et maxime in jocosis carminibus interdictus non est. Illud vero non ferendum, commenta ethnicorum sacris rebus et personis admisceri.

CAPUT IV.

DE DITIONE POETICA.

478. Quoniam generatim elocutio fictioni respondere debet, inprimis imitetur necesse est praestantiorē illam formam, quae communem rerum speciem pulchritudine transcendit.

Quid primum.

Neque enim concludere versum
Dixeris esse satis : neque si quis scribat, uti nos,
Sermoni propiora, putes hunc esse poetam :
Ingenium cui sit, cui mens divinior, atque os
Magna sonaturum, des nominis hujus honorem.

Hor. Sat. I, 4, 39.

Itaque poeta et in ornanda oratione sententiis et verbis liberior, et in expolienda diligentior, quam orator est.

Quid de ornatu.

1. Sententias apud poetam requirimus minime tritas et vulgares, sed excellentes, uberes, illustres; nunc grandiores, fortes et plenas, nunc dulces, concinnas et venustas.

2. Liberior est in verbis cum cura seligendis, novandis, transferendis, et in eo quoque ornatu, quem soluta oratio parce et verecunde usurpat, ut epithetis, similitudine, periphrasi, apostrophe, prosopopoeia, frequentius audaciusque arcessendo.

Verum, non modo insigniori hoc ornatu, sed propriis etiam quibusdam loquendi modis, ac praecipue numeris a communi sermone deflectit.

Quae praeter ornatum.

1. In hunc locum pertinent permutatio numerorum, temporum, modorum, peregrina verborum conjunctio, et ceterae, quas grammatici tractant, *licentiae poeticae* : quibus etsi singulis propria non semper gratia subest, ipsa tamen haec a consuetu loquendi modo mutatio excitat orationem et novitate delectat.

2. Omnem numerorum gratiam, de qua diximus, (n. 108.) et maxime illam, quae est in imitandis rebus et affectibus, poeta studiosius aucupatur; sed in his cura tantum, in versu genere ipso a soluta oratione recedit. (n. III.) Metrum igitur

si apte selectum est, et facilitate quadam naturali servatur, eo imprimis delectat, quod, rhythmico musicorum similis, varietate ex certa lege modificata orationem distinguit.

Quid do
imitatione.

479. Nihilominus poëticus sermo, in hoc quoque fictioni similis, nativam rerum indolem moresque hominum quam potest maxime ex vero effingit. Quare

A. p. 317.

Respicere exemplar vitae morumque jubebo
Doctum imitatore, et vivas hinc ducere voces.

3. 300.

Verissimam imitationem cum excellenti fictione, ut saepe alibi, sic eo in loco Virgilius conjunxit, ubi Aeneas Andromachen parentalia Hectori persolventem offendit. Et paulo infra ad puerum Ascanium sic Andromache loquitur :

3. 486.

*Accipe et haec, manuum tibi quae monumenta mearum
Sint, puer, et longum Andromachae testentur amorem,
Conjugis Hectoreae. Cape dona extrema tuorum,
O mihi sola mei super Astyanactis imago!
Sic oculos, sic ille manus, sic ora ferebat;
Et nunc aequali tecum pubesceret aevum.*

Hujusmodi autem non ideo tantum placent, quod imitatio per se ipsa delectat (n. 468.), sed etiam, quod omnis pulchritudo eo magis commovet, quo naturae humanae adjunctior ac proinde verior esse cognoscitur.

Quae adhuc
poësi propria.

480. Proprium etiam sermoni poëtico est, pro universo singularia ponere, res per suos effectus significare, ac praecipue, omnibus, quae dicit, vitam afflare, eademque illustri imagine sensibus admovere.

1. Horatius pro *Septimi, quoquoque me secuturo* :

Od. 2, 4.

*Septimi, Gades aditure mecum, et
Cantabrum indoctum juga ferre nostra, et
Barbaras Syrtes, ubi Maura semper
Aestuat unda.....*

2. Pro *vere novo arandum est* Virgilius :

*Vere noto, gelidus canis cum montibus humor
Liquitur, et Zephyro putris se gleba resolvit,
Depresso incipiat jam tum mihi taurus aratro
Ingemere, et sulco attritus splendescere vomer.*

Georg. 1.
43.

3. Tertium consequimur verbis translatis variisque figuris, sed saepe etiam evidenti rei descriptione :

*Ecce, puer Veneris fert eversamque pharetram
Et fractos arcus, et sine luce facem.
Aspice, demissis ut eat miserabilis alis,
Pectoraque infesta tundat aperta manu.
Excipiunt sparsi lacrymas per colla capilli,
Oraque singultu concutiente sonant.*

Ov. in mor-
tem Tibulli.

Vide etiam Aen. 1, 85. — Haec autem omnia eo spectant, ut res facilius cognoscantur, et acriter illustratae animum percellant : pulchritudo enim nisi hoc modo cognita mentem non permovet.

481. Ceterum ea quoque, quae de apto dicendi genere et stylo vitioso in parte prima praecepta sunt, ad poeti-
cam dictionem traducenda erunt.

Quid po-
etico.

Etsi enim haec, si cum oratione soluta contuleris, generatim ad medium dicendi genus pertinet (n. 158.); suus tamen etiam poetis sermo est tenuis, mediocris et summus : tenuis e. g. in satyra et comoedia ; mediocris in idyllio ; summus in oda ; in epico carmine nunc medius nunc summus, raro tenuis ; in tra-goedia vero tria illa genera paene ex aequo miscentur.

LIBER SECUNDUS.

DE VARIIS POEMATIS SINGILLATIM.

482. Ex diversis modis dividendae poësis ille hodie usi-
tatissimus est, qui quatuor genera ponit : lyricum, quo ani-
mi sui sensus poeta exprimit ; didacticum, quo praecepta
tradit ; epicum, quo de factis exponit ; dramaticum, quo
res ipsa coram agitur. Ad lyricam igitur poësin varia odæ

Quae gene-
ra.

genera et elegiam referunt; didacticae praeter carmen cognomine, satyram et epistolam subjiciunt; epica non solum poema heroicum, sed omnem narrationem complectitur; dramatica in tragicam et comicam tribuitur. Nos posteaquam nonnulla minora, quae ab aliis ad aliud genus revocantur, tractaverimus, reliqua eodem, quo ea modo recensuimus, ordine absolvemus.

CAPUT I.

DE EPIGRAMMATE ET HENDECASYLLABO.

Quid sit. 483. I. Epigramma est breve carmen, quod rem singularem proponit, et ex ea aliquid artificiose deducit.

Itaque 1. *brevis* ad hujus carminis naturam pertinet; 2. *materia* est *res singularis*, quia non actiones implicatas, non casuum seriem, sed unum aliquod et simplex proponit; 3. *partes* vero distinguuntur duae, propositio et artificiosa illatio.

Schol. Nomen et originem epigramma habet ab inscriptionibus aedium et monumentorum.

Quid propositio. Rei propositio vel est nuda ejus significatio, ut:

Mart. lib. 2. *Carmina Paulus emit; recitat sua carmina Paulus:
Nam quod emas, possis dicere jure tuum.*

vel paulo uberior per jucundam narrationem expositio.

Neque tamen in omni epigrammate hae partes distincte notantur, praesertim si sunt verae inscriptiones, quia tum saepe monumentum ipsum pro rei expositione est; ut statua Niobes:

In Antol. *Ἐκ ζωῆς με θεοὶ τεύξαν λίθον· ἐκ δὲ λίθου
Ζαῖν Πραξιτέλης ἔμπαλιν εἰργάσατο.*

Quid faciat illatio. 484. Illatio vel suavem excitat animi motum vel acumine pungit; hinc divisio in epigramma *gratosum* et *argutum*.

Gratosum etiam *graecum* dicitur, quia Graeci eo inprimis delectabantur; exemplum modo dedi; sed accipe alterum poetae christiani:

AD B. VIRGINEM.

*Crescere quae nuper redolenti vidit in horto
 Asphalion, foliis lilia puberibus,
 Haec tibi decerpserit, sertumque ex hisce paravit,
 Staret ut ante tuos, o bona Virgo, pedes.
 Lilia pro quo illi haec, si fas est tanta precari,
 Des candore animi vincere posse sui.*

Ideo autem, quod hoc genere animi motus exprimuntur, recentiores epigramma ad lyricam poësin revocant.

Artificium illationis in eo consistit, quod sententia sive Ejus artificium. suavis, sive pungens, praeter expectationem, et nihilominus verissime, deducta sit.

1. Recte igitur in *acumine* propria hujus carminis virtus quaeritur, neque graecum epigramma ab arguto eo differt, quod acumine careat, sed quod acumine non pungit. — Videndum autem, ut sententia non solum acute illata sit, sed propria etiam venustate niteat. Itaque fugiendae nedum insulae atque ineptae, verum communes quoque et pingue quiddam sonantes, quales non paucae apud Martialem deprehenduntur.

2. Si res paulo fusius proponitur, sustentatio facienda est, qua ad conclusionem, lectore non advertente, via ita sternitur, ut mox illatione brevissime subjecta, quorsum omnia dicta sint, intelligatur.

Elocutio denique sit tersa et polita; nulli enim vitio in Quae elocutio. tam brevi carmine connivetur.

483. II. Sunt et alia breviora poemata, quae partim ad epigramma, partim ad anacreonticam odam, proxime accedunt: inter quae notandum hendecasyllabum, priscis valde usitatum. — Est autem hendecasyllabum carminis genus concinnum et festivum, quo vel suavis animi sensus dulcisque sententia, aut sales et facetiae tractantur.

Nomen a metro accepit, quod etiam ab auctore *Phalaecium* vocatur: — Jam accipe utriusque generis exemplum:

Catull.

1. *Jam ver egelidos refert tepores ,
Jam coeli furor aequinoctialis
Jucundis Zephyri silescit auris.
Linguantur Phrygii , Catulle , campi ,
Nicaeaeque ager ubi aestuosae.
Ad claras Asiae volumus urbes.
Jam mens praetrepidans aet vagari ;
Jam laeti studio pedes vigescunt.
O dulces comitum valete coetus ,
Longe quos simul a domo profectos
Diverse variae viae reportant.*
2. *Furi , villula nostra non ad Austri
Flatus opposita est , nec ad Favoni ,
Nec saevi Boreae , aut Apeliotae ;
Verum ad millia quindecim et ducentos . (1)
O ventum horribilem atque pestilentem !*

CAPUT II.

DE FABULA ET PARABOLA.

Quid sit. 486. I. Fabula definitur narratio simplex actionis allegoricae moribus informandis idonea.

Ut definitionem rite intelligas , vide , quo fabula differat ab exemplo et simplice allegoria. — Eo autem hoc narrationis genus spectat , ut quasi jocando et ridendo utilem ad vitam doctrinam tradat.

Schol. Quoniam fabula saepe etiam majoris carminis argumentum vel ipsam tragoediam significat , ea de qua hic quaeritur , a praecipuo etsi non primo auctore *aesopica* , vel etiam *apologus* appellatur.

Qui agones.

487. In fabula considerandi sunt agentes , actio , doctrina et elocutio. Ad *agentes* quod pertinet , plerumque in fabula animalia agere finguntur , saepe etiam homines , aut homines et animalia simul , raro res inanimes.

(1) Intellige : *eastertios* , — qui pro eis debentur ,

1. Hinc tria genera : *fabula moralis* vel *symbolica*, in qua vel animalia vel sensus expertia; *rationalis*, in qua homines; *mista*, in qua homines cum brutis, aut etiam cum rebus inanimis agunt.

2. Optime actio animalibus tribuitur : horum enim ingenia et indoles cum certa sint et definita, neenon communiter nota, facile est, per ea, quod volumus, definite et perspicue ostendere. Accedit illa cum hominum moribus similitudo, quae fictionem et jucundam reddit et probabilem.

488. Actio sit simplex, probabilis et significans.

Qualis actio.

Actio non debet esse implicata et longa; babeat tamen in illa brevi simplicitate ingressum quendam, nodum et solutionem; *probabilis* est, si naturae agentium optime respondet; *significans*, si aptissima ad doctrinam declarandam.

489. Doctrina sit vera, captu facilis, nec nimis trita. doctrina;

1. Sed tamen novitas non tam in ipsa doctrina, quam in modo, quo monstratur, quaerenda est.

2. Doctrina ante, vel, quod fere melius est, post narrationem brevissime enuntiari solet : quod tamen non semper est necessarium.

490. Elocutionis virtus praecipua est amoena simplicitas cum lucidissima brevitate conjuncta. elocutio.

1. Amoena fit narratio imprimis quidem fictionis quadam hilaritate; sed hanc ipsam augent imagines venustae, argutae sententiolae, colloquia et facete dicta; in quibus tamen omnibus natus quidam lepos, nullum vero artificium appareat.

2. Fabulae longae aut doctis tantum hominibus perspicuae, quales nonnulli recentiores finxerunt, a fine et natura hujus carminis degenerant.

Plerique fabulas versibus scripsero; nonnulli tamen, *Aesopum* sequentes, soluta oratione uti sunt. En tibi breve hujus scriptoris exemplum, in quo omnes fabulae virtutes luculenter expressae sunt :

Χειμῶνος ὥρα τῶν σίτων βραχέντων οἱ μύρμηκες ἔψυχον. τέ-
τιξ δὲ λιμώττων ᾗτει αὐτοὺς τροφήν. οἱ δὲ μύρμηκες εἶπον αὐτῷ·
Διατί τὸ θέρος οὐ συνήγες τροφήν; ὁ δὲ εἶπεν· οὐκ ἐσχόλαζον, ἀλλ'
ᾗδον μουσικῶς. οἱ δὲ γελάσαντες εἶπεν· ἀλλ' εἰ θέρους ὥραις ἡ-
λεις, χειμῶνος ὄρχου.

Ὁ μῦθος δηλοῖ, ὅτι οὐ δεῖ τινα ἀμελεῖν ἐν παντὶ πράγματι, ἵνα
μὴ λυπηθῇ καὶ κινδυνεύσῃ.

Quid sit. 491. II. Parabolam hodie vocant narrationem allegori-
cam, fabulae rationali similem, sed argumento, doctrina
et stylo graviolem.

Antiquitus omne exemplum vel simile, doctrinam moralem
vel sacram demonstrans, apud Graecos autem et Latinos rhe-
tores, omnis rationalis fabula parabola dicebatur.

CAPUT III.

DE IDYLLIO.

Quid sit. 492. Idyllium est carmen, quod vitam naturali simpli-
tate beatam imitatur.

Propositum ergo huic generi est, vitam iis aerumnis, quibus
civilis societas vitio hominum redundare solet, vacuam effingere,
dulcesque animorum motus excitare, quos libertas innocua,
beata quies et morum candor afferunt.

Schol. Si vim vocabuli (εἰδύλλιον, parva imago) spectas, idyl-
lium breviusculum poëma significat. Vocatur etiam *ecloga* (ἐκλογή)
i. e. carmen selectum, et poëma *bucolicum*, eo quod

Quae ma- 493. Idyllium fere in ruricularum, ac praecipue pasto-
teria. rum, vita versatur, horum hominum labores et curas,
casus laetos et tristes, ludos et colloquia, contentiones,
querimonias varie pertractans.

1. Ipsi Theocritus et Moschus interdum etiam ex vita urbana,
quin ex militari, materiam assumpserunt: siquidem naturalis
illa simplicitas, ubicunque reperitur, non vita rustica, pro-
prium hujus poëmatís argumentum est.

2. Etsi idyllium a narratione poetica hoc differat, quod non rem gestam aut eventum exponit, sed certum vitae genus et indolem describit; ut tamen haec descriptio sit poetica, hominum mores per ipsorum dicta et facta, sortem vero per varios vitae casus ostendere debet.

494. Mores effingendi sunt varii, sed qui nihil tamen Quales mores. habeant, quod amabilem illam simplicitatem tollat.

Itaque pastores, et quicumque finguntur, nec artificiosa urbanitate politi, nec rusticitate agrestes aut sordidi esse debent; sint alii celerioris, tardioris alii ingenii; sed nemo doctrinis excultus, nemo plane rudis et stupidus; teneros ostendant animorum sensus, at minime exquisitos; ambitio quaedam notetur, doli, fraudes, sed hominum non malignorum.

495. Forma eclogae triplex est: *epica*, cum narrat poë- Quae forma. ta; *scenica*, cum colloquuntur pastores; et *mixta* ex duobus prioribus.

Colloquentes modo fortunam mutuo recognoscunt, adversam querentes, gratulantes prosperam (Virg. Ecl. 1.); modo rixantur, vitia exprobrant, invident, aemulantur (V. Ecl. 3.). Saepe etiam cantu certant, de eodem vel simili argumento suum quoque carmen modulante (V. Ecl. 5.), aut praecinente uno, altero paribus fere numeris et verbis similibus respondente, quod carminis genus *amoeboeum* dicitur. (V. Ecl. 7.)

496. Elocutio suavis sit et lenis, non multae artis, elegans tamen et naturali quodam lepore affluens, in quo illud maxime est providendum, ut ornamenta naturae carminis conveniant. Qualis elocutio.

Itaque comparationes et periphrases, quibus abundare solet bucolica poësis, ex rebus ducendae sunt, quas rustici tractant :

*Urbem, quam dicunt Romam, Meliboece, putavi
Stultus ego huic nostrae similem, quo saepe solemus
Pastores ovium teneros depellere foetus.
Sic canibus catulos similes, sic matribus hoedos*

Virg. Ecl. 1,
20.

*Noram; sic parvis componere magna solebam.
Verum haec tantum alias inter caput extulit urbes,
Quantum lenta solent inter viburna cupressi.*

Ornat etiam inprimis jucunda et brevis descriptio :

lib. v. 76.

*Ite meae, felix quondam pecus, ite capellae:
Non ego vos posthac, viridi projectus in antro,
Dumosa pendere procul de rupe videbo.*

CAPUT IV.

DE ODA.

Quid sit 497. Oda carmen est, quo poeta permoti animi sensus exprimit.

Epici quoque alique poetae animorum motu certe non carent; sed horum est, res gestas vel fata hominum accommodate ad permovendos animos enarrare; lyrico nihil aliud propositum est, quam sui ipsius animi sensus, ex rei consideratione conceptos, effundere.

Schol. Primitus poemata omnia modis musicis concinebantur; postea hoc saltem genus, utpote cantui quam maxime accommodatum: inde nomina *ode* et *melos*, i. e. cantus; *lyricum* autem idem poema dictum est, quia ad lyram cani solebat.

Quae genera.

Oda pro vario argumento quatuor in genera dividitur: in sacram, heroicam, moralem, et anacreonticam.

Sacra, quae *hymnus* dicitur, omnes sensus exprimit, quos religio inspirat. *Heroica* fortium virorum virtutes, gesta et fata celebrat. *Moralis* in gravi de vita praecepto, quo percussus est poetae animus, versatur. *Anacreontica*, ab auctore nominata, in re tenui suavi animi motu ludit.

Quid in universum.

498. De oda universe praecipitur, ut animi affectum, in quo versatur, nativa quadam vi quam verissime effingat.

Ut vero hanc vim arte et studio nemo consequitur, nisi animi quodam impulsu feratur; ita inflammatae orationis cursus et motus sapientia regendus est, ne aberret aut impingat.

Dispositio varia est, ut mentis incitatio, quam sequitur. Quae dispositio in principio et exitu.
Itaque interdum poeta leniori utitur principio, reiue consideratione magis magisque ardescit; alias mediam ruit in rem, id primum effundens, quo maxime percellitur. Exitus quoque nunc mites, tanquam deferbuerit aestus, nunc vehementiori impetu abrupti.

Ita Horatius lib. 1. od. 3. a tenera precatione, ut amicus sospes naviget, exorsus, mox pericula maris cogitans accenditur, et in hominum audaciam invehens indignabundus carmen abruptit. Contra 1. 2. od. 10. cum ab execratione arboris incepisset, mox improvisam lethi vim considerans ad inferos delabitur, et concludit, cantum commemorans, qui ipsius tartari horrorem leniat.

Nec in ipso carmine lyricus eundem cursum tenet, nunc quae in medio. rapido ingenii impetu sensa devolvens, nunc in graviori sententia vel jucunda imagine immorans; nec solum a coepta via liberius digreditur, sed aliquando etiam velut saltu ad dissita fertur.

1. Est tamen in hac, quae videtur ordinis perturbatio, rectus quidam et naturalis cursus, is nimirum, quem animus acri motu incitatus sua sponte tenet; quocirca sapientem poetam in praecipiti illo volatu non difficiliter sequimur, ejusque audacem lapsum ab insipientis quasi temulento errore probe distinguimus. — 2. Liberrimae digressionis exemplum habes in oda modo laudata (2, 10.); neque id novum apud lyricos, ut digressionem concludant. — 3. *Saltus lyricus* dicitur, cum poeta a re una ad alteram transit dissimilem, omisso, per quod in hujus cogitationem incidit; quo fit, ut nulla intercedere conjunctio videatur, quae tamen attentius considerantem latere non potest.

Schol. Accidit tamen non raro, ut lyrica quoque carmina a principio usque ad exitum aequabiliter fluant; nec solum ea, quae suavem animi motum exprimunt, sed illa etiam, quae moralia vocantur V. Hor. 1, 4. 8. 19. — 2, 3. 4. — 3, 1. 2. etc.

499. Dictio, quae magnam curam postulat, omnem ornatum Qualis dictio.

liberius usurpat; propriae vero ejus virtutes sunt: gravitas, audacia, suavitas.

A. p. 46. 1. Lyricus inprimis *in verbis etiam tenuis cautusque serendis*; quidquid enim minus congruenter dicitur, animi motum restringit.

2. *Gravitas* non verbis tantum, sed vel maxime sententiis quaerenda, ut:

Hor. 3, 3.

*Si fractus illabatur orbis,
Impavidum ferient ruinae.*

Haec virtus nunc crescit sententiosa brevitate, nunc vasta quadam copia exaestuat; nam

4, 1.

*Monte decurrens velut amnis, imbres
Quem super notas aluere ripas,
Fervet, immensusque ruit profundo
Pindarus ore.*

3. *Audacia* quoque cernitur in fictione, ut

3, 3.

*Haec arte Pollux et vagus Hercules
Innixus, arces attigit igneas:
Quos inter Augustus recumbens
Purpureo bibit ore nectar.*

1, 2.

in imaginibus, ut cum Jupiter *rubenti dextera sacras jaculatus arces, terruit urbem*; — in transferendis verbis, ut *macies et*

1, 3.

nova febrium terris incubuit cohors; — in novandis, ut *Pluto*

2, 11.

illacrymabilis, et amnis lauriformis (1), atque collocandis, ut

4, 13.

3, 3.

*Dum longus inter saeviat Ilion
Romamque pontus.*

10, 1.

Ita Horatius, Fabii judicio *felicissime audax*: sed cavendum poetæ, ut nec ubique audax et sublimis esse affectet, nec, parum sibi constans, a sublimi volatu tanquam alis lassatis concidat.

(1) Scilicet: Dixeris egregie, notum si callida verbum
Reddiderit junctura novum.

4. *Suavitas* requiritur non ea solum, quae rerum jucunditatem imitatur, sed etiam quae vulgaribus nitorem addat, et aspera ac horrida leniat.

500. Ex varietate autem affectus et sermonis alia nata <sup>Quae alia
diviso.</sup> est lyrici carminis divisio. Tria enim genera statuunt: dithyrambum, canticum et odam simpliciter dictam.

Dithyrambus vehementi animorum inflammatione et quasi <sup>Dithyram-
bus.</sup> furore ortus summa audacia fertur, grandia sonat, nec ipsis quidem numeris semper se constringi patitur. Hinc de Pindaro Horatius :

... *Per audaces nova dithyrambos*
Verba devolvit, numerisque fertur
Lege solutis.

4, 1.

Dithyrambica antiquitus illa proprie vocabantur carmina, quae in Bacchi honorem fiebant (v. Hor. 3, 18.); nam et ipse Bacchus Dithyrambus dicitur. Postea omnis poësis lyrica, quippe quae apud Graecos ab his canticis ortum duxit, dithyrambica appellata est; hodie ab aliis carminibus lyricis, ut in praecepto dictum est, distinguitur.

Cantica nostrates appellant lyrica poemata, quae motum ^{Canticum.} animi aequabilem et moderatum dictione suavi et facili exprimunt.

Ut dictio, ita versus cantici faciles et jucundi; lecta verba, sed non liberius mutata nec praeter usum assumpta; imagines illustres et significantes, sed minus splendidae nec audaces; totus denique carminis cursus lenis et aequabilis, sine saltu et digressionem. — Ad hoc igitur genus referuntur anacreontica quidem semper, sed saepe etiam sacra et moralia, raro heroica. (n. 497. Schol.)

Inter haec duo medium est genus, quae simpliciter *oda* ^{Oda.} dicitur, grave, varium, nobile et grande.

Schol. Vulgaris sermo haec tria genera etiam solo metro dis-

cernit, dithyrambos vocans, qui certum metrum non servant; odas, quae metris veterum, Alcaico, Sapphico etc.; cantica, quae facilioribus nostris composita sunt.

CAPUT V.

DE ELEGIA.

Quid sit. 501. Elegia dicitur carmen, quo poeta, vitae humanae casus meditando, leniores animorum motus ac praecipue tristitiae exponit.

1. Elegia (*ἐλεγεία*, *ἔλεγος*) proprie carmen lugubre significat; unde Ovidius :

In mort.
Tibulli,

Flebilis indignos, Elegeia, solve capillos;
Ah, nimis ex vero nunc tibi nomen erit!

Et Horatius :

A. P. 75.

Versibus impariter junctis querimonia primum,
Post etiam inclusa est voti sententia compos.
Quis tamen exiguos elegos emiserit auctor,
Grammatici certant, et adhuc sub iudice lis est.

Sed forma propria, qua ab aliis carminibus elegia distinguitur, definitione, quam posui, continetur (1) : itaque

2. Praecipua elegiae *materia* sunt tristes humanae vitae casus, vel rerum ac personarum post illos immutata fortuna et conditio : deplorat scilicet hominum carorum vel nobilium interitum, belli aerumnas, diruta oppida, spes vitae inanes. Haec, ut dixi, materia elegiae praecipua : nam interdum etiam jucunda suavi quadam animi alacritate pertractat.

3. Cum elegiae propria sit pacatior quaedam rerum consideratio, animi sensus, etsi nunc molles et teneri, nunc magis acres et fortes, semper tamen moderati et paene per totum carmen aequabiles esse debent.

(1) Ab oda tamen illa leni sive cantico interdum proxime abest.

502. Dispositionem requirit elegia facilem et obviam; Quae dispositio.
 lyricos saltus nunquam, raro digressus admittit; sed amat
 in re, quam tractat, describenda morari.

Est tamen dispositio elegiae quoque libera et varia, eo quod
 mentis affectum magis, quam rei naturam sequitur. — Recen-
 tiores saepe a descriptione loci, in quo scilicet vel res contigit
 vel poeta moratur, exordium ducunt: aptum omnino, si loci
 adjuncta animi sensui, qui exprimitur, consentiant.

Dictio generatim est facilis, tenera ac temperata, nec Quae dictio.
 solum odæ splendorem et audaciam, sed omnem etiam
 studiosius quaesitum ornatum, atque inprimis facetias et
 acumina, respuit. (n. 148.)

Talis dictio esse debet, ut affectum imitetur; sed ea ipsa de
 causa interdum gravior sermo decet, ut apud Propertium *Cornelia* Eleg. ult.
ad Paulum, et cum accenditur dolor validius, ardens quoddam
 et pungens dicendi genus, ut in elegia laudata Ovidii *in mortem*
Tibulli.

CAPUT VI.

DE CARMINE DIDACTICO.

503. Didacticum vocatur poema, quod praecepta sive Quid sit.
 vitae sive artium exponit.

Dubitatum est, an verum sit poema: sed quemadmodum
 philosophus, si quando de pulchritudine disputat, non efficitur
 poeta, ita nec poeta philosophus, si philosophiae praecepta
 tradit; quandoquidem non argumentum, sed tractatio discrimen
 facit.

Primum praeceptum est, ~~et~~ toto carmine rerum, de Quid pri-
mum.
 quibus agitur, vis ac pulchritudo eluceat.

Didactico carmini subjecta quidem esse debet vera et accurata
 rerum scientia, sed eam poeta cum philosopho communem habet;
 proprium ei est, cum doctrina delectationem conjungere: quem

in finem satis non est, si quidam in verbis ornatus fulgeat, aut hac atque illac spargantur imagines venustae, intexantur jucunda episodica; sed res ipsae et tota, quae traditur disciplina, poetica fictione dignitatem quandam suavitatemque accipere debent. Ita Virgilius de re rustica praeicipiens, profecto non illo tantum nobili digressu *O fortunatos nimium* —, sed per omnes libros vitae agrestis suavitates, necnon vim varietatemque naturae admirabiliter expressit.

Qui selectus rerum. 504. Quapropter poeta non sine solertia et argumentum ipsum et singula praecepta de eo tradenda seligat.

Non omnis sane materia poeticae huic tractationi idonea est: ipsa tamen, quae extant, hujus generis carmina, quanta sit varietas, ostendunt. — Neque est, cur poeta omnes praeceptiones, quae ad rem pertinent, scrupulosius persequatur; quapropter illa inprimis, quae *desperat tractata nilescere posse relinquat*.

Quae dispositio. Nec carptim tamen nec sine ordine praecepta enarret, sed et partes disciplinae totius, et in singulis partibus praecepta, apte disponat.

Belle Virgilius Georgicorum partes initio proponit:

*Quid faciat laetas segetes, quo sidere terram
Vertere, Maecenas, ulmisque adjungere vites
Conveniat; quae cura boum, qui cultus habendo
Sit pecori; apibus quanta experientia parcis:
Hinc canere incipiam.*

Quae tractatio. 505. Ipsa deinde rerum tractatione efficiendum est, ut, quaecunque doceantur, accurate et facile possint intelligi; ut per acres et illustres imagines et verborum lumina excitentur; ut ad hominum fortunam et vitam referantur; ut denique jucunda varietate distincta sint.

1. Dictionis ornatus accuratae rerum notitiae officere non debet; nisi autem facilis sit intelligentia, nulla esse potest delectatio.

2. Luminosae dictionis exempla inprimis praebet Virgilius; ut 4. 73.
de pugna apum :

*Tum trepidae inter se coeunt, pennisque coruscant,
Spiculaque exacuunt rostris, aptantque lacertos,
Et circa regem atque ipsa ad praetoria densae
Miscentur, magnisque vocant clamoribus hostem.
Ergo, ubi ver nactae sudum camposque patentes,
Erumpunt portis; concurritur; aethere in alto
Fit sonitus, magnum mixtae glomerantur in orbem,
Praecipitesque cadunt. Non densior aëre grando,
Nec de concussa tantum pluit ilice glandis.
Ipsi per medias acies, insignibus alis,
Ingentes animos angusto in pectore versant.*

Vide alia lib. 3. v. 478. lib. 4. v. 116. et hic. n. 480.

3. Idem Virgilius vitae rusticae, de qua praecipit, non labores tantum, sed et vicissitudines, agricolarum spes et metus, dolores et gaudia enarrat. Sed ut praecepta ad hominum vitam referantur, saepe ipsa facit elocutio, praesertim cum rebus inanimis sensum et actum tribuit, aut in mutis animalibus humanos mores et affectus fingit.

*Ecce autem duro fumans sub vomere taurus
Concidit, et mixtum spumis vomit ore cruorem,
Extremosque ciet gemitus. It tristis arator,
Moerentem abjungens fraterna morte juvencum;
Atque opere in medio defixa reliquit aratra.*

Georg. 3, 615.

4. Varietas jam in seligendis collocandisque praeceptis respicienda, sed majori cura in tractatione quaerenda est. Ejus gratia

506. Digressiones in carmine didactico frequentiores esse possunt, modo tamen argumento aptae et loco positae sint.

Quid de
digressione.

1. Itaque si moralis est doctrina, quae carmine traditur, ad naturae amoenitates describendas saepe excurritur; contra si doctrina ipsa vitam non spectat, moralis interponitur locus. Animorum autem motus, res gestae, eventa omni in genere doctrinae per digressum tractari utiliter possunt.

2. Breviores digressus, quales fere sunt doctrina moralis et animi motus, ex rebus ipsis, quae tractantur, sponte nasci debent; longiores autem excursus, in quibus gesta vel eventa narramus, cum praeceptis ita conjuncta esse solent, ut eorum modo causas explicant, modo effectus ostendant et usum commendent. Qui tamen doctrinam abrumpere, aut ea, quae natura connexa sunt, divellere non debent; sed eo potius loco ponendi sunt, ubi mora ad reficiendos animos opportune fieri potest.

CAPUT VII.

DE SATYRA ET EPISTOLA.

Quid sit. 507. I. *Satyra* pōema est, quod vitia hominum vel castigando vel ridendo exprimit.

Duo igitur sunt genera, *austerum*, quod vitia severe perstringit, *jocosum*, quod facete ridet; utriusque tamen idem finis, mores, quos carpit, corrigere. In priori genere Juvenalis et Persius; in posteriori Horatius excellit. — Quodsi satyra apta non videatur, quae pravos homines a vitiis revocet; at certe reliquos comonet, ut caveant, et ipsos vitiosos coereet, ne turpitudinem petulanter ostendant.

Quae materia.

Materia satyrae tam late patet, quam vitia hominum odio aut risu digna, unde Juvenalis:

1, 68.

Quidquid agunt homines, votum, timor, ira, voluptas,
Gaudia, discursus, nostri est farrago libelli;
sed fugienda est non solum obscenitas, sed omnis etiam nimium vilis turpitude.

Satyra igitur per materiam idyllio plane opposita est, cum ea potissimum vitia perstringat, quae nativo candori et innocentiae contraria sunt; sed hoc illi cum eodem convenit, quod vitam hominum et mores depingit, et ad hunc tantum finem acta eorum, dicta et casus narrat.

Quae forma.

Forma satyrae varia est; quandoquidem et narrat, et describit, et sermonem hominum inducit: praestat autem,

quo magis poema sit unum et simplex, non modo unum tantum vitium tractari, sed unam quoque certam personam, actionem, eventum fingi, quo vitium demonstretur.

Hoc imprimis Horatius servat; Juyenalis contra et plura vitia, et varia hominum genera uno saepe carmine complectitur. — Ceterum, quod probe notandum est, *certam* personam fingendam esse dixi, non *veram* assumendam. Bene enim Martialis:

Hunc servare modum nostri novere libelli,
Parcere personis, dicere de vitiis.

Epigr. lib. 10.

Elocutio generatim tenuis est, consuetudinem imitans, Quae elo-
sed pro re nata nonnunquam assurgit: nihil autem ei magis proprium, quam hominum mores ad vivum effingere. cutia.

508. II. De *epistola* poetica vix est, cur seorsum prae- Quid de
cipiatur, cum in eam praecepta jam tradita facile accom- epistola.
modentur. — Trias enim epistolae sunt genera, *didactica*, *satyrica*, *elegiaca*; — elegiae scilicet simillima est, quam *heroidem* dixerunt, i. e. epistola, qua vir aut mulier nobilis fortunam suam queritur; — atqui in triplex hoc genus, quae de elegia, satyra et carmine didaetico praecepta sunt, conveniunt; dietio tamen magis etiam, quam in his carminibus fieri solet, naturalem facilitatem, epistolis propriam, imitatur.

CAPUT VIII.

DE NARRATIONE POETICA.

509. Narratio poetica a vulgari generatim iisdem dif- Quid in
ferre rebus debet, quibus poësis omnino a soluta oratione universam.
distinguitur: caput vero est, gesta, quae narrantur, ita oratione exprimi, ut, qui legit, ea non aliter ac si eorum fiant, intueatur. Quod ut consequatur, fingendi ac disponendi licentia sic uti debet poeta, ut carminis structura ad quandam actionis scenicae similitudinem accedat.

Saepe igitur a media actione incipere potest, atque ea, quae praecesserunt, vel paucis ac quasi in transitu significare, vel si conjectura facile prospiciuntur, plane omittere. Ita fit, ut totius actionis vis animum percellat, cum ea, quae summa sunt, velut uno in spectaculo cernantur. Quamvis autem necesse non sit, rerum seriem semper invertere, eam tamen sic percurrere, ut singulae fideliter enarrentur, vim carminis facile enervat. Ad quem languorem vitandum utile interdum est, actionem in certas partes, actibus fabulae similes, distribuere.

Quae tractatio.

Quod jam ad tractationem pertinet, pauca poëta praefari debet, pauca explicando interponere, sed statim agentes in scenam producere, et in eorum verbis et actis exprimendis paene totam orationem consumere.

e. 24.

Hoc est, quod Aristoteles in Homero laudat, ut qui solus ex poëtis, quid sibi maxime praestandum sit, intelligat, morum scilicet et actionum humanarum imitationem.

Quid de descriptione.

510. Descriptione rerum et personarum optimus quisque poëta parce, nec nisi magna quadam solertia, utitur: nam aut paucis eam lineamentis absolvit, verba adhibens non modo luminosa, sed quasi spirantia; aut cum paulo diutius in ea moratur, modo actiones et motus animorum interponit, modo scite in actiones omnia convertit.

1. Si difficile est, rerum faciem et statum permanentem perspicue et distincte verbis exprimere (n. 222.), multo difficilius est, huiusmodi descriptionem rationibus poësis accommodare. Idcirco poëta potius actiones, eventus et quaecunque in rebus mutantur sibi succedunt, tractare, et his velut signis quibusdam et effectis rerum ac hominum indolem ostendere debet. Homerus quidem navim, heroem, deum uno saepe verbo aut brevissima similitudine describit, ut *ὁ δ' ἦν πύκτι ἐοικώς*, navigationem autem, heroum et deorum dicta et facta enucleate narrat.

H. I. 47.

2. Pauca illa lineamenta si bene fuerint selecta, efficiunt, ut mens sibi totum effingat:

*Portitor has horrendus aquas et flumina servat
Terribili squalore Charon : cui plurima mento
Canities inculta jacet ; stant lumina flamma ;
Sordidus ex humeris nodo dependet amictus.*

Aug. 6, 1988

3. Virgilius anguium corpora una cum motu eorum et actionibus describit; qui paulo post :

*In somnis, ecce, ante oculos moestissimus Hector
Visus adesce mihi, largosque effundere fletus
Raptatus bigis, ut quondam, aterque cruento
Pulvere, perque pedes trajectus lora tumentes.
Hei mihi, qualis erat ! quantum mutatus ab illo
Hectore, qui redit exuvias indutus Achilli,
Vel Danaum Phrygios jaculatus puppibus ignes ;
Squalentem barbam, et concretos sanguine crines,
Vulneraque illa gerens, quae circum plurima muros
Accepit patrios.*

250

4. Homerus, ut currum Junonis describat, facit eum velut
intuentibus nobis ab Hebe componi.

511. In elocutione praeceptum est, ut quam optime ^{Quae elo-} imitetur, ut actiosa sit, et affectibus plena; ut rerum ^{utio.} magis quam verborum copia abundet.

Puer Icarus una
Stabat; et, ignarus sua se tractare pericla,
Ore renidenti, modo quas vaga moverat aura,
Captabat plumas : flavam modo pollice ceram
Mollibat; lusuque suo mirabile patris
Impediebat opus.

Or. Mat.
2. 198.

Vide etiam Virgiliāna n. 479. laudata. — Jam his ipsis motus animorum praeclare expressi sunt, quae tamen virtus maxime cernitur, cum rerum summa agitur, ut Aen. 2, 212. ibid. v. 504. Georg. 4, 485. — Ut vero pressae dictionis vim cognoscas, confer descriptionem orci apud Ovidium verbositate aliquando languidum Met 4, 432. cum Virgiliāna Georg. 4, 467.

CAPUT IX.

DE CARMINE HEROICO.

Quid sit. §12. Heroicum seu epicum dicitur carmen, quod magnam viri illustris actionem amplo narrationis genere exsequitur.

Si vocabuli originem quaeris, *ἥρος* verbum vel carmen significat; sed ab hac communi notione ad proprium genus contractum est, ut τὰ *ἥρῃ* vel etiam τὸ *ἥρος* idem sit, quod carmen heroicum. *Ἡρωϊκὴ* igitur proprie est scriptio carminis epici, sive poësis heroica, sed saepe etiam pro ipso carmine ponitur.

Quis finis. Finis epopoeiae proprius est, cum rerum eventu, tum maxime virtutis quadam praecellenti specie admirationem movere, quo verae laudis et honestatis desiderium inflamment.

Quia carmen epicum inprimis aptum est principibus erudiendis et ad praeclara facinora excitandis, Aristoteles hunc ei posuit proprium finem: ac certe ipso monente Alexander M. Homeri carmina diurna versabat et nocturna manu.

ART. I.

DE FABULAE EPICAE DOTIBUS.

§13. Quo propius legentium animos tangat poëma, argumentum praestat verum esse, atque cum fortuna patriae ac religione conjunctum.

Solet autem argumentum ex antiquitatis historia peti, ut et major sit sanctitas et fictio liberior. Veteres quidem etiam ideo ex *heroico* aevo materiam sumebant, quod mirabilia, quibus in hoc genere proprius est locus, propter ritas sermone vulgi fabulas credibilia erant.

Fabula. §14. Jam vero fabula, quam de argumento poëta componit, una sit necesse est, tota, verisimilis, justae quoque amplitudinis, varia et admirabilis.

Una fabula esse debet non solum ex tempore aut per-
sona, sed maxime actione ipsa.

quomodo u-
sa;

Quare erraverunt, qui Heraeleidem et Theseidem aut similia
poëmata, quae totam herois vitam complectuntur, scripserunt;
putantes, quia unus esset Hercules, unam etiam fabulam esse:
pejus etiam, qui facta diversa, eo quod uno tempore contigerunt,
eodem carmine complexi sunt. Hujusmodi enim narratio sive
vitae sive factorum historica est. Homerus quidem, id probe in-
telligens, in Odyssea non omnia assumpsit, quae Ulyssi acciderunt,
sed in una ejus actione versatus est; similiter nec in Iliade to-
tum illud bellum, quamvis unum esset, narrare instituit; sed par-
tem ejus decerpsit, quam mirabili varietate ornavit.

Ar. 8. et 23.

513. Tota sive integra fabula est, quae omnes necessa-
rias partes, principium scilicet medium et exitum, habet.

tota.
Ar. 7.

1. *Principium* est, ex quo actio sic proficiscitur, ut nihil aliud
necessario praecesserit. Ita Iliadis principium est ira Achillis in
Agamemnonem; Aeneidis autem profectio herois ex Phrygia in
Italiam deorum jussu suscepta. — 2. *Medium* est, per quod venit
ad finem; itaque progressus actionis per difficultates varias et
vicissitudines fortunae: in Aeneide labores terrae marique tole-
rati, et bellum cum Turno grave et atrox. — 3. *Exitus* est
propositi assecutio, post quam nihil aliud requiritur; apud Vir-
gilium caedes Turni et Aeneae regni constitutio.

Plurimum autem ad haec omnia refert, ut, quaecunque
narrantur, eorum causae demonstrantur.

Quid de
causa.

Variae enim partes non efficiunt unum nec totum, nisi apte
inter se cohaereant; cohaerent autem per causas. — Eadem ex
re efflorescit *verisimilitudo*, de qua superius dicta recole. —
Causae autem istae in consiliis et moribus hominum, aut rerum
natura, non in fortuito eventis monstrandae sunt.

516. Justa erit amplitudo, si respondet rei naturae, et
carmen totum simul animo facile conspici potest.

Quae justa
amplitudo.
Ar. 7.

Rei naturae magnitudo poëmatibus respondet, si consideratis
actionis causis, praesidiis et impedimentis, ea, quae inter prin-

cipium et finem narrantur, necessario vel probabiliter contigisse videantur, ut res ad exitum perduceretur. Posita autem hac ad rei naturam proportionem, et illa facilitate totum animo complectendi, quo amplius, hoc pulchrius poemata est.

Unde varietas.

517. *Varietas* cum rebus ipsis, quae geruntur, personis et fortunae vicissitudine, tum etiam episodiis obtinetur.

Ar. 17.

Episodia in epico carmine, utpote peramplo, frequentiora et longiora, quam in quovis alio esse possunt. Curandum vero in primis, ut fabulae sint propria (*οἰκεῖται*) i. e. quam maxime consentanea.

Schol. Partes actionis ita inter se cohaerent, ut qualibet dempta, totum immutetur aut mancum efficiatur; episodio autem sic assumuntur, ut iis etiam omissis, fabula integra maneat. Ad ea igitur cognoscenda, in quo non pauci laborant, dispice, utrum ad actionis initium, progressum et finem exponendum necessaria fuerint. — Sic amotis ex Aeneide ludis (l. 5.) descensuque Aeneae ad inferos (l. 6.) fabula adhuc esset integra.

Unde admirabilitas.

518. Admirabilis sit fabula primum quidem ipsa rerum magnitudine et novitate, atque eximia herois virtute; tum iis, quae praeter expectationem et consuetum rerum cursum, coelitum et inferorum interventu, geruntur.

1. Itaque actio sit magnis de causis suscepta; inter gravissima impedimenta rerumque discrimina excellenti ingenii vi atque fortitudine, magnis quoque praesidiis gesta; exitu denique claro et memorabili conclusa. Neque vulgaris sit rerum cursus, sed insolitus et saepe praeter opinionem mutatus.

2. Non quodvis mirabile epico carmini aequè conveniens est, sed illud in primis, cujus non magnitudine tantum obstupescimus, sed majestatem quoque venerabundi suspicimus, speciemque ac dignitatem adamamus. Jam nemo non videt, hoc mirabile in iis rebus humanis reperiri maxime, in quibus divina efficientia manifesta fiat, ac coeli et inferni numina quasi de victoria certare videantur. His enim rebus tum actionis magnitudo, tum herois ipsius, ad quem omnia referuntur, virtus ac dignitas ad summam, quae esse potest, altitudinem extollitur.

Haec autem in tractandis mirabilibus servari oportet: Quae servanda.

1. consentanea sint rationibus, quibus mundum regi sapienter credimus; 2. nec quidquam temere, sed accommodate ad sacram historiam, aut communem hominum persuasionem fingatur; 3. narratio tota grande quiddam et amplum sonet, nulla ex parte majestati numinis repugnans; 4. ita coelestes interveniant actioni, ut haec non cesset humana esse.

1. Praecipuus hujus fictionis est fructus, ut divinae providentiae consilia, quae in communi rerum cursu abdita latent, mirabili eventu patefiant: nec adeo haec divina consilia et facta, sed modus, quo apparent, novus et extraordinarius est.

2. Per sacram historiam intellige etiam, quae religio de his rebus docet. Nisi ergo huic, aut ea tacente, communi hominum opinioni omnia etiam adjuncta consentiant, fictio non erit verisimilis. Ita, ut exemplo utar, licebit spectra fingere, sed nimirum eo tempore, iisque locis et rerum adjunctis, quibus apparere creduntur.

3. Ut ab iis, quae divinitati repugnant, refugere debet poeta, ita vicissim nec illa dicere instituat, quae a rebus humanis nimium disjuncta, cogitatione difficulter apprehenduntur; nam obscurus fiet et frigidus.

4. Coelites consiliis dirigant et monitis; opem ferant; vires addant et animos; sed homines sic adjuti sua tamen virtute laborent, certent, vincant. Hinc coelestes raro intervenire debent; homines theatro, ut ita dicam, nunquam decedunt.

Schol. Si veterum carmina continent, quae divino numine indigna sunt; id non tam poetis, quam communi paganorum tristi sorti et corruptelae tribuendum est: at si apud recentiores ineptias aut sordes mythologiae sacris rebus permixtas reperimus, ipsorum poetarum insipientia culpanda est.

ART. II.

DE EPICAE FABULAE IMPLICATIONE.

519. Implicatur fabula, cum iis, quae actionem impediunt, status rerum fit insigniter difficilis. Quid implicatio.

Itaque implicatio (nexus, implexio) fabulae nascitur ex ipsius actionis difficultate et adjunctis; ex pugna cupiditatum hominum, ut in Iliade; ex ignorantia rerum vel personarum, ut in Odyssea; denique ex interventu coelitus et inferorum.

Primaria. Una sit implicatio primaria, per totam actionem durans; adversa scilicet heroi potestas, quae novam semper impeditionem molitur, et qua tandem devicta, res conficitur.

Optimum, si ceterae, quae sunt implicationes, ex hac primaria oriuntur, ut in Aeneide a Junonis odio; certe nulla fortuito accidisse aut temere afflicta esse videatur.

Quae solutio. Solutio implicationis, etsi inexpectata, non tamen fortuita aut violenta, sed ex ipsa fabula nata esse debet.

Id maxime in ultima solutione servandum. Haec enim, cum omnium, quae acta sunt, supremus ac pulcherrimus fructus esse debeat; si casu aut qualibet causa a fabula aliena contingat, totus, qui praecesserit labor, inutilis videri potest.

520. In solutione praeterea tria considerata sunt: agnitio et machina, quae saepe causae illius sunt; et peripetia, quam ipsa efficit.

Quid agnitio. *Ἀναγνώρισις*, quam agnitionem (potius recognitionem) interpretantur, ab Aristotele dicitur ex ignorance in cognitionem mutatio, ex qua amicitia vel inimicitia, prospera vel adversa fortuna oritur.

Duplex est, si ex utraque parte contingit, ut in Oreste et Iphigenia; *simplex*, si ex una tantum, ut cum Ulysses a nutrice recognoscitur. — Hoc autem melior est omnis agnitio, quo graviore cum fortunae commutatione conjuncta est.

Quid de machina. 521. Machina apud priscos vocatur deorum interventus, quo difficilis actionis nodus solvitur. De qua primum est Horatii praeceptum:

A. p. 191. Nec deus intersit, nisi dignus vindice nodus
Inciderit; —

alterum, ut causa divini interventus ex ipsa actione intelligatur.

1. Nomen inde habet, quod tragoedi deos, tanquam coelo delapsos, adhibita machina in scenam producebant. 2. Reprehendit Homerum Aristoteles, quod Minervam e coelo deduxerit, ut suaderet Graecis, ne re infecta abscederent; quippe quod viri prudentis consilio effici potuisset. 3. Imperiti poëtae cum nodum extricare nesciunt, ex improvviso miracula fingunt; unde proverbium: *Deus ex machina*.

e. 15.

Schol. Multum inter viros doctos litigatur, conveniatne ultimam quoque solutionem per machinam fieri; eo quod in hac praecipue herois virtus cognosci debeat. At si deus non intervenerit, nisi quatenus ex ipsa fabula probabile est; et si heroem ita adjuverit, ut is, tametsi non sine ope coelesti, magna tamen virium contentione rem ipse perficiat; machina non magis in hac, quam in omni alia solutione a carminis proposito abhorrebit. Certe ita et Homerus et Virgilius existimaverunt.

522. *Περίπτεία* vocatur subita eorum, quae aguntur, in statum contrarium conversio: haec igitur in exitu carminis perfecta esse debet, i. e. talis qua agentes omnes involvuntur, et propositum actionis plene obtinetur.

Quid de
peripetia.

1. Plerumque peripetia nodi difficilis solutionem consequitur; sed aliquando etiam ea ipsa implicat actionem, ut tempestas in principio Aeneidis.

2. Pessimum, si in exitu carminis praeter primariam solutionem poëta alia et alia constringere debet, ut omnia, quae implicuit, extricet.

ART. III.

DE PERSONIS EPICIS.

523. Persona princeps, illa scilicet, cuius proprie est actio, κατ' ἐξοχὴν heros appellatur. Hic ergo heros, quo magis carmen animos moveat teneatque, unus sit et illustis, indole ac moribus amabilis et mirandus, tametsi virtutis non undequaque perfectae et absolutae.

Qualis ipse
heros.

1. Requirunt ergo in heroe inprimis animum praesentem, erectum, constantem, cum optima corporis temperatione; spiritus sublimes, et vim quandam quasi divinam, qua supra hominem et sapere et posse videatur.

2. Heros virtute admirationem movere debet; nihilominus ea, in quibus a perfecti specie deficit, efficere solent, ut magis etiam animos tangat: nam et verior videtur imago, et magis afficimur erga eos, quos minus nostri dissimiles novimus, et propter ea ipsa, quae imperfecta notamus, timemus ac miserescimus. Sed haec tamen ejusmodi esse debent, ut nullum contemptum ingerere possint.

Quales reliquae.

Socii, ministri et adversarii herois non plures, quam actionis magnitudo et adjuncta requirunt; et tales fingendi sunt, ut herois virtutem et decus nedum offuscent, sed etiam illuminent.

1. Cavendum igitur, ne ideo tantum assumpti esse videantur, quia poeta ex loco difficili aliter evadere non potuerit.

2. Socii quamvis excellent virtute, ne sint tamen pares heroï; inter adversarios autem unus solet eminere, ut Hector apud Homerum, qui cum ceteros virtute superet, ab heroe devictus hujus gloriam illustrat.

Mores

524. Sed praecipua cura in moribus est, qui veri aut verisimiles, boni, constantes ac varii esse debebunt.

veri et verisimiles,

Veritas in personis fama notis; in fictis verisimilitudo quaeritur.

A. p. 119.

1. Aut famam sequere, aut sibi convenientia finge.

Scriptor honoratum si forte reponis Achillem,
Impiger, iracundus, inexorabilis, acer,
Jura neget sibi nata, nihil non arroget armis.
Sit Medea ferox invictaque, flebilis Ino,
Perfidus Ixion, Io vaga, tristis Orestes.

156.

2. Aetatis cujusque notandi sunt tibi mores,
Mobilibusque decor naturis dandus et annis.

Jam quae latius hic Horatius de aetate exequitur, simili ratione in sexu, conditione, genere et patria servanda sunt.

Bonitas morum non ita praecipitur, ut omnes debeant ^{boni,} virtute excellere, sed ut nemo sit plane nefarius.

Extrema enim malitia nimis foeda et horribilis, nec fere nisi in monstruosis hominibus verisimilis. Quos igitur poeta malos fingit, ii errore peccent, aut irae motu; nec scelus audeant, nisi malorum metu aut bonorum cupiditate inflammati et abrepti.

323. Constantia morum postulat, ut homines nihil agant ^{constantes,} vel loquantur, nisi quod cum moribus, quos iis tribuit poeta, plane conveniat. (cf. n. 473.)

Si quid inexpertum scenae committis, et audes
Personam formare novam, servetur ad imum,
Qualis ab incepto processerit, et sibi constet.
Difficile est proprie communia dicere: tuque
Rectius Iliacum carmen deducis in actus,
Quam si proferres ignota indictaque primus.

A. p. 125.

Varietas morum, quae jucunda inprimis et utilis est, ^{varii.} magis proprietate quam discrepantia quaerenda est.

1. Utilis est maxime ad eorum, quae fiunt, probabiles causas monstrandas. cf. n. 515. extr.

2. Facile est disparata fingere, quia extrema cuique perspecta; sed magnae artis et subtilis ingenii, mores ita temperare, ut etsi non ita longe distent, proprietate tamen significanter expressa quam optime discernantur.

ART. IV.

DE CARMINIS EPICI INGRESSU.

326. Ingressus epopoeiae tria complecti solet: propositionem, invocationem et causam.

Propositio, quae argumentum summatim enuntiat, ac ^{Qualis pro-}positio, ^{positio.} curata, brevis et verecunda esse debet.

1. Accurata est, si verbis significantibus contexta, rem totam perspicuo et definite ob oculos ponit.

2. Nonnisi summa tamen rerum capita perstringere debet, non excurrere latius, nec redundare verbis et sententiis; quae omnia in Lucani Pharsalia reprehendunt.

A. p. 136.

3. Nec sic incipies, ut scriptor cyclicus olim:
Fortunam Priami cantabo et nobile bellum.
 Quid dignum tanto feret hic promissor hiatus?
 Parturiunt montes, nascetur ridiculus mus.
 Quanto rectius hic, qui nil molitur inepte:
Dic mihi, Musa, virum, captae post tempora Trojae
Qui mores hominum multorum vidit et urbes.
 Non fumum ex fulgore, sed ex fumo dare lucem
 Cogitat.

Quid invocatio.

527. *Invocare* solent poëtae numen aliquod, cujus afflata tantum carmen rite absolvant.

Invocatio cum propositione conjungi potest, ut in utroque carmine Homeri. — Interdum etiam in decursu poematis, cum res gravissima tractanda est, renovatur, ut Aen. 6, 264.

528. *Causa* hic intelligitur non quodvis actionis principium, sed illud, unde cuncta narranda ortum habent.

Itaque Homerus de Achillis ira, Virgilius de odio Junonis ab initio exponunt.

ART. V.

DE NARRATIONE EPICA.

529. In narrationem, epici carminis partem praecipuam, omnia cadunt, quae de narratione poetica praecepta sunt. Quaeritur autem inprimis, qui disponenda sit.

Unde includendum.

Initium poëta ab ipsa actione sumere, non vero causas longinquas, gerendae rei adjuncta et apparatus, historico-rum ritu enarrare debet. Quare de Homero Horatius:

A. p. 146.

Nec reductum Diomedis ab interitu Meleagri,
 Nec gemino bellum Trojanum orditur ab ovo;
 Semper ad eventum festinat, et in medias res,
 Non secus ac notas, auditorem rapit; et quae
 Desperat tractata nitescere posse, relinquit.

Sed tamen non raro ex iis, quae rem antecesserunt, in decursu narrationis aliqua opportune repetuntur; ut Virgilius in libro II. excidium Trojae narrat, et Homerus in II. Iliadis navium et ducum, qui Trojam venerant, *κατάλογον* recenset. At quaerunt, praestetne ordinem servare naturalem, resque ita disponere, ut evenere, quam a media vel postrema quoque actione narrandi initium facere, et priora postea loco intexere. De qua re ita praecipendum existimo:

530. Si actio nec brevi tempore nec uno in loco gesta est, expedit, narrationem a media vel summa parte incipere; sin aliter, nulla est ratio ordinis invertendi. Quid de ordine.

Si enim illiusmodi actionem totam ab initio exequeretur poeta, vel singulas partes non ea varietate et copia, quae huic carmini propriae sunt, tractare posset, vel ingentem in molem poema excresceret. Contra si a parte media vel suprema incipit, in hac morari, et priora, quae tantum intexit, et carptim et strictim dicere potest. — Deinde quoniam haec summa est virtus narrationis, efficere, ut cuncta tanquam oculis subjiciantur, ad hoc conducit plurimum, ea, quae narrantur, non per multa loca et tempora dispersa esse. Hinc Virgilius ab ultimo navigationis anno narrationem orditur, et quae prioribus multis in locis acciderant, libro III. breviter exponit. Similiter Homerus fecit in Odyssea; qui contra in Iliade naturalem ordinem servavit; quandoquidem ira Achillis, non bellum Trojanum Iliadis argumentum est.

De summa poematis parte illud adhuc monent, ut peracta solutione, qua res perficitur, reliqua breviter absolvantur. Episodia in hac parte aut nulla, aut certe nonnisi perbrevia tolerantur. Quid de parte postrema.

De sermone denique epico, ne alibi dicta repetamus, in universum praecepisse sufficiat, illum varium quidem pro rerum, quae narrantur indole, sed generatim tamen dignitate et copia conspicuum esse debere. Quis sermo.

CAPUT X.

DE TRAGOEDIA.

ART. I.

DE TRAGOEDIAE NATURA ET FINE.

Quid drama. 531. Tragoedia ad poësin, quam dramaticam dicunt, refertur. *Δράμα* (actio) enim vocatur poëma, quod rem gestam non narrando, sed agendo imitatur.

Maxima huic generi est vis ad animos permovendos, quod non solum menti, ut epopoeia, sed ipsis quoque sensibus rerum spectacula objeicit, in eo ipso autem reliquas artes, ut picturam et statuariam vineens, quod non mortua simulacra, sed viventes ore habituque simillimas exponit personarum imagines, ut illae non adumbrari, sed ipsi per se suos retractare casus videantur. Accedit, quod hoc uno in opere plurimum bonarum artium consociata vis et efficacia operatur.

Quid tragoedia. 532. Tragoedia igitur definitur drama, quod actionem gravem cum calamitate conjunctam imitatur.

Tragoedia a dithyrambis originem habere creditur. Cum enim his carminibus heroum acta celebrarentur, in morem venisse ferunt, inter cantus actores producere, qui gesta ipsa imitarentur: paulatim deinde factum esse, ut actio interposita primas sibi partes vindicaret, dithyrambi usu in choro servato. Primus vero auctor Thespiis fuisse fertur. (A. p. 276.) — De *nominis* ortu inter scriptores non convenit. Nam alii a *τράγος* (hircus) et *ᾠδή* derivant, sive quod Baecho, in ejus honorem dithyrambi canebantur, hircus immolari, sive quod poëtae victori hircus dari solebat. (A. p. 220.): alii a *τράξις* (saex) deducunt, quoniam ante personarum usum actores ora saece linebant.

Quis finis. 533. Finis tragoediae est, affectus misericordiae et timoris movere eosdemque purgare.

1. Primum igitur efficere debet tragoedia, ut et alienam sortem miseremur et nobis ipsis timeamus. Quae duo conjungi sua natura videntur; etenim, ut ait Aristoteles, metum afferunt ea,

quae in aliis miseramur, et vicissim ad miserandum pronus est, qui similia atque alius patitur, sibi aut suis vel meminit contingere, vel timet, ne contingant. Nihilominus, ut postea exponam, ni caveat poëta, ejusmodi esse fabula potest, ut alterutrum tantum efficiat.

2. Purgantur affectus, si ita temperantur, ut non solum jure Id. Polit. 8, 7. et laudabiliter, sed etiam sine dolore, quin magna cum voluptate commoveamur. Hoc enim habent animorum motus, qui ad honestatem pertinent, ut, etiamsi ex animi aliqua aegritudine oriuntur, si modum quendam acceperint, nedum affligant aut perturbent animum, sed etiam demulceant et confirment.

Schol. Quaesieris, cur ad hos potius animorum motus, quam ad inflammandum amorem admirationemque virtutis, cujus quippe excellentia in calamitate screnda vel maxime cernatur, tragoedia referri debeat. Sed primum quidem tantum abest, ut hos alios affectus a tragoedia removeri oporteat, ut sine iis purgatio miserationis et formidinis effici non possit. Verum ad hoc omnia dirigere, ut magnitudine rerum admiratio inferatur, magis heroico carmini consentaneum est. Neque enim ab omni genere omnem Cf. Art. c. 14. vim delectationemque reposcere debemus, sed propriam; propria autem cuique est, quam aliis facilius meliusque consequi potest. Jamvero ut misratio et metus iis maxime rebus moventur, quae oculis spectantur, ita perdifficile non est, actionem ad hos motus accommodatam in scenam dari; contra vero res magnae et admirabiles cum difficillime scenica imitatione exprimuntur, tum auditae facilius, quam visae creduntur.

ART. II.

DE FABULAE TRAGICAE CONSTITUTIONE.

534. Ad tragoediae fabulam recte constituendam videntur nobis est, quatenus ea illustris, vera, calamitosa et una esse debeat.

Nam quae de verisimilitudine, integritate et justa amplitudine alibi praecepta sunt, facile in hunc locum, spectata tragoediae natura, revocari possunt.

Quatenus
illustris;

Veteres actionem tragicam semper illustrem, ac fere ut epicam ex heroum fastis depromptam voluere; nostri duo fecerunt genera, tragoediam *heroicam*, quae in clari viri memorabili casu, ac *civicam*, quae in communi hominum vita versatur.

Qui civicam tragoediam reprehendunt, clari viri casum et miserabiliorem esse ajunt, et magis idoneum ad metum incutendum, quod ea, quae magni fugere non potuerint, facilius nobis accidere posse credamus; qui defendunt, inde quoque majorem miserationem et formidinem esse respondent, quod res ab ea conditione, qua ipsi utamur, propius absuerint. Illud enimvero constat, amplitudine et dignitate tragoediam heroicam civicae praestare.

vera;

Expedit, heroicae tragoediae argumentum verum esse; quamquam fictum tolerari possit.

c. 9.

Poëtam, qui omnia fingat, reprehendere, ridiculum putat Aristoteles; eo quod vera quoque paucis nota sint, et tamen omnes delectent. Sed si omnes delectant, non aequè tamen omnes. Ut enim amicorum, et quoesumque diligimus ac veneramur, fortuna magis movemur; ita illorum quoque, quorum memoria illustris et cara est. Certe poëtarum principes ita senserunt, libertate, quam Aristoteles concedit, perraro utentes.

Inctuosas;

535. Tragica actio semper quidem calamitosa, i. e. cum gravi calamitate conjuncta est, sed interdum felicem habet exitum. Fingunt etiam duplicem fortunae commutationem, ut altera quidem pars ex infelice felix, ex felice altera infelix fiat. Sed proposito tragoediae magis accommodatus est exitus simplex isque luctuosus.

1. Lucta adversus aerumnam, et imminentis mali discrimen, ad metum et misericordiam afferendam interdum sufficere videntur: quare cum atrocius esset, ultra progredi, fortuna commutata, brevi gaudii significatione fabula absolvitur; ut in utraque Iphigenia.

2. Duplex ille exitus propter infirmitatem spectantium, qui eo Ar. 12.
delectantur, a nonnullis poëtis frequentatur; sed haec delectatio
comoediae magis, quam tragoediae propria est.

536. Una tragoedia triplici ratione esse potest: actione, et una.
loco et tempore. Ac de actionis quidem simplicitate ea tenenda sunt, quae de epica fabula praecepimus. De loco et tempore intricatior est quaestio. Optimum certe, si locus quoque et tempus unum idemque fuerit; verum ut nimia est in hac re licentia fugienda, ita non minus scrupulosa quaedam observantia.

1. Loco una est fabula, si scena nunquam mutatur; tempore, si eo fere horarum spatio, quo res in scena agitur, contingere potuit. Atque ita fere veterum fabulae, utpote breviusculae et admodum simplices, facilius disponi potuere: nostrae autem tragoediae multo ampliores et rerum ac personarum varietate multo magis implicatae, vix fieri potest, ut tam arctis in spatiis contineantur: quapropter in iis duo extrema ex aequo vitanda erunt.

2. Licentia certe nimia est, qua nonnulli jam non dies et menses, sed totos annos una scenica actione complectuntur. Locorum porro mutandorum nullus est finis: nam et per dissita regna actionem trahunt, et in eodem saepe actu, aperto theatro, scenam mutant.

3. Alii contra certa temporum et locorum spatia definiunt. Cum Aristotele enim statuunt, ut actio intra unius solis ambitum contineatur; loca autem mutari permittunt intra unius domus vel certe urbis circumscriptionem. At nisi haec ita servant, ut ex adjunctis actionis verisimile sit, rem in locis illis gestam et tam brevi tempore confectam esse; ipsam, quam sollicita hac cura quaerunt probabilitatem, turpius amittunt.

c. 3.

ART. III.

DE PERSONIS TRAGICIS.

537. Magnum ad vim et effectum tragoediae momentum

habet ratio personarum: quaeritur autem inprimis de primaria et ea, per quam haec infelix redditur.

Qualis pri-
maria.
c. 13.

Optimum esse plerique cum Aristotele docent, si primaria persona proba quidem, non tamen omnis culpae expers sit, ita ut neque scelere aliquo in perniciem incurrat, neque sine ullo suo errore calamitate affligatur.

1. Improbi calamitas quendam quidem humanitatis sensum, sed non illam, quam tragoedia quaerit miserationem, neque metum excitat. Neque enim miseramur, nisi quos meliori sorte dignos putamus, nec quisquam, nisi forte homo nequam, sibi timet, quod nefario scelere effectum videt. — Improbos autem ex infortunio in felicitatem transire omnium maxime a tragoedia alienum est.

[Ibid.

2. Fabulam, in qua probus homo ex adversa fortuna in prosperam devenit, Aristoteles non improbat: sed innocentem sine omni culpa ex prospera in adversam labi, nec miserabile esse ait, nec formidolosum, sed foedum: non, quod desit ratio miserendi et formidandi, si mentem ejus assequor, sed quod motus illi, nedum purgentur, redundante quodam horrore exasperentur.

Quid de
placido inno-
cente.

538. Nihilominus et poetarum opera et ratio ipsa docent, bonorum calamitates, non solum sine culpa, sed etiam propter ipsam virtutem toleratas, a tragoedia minime abhorrere, modo ita tractentur, ut suavis Dei providentia ac virtutis vis et dignitas eluceant.

1. Nominatim hoc loco de christianis martyribus quaeri solet. Jam horum quidem veros cruciatus in spectantibus id effecisse constat, ut ipsorum sortem non foedam et abominandam sed pulcherrimam et invidendam putarent. Praeclare enim cum iis actum esse intellexere, qui mortem moriendo vincerent, et brevi tormento sempiternum decus adipiscerentur. Si jam tragoediae finis spectatur, miserescimus sane eorum, qui immerentes extrema patiuntur; sed mitigatur hic dolor admiratione virtutis et aeternitatis beatæ laetissima spe: metuendum nobis intelligimus, quod, si minus eadem, at similis sors plerosque omnes manet, qui

pietati christianae impensius student; et simul monemur, non eos timere, qui corpus occidunt, animam occidere non possunt: atque hac temperatione affectus illi optime purgantur.

2. Sed ut haec consequatur poëta, tria potissimum servabit. Primum victoriam virtutis, quae in martyrum interitu cerni debet, non satis sibi monstrasse videbitur, si forte mirabilia, quae in illo contingere solebant, machina aliqua imitatus fuerit, sed tota fabula, et ejus, qui patitur, actionibus et verbis vim illam divinam ostendet. — Deinde tragicae fabulae aptiores putabit, qui divina gratia afflati dolores, quibus exuruntur, vincunt, quam qui nullo acerbitalis sensu affici videntur; quin etiam a proposito suo alienum non existimabit, si, praesertim ante extremam pugnam, infirmitatem quandam produnt; si ex carorum complexu aegre divelluntur; si vitam florentem despiciere dubitant, et diversis animorum motibus agitati in periculum succumbendi incurrunt. Postremo curabit, ut improbi qui tales persequuntur, nefaria victoria non solum non beati, sed etiam miseri esse intelligantur.

539. Vim majorem ad commovendum habebit fabula, si is, qui auctor est calamitatis, cum eo, quem exagitat, necessitudine sive cognationis sive amicitiae junctus, atque errore potius mentis aut quodam animi impetu, quam improba voluntate ductus est. Qualis ad-
versaria.

Removenda enim a scena est inhumana barbaries, quae horro-
ris et indignationis sensu mentem perstringit.

Schol. Reliqua de personarum moribus vide n. 524 et n. 525.

ART. IV.

DE PARTIBUS TRAGEDIAE.

540. Duplex est ratio dividendae tragoediae: altera, quae internam fabulae constitutionem respicit, in protasin, epitasin et catastrophem; altera, quae magis externa est, in actus, scenas et chorum.

§ I.

De protasi, epitasi et catastrophe.

Quid protasi. I. Protasis dicitur prima pars tragoediae ad reliquam actionem spectantium animos disponens.

Itaque similis orationis exordio summam rei proponit, atque statum rerum et personarum ita adumbrat, ut nihil eorum, quae ad intelligendam actionem scitu sunt necessaria, spectantem lateat. Ut vero non docilem tantum, sed attentum quoque faciat, multo praestat, ea quae dixi, personarum colloquiis et ipso actionis initio nota fieri, quam continenti sermone enarrari.

Quid epitasi. 541. II. Epitasis altera et major est tragoediae pars, in qua coepta actio variis utrinque actorum studiis miscetur rerumque eventis magis ac magis implicatur.

In ea tria servanda sunt: 1. Una sit implicatio generalis, quae novis semper difficultatibus ad finem usque crescat; 2. difficultates graves potius, quam multiplici nexu intricatae sint; 3. omnium denique, quae fiunt, causae ex rerum statu et maxime ex hominum moribus et studiis intelligantur.

1. Male igitur nonnulli inde ab initio tam truculentam rerum faciem effingunt, ut crescere affectus non possint.

2. Magnum hoc loco discrimen inter veterum tragoedias et nostras notatur. In nostris enim multo plures actores, quorum cupiditates et studia inter se collidunt; plures etiam rerum eventus, qui novis semper nodis fabulam implicant. Qua varietate, si apte inventa est, fabula et jucundior et gravior effici potest; at multi modum non servant, nec tam pondere rerum movent, quam multitudine obruunt animum et confundunt.

3. Neque in tragoedia insolita et mira ad cognoscendum, sed gravia ad permovendum quaerenda sunt. Itaque si probabili aut necessario rerum cursu homo, per ea ipsa, quae agit, in nodum difficilem inopinato incurrit, et circumseptus periculis imminenti malo tota animi vi obnititur; id multo magis est tragicum, quam quaelibet portentosa et stupenda eventa.

Schol. Merito autem hoc loco culpantur recentiores, qui vix aliam causam involvendi fabulam norint, quam amores. In quibus cum sine modo et mensura versentur, illustrium virorum famam commaculant, gesta extenuant, graviora et digniora rerum momenta, quae ipsa praebet historia, negligunt, ac denique spectantium animos, quorum motus tragoedia moderari purgareque deberet, effeminant atque depravant. Pudet sane, longe sapientiores vel ipsos ethnicos nostris poëtis fuisse, atque eas ipsas fabulas, quas Graeci caste et ex rerum dignitate tractassent, a christianis poëtis turpificatas esse.

542. III. Catastrophe, extrema tragoediae pars, fortunae commutationem et totius actionis exitum complectitur. Haec igitur, ut de solutione carminis heroici dictum est, ex ipsa fabula probabilis, cum peripetia perfecta conjuncta, et brevis esse debet.

Quid de catastrophe.

1. Recurrit hic quaestio de usu machinae. Aristoteles cum improbat, quod catastrophe ex ipsa fabula contingere debet. Ita est : sed hac ipsa de causa, machina, si cum actione probabiliter conjuncta fuerit (n. 521. Schol.), vetita non erit.

Cf. Donat. lib. 2. c. 27.

2. Peripetia semper subita est fortunae conversio, quam inopinam quoque actori, non spectatori esse praestat. Spectator enim multo magis miserescet et metuet, si actorem, ut e. g. in ἀντιγόνη contingit, per totam actionem ignarum sua pericula tractantem, et quibus extremam fortunam avertere conatur, iis ipsis arcescentem videt.

§ II.

De actibus, scenis et choro.

543. I. Actus dicuntur partes fabulae, quae interposita mora dirimuntur.

Quid actus.

Itaque post singulos actus theatrum vel clauditur vel actoribus vacuum est, solo choro remanente.

Actus quinque esse volunt, per quos fabula ita fere distribuitur, ut primus protasin; alter, tertius et quartus epitasin; quintus catastrophem complectatur.

Quot.

A. p. 189.

Neve minor, neu sit quinto productior actu
Fabula, quae posci vult et spectata reponi.

Ita Horatius : sed difficile est aliam hujus praecepti causam afferre, nisi consuetudinem, quae id sancivit, quod primi actores probarunt (1).

Ubi faciendi.

Id autem semper providendum, ut ibi actus finiantur, ubi naturale est, actionem ipsam sisti; neque vero durante actu eodem pausa actionis fiat, qua vel theatrum vacuum relinquatur, vel, quod pejus est, actionis locus mutetur.

Haec autem ita ex rerum adjunctis disponenda erunt, ne forte actores in theatro ideo tantum maneant, quod sic praecipimus, aut res quaequam, ubi non deberet, agatur.

Quid scenas.

544. II. Scenae vocantur partes actus, personarum vel adventu, vel habitu, vel interventu distinctae. Videndum inprimis, ut inter se quam optime jungantur, nec personae aut veniant aut discedant, nulla apparente idonea causa.

Verum ad hoc non sufficit, ut venientes aut abeuntes quilibet causentur, puerorum scilicet instar, qui ficta causa egrediendi schola veniam poscunt; sed vera sit et probabilis causa.

Quid chorus.

545. III. Chorus apud veteres turba hominum constabat, qui pro locorum et personarum adjunctis actioni interesse fingebantur, nec proinde unquam theatro decedebant.

Hac potissimum de causa scena, quae, ut dixi, nunquam mutabatur, erat vel area domus, vel forum, vel locus quilibet patens. Ita in Sophoclis Antigone scena est ante regiam domum, et eorum constituunt Thebani senes, a Creonte convocati.

(1) Ili tamen primi actores non Graeci, sed Latini fuisse videntur. In paucis enim Graecorum tragoediis quinque actus certo demonstrari possunt; quin merito in dubium vocatur, an omnino fabulam in actus data opera dividerint. Certe Aristoteles de partibus tragoediae enucleate disputans (cap. 6.), hujus divisionis mentionem nullam facit.

Officium chori praecipuum erat, ea animi sensa, quae ^{Quod ejus officium.} excitare fabula debebat, carmine lyrico exprimere. Quare praecipit Aristoteles, ut fabulae tanquam pars cohaereat, ^{c. 18.} et reliquas partes in assequendo proposito juvet.

Carmina illa chorus vel solus, inter actus scilicet singulos, vel cum major animorum motus incideret, alternis cum actoribus concinebat. — Nonnunquam etiam chori dux cum actoribus colloquebatur, indicans aliquid, suadens, admonens. — Praeceptum autem Aristotelis fusius exponit Horatius. A. p. 193.

Schol. Magnae procul dubio et multae sunt utilitates, quas chorus tragoediae afferre potest. Neque enim solum impedit, quominus spectantium animi inter actus singulos in cogitationes alias distraherentur, sed etiam suggerit, quid in re, quae agitur, considerari debeat, gravibusque sententiis et verbis commovet. Adde spiritus lyricae poësis; adde vocum concentum, qui cum incredibili animorum motu magnificentiam fabulae et splendorem conferunt. Sed tamen in dubium vocari non potest, quin chori praesentia et loci ejusdem ratio coerceat et constringat ita poetam, ut vel multa omittere vel improbabilius fingere debeat, nisi ad maximam Graecorum simplicitatem se redigere velit. Quapropter suaserunt, ut chorus tantum inter medios actus prodiret, et pro symphoniis, quae hodie fieri solent, apta fabulae carmina concineret. ^{Bl. l. 29.}

ART. V.

DE DIALOGIS, MONOLOGIS ET SPECTACULIS.

346. In *dialogis* multa ex iis, quae n. 240-245 praecipimus, observanda sunt; inprimis autem videndum, ut sermo personis accommodetur. ^{Quid de dialogis.}

Si dicentis erunt fortunis absona dicta,
Romani tollent equites peditesque cachinnum.
Intererit multum, Davusne loquatur, an heros;
Maturusne senex, an adhuc florente juventa
Fervidus; an matrona potens, an sedula nutrix,
Mercatorne vagus, cultorne virentis agelli;
Colchus an Assyrius; Thebis nutritus an Argis. ^{A. p. 112.}

Quae cavenda.

In quo tamen cavendum, ne oratio vel ad exprimendam rudiorum indolem nimis humilis fiat et abjecta; vel contra in cultorum hominum sermonibus ornatior sit aut diffusior; vel denique in affectibus tumescat.

Nam neque sic est vita imitanda, ut natura quasi nuda et incompta exprimatur; nec ita ornandum poema, ut longius a rerum veritate recedat.

Quot colloquentes.

A. p. 192.

Praecipiant denique, ne plures quam tres personae colloquantur. Quare Horatius: nec quarta loqui persona laboret.

Quid de monologis.

547. *Monologus* perraro adhiberi debet: neque enim naturalis est, nisi in vehementi animorum commotione, aut deliberatione gravi et ancipite. Sermo concisus ac reticentia (n. 82.) interruptus animi affectum imitetur.

Quid de spectaculis.

548. *Spectacula* hoc loco dicimus ea, quae non sermonibus tantum hominum tractantur, sed coram in theatro aguntur. Generatim autem melius est, res in scena geri, quam tantum narrari, mode ne sint atrociores aut portentosae.

A. p. 179.

Aut agitur res in scenis, aut acta refertur.
 Segnius irritant animos demissa per aurem,
 Quam quae sunt oculis subjecta fidelibus, et quae
 Ipse sibi tradit spectator. Non tamen intus
 Digna geri promes in scenam; multaque tolles
 Ex oculis, quae mox narret facundia praesens:
 Ne pueros coram populo Medea trucidet,
 Aut humana palam coquat exta nefarius Atreus;
 Aut in avem Progne vertatur, Cadmus in anguem.
 Quodcumque ostendes mihi sic, incredulus odi.

CAPUT XI.

DE COMOEDIA.

Quid sit.

549. Comoedia est drama, quod actionem civilem et hi-larem imitatur.

Nomen habet a *κᾶμος*, quo hilare convivium, vel hujus praeses deus i. e. Bacchus significatur. Alii minus probabiliter a *κῶμῳ* derivant, ut sit idem quod *canlus poganus*.

Finis comoediae est, delectando mores corrigere: id Quis finis.
quod maxime consequitur ridiculo.

1. In hoc igitur convenit cum satyra jocosa: qua tamen hoc efficacior est ad finem obtinendum, quo spectata acrius commovent, quam audita.

2. Neque vero in risu movendo sunt omnia: sed et eorum, quae ridentur, insipientia aut turpitudine significanda; neque solum vitia perstringenda, sed virtutes quoque vitae privatae suavi animorum motu commendandae sunt.

550. Fabula comoediae haud secus atque tragoediae una Qualis fabula.
esse debet; non vero magna et illustris, sed ex vita privata et civili assumpta; neque tristis et calamitosa, sed laeta et jocularis; apta tamen quae intentum spectatorem faciat.

Vera an falsa sit, nihil refert, eo quod, etiamsi vera, obscura tamen est. Quinetiam veram assumi plane non licebit, quandocunque redundaverit in vituperium eorum, quorum famae parcendum est.

Personas fingit comoedia, quales in communi hominum Quae personae.
vita versantur; earumque mores varios, sermonibus et actis, quam potest maxime, ad vivum exprimit.

Alii igitur virtute praediti sint, sed non ea animi magnitudine, quam in heroe miramur, excellant; alii contra vitiis affecti, sed ejusmodi, quae magis risum quam odium moveant. In quibus autem vitiis sit materies ridiculorum, vide supra, ubi de facietis expositum est. (n. 350.)

551. Implicatio comoediae non gravis ex magnitudine Qualis implicatio.
periculi, sed variis et permixtis nodis difficilis et intricata; solutio inopina et hilaris.

1. Suas comoedia quoque habet peripetias et agnitiones, sed eas, quae leniores animorum motus cient, neque metu perturbant, sed gaudio demulcent.

2. Neque tamen exitus felix debet esse iis, quorum vitia castigantur; sed hi spe frustrentur bonorum, quae consequi volebant, et insipientiae poenas luant.

Qui stylus. 552. Stylus procul dubio humilis, et sermoni proximus.

A. p. 93. Interdum tamen et vocem comoedia tollit
Iratusque Chremes tumido delitigat ore.

Quid de
licentia. Etsi denique comoedia et rerum imitatione et verborum aculeis liberior sit, quam omnis alia oratio; tamen scurrilis et sordida dicacitas, aut turpitudine vilis, aut agrestis morum rusticitas omnino devitanda.

A. p. 270. At nostri proavi Plautinos et numeros, et
Laudavere sales, nimium patienter utrumque,
Ne dicam stulte, mirati; si modo ego et vos
Scimus inurbanum lepido seponere dicto.

Comoedia, quae intra hos se limites continet, non solum innocue delectat, sed utiliter etiam erudit. At vero permulti sunt, quibus oblectatio sola curae, vitae honestas sapientiaque vilis est. Rident vitia, sed non ad corrigendum, et rident ea quoque, quae ridenda non sunt, tantumque abest, ut ad virtutem amandam pelliciant, ut cupiditates potius inflamment, et vitia ignorantes doceant. Quorum tu adolescens, quem instituimus, neque fabulae spectator intersis, neque libros, quaeso, tetigeris, vitae innocentia omni delectationi saluteque aeterna cuivis emolumento anteponenda.



APPENDIX

EXHIBENS NONNULLARUM ORATIONUM SYNOPSES.

I.

DEMOSTHENIS PHILIPPICA PRIMA.

ARGUMENTUM. Athenienses per socordiam, qua bellum contra Philippum gerebant, magnis denuo incommodis affecti, animo fere cadentes de rebus agendis consultant.

FINIS ORATIONIS. Excitare Athenienses ad bellum strenue gerendum.

EXORDIUM simplex et breve. Quoniam non de re nova, sed de eadem, de qua saepe antehac, agitur, Demosthenes juvenis etiam primus surgens, veniam sperat; nam si alii recta suasissent, non esset cur de novo consultaretur.

PROPOSITIO. Bellum contra Philippum non ut adhuc, sed strenue gerendum est.

PARTITIO. Pars I. Generalibus argumentis propositio confirmatur.

Pars II. Docetur, in quibus rebus illud „ *strenue, non ut adhuc* ” repositum sit.

Pars III. Ostenditur, quid sperandum sit, si, quae (in parte II.) proposita sunt, Athenienses exsequantur : quid timendum, si pergant rem gerere, ut hactenus.

NOTANDUM I. Per totam orationem argumenta sunt duplicis generis : aliis probatur, Athenienses posse vincere; aliis eos certo victum iri, si in socordia persistant.

NOTANDUM II. Nec propositionem orator enuntiat; sed propositionem mox in primis argumentis; et partes, cum transit, aperte indicat.

CONFIRMATIONIS PARS I.

Duo obstacula erant vincenda, scilicet defectio animi et socordia; itaque orator adhibet consolationem et reprehensionem: prudenter vero a priore incipit.

I. *Consolatio*. Athenienses non debent desperare, sed bono animo esse, nam

1. praesens rerum status malus est ipsorum culpa, (nota *paradoxum*); nuper vero Graeciam servarunt, contra Lacedaemonios rem strenue gerentes: ergo nihil iis vigilantibus formidabile; socordibus autem nihil ex voto succedit. (Πρῶτον μὲν εἶν.)

2. Exemplum Philippi. Olim omnem, ob quam nunc Philippum timent, potentiam Athenienses habebant; si ergo Philippus tum eo, quo nunc Athenienses, animo fuisset, nihil egisset. Sed ille quidem probe noverat, vigilantem et laboranti obtingere res, quae negligentibus pereunt. Itaque etiam Athenienses, modo inertiam et levitatem exuant, rem prospere gerent. (Εἰ δὲ τις ὑμῶν.)

3. Multi Philippum oderunt, metuunt, invident; qui nunc ideo tantum silent, quoniam per tarditatem Atheniensium non habent, quo refugiant. (Μὴ γὰρ ὥς θεῶν.)

II. *Reprehensio*. (Hanc orator ultimo praesertim argumento praeparaverat.)

1. Ostenditur Philippi insolentia et superbia ad affectum pudoris. (Ὅρᾶτε γὰρ, ὡς αὐτοὶ; Ἀθηναῖσι, τὸ πρᾶγμα.)

2. Augetur affectus idem, cum orator per *hypotyposin* et *diatogismum* Athenienses in foro ambulantes et nugantes describit. (Ἡ βούλεσθε, εἰπέ μοι.)

Transitio perfecta et aperta per distributionem (Ὡς μὲν εἶν), deinde

petit, ne judicent antequam omnia audierint. (δεῦθε; ὑμῶν.)

PARS II.

Tria proponit: copias idoneas parare; certam instituere rationem pecuniarum, et meliorem modum belli gerendi observare; adjiciens rationes, quibus haec fieri et debere evincit.

I. *Copiae*. — 1. Paranda est classis 50 triremum, quae domi maneat, opportuno tempore excursura: nam aut eam timet Philippus et quiescet; aut negliget et incautus opprimetur. Probat idem ex ante gestis. (Πρώτον μὲν τοῦτον.)

2. Parandus alius exercitus, qui continue Philippum infestet. Poscit orator 2000 peditum et 200 equites, quorum autem quarta pars ex civibus constet. (Πρὸς δὲ τοῦτοις δύναμιν τινα.)

3. Addit rationes: a) Non majorem exercitum jubet, quod Athenienses jam non collatis signis, sed per insidias hostem aggredi debent. — b) Cives autem militare jubet, quia quamdiu id fecerunt, omnia prospere; ex quo peregrinis uti coeperunt, omnia pessime gesta sunt.

Subjicit in *affectum pudoris reprehensionem*, quod nec duces habeant, nec unde stipendia solvant, nec adsint cives, qui illis invigilent; imo duces electi ne emittantur quidem, sed domi pompas ducant. Nota similitudinem puparum. (Τοσαύτην μὲν, ὧ ἄνδρες Ἀθηναῖοι.)

II. *Pecuniarum ratio*. — *Transitio* rursus aperta et per distributionem. (Ὡς δὲ ταῦτα.)

1. Exponit *quantae* pecuniae requirantur. (Χρήματα τοῦτον.)

2. Unde petendae sint. (Πόρον ἀποδείξεις.)

III. *Modus belli gerendi*. — Provideant tempus anni opportunum, ut et aggredi Philippi regionem et commode hiemare possint. (Διακρίτε δὲ μοι.)

PARS III.

Tria obstabant, quominus Athenienses ea, quae orator suaserat, rite exsequerentur; primum nihil tempore parabant nec agebant; alterum, ipsi domi manentes duces male instructos emittebant, et postea temere judicabant; tertium, in quo discrimine res versarentur, non providebant. Contra haec jam Demosthenes dirigit orationem; agit autem per affectus spei, pudoris, timoris: proinde in hac parte ea, quae in prima generatim dixerat, jam accommodat ad haec singula vitia emendanda pertractat.

I. Si Athenienses omnia promptè parant, quae Demosthenes proposuit, et Philippo maxima emolumenta intercipient, (scilicet quae socios Atheniensium praedans capit,) et ipsi mala non amplius patientur, ut cum Pillippus cives, pecuniam, ipsam sacram triremem abduxit. — Nota jam affectum pudoris (*Ἄν ταῦτα, ὧ ἄνδρες Ἀθηναῖοι.*)

1. *Illustrat hoc dissimilitudine* : In festis Atheniensium omnia ordine et tempore geruntur, quia in ea nihil non diu ante accurate definitur, et etiam magnis impensis paratur; in bellum autem gerendum nihil tempore, sed post eventa cognita ordinatur, rerum gerendarum occasione elapsa. — (Nota, quam graviter, dum probat intentum, simul reprehendat; figurae *synonymiae* et *hypotyposis*.) (*Καίτοι τι δέποτε.*)

2. *Auget affectum pudoris ex insolentia* Philippi, quam ejus ad *Euboeenses* epistola ostendit, et similitudinibus, altera a duce, qui milites sequi cogitur, altera a barbaris pugilibus; cui subjicitur rursus *hypotyposis* Atheniensium post Philippum sibi nocentem turpiter currentium. (*Ὁ δ' εἰς τοῦτ' ἑβρεως ἐλάλθεν.*)

II. 1. Ad hoc *transit* ostendens ex illa turpi socordia in ipsum rerum discrimen ventum jam esse, et ex bello, quod ad Philippum ulciscendum coeptum sit, jam perniciem Athenis imminere. Subjicit per interrogationes acrem exhortationem, ut ipsi militent. (*Ταῦτα δ' ἴσως πρότερον.*)

2. *Probat aliter bellum feliciter geri non posse*. Si Athenienses domi sedentes et oratores auscultantes ducem peregrinorum cum decretis et spe concionali, sine pecuniis emittunt, nec ipsi intersunt rebus gerendis, hostis ridet, socii timent, duces foras nihil agunt et Athenis temere judicantur. (Nota acrem *expositionem*, quae ad probandum hic sufficit et simul affectum pudoris egregie auget.) (*Ἄν μέντοι καθώμεθα εἶκαι.*)

III. Serio cogitandum est de vero rerum statu. Perstringit, qui de consiliis Philippi circa Thebanos et Ilirios conjecturas faciant, et monet id unum esse considerandum, hominem esse Atheniensibus inimicissimum, qui nisi praeveniatur, in Atticam bellum translaturus sit; unamque salutem superesse, si rebus gerendis intenti fuerint. (*Ἵμῶν δ' εἰ μὲν περίεργε.*) (Nota *adjunctorum congeriem* et gravem conclusionem : *ὡ γὰρ ἅττα ποτ' ἔσται.*)

PERORATIO. Protestatur orator se noluisse ad gratiam loqui, etiamsi haec dicendi libertas sibi fortasse profutura non sit; eo quod neglectis privatis suis incommodis salutaria civibus suis suadere maluerit. (Ἐγὼ μὲν οὖν ἄλλοτε.)

II.

EJUSDEM DE REBUS CHERSONESI ORATIO.

ARGUMENTUM. Chersonesus Thracia antiqua fuit possessio Atheniensium. In eam igitur cum vetere more suo misissent colonos sub duce Diopithe, reliqui Chersonesitae hos receperunt, Cardiani autem repulerunt, et, cum ideo bello a Diopithe peterentur, ad Philippum confugere. Qui cum ab Atheniensibus per legatos nihil obtinisset, Cardianis auxilia misit. Id graviter ferens Diopithes maritimam Thraciam, Philippo subjectam, infestare coepit. Philippus, qui tum in superiore Thracia bellum cum Odrysiarum rege gerebat, Diopithem apud Athenienses accusavit, quod pacem violaret. Itaque oratores φιλιππιζοντες in Diopithem graviter invecti, supplicium de eo sumi, exercitum dissolvi, aut vi cohiberi jubent. Sed iis adversatur Demosthenes, suadens ut exercitus Diopithis non solum non dissolvatur, sed etiam augeatur et omni ratione juvetur; in ipsum autem Philippum bellum magna virium contentione geratur.

NOTANDUM I. Propositum non est, personam Diopithis defendere, sed bellum, quod ab ipso gerebatur, suadere.

NOTANDUM II. Quia igitur non causam Diopithis, sed causam reipublicae et totius Graeciae agit, orator in praesenti de Chersoneso quaestione non se continet, sed bellum contra Philippum necessarium esse ex statu reipublicae universo demonstrat. Atque hinc oratio in duas partes dividitur.

NOTANDUM III. Tria impedimenta oratori superanda erant: 1. dolus Philippi, qui cum bellum gereret, pacem simulabat; 2. fraudes oratorum, qui Athenienses causis civium a bello in Philippum gerendo distinebant; 3. Atheniensium ipsorum socordia et levitas. — In utraque orationis parte ex his tribus, quae vincenda erant, argumenta distingui possunt.

EXORDIUM simplex. A ratione generali, quam deliberantes sequi debeant, incipiens, mox, quis verus sit quaestionis status, declarat. Nempe: Tum oratores, tum certe Athenienses ipsi in con-

sultationibus nullo alio quam boni communis studio duci debent; sed cum jam causa agatur Chersonesi et Philippi, orationes fiunt de Diopithe. Et hujus quidem causa differri potest, cum semper in potestate Atheniensium sit, in cum animadvertere; at causa Philippi differri non potest, quippe qui, nisi nunc arceatur, postea arceri nequeat.

PROPOSITIO, (quae in fine exordii significatur): exercitus Diopithis non est dissolvendus, sed augendus et juvandus, ac generatim bellum contra Philippum magna contentione gerendum.

PARS I.

In hac parte orator ea, quae adversarii in causa Diopithis prutulerant, diluit, non eo tamen spectans, ut Diopithem a supplicio vindicet, sed ut illorum oratorum consilia reipublicae perniciosae et a mala fraude profecta esse ostendat.

Argumentum I. Philippo dudum bellum inferente Athenienses pacem servare non possunt.

Argumentatio: Dicunt, aut simpliciter bellum aut pacem suadendam esse. Certe si Philippus quiescit, simpliciter pax servanda est; sed si Philippus dudum bellum facit, nihil relinquitur, nisi ut nos defendamus. Porro a Philippo jam ante Diopithis protectionem bellum instauratum esse, decreta Atheniensium ipsorum edicunt. (Πελλὰ δὲ θαυμάζων.)

Refutatio: Si dixerint, Philippum, quamdiu ab Attica abstineat, bellum non facere, primum non ferenda dicunt; deinde sibi ipsi adversantur, cum Diopithem, Thraciae oram infestantem, quod bellum Philippo inferat, accusant. (Πλὴν εἰ μὴ τοῦτο λέγουσι.)

Argumentum II. Dato, vera esse, quae Diopithi obijciuntur, (scilicet quod socios depracdetur, etc. etc.) tamen non est dissolvendus ejus exercitus, quia id reipublicae periculosum.

Argumentatio syllogismo continetur: *Major*: Idco semper respublica detrimenta accipiebat, quod Philippus exercitum perpetuum paratum habens tempestive agebat; Athenienses contra. — *Minor*: Atqui oratores isti in praesenti causa nihil aliud agunt, quam ut hoc idem accidat. Nam I. Philippus exercitum in Thracia habens et continue augens, si exspectatis etesiis Byzantium aggreditur, nos hinc navigare non poterimus, in Chersoneso autem exercitum non habebimus.

2. Philippus, ut ex ejus epistola conjici potest, in animo habet Chersonesum invadendi; quid igitur faciemus, si exercitus Diopithis dissolutus fuerit? — (Nota *subjectionem*, *dialogismum*.)

3. Si Hellespontus nunc destituitur Philippus Chalcidem et Megaram aggredi, et ita bellum in Atticam transferre potest. — (Nota in his tribus argumentis *gradationem*.)

Conclusio cum amplificatione. Concludit exercitum Diopithis non solum non dissolvendum sed augendum et copiose instruendum esse.

Amplificat 1. argumento a *dissimili*: Philippus vel maxime desiderat, ut ille exercitus dissolvatur; atqui quod Philippus optat, id nos faciemus? (Nota *dialogismum*.)

2. Reprehensione Atheniensium, qui, cum pro sua socordia nullum officii munus exsequuntur, ineptis accusationibus et calumniis aures praebent. — (Nota in hoc praestantissimo loco a) rerum vim et gravitatem; b) conglobationem; c) repetitionem felicissime per *dialogismum* introductam; d) *licentiam* prudenter praeparatam et sensim auctam; e) elocutionis vigorem et mixtas acerrimas figuras.) (Ἀλλὰ καὶ Δία πάντα μὲν ἐξελέγχονται.)

Argumentum III. Accusationis illius (quam in argumento II transmisit) ratio talis est, ut oratorum malam fidem et Atheniensium summam levitatem manifestet.

1. Manifestat oratorum malam fidem; quia a) iniqua est. Omnes enim Atheniensium imperatores a civitatibus Asiae largitionis nomine pecunias accipiunt; Diopithes, cum a nobis non accipiat, idem facere cogitur. b) Cum in Diopithem, si quid deliquerit, sufficiant leges et mandata, isti jubent classem mitti, quae eum custodiat; i. e. suadent, ut Athenienses non in hostes, sed in se ipsos bellum parent. (Πάντες ὑποὶ πῶποτε ἐκπεπλεύκασι.)

2. Manifestat Atheniensium levitatem sive potius ignaviam et mollietatem. Nam Athenienses, si civis quispiam malorum auctor dicitur, acclamant; si Philippus, convinci nolint: scilicet jam graves in foro, in bello leves, accusari eum, in quem potestatem habent, gaudent; illum vero, qui armis superari debet, hostem probari, aegre ferunt. — (Nota *ethopoeiam* cum *prosopopoeia*; *licentiam*, rursus prudenter temperatam.)

Affectum pudoris augeat gravissima figura, universam Graeciam inducens, quae exprobrat Atheniensibus, quod toties omnes, ut a Philippo sibi caverent, excitati, ipsi tamen, cum plures oppor-

tunitates nacti essent, nihil ad illum arcendum egerint; atque ita transit ad alteram partem. (Καὶ τὸ μὲν τούτων τινὰς εἶναι τοιοῦτους.)

PARS II.

In hac parte orator tria, quae ad propositum suum, ut supra notatum est, pertinent, Atheniensibus persuadere conatur, scilicet:

1. *Philippus pro capitali hoste habendus est.*

1. Urbi et singulis civibus eum infensum esse, jam patet; maxime vero odit liberae reipublicae formam. Nam, quamdiu haec subsistit, omnes, quos oppresserit, habent, quo confugiant.

2. Omnia, quae molitur, adversus Athenas molitur. Tot labores, tot pericula non subit, ut vilissimis Thraciae rebus, sed ut per eas Athenis potiatur. (Πρώτον μὲν, ὃ ἄνδρες Ἀθηναῖσι, τοῦτο παρ' ὁμῶν.)

II. *Apparatus belli et ante omnia perpetuus exercitus parandi sunt.*

Res difficilis, attamen suscipienda, 1. quia necessaria est ad extremam ignominiam vitandam. *Probatur comparatione a minori*: Si reliquis tantum Graecis servitus immineret, turpe foret, hos destituisse; quanto magis, cum ipsi Athenienses urgeantur. Liberis hominibus rerum gestarum pudor summa est necessitas. (Τὶ εὖ εἶδη φρονούντων ἀνθρώπων ἐστίν;) (Nota in hoc loco *affectum timoris* et *pudoris*, laude temperatum; *interrogationem* et *subjectionem*.)

2. Neque pax dulcis, cum perniciem affert, nec belli labores et sumptus graves videri debent, cum ad salutem sunt necessarii. (Πάντα τοίνυν τᾷλλ' εἰπὼν ἂν ἤθελον.) (Nota praeclaram *ethopoeiam* malorum oratorum et *contraposita*.)

3. Si cessant a bello, jam non ignominia, sed excidium imminet. — Si Athenienses nunc pravis oratoribus credunt, a Philippo non moveri bellum; Philippus ipse hoc certe negabit, donec in agro Attico versetur; atque si in Attica erit, jam non servitus, sed excidium imminet; probe enim scit Philippus Athenienses neque velle neque posse servire. (Εἰ μέντοι βουλόμεθ' ἡμεῖς.)

III. *Oratores qui Philippo patrocinantur, puniendi sunt.*

Probatur: Alios Philippus beneficiis in servitutem vafre pellexit, (quod ostenditur exemplis); vos aperte defraudavit, (quod ostenditur factis); atqui hoc ideo, quia apud illos securum non erat, pro Philippo dicere, (enumeratio); Athenis vero, Philippo undique

hostiliter adoriente, securum est pro eo verba facere. (Ὡς αὖν ὑπὲρ τῶν ἰσχυάτων ὄντος.)

Aufertur : Hinc accidit, ut illi quidem ditiores et nobiliores, vos pauperiores et ignobiliores fieretis. (Τοιγάροιο τούτων μὲν ἐκ πτωχῶν ἔνιοι.)

Refutat 1. eos, qui sibi ignaviam exprobrant: affirmans se istis multo fortiorem esse.

Probat : Non is fortis est, qui neglecta publica utilitate, lites movet; quippe ita gratiae vestrae certus est; sed ille fortis est, qui vestris voluntatibus adversans semper optima suadet, et consiliorum suorum rationem reddere paratus est; atqui ego cum de multis pro republica gestis gloriari possem, de hoc uno glorior, me ea semper consuluisse, quibus non ego, sed vos potentia et gloria augeremini. (Εἰτά φησιν, ὅς αὖ τῷ γὰρ παρελθών.)

2. Eos, qui ipsum optima dicere, sed nihil agere criminentur.

Respondet : oratoris esse, optima dicere, populi exsequi. Quod *illustrat* exemplo Timothei, qui cum contra Thebanos egregie dixisset, Athenienses rem prospere non gesserunt, nisi eo, quod illius consilium statim secuti sunt. (Ἦδη τότε οὖν τινὲς ἤκουσα καὶ τοιαῦτόν τι λέγοντες.)

PERORAT 1. breviter et simpliciter *repetens*, quae suadeat; 2. *affirmans*, si haec egerint, meliora sperari fas esse; sin, ut hactenus, laudent quidem bona consilia, non vero exsequantur, in nullius oratoris sermone salutem positam esse. (Ὡς κεφαλῇ δ' ἂν λέγω φράσας.)

III.

CICERONIS ORATIO PRO MILONE.

ARGUMENTUM. Anno Miloni et P. Clodio summae erant inimitiae, eo maxime quod Cicero Milonis opera in patriam reductus erat. Cum igitur in eundem annum consulatum Milo et Clodius praeturam peterent, ut se invicem impedirent, saepe inter se cum suis factionibus depugnaverunt. Quodam vero die iter facientes sibi obvii facti sunt in via Appia cum comitatu servorum; inter quos cum rixa orta esset, Clodius ipse vulneratus et a suis in vicinam tabernam delatus est. Quod sibi Milo vivo Clodio periculosius futurum intelligens, exturbare eum taberna jussit et interfici. Post multas turbas a Clodianis excitatas et varia senatus-

consulta tandem iudicium habitum coram Cn. Pompejo, qui interea consul sine collega creatus et jussus erat *videret, ne quid respublica detrimenti caperet*. Consedit Pompejus septus delecta manu militum, et praesidiis circa omnes fori aditus collocatis.

NOTANDUM. Quibusdam videbatur Milo ita defendendus, Clodium utpote civem sceleratum pro republica occidi potuisse. Sed Ciceroni id non placuit; quare cum accusatores posuissent, a Milone Clodio insidias factas esse, hoc apprehendit, contra disputans: non Clodio a Milone, sed Miloni a Clodio insidias esse factas; et in hoc probando prior et major pars confirmationis versatur; alterum vero illud in posteriore parte artificiose adjunxit.

EXORDIUM *ab adjunctis iudicii*. 1. *Excusat* suum timorem a forma iudicii inusitata, cum non corona civium, sed militum frequentia stipati sint. 2. *Confirmat* iudices, quia et praesidia contra Clodianos adhibita sint, et reliqua civium multitudo Miloni saveat. (cap. 1.). 3. *Hortatur* iudices ad constantiam, eo quod virum bonum contra perditos cives tueri debeant, et sua atque Milonis sorte ad misericordiam flectit. 4. *Proponit* assumptum: *non se postulaturum, ut Milo absolcatur, eo quod mors Clodii reipublicae satus fuerit, sed ideo tantum, quod Milo vitam suam a Clodio defenderit*. (cap. 2.)

CONFUTATIO. Ut demonstret, hoc unum in iudicium venire: uter utri insidias struxerit, *tria praejudicia* ab adversariis jactata refellit:

I. Negabant Clodiani, ullam defensionem superesse illi, qui hominem a se occisum esse lateretur.

Respondet Cicero, (praemisso exemplo Horatii, qui cum sororem occidisset, populi comitiis liberatus est.)

1. interdum hominem (etiam privata auctoritate) jure interfici; et probat auctoritate a) iudiciorum, b) clarorum virorum, qui cives sceleratos occiderunt, c) duodecim tabularum, quae furem nocturnum vel diurnum armatum interfici permittunt. (cap. 3.)

2. id autem maxime licere, cum vi vis illata defendatur; quod confirmat a) exemplo militis a. C. Mario absoluti; b) sensu naturae communi; c) lege de sicariis. (cap. 4.)

II. Dicebant adversarii Milonem jam a senatu fuisse condemnatum, quippe qui judicasset, caedem in via Appia contra rempublicam esse factam.

Respondet 1. Senatus potius et sententiis suis et studiis causam Milonis probavit, ita quidem ut tribunus plebis conqueri soleret, senatum non quod sentiret, sed quod vellet Cicero, decernere.

2. Judicavit, non senatus tantum, sed ipse etiam Cicero, caedem in via Appia contra rempublicam esse factam, quia omnis vis contra cives, etsi necessaria, contra rempublicam fieri censenda est. (cap. 5.)

III. Tertium praepjudicium dicebatur Pompeji, qui in gratiam Clodii novam legem (de non usitata forma iudicii) tolerat.

Respondet 1. Pompejus iudicium haberi voluit de eade Clodii, quam Milo confitebatur; ergo etiam in confessione facti juris tamen defensionem suscipi posse vidit.

2. Novam quaestionem constituit in gratiam temporis, non Clodii. Nam in gratiam Clodii constitui non potuit, nisi vel insignis Clodii dignitas requireret, vel quia in monumentis majorum suorum occisus est; atqui a) pro nullis etiam nobilissimis civibus, ut Druso, Africano, Pompejo, Cicerone nova quaestio concessa; multo minus pro Clodio; (nota illustrem *ironiam*.) b) scelera a Clodio in illis majorum suorum monumentis commissa ideo non censentur atrociora; ergo neque mors ejus censeri debet. Accedit, quod Pompejus optimos viros iudices elegit, et ideo nequaquam, ut jaectant adversarii, Ciceronis amicos omisit. (cap. 6. 7. 8.)

Sequitur *NARRATIO*, in qua exponit, quo consilio et qua occasione Clodius Miloni insidias struxerit, et utriusque apparatus atque ipsam denique pugnam describit. (cap. 9. 10.)

CONFIRMATIONIS PARS PRIOR,

in qua demonstrat, jure Clodium a Milone occisum esse, quia non Milo Clodio, sed Clodius Miloni insidiatus est. — Antequam vero in causam ingreditur, rursus ejus statum declarat. (cap. 11.) Argumenta autem ducit.

1. *a causa*. 1. Clodio Milonis mors utilis, non item Clodii mors Miloni. Nam Milone non solum vivo, sed etiam consule Clodius non potuisset in praetura exsequi, quae cogitabat : (hic orator leges, quas laturus erat Clodius, commemorans ad majorem invidiam Clodio conflandam, per digressionem invehit.

tur in Sex. Clodium, Publii librarium et ejusdem sepulturae auctorem : —) Milo contra vivo Clodio a populo desiderabatur consul, ut illius furores constringeret; eo mortuo communi via honores petere debebit.

2. Milo Clodium segetem gloriae suae non oderat; sed ode-
rat quam maxime Clodius Milonem, qui cum cobibebat, et cujus
insuper lege Plotia reus erat. (cap. 12. 13.)

II. *ab adjunctis personarum.* Clodius omnia per vim facere
consueverat; nihil unquam Milo. Pars prior probatur *enumeratione*
brevi facinorum, quae Clodius vel commisit, vel tentavit;
pars altera ita tractatur, ut crescat argumentum *comparatione a*
majori. Multae et praeclarae occasiones erant Miloni Clodium
interficiendi; qui igitur opportuno tempore per vim agere no-
luit; is multo minus credendus est nunc voluisse, cum amplis-
simi honoris contentio et dies comitiorum subesset. In conclu-
sione Clodii audaciam denuo exaggerans paucis addit, illum
Miloni mortem praenuntiasset. (cap. 14. 15. 16.)

III. *ab adjunctis itineris, temporis et loci.* 1. Milonis iter ne-
cessarium erat, scilicet ad flaminem Lanuvii prodendum, et
notum multis, nominatim T. Patinae Clodii familiarissimo. Contra
Clodii iter alienum, cum eo die a tribuno plebis, suo mercena-
rio, concio turbulenta concitaretur; reditus autem ejus notus
Miloni esse non potuit; quia ipsi servi Clodii testantur, eo die
Clodium non fuisse rediturum, sed consilium repenter mutasse.

Objectio. Ergo ne Clodius quidem de insidiis cogitavit. — *Respon-*
det: Ratio, cur consilium mutaret, non erat illa, quam servi dicunt;
sed quia nuntiatum ei erat de Milonis itinere. (cap. 17. 18.)

2. Nulla erat Clodio causa iter sic disponendi, ut noctu Ro-
mam veniret; contra Milo insidiaturus prope urbem nocturno
tempore Clodium expectasset.

3. Praesertim cum hic locus prope urbem latronum plenus,
et is esset, ubi Clodius multos violavit et bonis expulit. Ergo
Milo vel hoc loco vel certe inter Ariciam et Albanum inimicum
aggressus esset.

Argumenta, quae lucusque exposita sunt, referri possunt ad
adjuncta *ante factum*; priusquam vero ad *factum ipsum* tran-
sit, orator illa pressa oratione omnia simul ante oculos ponit.
(cap. 19.)

IV. *ab adjunctis ipsius caedis*. 1. Locus pugnae non Miloni, sed Clodio favebat.

2. Milonis apparatus et comitatus ad insidias et pugnas impeditissimus; Clodii contra.

Hic occurrit *prolepsi* : Cur igitur victus est Clodius? ostendens id non una de causa fieri potuisse. (cap. 20. 21.)

V. *ab iis quae caedem consecuta sunt*. Incipit autem a refutatione :

Objectio 1. Milo servos manumisit. — *Respondet* 1. Non ideo manumissi sunt, ne tormentis adacti contra Milonem testarentur. Nam qui torquentur, de facto, non de jure interrogantur; *atqui* factum Milo confitetur. 2. Ideo manumissi sunt, quia, ut Cato sapienter in concione dixit, non libertate solum, sed omnibus praemiis digni fuerunt, qui domini caput defendissent.

Objectio 2. Urgent Milonem quaestiones habitae in atrio libertatis. — *Respondet* : Quaestiones istae habitae sunt de servis Appii accusatoris; atqui quaestio de servis in dominum contra leges est; quanto igitur magis quaestiones de servis accusatoris in reum? Augetur argumento *a persona Appii*, qui ipse illam quaestionem instituit, et *a vi* servis illata, ubi nota brevem sed pulcherrimam *prosopopoeiam*. (cap. 22.) Jam transit ad novum

Argumentum : Milo magna constantia statim Romam rediit, et populo, senatui, praesidiis publicis et ipsi Pompejo se commisit, (nota *gradationis* figuram); atqui nisi innocens, id ausus non esset, quia magna vis conscientiae. Confirmat conclusionem a) auctoritate senatus, qui ea de causa Milonem innocentem judicavit; b) *a contrario* : Omnes, qui Clodium a Milone non necessitate, sed ultro, sive privata, sive publica causa occisum putabant, Milonem in exilium iturum dicebant; c) multa alia crimina postea in Milonem congesta sunt, quae nocentem non potuissent non exterrere. Sed haec etiam eo spectant, ut sicut reliqua crimina in Milonem congesta falsa comperta sint, ita crimen insidiarum falsum esse videatur. (cap. 23. 24.)

Ultimo loco de *suspicionibus Pompeji* agit.

1. Totam rempublicam armari et Pompejo committi metu unius hominis, non est probabile; ergo non in Milonem, sed ad omnes reipublicae partes sanandas haec potentia parata est.

2. Milo et iis, quae antea gesta sunt, Pompejo amicissimus

cognoscitur, et nunc paratus est, nisi se purget Pompejo, in exilium ire : — admonens tamen Pompejum rerum humanarum inconstantiae.

3. Pompejus cum, comniissa sibi a senatu republica, jure proprio punire Milonem posset, judicium non instituisset, si eum condemnatum vellet. (cap. 25. 26.)

CONFIRMATIONIS PARS ALTERA,

in qua ostenditur, Milonem absolvendum fore, etiamsi non sui defendendi causa Clodium occidisset.

Argumentum I. Quia Clodius perniciosus et sceleratus civis fuit.

Argumentatio : Cives, qui rempublicam perturbabant, a viris fortibus non modo impune, sed gloriose quoque interfecti sunt; (quod probatur exemplis Sp. Maelii et Tib. Gracchi); atqui Clodius 1. multo magis, quam hi, rempublicam afflixit, (quod ostenditur longa enumeratione scelerum ab illo admissorum); — 2. extrema quaeque civibus paravit; ergo. — (Nota insignem *prosopopoeiam*, qua Milonem de hoste patriae a se occiso gloriantem inducit.) (cap. 27. 28.)

Argumentum II. Quia mors Clodii universae civitati laetitiam attulit.

Argumentatio : Populus in Clodii morte, ut vix in clara aliqua victoria, laetatus est, et jam sperat se bona visurum, quae vivo Clodio visurus non erat. Hoc ita esse ostenditur *prolepsi* : non soli Ciceroni, inimico Clodii, sic videtur; sed neque judices, neque Pompejus, reviviscere Clodium ullo pacto vellent; (ubi nota ingeniosam *fictionem*.) Atqui ei, qui communis libertatis et laetitiae auctor est, non poena sed praemia debentur; quod confirmatur Graecorum exemplo, qui ejusmodi viris deorum honores tribuunt. Ergo Milo, si sponte Clodium occidisset, summis praemiis dignus esset, et proinde factum suum confiteretur, ut, si grata esset respublica, laetaretur; si ingrata, sua conscientia niteretur. (cap. 28. 29. 30.)

Argumentum III. Quia mors Clodii non ab humano consilio, sed a deorum numine repetenda est.

Argumentatio : Inprimis esse in mundo numen divinum brevissime ne probat a mundi optima constitutione, majorum auctoritate, et *comparatione a minori* : si in corpore humano mens inest, etsi non videatur, multo magis in mundo.

Deinde ostendit a diis Clodium ad supplicium tractum esse
 1. *ab adjunctis loci*, quia occisus est ante lucos Albanos, velut in conspectu Jovis Latiaris et ante ipsum sacrarium Bonae deae; (nota illustrem *apostrophem*). — 2. *a consequentibus*, quia deorum ira accidit, ut suorum satellitum furore sepultura privaretur. (cap. 31. 32.)

Sequitur *epilogus* posterioris partis, in quo argumenta a persona Clodii sumpta repetendo amplificat: Scelestus hic homo jam universae reipublicae perniciem parabat, (nota praeclaram amplificationem *per congeriem*); nemo nisi Milo ei resistebat; ergo nisi dii illum impulissent, ut Miloni insidiaretur, respublica perierat; quam conclusionem confirmat et amplificat ab incendio curiae. (cap. 32. 33.)

PERORATIO, in qua iudices ad misericordiam movet, argumenta sumens

1. *a persona Milonis*, utpote viri a) *constantis*: si Milo in ipso iudicio non commoveri videatur, eo magis misericordia dignus est; quippe id constantiae tribuendum, qua patria etiam carere contentus est, modo beata sit. (Nota *prosopopoeiam*.) — b) *bene meriti*: inde jam mala omnia ei imminet, unde bona sperare debebat; c) *sapientis*, qui ipsa recte facta, non recte factorum praemia, aut certe non aliud praemium, quam gloriam sequebatur: hanc vero amplissimam consecutus est.

2. *a persona Ciceronis*, a) cui carissimum virum non inimici, sed amicissimi (iudices scilicet) eripiunt; b) qui fecit pro Milone, quae potuit, et paratus est pro eo extrema pati.

3. Postquam Milonem, qui his lacrymis non movetur, propter fortitudinem ipsis etiam militibus commendavit, redit postremo ad ea, quae et de Milone et de se commendavit, dolorem animi effundens. (cap. 34 — 38.)

IV.

EJUSDEM ORATIO PRO LEGE MANILIA.

(Vide pag. 203.)

V.

BOSSUET ORATIO

DE VIRGINE IN COELUM ASSUMPTA.

Textus. Quae est ista, quae ascendit de deserto, deliciis affluens, innixa super dilectum suum. Cant. 8, 5.

EXORDIUM a nexu inter mysterium Virginis assumptae et Verbi incarnati. Ut enim Dei Filius in Virginis uterum descendens ab ea accepit vitam mortalem, ita eam ad se in coelum assumens vita donavit gloriosa: de quo laetantur Angeli nosque cum ipsis. Neque tamen hanc coelitum laetitiam aut Virginis gloriam orator enarrandam, sed, ut cum magnitudine Mariae vitae exempla ostendat, demonstrandam assumit hanc

PROPOSITIONEM: Virtus Mariae gloriae, quam nacta est, causa fuit.

PARTITIO: Ut ad hanc gloriam perveniret, necesse fuit:

I. ut mortalitate exueretur; atqui hoc effecit in ea *amor divinus*;

II. ut immortalitate donaretur, et hoc contulit *virginalis puritas*;

III. ut super omnes coelitum ordines sublevaretur, quod meruit *humilitas*.

PARS I.

Christus moriendo mortem vincens universo generi humano hanc statuit legem, ut nemo ad vitam nisi per mortem veniret. Qua de causa si Maria quoque mori debuit, non tamen mortua est vulgari modo, sed vi amoris in Filium. Quod ut probet, orator duo demonstrat:

I. Singularis prorsus et summus fuit Virginis Matris in Filium amor.

Ostenditur 1. a *natura* hujus amoris. Maria in filio Deum, et in Deo filium suum amavit; itaque, ut Amaedeus, Episcopus Lausoniensis, loquitur, *duae dilectiones in unam contenerant, et ex duobus amoribus factus est amor unus*. Sed amor matris in filium est maximus quem natura, et amor hominis in Deum, maximus, quem gratia generat; prorsus igitur singularis esse debuit dilectio Virginis, in qua uterque hic amor conjunctus erat.

2. a *causa* amoris. Filius, quem genuit Maria, idem est, quem gignit Pater aeternus, *cum quo solo et est generatio ista communis*, (S. Bern. Sermon. 2. de Annunt. B. V. M.); neque eum genuit naturali foecunditate, sed virtute Altissimi obumbrante. — Atqui Deus, qui Filium cum ea communem habere, eamque sua virtute foecundam reddere voluit, procul dubio etiam amorem dedit similem ei, quo ipse Filium diligit. — Ergo amor Mariae communem amandi modum ita superavit, ut nos eum ne cogitatione quidem assequi possimus.

2. Hic amor suapte natura tam singularis incredibiliter auctus

est, cum Maria diu eum perfectissimo quodam modo exerceret, et Filii in se amorem, novis continue donis aucta, experiretur.

II. Ex hoc amore post Jesu ascensionem non potuit non ingens desiderium, ut cum Filio conjungeretur, nasci.

Quod tum ex *natura* amoris infertur, tum *exemplis a minori* illustratur; exemplis scilicet *S. Pauli*, qui desiderabat mori, *ut esset cum Christo*; uxoris *Tobiae* filii reditum anxio desiderio praestolantis; *martyrum*, qui sanguinem fuderunt, ut ad Christum pervenirent; *Simeonis* prophetae, qui *viso saluari Dei in pace dimitti* cupiebat. — Unde colligit orator, mirum esse, quod Maria post Filii ascensionem tot annos superstes fuerit. Sed nimirum voluit Deus, ut ejus amor undequaque perficeretur, nec nisi cum ad summum pervenisset, purissimum spiritum e corporis ergastulo educeret.

Sequitur *amplificatio* per suavissimam textus *paraphrasin*, (in qua nota *translationem continuatam*.)

Concludit orator documento vitae: Qui, cum hujus vitae bonis frui conceditur, nihil praeterea desiderant, divinum Redemptorem minime diligere probantur. Illi amant, qui terram relinquere anhelant. Quare sibi auditores provideant: nam, ut Augustinus monet, *qui non gemit peregrinus, non gaudebit ceteris*. (In Psal. 148.)

PARS II.

Hujus partis assumptum orator probat hoc syllogismo; *Major*: Virginalis Mariae puritas excellens fuit. — *Probat*: Cum Jesus, sponsus virginum, matrem sui similem vellet, eam non solum a peccati labe, sed ab ipso peccati fomite immunem servavit. — *Minor*: Atqui talis puritas I. carnem Mariae a corruptione exemit. — *Probat*: Causa, cur etiam Sanctorum caro corrumpatur, haec est, quod peccati fomite infecta tota immutari et renovari debet, ut regnum Dei possidere queat. Atqui caro Virginis semper pura nulla renovatione egubat: ea ergo corrumpi non debet.

2. resurrectionem ante commune tempus obtinuit.

Illustratur similitudine terrae optime cultae, quae fruges ante tempus edit, et *confirmatur* amore Jesu, qui virginali puritate affectus quondam *in Mariae utero*, ut Tertullianus loquitur, *radicem egit*, ideoque nunc procul dubio eandem virginalem carnem gloriosam reddere festinat.

3. corpori Mariae resuscitato singularem gloriam contulit.

Probatur : De resuscitatis Jesus : *Erunt sicut Angeli Dei* (Matth 22, 30), quare carnem eorum Tertullianus vocat *angelificatam*. Sed hoc prae ceteris virtutibus confert virginitas, quae, ut ait S. Augustinus, *habet aliquid jam non carnis in carne*. Quodsi in hac vita homines reddit Angelis similes, multo magis in altera. Tanto igitur majore claritate Mariae corpus fulget, quanto ipsa ceteras virgines puritate vicit. — *Amplificatur* expositione sententiae Scripturae : *Mulier amicta sole*. (Apoc. 12, 1.)

Adhortatio, ut, qui virginitatem colunt, de sua sibi sorte gratulentur, memores tamen apostolici moniti : *Habemus thesaurum istum in vasis fictilibus*. (2. Cor. 4, 7.)

PARS III.

Humiles iis, quae possident, voluntarie se spoliant, sed majora a Deo recipiunt : *tanquam nihil habentes et omnia possidentes*. (2. Cor. 6, 10.) Hoc in Maria ostenditur :

I. Possidebat 1. excelsam Dei Matris dignitatem, et pro ancilla haberi voluit ;

2. admirandam puritatem, et mixta est mulieribus immundis ;

3. Jesum, et eo quoque privari sustinuit. — Hoc tertium orator paulo fusius tractat, expendens verba Christi : *Mulier, ecce filius tuus*. (Joann. 19, 26.) Jam non matrem, sed mulierem appellat, et ad pietatis officia, quae ipse praestiterat, hominem delegat. — *Amplificatur* : Conqueritur Maria, quod a Filio deseratur ; respondet Jesus : *Ecce filius tuus. O commutationem !* (S. Bern.) Maria tamen acquievit, indignam se judicans, quae Deum Filium haberet.

II. Sed haec ejus animi summissio a Deo magnifice remunerata est.

1. Ancillam se fecerat, et datum est ei imperium in universa creata ;

2. ut mulier immunda comparere voluit, et data est ei potestas intercedendi, *refugium facta peccatorum* ;

3. Filio se crucis morte privari sustinuit, et illum gloriosum recepit : *Ecce jam ianixa super dilectum suum ingreditur*. (Nota apostrophem.)

Amplificatio. Appellat orator coelos, ut novo concentu Virginis triumphum celebrent ; et audire sibi videtur Patriarchas et Prophetas repetentes quae aliquando de Matre Virgine vaticinati sunt :

Moysem (Num. 24, 17.), *Isaiam* (7, 14.), *Ezechielem* (44, 2.), *Davidem* (Ps. 44, 10. 14 — 16.), sed imprimis ipsam *Mariam* (Luc. 1, 46 — 48.)

PERORAT adhortando fideles, ut gloriosae Virginis auxilium implorent, et verbis utens S. Bernardi: *Quis tam idoneus ut loquatur ad cor Domini nostri Jesu Christi, ut tu felix Marta? — pro se et auditore precatur.*

VI.

BOURDALOUE ORATIO DE AMBITIONE.

(Quadr. Tom. 1.)

Textus. Respondens autem Jesus dixit: Nescitis quid petatis. Potestis bibere calicem, quem ego bibiturus sum? Dicunt ei: Possumus. Ait illis: Calicem quidem meum bibetis: sedere autem ad dexteram meam vel sinistram, non est meum dare vobis. Matth. 20, 22. 23.

EXORDIUM ex Evangelio: Redemptor divinus discipulos assumpsit, qui hujus vitae honores ambiebant, ut eos corrigens nos quoque doceret. Quod imprimis in hac de filiis Zebedaei narratione cernitur, et eo magis auditoribus observandum est, quod ambitionis vitium inter aulicos, (ad quos haec oratio habetur), maxime dominatur.

PROPOSITUM oratoris est, ex Jesu Christi verbis demonstrare, quanta sit ambitionis perversitas.

NARRATIO et PARTITIO: Verba, quibus Magister divinus discipulis primos honores postulantes respondet, tria documenta continent:

I. Solius Dei est, honores deferre: *Sedere autem ad dexteram meam vel sinistram, non est meum dare vobis, sed quibus paratum est a Patre meo.*

II. Qui honores administrant, tenentur aliorum commodis servire: *Qui voluerit inter vos major fieri, fiat sicut minor; et qui praecessor est, sicut ministrator.*

III. Obligantur iidem ad multam tolerantiam: *Potestis bibere calicem, quem ego bibiturus sum?*

Atqui ambiciosi honores tanquam bona mere humana, eoque animo quaerunt, ut superbum in alios dominatum exercent, ipsi vero vitam mollem et jucundam agant.

Ergo tria illa Christi documenta ambitionis turpitudinem et tristes effectus praeclare revelant.

NOTANDUM. In singulis partibus orator duo facit : primum demonstrat veritatem sententiae, quam de honoribus verbis Jesu Christi statuit; deinde ostendit, quantopere cum ea pugnent ambitiosorum studia et vitae rationes.

PARS I.

I. Solius Dei est, honores deferre.

Probat a genere. Nullum vitae genus homo eligere debet, nisi ex Dei voluntate; nam id postulat et Dei in res humanas suprema potestas, et ipsius hominis bonum, eo quod vitae conditionem praeter Dei voluntatem eligens divinae gratiae auxiliis se ipse privat, et multis ac gravissimis periculis objicit. — Atqui si de omni vitae genere, multo magis ita de honoribus existimandum est, dicente Apostolo: *Nec quisquam sumit sibi honorem, sed qui vocatur a Deo.* (Hehr. 5, 4.) Si enim omnia a Deo disponi debent, multo magis summa; et si homini omne vitae genus praeter Dei voluntatem electum periculosum est, multa magis honores.

II. Sed ambitiosi quaerunt honores sine ullo ad Dei voluntatem respectu. (Praemittit orator *distributionem* eorum, quae sequuntur :)

1. Nituntur ad honores etsi ad eos administrandos nec rati, facti, nec divina gratia instructi sint. — *Amplificatio.* Vitam humilem coenobitae non esse nisi vocante Deo eligendam fatentur; sed ad munera gravissima, quibus vix sanctissimi viri sine periculo funguntur, se ipsi destinant, spernentes Christi verba et S. S. Patrum severa monita. Denique hoc profano modo etiam ipsas Ecclesiae dignitates vel sibi vel liberis expetunt.

2. Nituntur ad honores non virtute et meritis, sed ambitu, fraudibus, turpitudine.

3. Petunt munera etiam sanctissima tanquam natalium suorum splendori debita. — *Amplificatur comparatione a majori:* Moyses ausus non est, qui sibi succederet, designare, aut (Philonis sunt verba) quia non putavit rem tantam ad suum pertinere iudicium, aut quia ipse non potuerat nisi Deo vocante principatum suscipere. Contra isti ambitiosi cum principibus, quos notat David : *Hacreditate*, inquirunt, *possideamus sanctuarium Dei.* De quibus

orator indignabundus cum eodem Davide : *Deus meus, pone illos ut rotam, et sicut stipulam ante faciem venti.* (Ps. 82, 14.)

4. Petunt honores tanquam meritis suis debitos. — Sed quod bene meruisti in alio munere, ad haec summa gerenda aptus non es; non sunt autem remuneranda bene facta potestate male faciendi.

5. Parentes haec munera, quae coelitus deferenda sunt, liberis suis usurpant, quo his opitulentur et honorifice provideant. Exponitur comparatione cum uxore Zebedaei : *Dic, ut sedcant hi duo filii mei unus ad dexteram tuam, i. e. ecclesiastica, alter ad sinistram, i. e. civili dignitate conspicuus.* — *Augetur* : Hoc ipso, quod quis nobilis familiae filius natus minor sit, ad munera ecclesiastica inde a cunis destinatur : quin etiam, quod deplorat Salvianus : *nunc nulli Deo magis videntur, quam quos parentum pietas minus respicit; et qui indigni censentur haereditate, digni judicantur consecratione.*

Conclusio. Jam igitur mirari desinamus, si Deus tanti sacrilegii poenas exigit, si honores cum sacri tum profani tam saepe pessime administrantur. Sed hanc doctrinam ab audientibus recipi orator desperans sermonem ad Deum convertit, cum Isaia conquerendo : *Domine, quis credidit auditui nostro?* (53, 1.)

PARS II.

I. Qui honores administrant, aliorum commodis servire oportet.

Probatum 1. ex rei natura. Quaeconque in rebus humanis alta sunt, a Deo sunt in aliorum utilitatem ordinata; unde S. Ambrosius infert, hominem non dominari nisi ut serviat. Et licet, ut constat ex Evangelio (*Principes gentium dominantur eorum*), ethnici hanc doctrinam communiter non sequerentur, veritatem tamen ejus vel solo rationis lumine noverant, docente Aristotele, reges non in suam, sed in populorum utilitatem maiestate donatos esse. — Atqui si id de regio, multo magis de aliis honoribus statuendum est. Quare S. Bernardus : *Praees, non ut de subdilis creascas, sed ut ipsi de te;* et cum S. Augustino inferendum, eos, qui potestate non in aliorum, sed in sua commoda utantur, pervertere ordinem a Deo constitutum.

Probatum 2. et augetur exemplo divini Redemptoris, qui venit non ministrari, sed ministrare (Matth. 20, 28.); unde concludit S. Chrysostomus, ab ambitiosis affectari imperium, quale nec

ipse Dominus Christus exercuit; et S. Bernardus praepositos monet: *Forma evangelica haec est, domnatio vobis interdicitur, indicitur ministratio*. S. Augustinus denique de se ipso profitetur: *Quod christiani sumus, propter nos est; quod praepositi, propter eos*, et sapienter adjungit, ita inter homines natura pares conditionis disparitatem compensari.

II. Ambitiosi potestate abutuntur, ut in alios superbe dominentur.

Postquam orator rationem agendi superborum paucis exposuit

1. *refutat* excusationem, qua se defendunt, ita sibi agendum esse dicentes, ut officium exsequantur, ejusque tueantur dignitatem. Respondet a) si studio exsequendi officii ducerentur, non minus gnaviter et fortiter agerent, ubi labor subeundus, ubi comiter et demisse agendum est; b) ut officium exsequantur, ejus jugum aliis non debent intolerabile efficere; c) qui in tuenda dignitate christianae humilitatis et charitatis immemores sunt, nunc arrogantia nunc vindictae studio ad nefanda haud raro impelluntur.

2. *deplorat*, id vitii reperiri etiam in hominibus, qui pietatis studium prae se ferunt, quin etiam in Ecclesiae ministris, qui cum a Christo potestatem acceperint, humilitatem tamen Christi non imitentur.

Concludit graviter omnes monens, ut Christi praeceptum servent: *Qui major est inter vos, fiat sicut minister*; excusans etiam libertatem dicendi, populis obedientiam, quam debent praepositis, inculcandam; sed vicissim iis, qui honoribus funguntur, ea, quae populis debent, libere edisserenda.

PARS. III.

I. Qui honores administrant, ad multam tolerantiam obligantur.

Probat 1. *universe* verbis Christi: *Potestis bibere calicem, quem ego bibiturus sum*; unde S. Augustinus infert, perperam in hac vita quaeri honores, quibus non sit mixtus dolor.

2. Casus fortunae adversi saepe de prosperitate dejiciunt, aut saltem vehementer angunt et affligunt. — Hoc argumentum figura *praeteritionis* tractat; deinde iis quoque, qui fortunae constantia gaudent, multa esse toleranda, sic confirmat:

3. Ut quae ex muneris officio debent, rite exsequantur, labor multus subeundus, incommoda multa ferenda sunt.

4. Saepe et multum iis patiendum est ab aliorum sive vitiis sive erroribus. *Illustratur exemplo Moysis*. Nisi qui hujus mansuetudinem et patientiam, vim sibi inferens, imitetur, officium implere saepissime non potest.

5. Vitam sollicitudinis plenam agant necesse est, ut cum Davide dicant : *Tributatio et angustia invenerunt me.* (Ps. 118, 143.) Quare S. Bernardus : *Non est, inquit, quod blandiatur celsitudo, ubi sollicitudo major.*

6. Prompti denique sint oportet, se ipsos immolare. Accidit enim ut officio satisfacere nequeant, nisi pro justitia, innocentia, sacra religione et Dei gloria se martyrum instar devoteant. Hoc difficile, sed a Deo sapienter dispositum, ut scilicet, *qui multum datum est, multum exigatur ab eo.*

II. Ambitiosi, cum honores adepti sunt, vitam mollem et inertem agunt.

Hic orator ambitiosos ipsos appellans vitam eorum graphice describit, quo scilicet pacto laborem declinantes otio se dedant, et curas dimittentes oblectamenta captent; auctoritate vero sua non utantur nisi ad cupiditates explendas. Quare graviter eos coarguit, quod rerum ordinem a Deo dispositum invertant, in eosque quadrare ait S. Bernardi effatum : *chimaera seculi sum;* etenim sunt magistratus, sunt praelati, eo quod muneris honorem et insignia habent, et tamen non sunt magistratus, non sunt praelati, quia muneris officium non exsequuntur.

PENONAT brevi precatione, Deum obtestans, ut Evangelii veritate illuminet, qui rerum humanarum vanitate caecati sunt, ne mortalis honoris ambitu immortalis gloriae jacturam faciant.

VII.

SEGNERI ORATIO DE TRISTI STATU PECCANTIUM.

(Quadrage. orat. 28.)

Textus. Quis ex vobis arguet me de peccato? Joan. 8, 46.

EXORDIUM ab exemplo. I. *Narrat exemplum.* Cum Carolo VII, regi Galliae, bellum esset cum Anglis, missus est ad eum militum dux, qui de cladibus acceptis et periculo provinciis imminente nuntiaret. Rex ludis intentus legatum post longam moram admissum per aedes regias circumduxit, ut apparatus festorum dierum contemplaretur. Qui interrogatus, quid de his sentiret :

Nemo, inquit, alius tam laetus, quam tu, o rex, jacturam suorum fecerit bonorum. — 2. Exemplum in rem suam accommodat. Bona omni regno majora amittit homo peccando; et tamen qui peccaverunt, ludis et jocis hilares intendunt. Quodsi statum suum, qualis sit, intelligerent, amaris lacrymis defferent, nec quiescerent, donec amissa recuperarent. — Hoc ut efficiat, orator demonstrandum assumpsit :

PROPOSITIO. Mirum est, eos, qui peccaverunt, unquam posse laetari.

PARS I.

in qua propositio duplici serie argumentorum probatur, scilicet a bonis amissis, et a malis imminetibus.

Argumentum I. Quia amiserunt excelsam dignitatem.

Argumentatio : Erant non solum servi, sed etiam amici et filii Dei divinae consortes naturae, (nota *gradationis* figuram); sed admissio peccato audiunt a Deo : *Nescio vos*. — *Amplificatur* conclusio comparatione *a minori* : cum Esau perdidisset jura primogeniti, *irruit clamore magno*; et vos, qui omni filiorum jure exspoliati pro benedictione maledictionem sortiti estis, laetitia gestitis ut Jacob.

Argumentum II. Quia Deus ab iis recessit.

Argumentatio : Deus proprio quodam et singulari modo in justis habitat, sed *longe est Dominus ab impiis*, (illustratur per *similitudines*); atqui ut justis per illam Dei praesentiam omnia sperare possunt, ita impii cum illa omnia perdiderunt. Utrumque conglobatis exemplis Scripturae probatur et amplificatur.

Argumentum III. Quia amiserunt ante actae vitae merita.

Probatur verbis Scripturae : *Si averterit se justus a justitia sua..... omnes justitiae ejus, quas fecerat, non recordabuntur.* (Ezech. 18, 24.) — Quanta sit haec vis peccati deletrix, ostenditur *enumeratione* Sanctorum, qui alius alio virtutis genere eminere, inferendo ex sententia Scripturae allata, si, qui peccant, hos ipsos Sanctos virtute et merito superassent, tamen peccato vel uno admissio et non expiato perdita fore omnia; (*subjectio et repetitio*). Et post tantam jacturam exsultant, *sicut exsultant victores capta praeda, quando dividunt spolia.* (Is. 9, 3.)

Argumentum IV. Quia amiserunt etiam facultatem merendi.

Hoc argumentum orator cum praecedenti necit et utrumque

simul *illustrat similitudine* agricolae, qui pomarium optimis et rarissimis arboribus consitum, et multo labore cultum, una nocturna tempestate reperit devastatum. Atqui major est jactura, quam peccantes faciunt, cum fructibus etiam germina et radices amittentes, gratiam scilicet sanctitatis et virtutum habitus. — *Confirmatur et amplificatur* sententiis Scripturae, ut : *Radice eorum exsiccata est.* (Ose. 9, 16.) — et similitudinibus, quibus Scriptura miserabilem peccantium statum exprimit.

Antequam orator ad alterum genus argumentorum transit, ad hactenus tractata amplificanda describit *diem planctus* Judaeorum, de quo refert S. Hieronymus, (In Soph. c. 1.) Licitum non erat Judaeis, ingredi Jerusalem nisi recurrente anniversario die, quo civitas a Romanis capta fuit. Hoc vero ipso die, ut ruinam suae eis flere liceat civitatis, pretio redimunt, ut qui quondam emerant sanguinem Christi, nunc emant lacrymas suas. Videas igitur confluere populum lugubrem, in habitu suo iram Domini demonstrantem, et sonantibus tubis obire dirutae urbis plateas, plangere templi sui ruinas, ululare super cineres sanctuarii et super altare destructum. — Adhuc fletus in genis et livida brachia et sparsi crines, et miles mercedem postulat, ut illis flere plus liceat. Et dubitat aliquis, cum haec videat, de die tribulationis et angustiae, de die calamitatis et miseriae etc. — Haec, quae per se ipsa plurimum valent ad incutiendum divini judicii horrorem, orator diffusius exponit, et deinde in rem suam traducit *comparatione a minori* : Judaei, ut templi jacturam flere sibi liceat, pecunias largiuntur, ludibria plebis et militum insolentiam sustinent; vos autem, qui non templum Dei, sed Deum templi perdidistis, tripudiatis. Currunt dies, menses anni, nec vos delictorum memoria compungit; monent oratores, expectant sacerdotes, at vos non solum non rogatis, ut plangere liceat, sed nec plangitis rogati. Jam ergo ipse plangit orator miserabilem ejus animi statum, in quo Deus non est, et Dei dona extincta sunt.

Argumentum V. Quia Deum adversarium habent.

Argumentatio — a minori ad majus : Romanus quidam, audito Tullium sibi in judicio contrarium fore, desperabundus se occidit; at multo magis timere debent, qui in causa, ubi de aeterna salute agitur, Deum habent adversarium. — *Augetur* : At non agitur causa, sed, delicto vix admissio, sententia lata

est : *Dilatavit infernus animam suam.* (Is. 5, 14.) Quis hac aperta voragine rideat?

Argumentum VI. Quia sub tali sententia constitutis mors undique impendet.

1. *Probat* similitudine a S. Augustino usurpata : Ut injuria, domino illata, tota familia irritatur, (exemplum Davidis a Semei maledictis laessiti); ita universa creata Deum pro acceptis injuriis ulcisci cupiunt. *Amplificatur* enumeratione rerum creatarum, quae per prosopopoeiam repetunt : *Vadam et amputabo caput ejus.* (2. Reg. 16, 9.)

2. *Confirmat a causa* : antequam homo peccasset, nulla poterat ei res creata nocere; sed homine contra Deum insurgente, *omnia armata sunt in ultionem*; et hinc est, quod multo saepius impiis, quam justis mortem inferant : *Bestiarum dentes, et scorpia, et serpentes, et rhomphaea vindicans in exterminium impios.* (Eccli. 39, 36.)

3. *Concludit* exaggerando multiforme vitae discrimen, in quo peccantes versantur, et cum S. Chrysostomo interrogando : *Quae possit illis esse voluptas, ubi metus... ubi tantorum malorum expectatio, ubi barathrum et deportatio?*

Argumentum VII. Quia in his periculis ab Angelis sanctis non eustodiuntur.

Justos Angeli non solum protegunt, sed iis mira quadam comitate velut serviunt; sed impios, qui Deum injuriis afficiunt, etsi non plane derelinquant, tamen peculiari illa, qua indigent, ope destituunt, nominatim vero non illuc sequuntur, ubi isti scelus committunt. (Nota descriptionem : *Angeli pacis amare stent.*) — Atqui ab Angelis, quorum est maxime nos protegere, derelictos quis ex tot periculis eripiet?

Amplificatur similitudinibus navigii gubernatore, currus auriga, ovis pastore, caeci duce destituti.

Argumentum VIII. Quia nec precibus nec bonis operibus ab his se periculis liberare ipsi possunt.

1. *Non precibus. Probat* a) effato divino : *Cum multiplicaveritis orationem, non exaudiam* (Is. 1, 15.); b) exemplo Antiochi, qui ideo non est misericordiam consecutus, quia non delictorum veniam, sed sanitatem petebat. — *Augetur* : Impiorum preces non modo non exaudiuntur, sed Deo invisae sunt :

Qui declinat aures suas ne audiat legem, oratio ejus execrabilis. (Prov. 28, 9.) — Ideo David, ut exponit S. Chrysostomus, omnes res creatas, ipsos etiam serpentes et dracones ad Deum laudandum invitat; *solus peccator ab hac sacra chorea excluditur.*

2. *Non operibus piis* : quod inferitur ex dictis, et figura *subjectionis* expolitur; confirmatur sententiis Scripturae et amplificatur *enumeratione*.

Nota circumspectionem, qua orator providet, ne doctrina vera sed difficilior perperam intelligatur; huc enim spectant illa : ea tantum impiorum oratio certo exauditur, qua veniam poscunt; eorum oratio Deo ingrata, donec voluntatem peccandi retinent; pia opera eorum mortua, non tamen inutilia.

Epilogus, in quo orator duo facit : 1. colligit ex dictis summum impiorum discrimen, ubi nota prosopopoeiam, qua daemones inducit dicentes : *Deus dereliquit eum, persequimini et comprehendite eum; quia non est qui criptat.* (Ps. 70, 11.) — 2. exaggerat stupiditatem, qua in hoc discrimine, ut vitulus marinus inter fluctus tempestatis, obdormiunt. Mirum non est, Sanctos in mediis vitae periculis securos requiescere, sed valde mirum est, *esse impios, qui ita securi sint, quasi justorum facta habeant.* (Eccle. 8, 14.)

PARS II.

Notandum. Segneri simplicem solet propositionem statuere, eamque in priori parte orationis probare. In altera parte longe breviori nunc adversa argumenta diluit, nunc doctrinae, quam probavit, usum ostendit, nunc eandem novo et ad perorandum idoneo argumento confirmat, nunc velut extra causam aliquid affert ad orationis finem perutile. — In hac igitur secunda parte

I. breviter ostendit, cur, qui peccat, mala, quae sibi inferit, non sentiat. Ratio est, quia haec mala menti, non corpori, inferuntur. Si sua cuique peccato poena corporalis esset, a peccato abstinere, (*enumeratio*); nunc autem cum poena animus afficit, accidit iis, quod David de se fatetur : *Ad nihilum redactus sum, et nescivi.* (Ps. 72, 21.) (*Nota similitudinem arcae, quae intacta manet, cum aurum in ea reclusum fulminis ictu consumitur.*)

II. Demonstrat, peccatum, etiamsi nulla nobis damna inferret, abhorrendum tamen esse, eo quod per illud Deus in nos summe beneficis injuria afficitur: *Exacerbastis eum, qui fecit vos, Deum aeternum.* (Bar. 4, 7.)

1. *Illustrat exemplo* S. Polycarpi, qui ante rogam constitutus, cum contumelia Christo simulate dicta liberare se posset: Octoginta, inquit, et sex annos illi jam servivi, et nullo me hactenus incommodo affecit, quomodo igitur regem meum... contumeliosis verbis possum afficere?

2. *Confirmat et amplificat* enumerando beneficia creationis, providentiae et redemptionis, in hunc modum: Christiani peccandi licentia Deum ut inimicum habent, a quo se ulciscantur. Quaerit igitur et instat orator, quo tandem pacto Deus tam male de iis meritis sit. a) Non certe creando illos et donis suis cumulando, (*enumeratio per figuram interrogationis*); b) neque immittendo aliquod hujus vitae incommodum; nam *flagella Domini ad emendationem et non ad perditionem* (Jud. 8, 27.); c) ergo superest, ut tum de illis male mereretur, cum pro eorum salute extrema passus crucem sustineret. (Nota in hoc praesantissimo loco figuras *expositionis*, *repetitionis* et inprimis *transitae*, qua orator felicissime audax evocat Christianos, ut a Christo se ulciscantur.)

PERORATIO. 1. Obsecrat, ut de culpis admissis doleant, et peccandi finem faciant. (Nota vim orationis dolore tenebrimo temperatam.) — 2. Quodsi a peccato se prohibere nolint, spondeant saltem, non eo in loco se peccaturos, ubi praesentia Dei beneficia ingrati animi crimen exprobrent. At quo ibunt, cum *miserericordia Domini plena sit terra.* (Ps. 32, 5.)

A. M. D. G.



YAG 2011602

INDEX.



PRAEFATIO.

PAG.
V

ARTIS DICENDI ELEMENTA.

| | |
|--|------------|
| I. <u>Definitio et divisio.</u> | 1 |
| <u>Quid sit ars dicendi, ejus finis et genera.</u> | <i>ib.</i> |
| II. <u>Quibus rebus dicendi facultas comparetur.</u> | 3 |
| <u>De natura, arte et exercitatione.</u> | <i>ib.</i> |
| III. <u>De gustu.</u> | 4 |
| <u>Gustui quae pulchri norma proposita sit.</u> | 5 |
| <u>Totius operis divisio.</u> | 6 |

ARTIS DICENDI PARS PRIMA.

DE STYLO IN UNIVERSUM.

| | |
|---|------------|
| <u>Quid sit stylus, et quae ejus virtutes.</u> | 7 |
| CAPUT I. <u>De prima styli virtute, sive de perspicuitate dicendi.</u> | 8 |
| <u>ART. I. De perspicuitate rerum.</u> | <i>ib.</i> |
| <u>I. De perspicua cogitatione.</u> | <i>ib.</i> |
| <u>De facultate dilucide cogitandi.</u> | 9 |
| <u>De recta rei meditatione.</u> | <i>ib.</i> |
| <u>II. De apta rerum copia et dispositione.</u> | 10 |
| <u>De ordine, et ejus dotibus.</u> | <i>ib.</i> |
| <u>ART. II. De perspicuitate verborum simplicium.</u> | 12 |
| <u>I. De verbis usitatis.</u> | <i>ib.</i> |
| <u>De verbis non usitatis, sive de vetustis, novatis et peregrinis.</u> | <i>ib.</i> |
| <u>II. De verbis propriis.</u> | 14 |
| <u>ART. III. De perspicuitate in verbis conjunctis.</u> | 16 |
| <u>Quae servanda et quae vitanda in verbis et sentiis conjungendis.</u> | <i>ib.</i> |
| CAPUT II. <u>De altera styli virtute, sive de ornatu in universum.</u> | 21 |
| <u>Quae res referantur ad ornatum.</u> | <i>ib.</i> |
| <u>Quid praestet et unde oriatur ornatus verborum.</u> | 23 |
| CAPUT III. <u>De ornatu ex ipso genere et conjunctione verborum.</u> | 24 |
| <u>ART. I. De selectu verborum.</u> | <i>ib.</i> |
| <u>ART. II. De ornatu ex conjunctione verborum.</u> | 25 |
| <u>De ordine in verbis collocandis.</u> | 26 |
| CAPUT IV. <u>De tropis.</u> | 28 |
| <u>ART. I. De metaphora et allegoria.</u> | 29 |
| <u>ART. II. De synecdoche et metonymia.</u> | 33 |



| | | |
|------------|--|-----|
| ART. III. | De ironia et hyperbola. | 35 |
| ART. IV. | De usu troporum. | 38 |
| CAPUT V. | De <i>figuris</i> . | 41 |
| ART. I. | De <i>figuris verborum</i> . | 42 |
| I. | <i>Figurae repetitionis</i> . | ib. |
| | 1. Repetitio simpliciter dicta; 2. Conversio; 3. Complexio; 4. Conduplicatio; 5. Traductio. | 43 |
| II. | <i>Synonymia</i> . | 44 |
| III. | <i>Expositio</i> . | 45 |
| IV. | <i>Polysyndeton</i> . — V. <i>Dissolutio</i> . — VI. <i>Antitheton</i> . | 46 |
| VII. | <i>Paronomasia</i> . — VIII. <i>Gradatio</i> . | 47 |
| IX. | <i>Correctio</i> . — X. <i>Adjunctio</i> . | 48 |
| XI. | <i>Disjunctio</i> . — XII. <i>Similiter eadens</i> . — XIII. <i>Similiter desinens</i> . — XIV. <i>Compar.</i> | 49 |
| ART. II. | De <i>figuris sententiarum</i> . | 50 |
| I. | <i>Interrogatio</i> . — II. <i>Responsio</i> . | ib. |
| III. | <i>Subiectio</i> . — IV. <i>Praeteritio</i> . | 51 |
| V. | <i>Concessio</i> . | 52 |
| VI. | <i>Communicatio</i> . — VII. <i>Dubitatio</i> . | 53 |
| VIII. | <i>Sustentatio</i> . — IX. <i>Paradoxum</i> . | 54 |
| X. | <i>Licentia</i> . — XI. <i>Ocupatio</i> . — XII. <i>Distributio</i> . | 55 |
| XIII. | <i>Reticentia</i> . — XIV. <i>Emphasis</i> . | 56 |
| XV. | <i>Hypotyposis</i> . | 57 |
| XVI. | <i>Ethopoeia</i> . — XVII. <i>Apostrophe</i> . | 58 |
| XIX. | <i>Prosopopoeia</i> . | 59 |
| XX. | <i>Exclamatio</i> . | 61 |
| XXI. | <i>Optatio</i> . — XXII. <i>Exsecratio</i> . — XXIII. <i>Obsecratio</i> . | 62 |
| ART. III. | De usu <i>figurarum</i> . | 63 |
| CAPUT VI. | De <i>nonnullis aliis ornamentis</i> . | 65 |
| ART. I. | De similitudine. | ib. |
| | Quibus modis fiat, et quae ejus sint dotes. | 66 |
| ART. II. | De sententia. | 68 |
| | De usu sententiarum. | 70 |
| ART. III. | De <i>periphrasi</i> . | ib. |
| | De usu <i>periphrasis</i> . | 71 |
| ART. IV. | De epithetis. | 72 |
| | Quomodo collocanda. | 73 |
| ART. V. | De transitione. | 74 |
| | Exempla transitionum. | 75 |
| CAPUT VII. | De <i>numero</i> . | 76 |
| | De sono verborum. | ib. |
| | De soni varietate. | 77 |
| | De vocum dimensione. | 78 |
| | De harmonia imitativa. | 80 |

| | | |
|-------------|---|------------|
| | De numerorum usu. | 82 |
| CAPUT VIII. | De <i>periodis</i> . | 83 |
| ART. I. | De periodi natura, partibus et generibus. | <i>ib.</i> |
| | Quid sit periodicon. | 85 |
| ART. II. | De artificio contexendae periodi. | 87 |
| § I. | De amplificatione periodi. | <i>ib.</i> |
| § II. | De compositione periodi. | 90 |
| § III. | De numero periodico. | 91 |
| § IV. | De usu periodorum. | 93 |
| CAPUT IX. | De proprietatibus styli, quae ad ornatum pertinent. | 94 |
| ART. I. | De varietate et novitate. | 95 |
| I. | De varietate — in rebus; de digressionem. | <i>ib.</i> |
| | De varietate in verbis. | <i>ib.</i> |
| II. | De novitate. Quae novitas non quaerenda, quae quaerenda. | 96 |
| ART. II. | De copia et brevitate. | 97 |
| I. | Copia ad quid valeat, et unde hauriatur. | <i>ib.</i> |
| II. | Quae brevis sit servanda in rebus et in sententiis et verbis. | 100 |
| | Quae vitia breviter dicenti sint cavenda. | 102 |
| | De brevi simplicitate in rebus magnis. | 103 |
| | Quomodo concilianda brevis cum copia. | 104 |
| CAPUT X. | De vitiis quae ex ornatus abusu nascuntur. | 105 |
| | De mala affectatione, sive de corrupto dicendi genere. | <i>ib.</i> |
| | De nimio cultu. | 106 |
| | De vitiosa superlatione. | 107 |
| | Exempla tumoris. | 109 |
| | Quare hoc vitium quibusdam placeat. | 110 |
| CAPUT XI. | De <i>tertia</i> styli virtute, sive de oratione <i>apta</i> . | 111 |
| ART. I. | De oratione <i>apta</i> generatim. | <i>ib.</i> |
| ART. II. | De triplice (tenui, medio et robusto) genere dicendi. | 112 |
| | Quae oratio et quae res sublimes. | 115 |
| CAPUT XII. | De exercitationibus artis dicendi. | 117 |
| | Quae in iis servanda. | <i>ib.</i> |
| ART. I. | De lectione. | 118 |
| | De lectione repetenda. | 120 |
| | Quomodo auctores sint judicandi. | <i>ib.</i> |
| ART. II. | De scriptione. | 121 |
| § I. | De scriptione generatim. | <i>ib.</i> |
| | Tria scriptionum genera. | <i>ib.</i> |
| | Quae generatim servanda sint ante scriptionem, in scriptione et post scriptionem. | 122 |
| § II. | De imitatione. | 124 |
| | Duo ejus genera; prioris generis qui modi, et posterioris quae species. | <i>ib.</i> |

| | | |
|-------------|---|------------|
| | Qui sint imitandi. | 127 |
| ART. III. | De declamatione. | 129 |
| | Ut declametur vel integra oratio scribitur, | 130 |
| | vel acri cogitatione comprehenditur, <i>ib.</i> | |
| | vel ex tempore dicitur. <i>ib.</i> | |
| | Quid de hac subita dictione, et quae in | |
| | ea servanda. <i>ib.</i> | |
| CAPUT XIII. | De <i>progymnasmatibus</i> . | 131 |
| ART. I. | De <i>chria</i> . | 132 |
| | Octo capita <i>chriae</i> . | <i>ib.</i> |
| | Exemplum <i>chriae</i> verbalis. | 134 |
| | Exemplum <i>chriae</i> liberae. | 137 |
| ART. II. | De <i>thesi</i> . | 139 |
| | Exemplum <i>thesis</i> . | <i>ib.</i> |
| ART. III. | De loco communi. | 141 |
| | Quae loci communis capita. | 142 |
| ART. IV. | De exemplo. | <i>ib.</i> |
| | Partes exempli tres. | 143 |

ARTIS DICENDI PARS ALTERA.

DE NONNULLIS ORATIONIS SOLUTAE GENERIBUS.

| | | |
|------------|--|------------|
| | Quatuor solutae orationis genera. | 144 |
| | Praeceptum commune generibus episto- | |
| | lari, historico et didascalico. <i>ib.</i> | |
| CAPUT I. | De <i>epistola</i> . | 145 |
| ART. I. | De <i>epistola</i> generatim. | <i>ib.</i> |
| | Quae sint argumenta <i>epistolae</i> . | <i>ib.</i> |
| | Qualis ejus dispositio et elocutio. | 146 |
| | De ejus virtutibus: convenientia, perspi- | |
| | cuitate, brevitate et venustate. <i>ib.</i> | |
| ART. II. | De aliquibus <i>epistolis</i> singillatim. | 148 |
| | I. De commendatione. | <i>ib.</i> |
| | II. De petitione. | <i>ib.</i> |
| | III. De gratulatione. | 149 |
| | IV. De consolatione. | <i>ib.</i> |
| | V. De monitione. | 150 |
| CAPUT II. | De <i>narratione</i> . | 151 |
| ART. I. | De <i>narratione</i> in universum. | <i>ib.</i> |
| | De veritate et probabilitate rerum. | <i>ib.</i> |
| | De <i>narrationis</i> unitate, ordine, brevitate | |
| | et suavitate. | 152 |
| ART. II. | De variis <i>narrationum</i> generibus. | 154 |
| | Variae divisiones. | <i>ib.</i> |
| | De <i>simplice</i> <i>narratione</i> . | 155 |
| | Exemplum <i>narrationis</i> simplicis. | <i>ib.</i> |
| | De <i>ampliore</i> <i>narratione</i> . | 156 |
| CAPUT III. | De <i>descriptione</i> . | 158 |

| | | |
|-----------|---|------------|
| ART. I. | De descriptione rerum. | 158 |
| | Exempla. | <i>ib.</i> |
| | Quomodo facienda descriptio rerum. | 160 |
| | Quis ejus usus. | 162 |
| ART. II. | De notatione morum. | <i>ib.</i> |
| | Exemplum. | 163 |
| | De ejus dotibus et elocutione. | <i>ib.</i> |
| CAPUT IV. | De <i>vitis</i> . | 164 |
| | Quorum vita scribenda. | <i>ib.</i> |
| | Quae res sint narrandae et qualiter. | 165 |
| CAPUT V. | De <i>historia</i> . | <i>ib.</i> |
| | Quae ejus genera. | <i>ib.</i> |
| | Fructus, leges et stylus historiae. | 166 |
| | De oratiunculis intextis, earum forma, elocutione et dotibus. | 167 |
| CAPUT VI. | De <i>dialogo</i> . | 169 |
| | Quae ejus genera. | <i>ib.</i> |
| | De tribus ejus partibus. | 170 |
| | Quae ejus elocutio. | 171 |
| | Qui mores colloquentium effingendi. | <i>ib.</i> |

ARTIS DICENDI PARS TERTIA.

DE ELOQUENTIA.

| | | |
|--|--|------------|
| | Quid sit eloquentia. | 172 |
| | Quae ejus praestantia. | 173 |
| | Quibus rebus nitatur, et quibus comparetur. | 174 |
| | Oratori imprimis necessaria probitas, peritia et doctrina. | <i>ib.</i> |
| | Quae sint partes rhetoricae. | 176 |

LIBER PRIMUS.

DE INVENTIONE.

| | | |
|-----------|---|------------|
| CAPUT I. | De iis quae oratori primum constituenda sunt. | 176 |
| ART. I. | De materia et quaestione. | <i>ib.</i> |
| | Genera quaestionis sunt <i>thesis</i> sive quaestio <i>infinita</i> , et <i>hypothesis</i> sive quaestio <i>finita</i> aut <i>causa</i> . | 177 |
| | Quae genera thesis et hypothesis. | <i>ib.</i> |
| | Quis harum quaestionum usus. | 178 |
| ART. II. | De fine et statu orationis. | <i>ib.</i> |
| ART. III. | De propositione. | 179 |
| | Quomodo sit una, definita, gravis et apta. | 180 |
| CAPUT II. | De argumentorum inventione generatim. | 182 |
| | Quid sint argumenta, et quomodo dividantur. | <i>ib.</i> |

| | | |
|------------|--|------------|
| | Ad invenienda argumenta causae agen- dae cognoscantur, et personae agentes sustineantur. | 182 |
| | Quid sint loci oratorii, et quae eorum genera. | 183 |
| CAPUT III. | De locis intrinsecis. | 184 |
| | Aliqua horum locorum divisio. | <i>ib.</i> |
| ART. I. | De definitione. | <i>ib.</i> |
| | Quibus modis fiat. | <i>ib.</i> |
| | Quis et qualis ejus usus. | 185 |
| ART. II. | De genere et specie. | 187 |
| | Qui ducantur argumenta a genere. | <i>ib.</i> |
| | Quid in hujus loci usu servandum | <i>ib.</i> |
| | Qui ducantur argumenta a specie. | 189 |
| ART. III. | De enumeratione partium. | <i>ib.</i> |
| | Quis ejus usus in argumentando et am- plificando. | <i>ib.</i> |
| ART. IV. | De notatione et conjugatis. | 190 |
| | Quomodo ex iis ducantur argumenta. | <i>ib.</i> |
| ART. V. | De causis et effectis | 191 |
| | De quatuor causarum generibus: de causa efficiente, fine, forma et materia. | <i>ib.</i> |
| | De totidem effectorum generibus. | 192 |
| | Quid in hujus loci usu servandum. | 193 |
| ART. VI. | De adjunctis. | <i>ib.</i> |
| | De quatuor adjunctorum generibus: perso- narum, rerum, locorum et temporum. | <i>ib.</i> |
| | Quid in dicendo valeant. | 194 |
| ART. VII. | De antecedentibus et consequentibus. | <i>ib.</i> |
| | Exempla. | 193 |
| ART. VIII. | De comparatione | 196 |
| | De comparatione a majori, a minori, a pari. | <i>ib.</i> |
| ART. IX. | De similitudine. | 197 |
| | Duplici modo argumenta a rerum simi- litudine ducuntur. | <i>ib.</i> |
| | Quomodo differat a comparatione. | 198 |
| | Quid de fabula et parabola. | <i>ib.</i> |
| ART. X. | De contrariis. | 199 |
| | Quis eorum usus in argumentando et amplificando. | <i>ib.</i> |
| CAPUT IV. | De locis extrinsecis. | 201 |
| | Divisio. — Agetur de locis omni elo- quentiae communibus. | <i>ib.</i> |
| ART. I. | De testimoniis. | <i>ib.</i> |
| | Duo testimoniorum genera: divina et hu- mana. | <i>ib.</i> |
| | De sensu communi. | 202 |

| | | |
|----------|---|------------|
| | De proverbiiis. | 202 |
| | Qui refutanda adversa auctoritas. | <i>ib.</i> |
| ART. II. | De exemplis. | 203 |
| | Quorum exempla adhibenda. | <i>ib.</i> |
| | Quomodo tractanda et eloquenda. | 204 |
| CAPUT V. | De usu locorum. | 205 |
| | Quid ad bonum usum requiratur. | <i>ib.</i> |
| | Quibus locis utendum, et quae ratio habenda sit argumentorum, quae ex locis eruuntur. | 206 |

LIBER SECUNDUS.

DE DISPOSITIONE.

| | | |
|------------|---|------------|
| | De <i>naturali</i> et <i>artificiosa</i> dispositione. | 207 |
| | In quibus rebus artificium disponendi cernatur, et quid valeat. | 208 |
| CAPUT I. | De exordio. | 209 |
| ART. I. | De officio exordii. | <i>ib.</i> |
| | Quomodo comparetur benevolentia, attentio et docilitas. | <i>ib.</i> |
| ART. II. | De variis exordiorum generibus. | 212 |
| | Quid sit exordium legitimum et ex abrupto. | <i>ib.</i> |
| ART. III. | De fontibus exordiorum. | 213 |
| | Quomodo exordia ducantur a visceribus causae, ab adjunctis, a rei expositione et ab illustrationibus. | <i>ib.</i> |
| ART. IV. | De virtutibus exordii. | 214 |
| | De proprietate, cura, verecundia et brevitate exordii. | <i>ib.</i> |
| CAPUT II. | De narratione. | 216 |
| | De duobus ejus generibus: narratione <i>proprie</i> et <i>improprie</i> dicta. | <i>ib.</i> |
| | Quid de usu narrationis. | 218 |
| CAPUT III. | De propositione. | 220 |
| | Quando et quomodo sit enuntianda. | <i>ib.</i> |
| | Quid faciendum si non declaratur. | <i>ib.</i> |
| CAPUT IV. | De divisione sive partitione. | 221 |
| ART. I. | De variis modis dividendi. | <i>ib.</i> |
| | Qui sint modi si composita est propositio, qui si simplex. | <i>ib.</i> |
| ART. II. | De dotibus partitionis. | 223 |
| ART. III. | De usu partitionis. | 224 |
| | An partitio semper sit necessaria, an nunquam. | 225 |
| | Quid de subdivisione. | 226 |

| | | |
|-----------|--|------------|
| CAPUT V. | De confirmatione. | 226 |
| ART. I. | De collocatione argumentorum. | 227 |
| | De triplice ratione collocandi. | <i>ib.</i> |
| | Unde sint aestimanda argumenta. | 228 |
| | De <i>logico</i> et <i>oratorio</i> ordine collocandi. | <i>ib.</i> |
| ART. II. | De tractandis argumentis generatim. | 230 |
| | Quae in tractatione oratori sint providenda, quae cavenda. | <i>ib.</i> |
| ART. III. | De argumentatione. | 232 |
| § I. | De formis argumentationis. | 233 |
| | I. De syllogismo. — II. De epicheremate. | <i>ib.</i> |
| | III. De enthymemate. — IV. De dilemmate. | 234 |
| | V. De sorite. | 235 |
| | VI. De inductione. | 236 |
| § II. | De usu argumentationum. | 237 |
| | Varii et multiplicis usus exempla. | <i>ib.</i> |
| | De usu artificiosae argumentationis. | 239 |
| | De usu expositionis. | 240 |
| | Quid de tractatione. | 241 |
| ART. IV. | De illustratione. | <i>ib.</i> |
| | Quot sint illustrationes, et qualiter iis utendum. | 242 |
| | De duplice genere digressionum. | <i>ib.</i> |
| | De duobus generibus facietiarum. | 243 |
| | Quid in earum usu servandum. | <i>ib.</i> |
| ART. V. | De amplificatione. | 244 |
| § I. | Qui motus sint excitandi. | <i>ib.</i> |
| | De moribus et de affectibus. | <i>ib.</i> |
| § II. | Quaenam ad ciendos motus sint generatim necessaria. | 246 |
| | Quid in ipso oratore. | <i>ib.</i> |
| | Quid de auditore. | 247 |
| § III. | Quomodo ipsa amplificatio instituenda sit. | 248 |
| | Duo genera amplificationis: <i>αὐξήσις</i> et <i>δείνωσις</i> . | 249 |
| | Exempla. | <i>ib.</i> |
| | De amplificatione verborum. | 250 |
| | De amplificatione rerum per congeriem, comparisonem, incrementum et rationationem. | 251 |
| § IV. | De usu amplificationis. | 252 |
| | Quis modus tenendus in peroratione et in reliqua oratione. | 253 |
| | Quid de subito motu. | <i>ib.</i> |
| | Quid de amplificatione, in qua plures motus miscentur. | 254 |
| | Exemplum. | <i>ib.</i> |
| CAPUT VI. | De confutatione. | 255 |
| ART. I. | Quando et ubi refutandum sit. | <i>ib.</i> |

| | | |
|-------------|--|------------|
| | Quo ordine. | 257 |
| ART. II. | De variis refutandi modis. | <i>ib.</i> |
| | Quomodo refutemus <i>negando</i> . | <i>ib.</i> |
| | Quomodo refutemus <i>distinguendo</i> . | 259 |
| | Quomodo refutemus <i>retorquendo</i> . | <i>ib.</i> |
| | De aliis modis refellendi. | <i>ib.</i> |
| | Quae in refutando cavenda. | 260 |
| CAPUT VII. | De peroratione. | 261 |
| | Quae ejus partes: enumeratio et amplificatio: quales esse debeant et quomodo instituendae. | <i>ib.</i> |
| CAPUT VIII. | De synopsi orationis. | 263 |
| | Tria ejus genera. Exemplum primi generis. | <i>ib.</i> |
| | Exemplum secundi et tertii generis. | 264 |
| | An semper sit facienda synopsis. | <i>ib.</i> |

LIBER TERTIUS.

DE ELOCUTIONE, MEMORIA ET PRONUNTIATIONE.

| | | |
|------------|---|------------|
| CAPUT I. | De elocutione. | 266 |
| | Quid de perspicuitate. | <i>ib.</i> |
| | Quid de ornatu. | 267 |
| | Quid de brevitate. | <i>ib.</i> |
| | Quid de apto (maxime, populari) genere dicendi. | 268 |
| | Quid sit faciendum, et quid vitandum ut oratio sit popularis. | <i>ib.</i> |
| CAPUT II. | De memoria. | 270 |
| | Quomodo colenda. | <i>ib.</i> |
| CAPUT III. | De pronuntiatione. | 272 |
| | Quid valeat. | <i>ib.</i> |
| | Quae praestare debeat. | 273 |
| ART. I. | De voce. | <i>ib.</i> |
| § I. | De pronuntiatione emendata et dilucida. | 274 |
| § II. | De pronuntiatione ornata. | 275 |
| | Pronuntiatio sit facilis, moderata, | 276 |
| | Sit varia (caveatur <i>μεροτομία</i> et cantus). | <i>ib.</i> |
| | Sit gravis. | 277 |
| ART. II. | De gestu. | 279 |
| § I. | De gestu generatim. | <i>ib.</i> |
| | Quid de capite, ore et oculis. | <i>ib.</i> |
| | Quid de brachiis et manibus. | 280 |
| | Quid de toto corpore. | 282 |
| § II. | De actione apta. | <i>ib.</i> |
| | Quid generatim servandum. | <i>ib.</i> |
| | Quid in diversis orationis partibus. | <i>ib.</i> |
| | Quid in gestu et voce. | 283 |

LIBER QUARTUS.

DE ELOQUENTIA SACRA.

| | | |
|------------|--|------------|
| | Quis finis eloquentiae sacrae. | 284 |
| | Quae ejus praesidia. | 285 |
| CAPUT I. | De argumento sacrae orationis. | 286 |
| | De argumentis quae etiam philosophia tradit. | <i>ib.</i> |
| | De argumentis quae religio christiana. | 287 |
| | De argumentis quae tradunt anni ecclesiastici tempora etc. | <i>ib.</i> |
| | Quid textus, et quomodo exponendus. | 288 |
| CAPUT II. | De locis eloquentiae sacrae propriis. | 289 |
| ART. I. | De Scriptura sacra. | <i>ib.</i> |
| | Quis ejus usus. | <i>ib.</i> |
| | De usu sensus litteralis, mystici et accommodatitii. | 290 |
| | Quae sententiae aut textus elegendi sint. | <i>ib.</i> |
| | De novem modis locum S. Scripturae uberius exponendi. — Exempla. | 291 |
| ART. II. | De Patribus et Theologia. | 293 |
| | Ex S. S. Patribus quinam potissimum legendi. | 294 |
| | Quid in usu Theologiae servandum. | 295 |
| ART. III. | De historia ecclesiastica et doctrina ascetica. | <i>ib.</i> |
| | Quae in usu historiae servanda. | <i>ib.</i> |
| | Quis usus ascetarum et concionatorum. | 296 |
| ART. IV. | De philosophia et aliis disciplinis profanis. | <i>ib.</i> |
| | Quid in usu cavendum. | 297 |
| CAPUT III. | De variis orationis sacrae generibus. | 298 |
| ART. I. | De genere didascalico. | <i>ib.</i> |
| | Quid in hoc genere fugiendum, quid praestandum. | <i>ib.</i> |
| | Quid de oratione morali. | <i>ib.</i> |
| | Quid de controversiis. | 299 |
| ART. II. | De genere exhortativo. | 300 |
| | Quid cavendum. | <i>ib.</i> |
| | De genere mixto, cum conjunguntur didascalicum et exhortativum. | <i>ib.</i> |
| ART. III. | De panegyrico. | 301 |
| § I. | De materia laudationis. | <i>ib.</i> |
| | Quomodo homines laudentur 1. ex iis, quae ante eos fuerunt, | 302 |
| | 2. ex iis, quae in iis ipsis, | <i>ib.</i> |
| | et 3. ex iis, quae post mortem locum habuerunt. | 303 |

INDEX.

411

| | | |
|----------|---|------------|
| § II. | De forma panegyrici. | 303 |
| | De propositione et dispositione. | 304 |
| | Quid advertendum, ut utamur apta forma et tractatione. | <i>ib.</i> |
| | Quid faciendum si pauca v. g. de Sancto aliquo nota sunt. | 305 |
| ART. IV. | De homilia. | 306 |
| § I. | De homilia simplice. | <i>ib.</i> |
| | Quid de exordio, expositione et conclusionem. | <i>ib.</i> |
| § II. | De homilia oratoria. | 307 |
| | Qui loci sint idonei ad talem tractationem. | <i>ib.</i> |

LIBER QUINTUS.

DE ELOQUENTIA CIVILI.

| | | |
|------------|--|------------|
| CAPUT I. | De locis eloquentiae civili propriis. | 309 |
| I. | De lege. — II. De prejudicio. | <i>ib.</i> |
| III. | De tabulis. — IV. De testibus. | 310 |
| V. | De iurejurando. — VI. De fama. — VII. De tormentis. | 311 |
| CAPUT II. | De genere judiciali. | 312 |
| | Quot genera quaestionum. | <i>ib.</i> |
| | Quid praestandum accusatori, quid defensori. | <i>ib.</i> |
| | De causae translatione, excusatione et deprecatione. | 313 |
| CAPUT III. | De genere deliberativo. | 314 |
| | Spectandum I. quid sit de quo deliberetur. | <i>ib.</i> |
| | II. qui sint, qui deliberent. | 315 |
| | et III. qui sit, qui suadeat. | 316 |
| | Quid de tractatione. | <i>ib.</i> |
| | Quid vitandum. | 317 |

ARTIS DICENDI PARS QUARTA.

DE POESI.

LIBER PRIMUS.

DE POESI IN UNIVERSUM.

| | | |
|----------|--|------------|
| CAPUT I. | De poësis natura, fine et causa. | 318 |
| | Quid sit poësis. | <i>ib.</i> |
| | Qui differat a prosa. | 319 |
| | Quis ejus <i>finis</i> , et quibus rebus obtineatur. | 320 |
| | Quae ejus <i>causa</i> efficiens. | 321 |
| | De natura, arte et exercitatione. | <i>ib.</i> |

| | | |
|------------|--|------------|
| CAPUT II. | De materia poësis. | 323 |
| | Num res singulae pulchrae esse debeant. | <i>ib.</i> |
| | Quae materia proxima. | 324 |
| CAPUT III. | De fictione poëtica. | <i>ib.</i> |
| | Fictio sit una, varia et aequabilis, | 325 |
| | Sit idealis. | 326 |
| | Sit nixa rerum natura, et verisimilis. | 327 |
| | Quid in argumento historico. | 328 |
| | Quid de mirabilibus. | <i>ib.</i> |
| CAPUT IV. | De dictione poëtica. | 329 |
| | Qui respondere debeat fictioni. | <i>ib.</i> |
| | De ornatu liberiore et licentiis poëticis. | <i>ib.</i> |
| | De imitatione rerum et morum. | 330 |
| | Quid praeterea sermoni poëtico proprium. | <i>ib.</i> |

LIBER SECUNDUS.

DE VARIIS POEMATIS SINGILLATIM.

| | | |
|------------|--|------------|
| | Quatuor poësis genera: lyricum, didacticum, epicum et dramaticum. — Divisio hujus libri. | 331 |
| CAPUT I. | De epigrammate et hendecasyllabo. | 332 |
| I. | Quid sit epigramma. | <i>ib.</i> |
| | De ejus propositione, illatione, artificio et elocutione. | <i>ib.</i> |
| II. | Quid sit hendecasyllabum. | 333 |
| | Exempla. | 334 |
| CAPUT II. | De fabula et parabola. | <i>ib.</i> |
| I. | Quid sit fabula. | <i>ib.</i> |
| | Qui sint ejus agentes, quae actio, doctrina et elocutio. | <i>ib.</i> |
| | Exemplum. | 336 |
| II. | Quid sit parabola. | <i>ib.</i> |
| CAPUT III. | De idyllio. | <i>ib.</i> |
| | Quae ejus materia, personae, forma et elocutio. | <i>ib.</i> |
| CAPUT IV. | De oda. | 338 |
| | Quae ejus genera. | <i>ib.</i> |
| | Quodnam praeceptum commune. | <i>ib.</i> |
| | Quae dispositio in principio et exitu; et quae in medio. | 339 |
| | Qualis ejus dictio. | <i>ib.</i> |
| | Quae alia odae divisio. | 341 |
| | De dithyrambo, cantico et oda simpliciter dicta. | <i>ib.</i> |
| CAPUT V. | De elegia. | 342 |
| | Quae ejus dispositio et dictio. | 343 |
| CAPUT VI. | De carmine didactico. | <i>ib.</i> |

| | | |
|--------------------|--|------------|
| | Quid toto carmine elucere debeat. | 343 |
| | Qui rerum selectus, quae dispositio et tractatio. | 344 |
| | Quid de digressionem. | 345 |
| CAPUT VII. | <u>De satyra et epistola.</u> | <u>346</u> |
| I. | <u>Quid sit satyra.</u> | <u>ib.</u> |
| | <u>Quae ejus materia, forma et elocutio.</u> | <u>ib.</u> |
| II. | <u>De epistola. — Quot genera, quae praecepta.</u> | <u>347</u> |
| CAPUT VIII. | <u>De narratione poetica.</u> | <u>ib.</u> |
| | <u>Quid in universum servandum.</u> | <u>ib.</u> |
| | <u>Quae ejus tractatio.</u> | <u>348</u> |
| | <u>Quid de descriptione.</u> | <u>ib.</u> |
| | <u>Quae ejus elocutio.</u> | <u>349</u> |
| CAPUT IX. | <u>De carmine heroico.</u> | <u>350</u> |
| | <u>Quis ejus finis.</u> | <u>ib.</u> |
| ART. I. | <u>De fabulae epicae dotibus.</u> | <u>ib.</u> |
| | <u>Fabula sit una, tota, verisimilis, justae amplitudinis, varia et admirabilis.</u> | <u>351</u> |
| ART. II. | <u>De epicae fabulae implicatione.</u> | <u>353</u> |
| | <u>De implicatione primaria et ejus solutione.</u> | <u>354</u> |
| | <u>Tria praesertim in solutione consideranda: ἀναγνώρισις, sine agnitio, machina et peripetia.</u> | <u>ib.</u> |
| ART. III. | <u>De personis epicis.</u> | <u>355</u> |
| | <u>Qualis debeat esse ipse heros, quales reliqui.</u> | <u>ib.</u> |
| | <u>Eorum mores sint veri aut verisimiles, boni, constantes ac varii.</u> | <u>356</u> |
| ART. IV. | <u>De carminis epici ingressu.</u> | <u>357</u> |
| | <u>De tribus, quae complectitur: propositione, invocatione et causa.</u> | <u>ib.</u> |
| ART. V. | <u>De narratione epica.</u> | <u>358</u> |
| | <u>Unde incipiendum sit.</u> | <u>ib.</u> |
| | <u>Quid de ordine.</u> | <u>359</u> |
| | <u>Quid de parte postrema.</u> | <u>ib.</u> |
| | <u>Quis sermo.</u> | <u>ib.</u> |
| CAPUT X. | <u>De tragoedia.</u> | <u>360</u> |
| ART. I. | <u>De tragoediae natura et fine.</u> | <u>ib.</u> |
| | <u>Quid sit drama, quid tragoedia.</u> | <u>ib.</u> |
| | <u>Quis ejus finis.</u> | <u>ib.</u> |
| ART. II. | <u>De fabulae tragicæ constitutione.</u> | <u>361</u> |
| | <u>Fabula sit illustris, vera, calamitosa et una.</u> | <u>362</u> |
| ART. III. | <u>De personis tragicis.</u> | <u>363</u> |
| | <u>Qualis primaria.</u> | <u>364</u> |
| | <u>Quid de plane innocente.</u> | <u>ib.</u> |
| | <u>Qualis adversaria persona.</u> | <u>365</u> |
| ART. IV. | <u>De partibus tragoediae.</u> | <u>ib.</u> |

| | | |
|-----------|---|-----|
| | Duplex ratio dividendae tragoediac. | 365 |
| § I. | De protasi, epitasi et catastrophe. | 366 |
| § II. | De actibus, scenis et choro. | 367 |
| ART. V. | De dialogis, monologis et spectaculis. | 369 |
| CAPUT XI. | De comoedia. | 370 |
| | Quid sit, quis ejus finis, qualis fabula, quae personae, quae implicatio, qui stylus. | 371 |
| | Quid de licentia. | 372 |

APPENDIX

EXHIBENS NONNULLARUM ORATIONUM SYNOPSES.

| | | |
|------|--|-----|
| I. | Demosthenis Philippica prima. | 373 |
| II. | Ejusdem de rebus Chersonesi oratio. | 377 |
| III. | Ciceronis oratio pro Milone. | 381 |
| IV. | Ejusdem oratio pro lege Manilia. (Vide pag. 263.) | |
| V. | Bossuet oratio de Virgine in coelum as- sumpta. | 387 |
| VI. | Bourdalous oratio de ambitione. | 391 |
| VII. | Segneri oratio de tristi statu peccantium. | 395 |



5
3
7
9
9
0

1
2

3
7
1

7
1
5





